

Namo tassa bhagavato arahato sammāsambuddhassa

## Dīghanikāye

### Sīlakkhandhavaggaṭīkā

#### Ganthārambhakathāvaṇṇanā

Samvaṇṇanārambhe ratanattayavandanā samvaṇṇetabbassa dhammassa pabhavanissayavisuddhipaṭivedanattam, tam pana dhammasamvaṇṇanāsu viññūnaṃ bahumānuppādanattam, tam sammadeva tesam uggahadhāraṇādikkamaladdhabbāya sammāpaṭipattiyā sabbahitasukhanipphādanattam. Atha vā maṅgalabhāvato, sabbakiriyāsu pubbakiccabhāvato, paṇḍitehi sammācaritabhāvato, āyatim paresam diṭṭhānugatiāpajjanato ca samvaṇṇanāyaṃ ratanattayapaṇāmakiriyā. Atha vā ratanattayapaṇāmakaraṇaṃ pūjanīyapūjāpuññavisesanibbattanattam, tam attano yathāladhasampattinimittakassa kammassa balānuppādanattam, antarā ca tassa asaṅkocanattam, tadubhayaṃ anantarāyena aṭṭhakathāya parisamāpanattam. Idameva ca payoṇaṃ ācariyena idhādhippetam. Tathā hi vakkhati – “iti me pasannamatino...pe... tassānubhāvenā”ti. Vatthuttayapūjā hi nirasayapuññakkhettsambuddhiyā aparimeyyappabhāvo puññātisayoti bahuvīdhanarāyepi lokasannivāse antarāyanibandhanasakalasaṃkilesaviddhamsanāya pahoti, bhayādiupaddavañca nivāreti. Yathāha –

“Pūjārahe pūjayato, buddhe yadi va sāvake”tiādi (dha. pa. 1.195; apa. 1.10.1), tathā –

“Ye bhikkhave buddhe pasannā, agge te pasannā. Agge kho pana pasannānaṃ aggo vipāko hoti”tiādi (a. ni. 4.34; itivu. 90).

“Buddhoti kittayantassa, kāye bhavati yā pīti;  
Vameva hi sā pīti, kaṣiṇenapi jambudīpassa.  
Dhammoti...pe... saṅghoti...pe... dīpassā”ti. (dī. ni. aṭṭha. 1.6);

Tathā –

“Yasmiṃ, mahānāma, samaye ariyasāvako tathāgataṃ anussarati, nevassa tasmim samaye rāgapariyuṭṭhitam cittaṃ hoti, na dosa...pe... na mohapariyuṭṭhitam cittaṃ hoti”tiādi (a. ni. 6.10; 11.11),

“Araññe rukkhamūle vā...pe...  
Bhayaṃ vā chambhitattam vā,  
Lomahaṃso na hessati”ti. (saṃ. ni. 1.249) ca

Tattha yassa vatthuttayassa vandanam kattukāmo, tassa guṇātisayayogasandassanattam “**karuṇāsītalahadaya**”ntiādinā gāthattayamāha. Guṇātisayayogena hi vandanārahabhāvo, vandanārahe ca katā vandanā yathādhippetappayojanam sādhetīti. Tattha yassā desanāya samvaṇṇanam kattukāmo, sā na vinayadesanā viya karuṇāppadhānā, nāpi abhidhammadesanā viya paññāppadhānā, atha kho karuṇāpaññāppadhānāti tadubhayappadhānameva tāva sammāsambuddhassa thomanam kātuṃ tammulakattā sesaratanānam “karuṇāsītalahadaya”ntiādi vuttam.

Tattha kiratīti karuṇā, paradukkham vikkhipati, apānetīti attho. Atha vā kiṇātīti karuṇā, paradukkhe sati kāruṇikam hiṃsati, vibādhatīti attho, paradukkhe sati sādhuṇam kampanam hadayakhedaṃ karotīti vā karuṇā. Atha vā kamiti sukham, tam rundhatīti karuṇā. Esā hi paradukkāpanayanakāmatālakkaṇā, attasukhanirapekkhatāya kāruṇikānam sukham rundhati vibandhatīti. Karuṇāya sītalam karuṇāsītalam, karuṇāsītalam hadayaṃ assāti karuṇāsītalahadayo, tam **karuṇāsītalahadayaṃ**. Tattha kiñcāpi paresam hitopasaṃhārasukkhādiaparihānicchanasabhāvātāya, byāpādaratīnam ujuvipaccanīkatāya ca sattasantānagatasantāpavicchedanākārappavattiyā mettāmoditānampi cittaśītalabhāvākāraṇatā upalabbhati, tathāpi dukkhāpanayanākārappavattiyā parūpatāpāsahanarasā avihimsābhūtā karuṇā visesena bhagavato cittassa cittaṃpassaddhi viya sītībhāvanimittanti vuttam “**karuṇāsītalahadaya**”nti. Karuṇāmukhena vā mettāmoditānampi hadayasītalabhāvākāraṇatā vuttatī daṭṭhabbam.

Atha vā asādhāraṇāñānavisesanibandhanabhūtā sātisayam niravasesaṅca sabbaññūtaññānam viya savisayabyāpitāya mahākaruṇābhāvaṃ upagatā karuṇāya bhagavato atisayena hadayasītalabhāvahetūti āha “**karuṇāsītalahadaya**”nti. Atha vā satipi mettāmoditānam sātisaye hadayasītibhāvanibandhanatte sakalabuddhaguṇavisesakāraṇatāya tāsampi kāraṇanti karuṇāya bhagavato hadayasītalabhāvākāraṇam vuttā. Karuṇānidānā hi sabbepi buddhaguṇā. Karuṇānubhāvanibbāpiyamānasasārādukkhasantāpassa hi bhagavato paradukkāpanayanakāmatāya anekānīpi asaṅkheyyāni kappānam akilantarūpasseva niravasesabuddhakaradhammasambharaṇāniyatassa

samadhigatadhammādhipeyyassa ca sannihitesupi sattanākhārasamupanītahadayūpatāpanimittesu na īsakampi cittasītibhāvassaññathattamahosīti. Etasmiñca atthavikappe tīsupi avatthāsu bhagavato karuṇā saṅgahitāti daṭṭhabbam.

Pajānātīti paññā, yathāsabhāvaṃ pakārehi paṭivijjhatīti attho. Paññāva ñeyyāvaraṇappahānato pakārehi dhammasabhāvāvajotanaṭṭhena pajjototi paññāpajjoto, savāsanappahānato visesena hataṃ samugghātitaṃ vihatam, paññāpajjotena vihatam paññāpajjotavihatam. Muhyanti tena, sayam vā muyhati, mohanamattameva vā tanti moho, avijjā, sveva visayasabhāvapaṭicchādanato andhakārasarikkhatāya tamo viyāti tamo, paññāpajjotavihato mohatamo etassāti paññāpajjotavihatamohatamo, tam **paññāpajjotavihatamohatamaṃ**. Sabbesampi hi khīṇāsavānaṃ satipi paññāpajjotena avijjāndhakārassa vihatabhāve saddhādhimuttehi viya diṭṭhippattānaṃ sāvakehi, paccekasambuddehi ca savāsanappahānena sammāsambuddhānaṃ kilesappahānassa viseso vijjatīti sātīsayena avijjāppahānena bhagavantaṃ thomento āha “**paññāpajjotavihatamohatama**”nti.

Atha vā antarena paropadesaṃ attano santāne accantaṃ avijjāndhakāravigamassa nibbattitattā, tattha ca sabbaññūtāya, balesu ca vasībhāvassa samadhigatattā, parasantatiyañca dhammadesanāṭīsayānubhāvena sammadeva tassa pavattitattā bhagavāya visesato mohatamavigamena thometabboti āha “**paññāpajjotavihatamohatama**”nti. Imasmiñca atthavikappe “**paññāpajjoto**”ti padena bhagavato paṭivedhapaññā viya desanāpaññāpi sāmāññaniddesena ekasesanayena vā saṅgahitāti daṭṭhabbam.

Atha vā bhagavato ñāṇassa ñeyyapariyantikattā sakalañeyyadhammasabhāvābodhanasamatthena anāvaraṇañāṇasañkhātena paññāpajjotena sabbañeyyadhammasabhāvāvacchādakassa mohandhakārassa vidhamitattā anaññasādhāraṇo bhagavato mohatamavināso katvā vuttaṃ “**paññāpajjotavihatamohatama**”nti. Ettha ca mohatamavidhamanante adhigatattā anāvaraṇañāṇaṃ kāraṇūpacārena sakasantāne mohatamavidhamanaṃ daṭṭhabbam. Abhinīhārasampattiyā savāsanappahānameva hi kilesānaṃ “ñeyyāvaraṇappahāna”nti, parasantāne pana mohatamavidhamanassa kāraṇabhāvato anāvaraṇañāṇaṃ “mohatamavidhamana”nti vuccatīti.

Kiṃ pana kāraṇaṃ avijjāviggahō yeveko pahānasampattivasena bhagavato thomanānimittaṃ gayhati, na pana sātīsayaniravasesakilesappahānanti? Tappahānavacaneneva tadekaṭṭhatāya sakalasaṃkilesagaṇasamugghātajotitabhāvato. Na hi so tādiso kilesa atthi, yo niravasesaavijjāppahānena na pahīyātīti. Atha vā vijjā viya sakalakusaladhammasamuppattiyā niravasesākusaladhammanibbattiyā, saṃsārapavattiyā ca avijjā padhānakāraṇanti tabbigghātavacanena sakalasaṃkilesagaṇasamugghāto vuttoyeva hotīti vuttaṃ “**paññāpajjotavihatamohatama**”nti.

Narā ca amarā ca narāmarā, saha narāmarehīti sanarāmaro, sanarāmaro ca so loko cāti sanarāmaraloko, tassa garuti sanarāmaralokagaru, tam **sanarāmaralokagaruṃ**. Etena devamanussānaṃ viya tadavasiṭṭhasattānampi yathārahaṃ guṇavisesāvahato bhagavato upakāritaṃ dasseti. Na cettha padhānāpadhānabhāvo codetabbo. Añño hi saddakkamo, añño atthakkamo. Edisesu hi samāsapadesu padhānampi appadhānaṃ viya niddisīyati yathā – “sarājikāya parisāyā”ti (apa. aṭṭha. 1.82). Kāmañcettha sattanākhārābhājanavasena tividho loko, garubhāvassa pana adhippetattā garukaraṇasamatthasaveva yujjanato sattalokassavasena attho gahetabbo. So hi lokiyanti ettha puññāpāpāni tabbipāko cāti “loko”ti vuccati. Amaraggahaṇena cettha upapattidevā adhippetā.

Atha vā samūhattho loka-saddo samudāyavasena lokīyati paññāpīyātīti. Saha narehīti sanarā, sanarā ca te amarā ceti sanarāmarā, tesam lokoti sanarāmaralokoti purimanayeneva yojetabbam. Amara-saddena cettha visuddhīdevāpi saṅgayhanti. Te hi maraṇābhāvato paramatthato amarā. Narāmarānaṃyeva ca gahaṇaṃ ukkaṭṭhaniddesavasena, yathā – “sattā devamanussāna”nti (dī. ni. 1.157). Tathā hi sabbānatthaparīharaṇapubbaṅgamāya niravasesahitasukhavīdhanatapparāya niratisāyāya payogasampattiyā sadevamanussāya pajāya accantupakāritāya, aparimitanirupamappabhāvaguṇavisesasamaṅgītāya ca sabbasattuttamo bhagavā aparimāṇāsu lokadhātūsu aparimāṇaṃ sattānaṃ uttamaṃ gāraṇatthānaṃ, tena vuttaṃ – “**sanarāmaralokagaru**”nti.

Sobhanaṃ gataṃ gamaṇaṃ etassāti **sugato**. Bhagavato hi veneyyajanupasaṅkamaṇaṃ ekantena tesam hitasukhanippādanato sobhanaṃ, tathā lakkhaṇānubyañjana (dī. ni. 2.33; 3.198-200; ma. ni. 2.385, 386) paṭimaṅḍitarūpakāyatāyadutavilambita- khalitānukaḍḍhananippīlanukkuṭīkakuṭīlākulatādidosarahitaṃ vilāsitarājahaṃsavasabhāvāraṇamīgarājagamaṇaṃ kāyagamaṇaṃ ñāṇagamaṇaṃ vipulanimmalakarūṇasativīriyādiguṇavisesasahitamabhinīhāro yāva mahābodhi anavajjatāya sobhanevāti.

Atha vā sayambhuñāṇena sakalampi lokaṃ pariññābhisamayavasena pariñānanto ñāṇena sammā gato avagatoti **sugato**. Tathā lokasamudayaṃ pahānābhisamayavasena pajahanto anuppattidhammataṃ āpādentō sammā gato aṭṭoti **sugato**. Lokanīrodhaṃ nibbānaṃ sacchikiriyābhisamayavasena sammā gato adhigatoti **sugato**. Lokanīrodhagāminīpaṭipadaṃ bhāvanābhisamayavasena sammā gato paṭipannaṃti **sugato**. Sotāpattimaggena ye kilesā pahīnā, te kilese na puneti, na pacceti, na paccāgacchātīti **sugatoti**ādinā nāyena ayamattho vibhāvetabbo. Atha vā sundaraṃ thānaṃ sammāsambodhiṃ nibbānameva vā gato adhigatoti **sugato**. Yasmā vā bhūtaṃ tacchaṃ atthasañhitam vineyyānaṃ yathārahaṃ kālayuttameva ca dhammaṃ bhāsati, tasmā sammā gadatīti **sugato**, da-kārassa ta-kāraṃ katvā. Iti sobhanagamaṇatādīhi sugato, tam **sugataṃ**.

Puññapāpakammehi upapajjanavasena gantabbato gatiyo, upapattibhavavisesā. Tā pana nirayādivasena pañcavidhā, tāhi sakalassāpi bhavagāmikammassa ariyamaggadhigamena avipākārahabhāvakarāṇena nivattitattā bhagavā pañcahipi gatīhi suṭṭhu mutto visamuyuttoti āha – “**gatvivimutta**”nti. Etena bhagavato katthacipi gatiyā apariyāpannatam dasseti, yato bhagavā “devātidevo”ti vuccati, tenevāha –

“Yena devūpapatyassa, gandhabbo vā vihaṅgamo;  
Yakkhattam yena gaccheyyam, manussattañca abbaje;  
Te mayham āsavā khīṇā, viddhastā vinaḷikata”ti. (a. ni. 4.36);

Tamtamgatisamvattanakānañhi kammakilesānam aggamaggena bodhimūleyeva suppahīnattā natthi bhagavato gatipariyāpannatāti accantameva bhagavā sabbabhavayonigativinñāṇaṭṭhitisattāvāsasattanikāyehi suparimutto, tam **gatvivimuttam**. **Vandeti** namāmi, thomemīti vā attho.

Atha vā **gatvivimuttanti** anupādisesanibbānadhātuppattiyā bhagavantam thometi. Ettha hi dvīhākārehi bhagavato thomanā veditabbā – attahitasampattito, parahitapaṭipattito ca. Tesu attahitasampatti anāvaraṇañāṇadhigamato, savāsānānam sabbesaṃ kilesānam accantappahānato, anupādisesanibbānappattito ca veditabbā. Parahitapaṭipatti lābhasakkārādinirapekkhacittassa sabbadukkhanīyānikadhammadesanāto, viruddhesupi niccam hitajjhāsayato, nīṇaparipākakālāgamanato ca. Sā panettha āsayato payogato ca duvidhā parahitapaṭipatti, sammā gadanattena sugata-saddena pakāsītā hoti. Katham? “Karūṇāsītalahadaya”nti etena āsayato parahitapaṭipatti, sammā gadanattena sugata-saddena payogato parahitapaṭipatti, “paññāpajjotavihatamohatamaṃ gatvivimutta”nti etehi catusaccapaṭivedhatthena ca sugata-saddena tividhāpi attahitasampatti, avasiṭṭhena, “paññāpajjotavihatamohatama”nti etena ca sabbāpi attahitasampattiparahitapaṭipatti pakāsītā hotīti.

Atha vā tīhākārehi bhagavato thomanā veditabbā – hetuto, phalato, upakārato ca. Tattha **hetu** mahākaruṇā, sā paṭhamapadena nidassitā. **Phalam** catubbidham – nīṇasampadā, pahānasampadā, ānubhāvasampadā, rūpakāyasampadā cāti. Tāsu nīṇappahānasampadā dutiyapadena saccapaṭivedhatthena ca sugata-saddena pakāsītā honti. Ānubhāvasampadā tatiyapadena, rūpakāyasampadā yathāvuttakāyagamanasobhanatthena sugata-saddena, lakkhaṇānubyañjanaparipūriyā (dī. ni. 2.33; 3.198-200; ma. ni. 2.385-386) vinā tadabhāvato. **Upakāro** antaram abhīram karitvā tividhayānamukhena vimuttidhammadesanā, so sammā gadanattena sugata-saddena pakāsīto hotīti veditabbam.

Tattha “karūṇāsītalahadaya”nti etena sammāsambodhiyā mūlam dasseti. Mahākaruṇāsañcoditamānaso hi bhagavā saṃsārapaṅkato sattānam samuddharaṇattham katābhinihāro anupubbena pāramiyo pūretvā anuttaram sammāsambodhim adhigatoti karuṇā sammāsambodhiyā mūlam. “Paññāpajjotavihatamohatama”nti etena sammāsambodhim dasseti. Anāvaraṇañāṇapadaṭṭhānañhi maggañānam, maggañānapadaṭṭhānañca anāvaraṇañāṇam “sammāsambodhi”ti vuccatīti. Sammā gadanattena sugata-saddena sammāsambodhiyā paṭipattiṃ dasseti, līnuddhaccapaṭiṭṭhānāyūhanakāmasukhallikattakilamathānuyoga- sassatucchedābhinivesādiantadvayarahitāya karuṇāpaññāpariggahitāya majjhimāya paṭipattiyā pakāsānato sugata-saddassa. Itarehi sammāsambodhiyā padhānāppadhānabhedam payojanam dasseti. Saṃsāramahoghatto sattasantāraṇaṅcetha padhānam payojanam, tadaññamappadhānam. Tesu padhānena parahitapaṭipattiṃ dasseti, itarena attahitasampattiṃ, tadubhayena attahitāya paṭipannādisu (pu. pa. 24, 173) catūsu puggalesu bhagavato catutthapuggalabhāvam dasseti. Tena ca anuttaradakkhiṇeyyabhāvam uttamavandanīyabhāvam, attano ca vandanakiriyaṃ khettaṅgatabhāvam dasseti.

Ettha ca karuṇāggahaṇena lokiyesu mahaggatabhāvappattāsādhāraṇaguṇadīpanato bhagavato sabbalokiyaguṇasampatti dassitā hoti, paññāggahaṇena sabbaññūtaññānapadaṭṭhānamaggañāṇadīpanato sabbalokuttaraguṇasampatti. Tadubhayaggahaṇasiddho hi attho “sanarāmaralokagaru”ntiādinā vipaṅciyatīti. Karuṇāggahaṇena ca upagamanam nirupakkilesam dasseti, paññāggahaṇena apagamanam. Tathā karuṇāggahaṇena lokasamaññānurūpam bhagavato pavattiṃ dasseti, lokavohāraṇasayattā karuṇāya, paññāggahaṇena samaññāyānavidhāvanam. Sabhāvanavabodhena hi dhammānam samaññam atidhāvītvā sattādīparāmasanam hotīti. Tathā karuṇāggahaṇena mahākaruṇāsamāpattivihāram dasseti, paññāggahaṇena tīsu kālesu appaṭihatañānam, catusaccañānam, catuppaṭisambhidāñānam, catuvessarājjañānam. Karuṇāggahaṇena mahākaruṇāsamāpattiñāṇassa gahitattā sesāsādhāraṇañāṇāni, cha abhiññā, aṭṭhasu parisāsu (ma. ni. 1.151) akampanañāṇāni, dasa balāni, cuddasa buddhañāṇāni, soḷasa nīṇacariyā, aṭṭhārasa buddhadhammā, (dī. ni. aṭṭha. 3.305; vibha. mūla. 1. ganthārambhavaṇṇāyā) catucattārisa nīṇavatthūni, (saṃ. ni. 2.34) sattasattati nīṇavatthūnīti (saṃ. ni. 2.34) evamādīnam anekesaṃ paññāppabhedānam vasena nīṇacāram dasseti.

Tathā karuṇāggahaṇena caraṇasampattiṃ, paññāggahaṇena vijjāsampattiṃ. Karuṇāggahaṇena sattādhipatitā, paññāggahaṇena dhammādhipatitā. Karuṇāggahaṇena lokanāthabhāvo, paññāggahaṇena attanāthabhāvo. Tathā karuṇāggahaṇena pubbakāribhāvo, paññāggahaṇena kataññūtā. Tathā karuṇāggahaṇena aparantapatā, paññāggahaṇena anattantapatā. Karuṇāggahaṇena vā buddhakaradhammasiddhi, paññāggahaṇena buddhabhāvasiddhi. Tathā karuṇāggahaṇena paresam tāraṇam, paññāggahaṇena sayam tāraṇam. Tathā karuṇāggahaṇena sabbasattesu anuggahacittatā, paññāggahaṇena sabbadhammesu virattacittatā dassitā hoti. Sabbesañca buddhaguṇānam karuṇā ādi, tannidānabhāvato. Paññā pariyoṣānam, tato uttarikaraṇīyabhāvato. Iti ādīpariyoṣānadassanena sabbe buddhaguṇā dassitā honti. Tathā

karuṇāggahaṇena sīlakkhandhapubbaṅgamo samādhikkhandho dassito hoti. Karuṇānidānañhi sīlaṃ, tato paṇātipātādiviratippavattito, sā ca jhānattayasampayoginīti. Paññāvacaṇena paññākkhandho. Sīlaṇca sabbabuddhaguṇānamādi, samādhī majjhe, paññā pariyoṣānanti. Evampi ādimajjhapariyoṣānakalyāṇā sabbe buddhaguṇā dassitā honti, nayato dassittā. Eso eva hi niravasesato buddhaguṇānaṃ dassanupāyo, yadidaṃ nayaggāhaṇaṃ. Aññiathā ko nāma samatto bhagavato guṇe anupadaṃ niravasesato dassetuṃ. Tenevāha –

“Buddhōpi buddhassa bhāṇeyya vaṇṇaṃ,  
Kappampi ce aññaṃabhāsamāno;  
Khīyetha kappo ciradīghamantare,  
Vaṇṇo na khīyetha tathāgatassā”ti. (dī. ni. aṭṭha. 1.304; dī. ni. aṭṭha. 3.141; ma. ni. aṭṭha. 3.425, udā. aṭṭha. 53; bu. vaṃ. aṭṭha. 4.4; cariyā. aṭṭha. nidānakathāyaṃ, pakiṇṇakathāyaṃ; apa. aṭṭha. 2.6.20);

Teneva ca āyasmatā sāriputtatharenāpi buddhaguṇaparicchedanaṃ pati anuyuttēna “no hetama bhante”ti (dī. ni. 2.145) paṭikkhipitvā, “api ca me bhante dhammanvayo vidito”ti (dī. ni. 2.146) vuttaṃ.

Evama saṅkhepena sakalasabbaññuguṇehi bhagavantaṃ abhithavitvā idāni saddhammaṃ thometuṃ “**buddhōpi**”tiādimāha. Tatha **buddhō**ti kattuniddeso. **Buddhabhāvanti** kammaniddeso. **Bhāvetvā, sacchikatvā**ti ca pubbakālakiriyāniddeso. **Yanti** aniyamato kammaniddeso. **Upagatoti** aparakālakiriyāniddeso. **Vandeti** kiriyāniddeso, **tanti** niyamaṃ. **Dhammanti** vandanakiriyāya kammaniddeso. **Gatamalaṃ, anuttaranti** ca tabbisesanaṃ.

Tatha buddha-saddassa tāva “bujjhītā saccānīti buddho, bodhetā pajāyāti buddho”tiādinā (mahāni. 192; cūlani. 95-97; paṭi. ma. 1.162) niddesanayena attho veditabbo. Atha vā savāsānāya aññāṇaniddāya accantavigamato, buddhiyā vā vikasitabhāvato buddhavāti **buddho**, jāgaraṇavikasanatthavasena. Atha vā kassaciṇi ñeyyadhammassa anavabuddhassa abhāvena ñeyyavisesassa kammabhāvena aggahaṇato kammavacanicchāya abhāvena avagamanatthavaseneva kattuniddeso labbhatīti buddhavāti buddho, yathā “dikkhito na dadātī”ti, atthato pana pāramitāparibhāvito sayambhūñāṇena saha vāsānāya vihataviddhastaniravasesakileso mahākaruṇāsabbaññūtaññāñādiaparimeyya guṇagaṇādhāro khandhasantāno buddho. Yathāha –

“Buddhōti yo so bhagavā sayambhū anācariyako pubbe ananussutesu dhammesu sāmama saccāni abhisambujjhi,  
tatha ca sabbaññutaṃ patto, balesu ca vasībhāva”nti (mahāni. 192; cūlani. 95-97; paṭi. ma. 1.162).

**Api**-saddo sambhāvane, tena “evama guṇavisesayutto sopi nāma bhagavā”ti vakkhamānaguṇe dhamme sambhāvanaṃ dīpeti. **Buddhabhāvanti** sammāsambodhiṃ. **Bhāvetvā**ti uppādetvā, vaḍḍhetvā ca. **Sacchikatvā**ti paccakkhama katvā. **Upagatoti** patto, adhigatoti attho, etassa “buddhabhāva”nti etena sambandho. **Gatamalaṃ**ti vigatamalaṃ, niddosanti attho. **Vandeti** paṇamaṃ, thomeṃ vā. **Anuttaranti** uttararahitaṃ, lokuttaranti attho. **Dhammanti** yathānusiṭṭhaṃ paṭipajjamāne apāyato ca, saṃsārato ca apatamāne katvā dhārayatīti dhammo.

Ayañhettha saṅkhepattho – evama vividhaguṇasamannāgato buddhōpi bhagavā yaṃ ariyasaṅkhātama dhammaṃ bhāvetvā, phalaṇibbānasaṅkhātama pana sacchikatvā anuttaraṃ sammāsambodhiṃ adhigato, tametaṃ buddhānampi buddhabhāvahetubhūtaṃ sabbadosamalarahitaṃ attano uttaritārbhāvena anuttaraṃ paṭivedhasaddhammaṃ namāmīti. Pariyattisaddhammassāpi tappakāsanattā idha saṅgaho daṭṭhabbo. Atha vā “abhidhammanayasamuddama bhāvetvā adhigacchi, tīṇi piṭakāni sammasī”ti ca aṭṭhakathāyaṃ vuttattā pariyaṭṭidhammassāpi sacchikiriyāsammasanapariyāyo labbhatīti sopi idha vutto yevāti daṭṭhabbo. Tathā “yaṃ dhammaṃ bhāvetvā, sacchikatvā”ti ca vuttattā buddhakaradhammabhūtāhi pāramitāhi saha pubbabhāge adhisīlasikkhādayopi idha dhamma-saddena saṅgahitāti veditabbā. Tāpi hi vigatapāṭipakkhatāya vigatamalaṃ, anaññasādhāraṇatāya anuttarā cāti. Tathā hi sattānaṃ sakalavaṭṭadukkhaniṣṣaraṇāya katamahābhinihāro mahākaruṇādhivāsapesalajjhāsāyo paññāvisesapariyodātanimmalaṇaṃ dānadamasaññamādīnaṃ uttamadhammaṇaṃ sataśasādhikāni kappānaṃ cattāri asaṅkheyyāni sakkaccaṃ niraṇtaraṃ niravasesama bhāvanāpaccakkhakaṇehi kammādīsū adhigatavasībhāvo, acchariyācinteyyamahānubhāvo, adhisīlaadhicittānaṃ paramukkaṃsapāramippatto bhagavā paccayākāre catuṃsatikoṭisatasahasasamukhena mahāvajiraññaṃ pesetvā anuttaraṃ sammāsambodhiṃ abhisambuddhōti.

Ettha ca “bhāvetvā”ti etena vijjāsampadāya dhammaṃ thometi, ‘sacchikatvā’ti etena vimuttisampadāya. Tathā paṭhamena jhānasampadāya, dutiyena vimokkhasampadāya. Paṭhamena vā samādhisampadāya, dutiyena samāpattisampadāya. Atha vā paṭhamena khayaññābhāvena, dutiyena anuppādaññābhāvena. Purimena vā vijjūpamatāya, dutiyena vajirūpamatāya. Purimena vā virāgasampattiyā, dutiyena nirodhasampattiyā. Tathā paṭhamena niyyānabhāvena, dutiyena niṣaraṇabhāvena. Paṭhamena vā hetubhāvena, dutiyena asaṅkhatabhāvena. Paṭhamena vā dassanabhāvena, dutiyena vivekabhāvena. Paṭhamena vā adhipatibhāvena, dutiyena amatabhāvena dhammaṃ thometi. Atha vā “yaṃ dhammaṃ bhāvetvā buddhabhāvaṃ upagato”ti etena svākkhātāya dhammaṃ thometi, “sacchikatvā”ti etena sandiṭṭhikatāya. Tathā purimena akālikatāya, pacchimena ehipassikatāya. Purimena vā opaneyyikatāya, pacchimena paccattaṃ veditabbatāya dhammaṃ thometi.

“Gatamala”nti iminā saṃkilesābhāvādīpanena dhammassa parisuddhataṃ dasseti, “anuttara”nti etena aññassa viṣiṭṭhassa abhāvādīpanena vipulaparipuṇṇataṃ. Paṭhamena vā pahānasampadaṃ dhammassa dasseti, dutiyena pabhāvasampadaṃ. Bhāvetabbatāya vā dhammassa gatamalahāvo yojetabbo. Bhāvanāguṇena hi so dosānaṃ samugghātako hotīti. Sacchikātabbhāvena anuttarabhāvo yojetabbo. Sacchikiriyānibbattito hi taduttarikaṇṭīyābhāvato anaññāsādhāraṇatāya anuttaroti. Tathā “bhāvetvā”ti etena saha pubbabhāgasīlādīhi sekkhā sīlasamādhīpaññākkhandhā dassitā honti, “sacchikatvā”ti etena saha asaṅkhatāya dhātuyā asekkhā sīlasamādhīpaññākkhandhā dassitā hontīti.

Evam saṅkhepeveva sabbadhammaguṇehi saddhammaṃ abhithavitvā, idāni ariyasaṅghaṃ thometuṃ “**sugatassā**”tiādimāha. Tattha **sugatassā**ti sambandhaniddeso, tassa “puttāna”nti etena sambandho. **Orasānanti** puttavisesanaṃ. **Mārasenamathanānanti** orasaputtabhāve kāraṇaniddeso, tena kilesappahānameva bhagavato orasaputtabhāvākāraṇaṃ anujānātīti dasseti. **Aṭṭhannanti** gaṇanaparicchedaniddeso, tena ca satipi tesam sattavisesabhāvena anekasatasahassasaṅkhyabhāve imaṃ gaṇanaparicchedaṃ nātivattantīti dasseti, maggaṭṭhaphalaṭṭhabhāvānativattanato. **Samūhanti** samudāyaniddeso. **Ariyasaṅghanti** guṇaviṣiṭṭhasaṅghātabhāvaniddeso, tena asatipi ariyapuggalaṇaṃ kāyasāmaggiyaṃ ariyasaṅghabhāvaṃ dasseti, diṭṭhisīlasāmaññena saṃhatabhāvato. Tattha urasi bhavā jātā, saṃvaddhā ca orasā. Yathā hi sattānaṃ orasaputtā attajātātāya pitusantakassa dāyājassa visesena bhāgino honti, evametepe ariyapuggalā sammāsambuddhassa savanante ariyāya jātiyā jātātāya bhagavato santakassa vimuttisukhassa, ariyadhammaratanassa ca ekantabhāginoti orasā viya **orasā**. Atha vā bhagavato dhammadesanānubhāvena ariyabhūmiṃ okkamamānā, okkantā ca ariyasāvaka bhagavato urovāyāmajanitābhijātātāya nipariyāyena “orasaputtā”ti vattabbaṃ arahanti. Sāvakehi pavattiyamānāpi hi dhammadesanā bhagavato “dhammadesanā” icceva vuccati, taṃmūlakattā, lakkhaṇādivisesābhāvato ca.

Yadipi ariyasāvakaṇaṃ ariyamaggādhigamasamaye bhagavato viya tadantarāyakaṇaṇatthaṃ devaputtamāro, māravāhinī vā na ekantena apasādeti, tehi pana apasādetabbatāya kāraṇe vimathite tepi vimathitā eva nāma hontīti āha – “**mārasenamathanāna**”nti. Imasmiṃ panatthe ‘māramārasenamathanāna’nti vattabbe “mārasenamathanāna”nti ekadesasarūpekaseso katoti daṭṭhabbaṃ. Atha vā khandhābhisaṅkhāramāraṇaṃ viya devaputtamāraṇasāpi guṇamāraṇe sahāyabhāvūpagamanato kilesabalakāyo “senā”ti vuccati. Yathāha – “kāmā te paṭhamā senā”tiādi (su. ni. 438; mahāni. 28, 68; cūḷani. 47). Sā ca tehi diyaḍḍhasahassabhedā, anantabhedā vā kilesavāhinī satidhammavicayavīriyasamathādiguṇapaharaṇehi odhiso vimathitā, vihatā, viddhastā cāti **mārasenamathanā**, ariyasāvaka. Etena tesam bhagavato anujātaputtataṃ dasseti.

Ārakattā kilesehi, anaye na iriyanato, aye ca iriyanato ariyā, niruttinayena. Atha vā sadevakena lokena “saraṇa”nti araṇīyato upagantabbato, upagatānaṃ tadatthasiddhito ariyā, ariyānaṃ saṅhoti ariyasaṅgho, ariyo ca so, saṅgho cāti vā ariyasaṅgho, taṃ **ariyasaṅghaṃ**. Bhagavato aparabhāge buddhadhammaratanānampi samadhigamo saṅgharatanādhīnoti assa ariyasaṅghassa bahūpakāratam dassetuṃ idheva “**sirasā vande**”ti vuttanti daṭṭhabbaṃ.

Ettha ca “sugatassa orasānaṃ puttāna”nti etena ariyasaṅghassa pabhavasampadaṃ dasseti, “mārasenamathanāna”nti etena pahānasampadaṃ, sakalasaṃkilesappahānadīpanato. “Aṭṭhannampi samūha”nti etena nānasampadaṃ, maggaṭṭhaphalaṭṭhabhāvādīpanato. “Ariyasaṅgha”nti etena pabhavasampadaṃ dasseti, sabbasaṅghānaṃ aggabhāvādīpanato. Atha vā “sugatassa orasānaṃ puttāna”nti ariyasaṅghassa visuddhanissayaabhāvādīpanaṃ, “mārasenamathanāna”nti sammājuṇāyāsāmicipāṭipannabhāvādīpanaṃ, “aṭṭhannampi samūha”nti āhuneyyādībhāvādīpanaṃ, “ariyasaṅgha”nti anuttarapuññākkhattabhāvādīpanaṃ. Tathā “sugatassa orasānaṃ puttāna”nti etena ariyasaṅghassa lokuttarasaraṇagamanasabbhāvaṃ dīpeti. Lokuttarasaraṇagamanena hi te bhagavato orasaputtā jātā. “Mārasenamathanāna”nti etena abhinīhārasampadāsiddhaṃ pubbabhāge sammāpaṭipattiṃ dasseti. Katābhinihārā hi sammā paṭipannā māraṃ, mārapariṣaṃ vā abhivijjanti. “Aṭṭhannampi samūha”nti etena viddhastavipakkhe sekkhāsekkhadhamme dasseti, puggalādhīṭṭhānaṃ maggaṭṭhaphaladharmānaṃ pakāsītā. “Ariyasaṅgha”nti aggadakkhiṇeyyabhāvaṃ dasseti. Saraṇagamaṇāca sāvakaṇaṃ sabbaguṇānamādi, sapubbabhāgappaṭipadā sekkhā sīlakkhandhādayo majjhe, asekkhā sīlakkhandhādayo pariyoṣānanti ādimajjhapariyoṣānakalyāṇā saṅkhepato sabbe ariyasaṅghaguṇā pakāsītā honti.

Evam gāthāttayena saṅkhepato sakalaguṇasaṅkittanamukhena ratanattayassa paṇāmaṃ katvā, idāni taṃ nipaccakāraṃ yathādhīpete payojane pariṇāmento “**iti me**”tiādimāha. Tattha ratījananaṭṭhena **ratanam**, buddhadhammasaṅghā. Tesaṇhi “itipi so bhagavā”tiādinā yathābhūtaguṇe āvajjantassa amatādhigamahetubhūtaṃ anappakaṃ pītipāmojjaṃ uppajjati. Yathāha –

“Yasmiṃ, mahānāma, samaye ariyasāvako tathāgataṃ anussarati, nevassa tasmiṃ samaye rāgapariyuṭṭhitaṃ cittaṃ hoti, na dosapariyuṭṭhitaṃ cittaṃ hoti, na mohapariyuṭṭhitaṃ cittaṃ hoti, ujugatamevassa tasmiṃ samaye cittaṃ hoti tathāgataṃ ārabha. Ujugatacitto kho pana, mahānāma, ariyasāvako labhati atthavedaṃ, labhati dhammavedaṃ, labhati dhammūpasamhitam pāmojjaṃ, pamuditassa pīti jāyati”tiādi (a. ni. 6.10; a. ni. 11.11).

Cittīkatādībhāvo vā ratanaṭṭho. Vuttañhetam –

“Cittīkatam mahaggaṇaṃ, atulaṃ dullabhadassanaṃ;  
Anomasattaparibhogaṃ, ratanaṃ tena vuccati”ti. (khu. pā. aṭṭha. 6.3; dī. ni. aṭṭha. 2.33; su. ni. aṭṭha. 1.226;

mahāni. aṭṭha. 50);

Cittīkatabhāvādayo ca anaññasādhāraṇā buddhādīsu eva labbhantīti. Vandanāva **vandanāmayam**, yathā “dānamayam, sīlamaya”nti (dī. ni. 3.305; itivu. 60; netti. 34). Vandanā cettha kāyavācācettehi tiṇṇam ratanānam guṇaninnatā, thomanā vā. Pujjabhavaphalanibbattanato **puññam**, attano santānam puññānti vā. **Suvihatantarāyoti** suṭṭhu vihatantarāyo, etena attano pasādasampattiyā, rattanattayassa ca khettabhāvasampattiyā tam puññam atthappakāsanassa upaghātakaupaddavānam vihanane samatthanti dasseti. **Hutvāti** pubbakālakiriya, tassa “attham pakāsayissāmī”ti etena sambandho. **Tassāti** yam ratanattayavandanāmayam puññam, tassa. **Ānubhāvenāti** balena.

Evam ratanattayassa nipaccakārakarāṇe payojanam dassetvā, idāni yassā dhammadesanāya attham samvaṇṇetukāmo, tassā tāva guṇābhithavanavasena upaññāpanattham “**dīghassā**”tiādi vuttam. Tattha **dīghasuttaṅkittassāti** dīghappamāṇasuttalakkhittassa, etena “dīgho”ti ayam imassa āgamassa atthānugatā samaññāti dasseti. Nanu ca suttāniyeva āgamo, kassa pana suttehi añkananti? Saccametaṃ paramatthato, suttāni pana upādāyapaññatto āgamo. Yathā hi atthabyañjanasamudāye “sutta”nti vohāro, evam suttasamudāye “āgamo”ti vohāro.

Paṭiccasamuppādādinipunatthasabbhāvato **nipuṇassa**. Āgamissanti ettha, etena, etasmā vā attatthaparattādayoti āgamo, āgamo ca so varo cāti **āgamavaro**, āgamasammatehi vā varoti **āgamavaro**, tassa. Buddhānam anubuddhā **buddhānubuddhā**, buddhānam saccapaṭivedham anugamma paṭividdhasaccā aggasāvakādayo ariyā. Tehi atthasamvaṇṇanāvasena, guṇasamvaṇṇanāvasena ca samvaṇṇitassa. Atha vā buddhā ca anubuddhā ca **buddhānubuddhāti** yojetabbaṃ. Sammāsambuddheneva hi tiṇṇampi piṭakānam atthavaṇṇanākkamo bhāsito, yā “pakiṇṇakadesanā”ti vuccati, tato saṅgāyanādivasena sāvakehīti ācariyā vadanti.

**Saddhāvahaguṇassāti** buddhādīsu pasādāvahasampattikassa. Ayañhi āgamo brahmajālādīsu (dī. ni. 1.5-7, 26-28) sīladiṭṭhādīnam anavasesaniddesādivasena, mahāpadānādīsu (dī. ni. 2.3-5) purimabuddhānampi guṇaniddesādivasena, pāthikasuttādīsu (dī. ni. 3.3,4) tiṭṭhiye nimadditvā appaṭivattiyasīhanāda nadanādivasena, anuttariyasuttādīsu (a. ni. 6.8) ca visesato buddhaguṇavibhāvanena ratanattaye sātisayappasādam āvahati. Samvaṇṇanāsu cāyam ācariyassa pakāti, yā tamtamamvaṇṇanāsu ādito tassa tassa samvaṇṇetabbassa dhammassa visesaguṇakittanena thomanā. Tathā hi **papañcasūdanisārattappakāsinīmanorathapūraṇīsu aṭṭhasālīnī**ādīsu ca yathākkamaṃ “paravādāmathanassa nānāyaviccittassa abhidhammassā”tiādinā thomanā katā.

Attho kathīyati etāyati atthakathā, sā eva **aṭṭhakathā**, ttha-kārassa **ṭṭha-kāram** katvā, yathā “dukkhassa pīlanattho”ti (paṭi. ma. 2.8). **Ādito** tiādimhi paṭhamasaṅgītiyam. Chaḷabhiññātāya paramena cittavasībhāvena samannāgatattā, jhānādīsu pañcavidhavasitāsabbhāvato **ca vasino**, therā mahākassapādayo. Tesam **satehi pañcahi**. **Yāti** yā aṭṭhakathā. **Saṅgītāti** attham pakāsetum yuttatṭhāne “ayam etassa attho, ayam etassa attho”ti saṅgahetvā vuttā. **Anusaṅgītā** ca yasattherādīhi **pacchāpi** dutiyatatiyasaṅgīti, iminā attano samvaṇṇanāya āgamanasuddhiṃ dasseti.

Sīhassa lānato gahaṇato **sīhajo**, sīhakumāro. Tamvaṃsajātātāya tambapaṇṇidīpe khattiyānam, tesam nivāsātāya tambapaṇṇidīpassa ca sīhābhāvo veditabbo. **Ābhātāti** jambudīpato ānītā. **Athāti** pacchā. Aparabhāge hi asaṅkarattham sīhābhāsāya aṭṭhakathā ṭhapitāti. Tenassa mūlatṭhakathā sabbasādhāraṇā na hotīti idaṃ atthappakāsanam ekantena karaṇīyanti dasseti. Tenevāha – “**dīpavāsīnamatthāyā**”ti. Tattha **dīpavāsīnanti** jambudīpavāsīnam. **Dīpavāsīnanti** vā sīhāladīpavāsīnam atthāya sīhābhāsāya ṭhapitāti yojanā.

**Apanetvānāti** kañcukasadisam sīhābhāsam apanetvā. **Tatoti** aṭṭhakathāto. **Ahanti** attānam niddisati. **Manoramam bhāsanti** māgadhabhāsam. Sā hi sabhāvaniruttibhūtā paṇḍitānam manam ramayatīti. Tenevāha – “**tantinayānucchavika**”nti, pāḷigatiyā anulomikam pāḷibhāsāyānuvidhāyininti attho. **Vigatadosanti** asabhāvaniruttibhāsantararahitam.

**Samayam avilomentoti** siddhantam avirodhentoti, etena atthadosābhāvamāha. Aviruddhattā eva hi theravādāpi idha pakāsiyissanti. **Theravaṃsapadīpānanti** thirehi sīlakkhandhādīhi samannāgatattā therā, mahākassapādayo. Tehi āgatā ācariyaparamparā theravaṃso, tappariyāpannā hutvā āgamādhigamasampannattā paññāpajjotena tassa samujjālanato **theravaṃsapadīpā**, mahāvihāravāsino therā, tesam. Vividhehi ākārehi nicchīyatīti vinicchayo, gaṇṭhiṭṭhānesu khīlamaddanākāreṇa pavattā vimaticchedakathā. Suṭṭhu nipuṇo saṅho vinicchayo etesanti **sunipuṇavinicchayā**. Atha vā vinicchīnotīti vinicchayo, yathāvuttavisayam nīṇam. Suṭṭhu nipuṇo cheko vinicchayo etesanti **sunipuṇavinicchayā**, etena mahākassapāditheraparamparābhato, tatoyeva ca aviparīto saṅhasukhumo mahāvihāravāsīnam vinicchayoti tassa pamāṇabhūtataṃ dasseti.

**Sujanassa cāti** ca-saddo sampiṇḍanattho, tena na kevalam jambudīpavāsīnameva atthāya, atha kho sādhujanatosanattañcāti dasseti, tena ca tambapaṇṇidīpavāsīnampi atthāyati ayamattho siddho hoti, uggahaṇādisukaratāya tesampi bahupakāratā. **Ciraṭṭhitatthanti** ciraṭṭhitattham, ciraṭṭhitatthiyāti attho. Idañhi atthappakāsanam aviparītabyañjanasunikkepessa atthasunayassa ca upāyabhāvato saddhammassa ciraṭṭhitīyā samvattati. Vuttañhetam bhagavatā –

“Dveme, bhikkhave, dhammā saddhammassa ðhitiyā asammosāya anantaradhānāya samvattanti. Katame dve? Sunikkhattaṅca padabyañjanaṃ, attho ca sunīto”ti (a. ni. 2.21).

Yaṃ atthavaṇṇanaṃ kattukāmo, tassā mahattaṃ pariharitūṃ “**sīlakathā**”tiādi vuttaṃ. Tenevāha – “**na taṃ idha vicārayissāmi**”ti. Atha vā yaṃ aṭṭhakathaṃ kattukāmo, tadekadesabhāvena visuddhimaggo ca gahettabboti kathikānaṃ upadesaṃ karonto tattha vicāritadhamme uddesavasena dasseti “**sīlakathā**” tiādinā. Tattha **sīlakathā**ti cārittavāritādivasena sīlavitthārakathā. **Dhutadhammā**ti piṇḍapātikaṅgādayo (visuddhi. 1.22; theragā. aṭṭha. 2.845, 849) terasa kilesadhunanakadhammā. **Kammaṭṭhānāni sabbānī**ti pāliyaṃ āgatāni aṭṭhatimsa, aṭṭhakathāyaṃ dveti niravasesāni yogakamassa bhāvanāya pavattiṭṭhānāni. **Cariyāvidhānasahitoti** rāgacaritādīnaṃ sabhāvādividhānena sahito. **Jhānāni** cattāri rūpāvacarajjhānāni, **samāpattiyo** catasso arūpasamāpattiyo. Aṭṭhapi vā paṭiladdhamattāni **jhānāni**, samāpajjanavasābhāvappattiyā **samāpattiyo**. **Jhānāni** vā rūpārūpāvacarajjhānāni, **samāpattiyo** phalasaṃpattinirodhasamāpattiyo.

Lokiyalokuttarabhedā cha abhiññāyo **sabbā abhiññāyo**. Nāṇavibhaṅgādīsu āgatanayena ekavidhādīnā paññāya saṅkaletvā sampiṇḍetvā nicchayo **paññāsaṅkalananicchayo**.

Paccayadhammānaṃ hetādīnaṃ paccayuppannadhammānaṃ hetupaccayādibhāvo paccayākāro, tassa desanā **paccayākāradesanā**, paṭiccasamuppādakathāti attho. Sā pana ghanavinibbhogassa sudukkaratāya saṅhasukhumā, nikāyantaraḷaddhisāṅkararahitā, ekattanayādisahitā ca tattha vicāritāti āha – “**suparisuddhanipuṇanayā**”ti. Paṭisambhidādīsu āgatanayaṃ avissajjetvā vā vicāritatā **avimuttatanti maggā**.

**Iti pana sabbanti iti**-saddo parisamāpane, **pana**-saddo vacanālaṅkāre, etaṃ sabbanti attho. **Idhā**ti imissā aṭṭhakathāyaṃ. **Na vicārayissāmi**, punaruttibhāvatoti adhippāyo.

Idāni tasseva avicāraṇassa ekantakāraṇaṃ niddhārento “**majjhe visuddhimaggo**”tiādimāha. Tattha “**majjhe thatvā**”ti etena majjhebhāvadīpanena visesato catunnaṃ āgamānaṃ sādharāṇaṭṭhakathā visuddhimaggo, na sumaṅgalavilāsiniādayo viya asādharāṇaṭṭhakathāti dasseti. “Visesato”ti idaṃ vinayābhiddhammānampi visuddhimaggo yathārahaṃ atthavaṇṇanā hoti yevāti katvā vuttaṃ.

**Icevāti** iti eva. **Tampī**ti visuddhimaggampi. **Etāyāti** sumaṅgalavilāsiniyā. Ettha ca “sīhaḷadīpaṃ ābhatā”tiādinā atthappakāsanassa nimittaṃ dasseti, “dīpavāsīnamatthāya, sujanassa ca tuṭṭhatthaṃ, ciraṭṭhitatthaṅca dhammassā”ti etena payojaṇaṃ, avasiṭṭhena karaṇappakāraṃ. Sīlakathādīnaṃ avicāraṇampi hi idha karaṇappakāro evāti.

Ganthārambhakathāvaṇṇanā niṭṭhitā.

### Nidānakathāvaṇṇanā

Vibhāgavantaṇaṃ sabhāvavibhāvaṇaṃ vibhāgadassanavaseneva hotīti paṭhamamaṃ tāva vaggasuttavasena vibhāgaṃ dassetuṃ “**tattha dīghāgamo nāma**”tiādimāha. Tattha **tatthāti** “dīghassa āgamavarassa atthaṃ pakāsayissāmi”ti yadidaṃ vuttaṃ, tasmīṃ vacane. Yassa atthaṃ pakāsayissāmiṃti paṭiññātaṃ, so **dīghāgamo nāma** vaggasuttavasena evaṃ vibhāgoti attho. Atha vā **tatthāti** “dīghāgamanissitamatha”nti etasmīṃ vacane. Yo dīghāgamo vutto, so vaggādivasena edisoti attho. Attano samvaṇṇanāya paṭhamamahāsaṅgītiyaṃ nikkhittānukkameneva pavattabhāvadassanattaṃ “**tassa vaggasu...pe... vuttaṃ nidānamādi**”ti āha. Kasmā pana catūsu āgamesu dīghāgamo paṭhamamaṃ saṅgīto, tattha ca sīlakhandhavaggo ādito nikkhitto, tasmīṅca brahmajālanti? Nāyamanuyogo katthacipi na pavattati, api ca saddhāvahaguṇato dīghanikāyo paṭhamamaṃ saṅgīto. Saddhā hi kusalaḷaddhammānaṃ bījaṃ. Yathāha – “saddhā bījaṃ tapo vuṭṭhī”ti, (saṃ. ni. 1.197; su. ni. 77) saddhāvahaguṇatā cassa dassitāyeva. Kiṅca katipayasuttasaṅgahato, appaparimāṇato ca gahaṇadhāraṇādisukhato. Tathāhesa catuttiṃsasuttasaṅgaho cusaṭṭhibhāṇavāraparimāṇo ca. Sīlakathābāhullato pana sīlakhandhavaggo paṭhamamaṃ nikkhitto. Sīlañhi sāsanassa ādi, sīlapatiṭṭhānattā sabbaguṇaṇaṃ. Tenevāha – “tasmā tiha, tvaṃ bhikkhu, ādimeva visodhehi kusalesu dhammesu. Ko cādi kusalaṇaṃ dhammānaṃ? Sīlaṅca suvisuddha”ntiādi (saṃ. ni. 5.395). Etena cassa vaggassa anvatthasaññatā vuttā hoti. Diṭṭhiviniveṭhanakathābhāvato pana suttantapiṭakassa niravasesadiṭṭhivibhājanamaṃ brahmajālaṃ paṭhamamaṃ nikkhittanti daṭṭhabbaṃ. Tepiṭake hi buddhavacane brahmajālasadisamaṃ diṭṭhigatāni niggumbaṃ nijjaṭṭhaṃ katvā vibhattasuttaṃ natthīti.

### Paṭhamamahāsaṅgītikathāvaṇṇanā

Yassā paṭhamamahāsaṅgītiyaṃ nikkhittānukkamena samvaṇṇanaṃ kattukāmo, taṃ, tassā ca tantiārūḷhāya idha vacane kāraṇaṃ dassento “**paṭhamamahāsaṅgīti...pe... veditabbā**”ti āha. Tattha yathāpaccayaṃ tattha tattha desitattā, paññattattā ca vippakiṇṇanaṃ dhammavinayānaṃ saṅgahetvā gāyanaṃ kathaṇaṃ saṅgīti, etena taṃtaṃsikkhāpadānaṃ suttānaṅca ādīpariyosānesu, antarantarā ca sambandhavasena ṭhapitaṃ saṅgītikāravacanaṃ saṅgahitaṃ hoti. Mahāvisayattā, pūjanīyattā ca mahatī saṅgīti mahāsaṅgīti, paṭhamā mahāsaṅgīti paṭhamamahāsaṅgīti, tassā pavattikālo

paṭhamamahāsaṅgītikālo, tasmim **paṭhamamahāsaṅgītikāle**. **Nidānanti** ca desanaṃ desakālādivasena aviditaṃ viditaṃ katvā nidassetiṃ nidānaṃ. Sattānaṃ dassanānuttariyasaraṇādipaṭilābhahetubhūtasu vijjamaṇāsopi aññāsu bhagavato kiriyāsu “buddho bodheyya”nti (bu. vaṃ. aṭṭha. ratanacaṅkamanakaṇḍavaṇṇanā; cariyā. uddhānagāthavaṇṇanā) paṭiññāya anulomato veneyyānaṃ maggaphalappattinaṃ hetubhūtaṃ kiriyā nipariyāyena buddhakkicanti āha –  
**“dhammacakkappavattanañhi ādiṃ katvā”**ti. Tattha saddhindriyādidhammoyeva pavattanaṭṭhena cakkanti **dhammacakkaṃ**. Atha vā cakkanti aññā, dhammato anapetattā dhammañca taṃ cakkañcāti **dhammacakkaṃ**, dhammena ñāyena cakkanti **dhammacakkaṃ**. Yathāha –

“Dhammañca pavatteti cakkañcāti dhammacakkaṃ, cakkañca pavatteti dhammañcāti dhammacakkaṃ, dhammena pavatteti dhammacakkaṃ, dhammacariyāya pavatteti dhammacakka”ntiādi (paṭi. ma. 2, 39, 41).

**“Katabuddhakkicce”**ti etena buddhakkattabassa kassacipi asesitabhāvaṃ dasseti. Nanu ca sāvakehi vinīṭāpi vineyyā bhagavatāyeva vinīṭā honti, yato sāvakabhāsitaṃ suttaṃ “buddhavaṇṇa”nti vuccati, sāvakavineyyā ca na tāva vinīṭāti? Nāyaṃ doso tesāṃ vinayanupāyassa sāvakesu ṭhapitattā. Tenevāha –

“Na tāvāhaṃ, pāpima, parinibbāyissāmi, yāva me bhikkhū na sāvakā bhavissanti viyattā vinīṭā visārādā bahussutā dhammadharā...pe... uppannaṃ parappavādaṃ saha dhammena suniggahitaṃ niggaḥetvā sappāṭihāriyaṃ dhammaṃ desessa”ntiādi (dī. ni. 2.168; saṃ. ni. 5.822; udā. 51).

**“Kusinārya”**ntiādi bhagavato parinibbutadesakālādivasadesanaṃ “aparinibbuto bhagavā”ti gāhassa micchābhāvadassanattaṃ, loke jātasaṃvaddhabhāvadassanattañca. Tathā hi manussabhāvassa supākaṭakaraṇattaṃ mahābodhisattā carimabhāve dārapariggahādīni karontīti. Upādīyate kammakilesehīti upādī, vipākakkhandhā kaṭattā ca rūpaṃ. So pana upādī kilesābhisaṅkhāramāranimmathanena nibbānappattiyaṃ anossaṭṭho, idha khandhamaccumāranimmathanena ossaṭṭho nissesitoti ayaṃ **anupādisesā**, nibbānadhātu. **Nibbānadhātūti** cettha nibbutimattaṃ adhippettaṃ, itthambhūtalakkhaṇe cāyaṃ karaṇaniddeso. **“Dhātubhājanadivase”**ti idaṃ na “sannipatitāna”nti etassa viśesanaṃ, ussāhajanānaṃ pana viśesanaṃ, “dhātubhājanadivase bhikkhūnaṃ ussāhaṃ janesī”ti. Dhātubhājanadivase hi purimapurimataradivasesu bhikkhū samāgatāti. Atha vā dhātubhājanadivase **sannipatitānaṃ** kāyasāmaggīvasena sahitānanti attho. Saṅghassa thero **saṅghatthero**, so pana saṅgho kiṃ parimāñānanti āha – **“sattannaṃ bhikkhusatasahassāna”**nti. Niccasāpekkhatāya hi edisesu samāso hotiyeva, yathā – “devadattassa garukula”nti.

Āyasmā mahākassapo puna dullabhabhāvaṃ maññamāno bhikkhūnaṃ ussāhaṃ janesīti sambandho. “Dhātubhājanadivase sannipatitāna”nti idaṃ “bhikkhūnaṃ ussāhaṃ janesī”ti ettha “bhikkhūna”nti imināpi padena sambandhanīyaṃ. Subhaddena vuḍḍhapabbajitena vuttavacanamanussarantoti sambandho. Tattha **anussaranto** dhammasaṃvegavaseṇāti adhippāyo. “Saddhammaṃ antaradhāpeyyuṃ saṅgāyeyyaṃ...pe... ciratṭhitikaṃ tassa kimaññaṃ āṇaṇyaṃ bhavissati”ti etesaṃ padānaṃ “iti cintayanto”ti etena sambandho. Tathā “yañcāha”nti etassa “anuggahito pasaṃsito”ti etena sambandho. **Yaṃ pāpabhikkhūti** ettha **yanti** nipātamattaṃ, karaṇaniddeso vā, yena karaṇena antaradhāpeyyuṃ, tadetaṃ karaṇaṃ vijjatīti attho, **addhaniyanti** addhānamaggagāmi, addhānakkhamanti attho.

**Yañcāhanti** ettha **yanti** yasmā, yena karaṇenāti vuttaṃ hoti, kiriyāparāmasanaṃ vā etaṃ, tena “anuggahito pasaṃsito”ti ettha anuggaṇhanaṃ pasaṃsanañca parāmasati. **“Civare sādharmaṇaparibhogena”**ti ettha “attanā samasamaṭṭhapanenā”ti idha attanā-saddaṃ ānetvā civare attanā sādharmaṇaparibhogena yojetabbaṃ. Yassa yena hi sambandho dūraṭṭhampi ca tassa tanti atha vā bhagavatā civare sādharmaṇaparibhogena bhagavatā anuggahitoti yojanīyaṃ, etassāpi hi karaṇaniddesassa sahayogakattutthajotakattasambhavato. **Yāvadeti** yāvadeva, yattakaṃ kālaṃ, yattake vā samāpattivihāre, abhiññāvihāre vā ākankhanto viharāmi ceva voharāmi ca, tathā kassapopīti attho. Idañca navānupubbavīhāraḥaḥabhiññābhāvasāmaññaena thutimattaṃ vuttanti daṭṭhabbaṃ. Na hi āyasmā mahākassapo bhagavā viya devasikaṃ catuvīsatiḥasatasahasasāñkhyā samāpattiyā samāpajjati, yamakapāṭihāriyādivasena vā abhiññāyo vaḷaṇṇetīti. Tenevāha – “navānupubbavīhāraḥaḥabhiññāppabhede”ti. **Tassa kimaññaṃ āṇaṇyaṃ bhavissati**, aññatra dhammavinayasāṅgāyanāti adhippāyo. **“Nanu maṃ bhagavā”**tiādinā vuttamevatthaṃ upamāvasena vibhāveti.

**Tato paranti** tato bhikkhūnaṃ ussāhajanāto parato. **Pure adhammo dīppatīti** apināma dībbati, yāva adhammo dhammaṃ paṭibāhitaṃ samattho hoti, tato puretamevāti attho. Āsanne anicchite hi ayaṃ pure-saddo. **Dīppatīti** ca dīppissati. Puresaddasanniyogena hi anāgatatthe ayaṃ vattamānappayogo, yathā – “purā vassati devo”ti.

**“Sakalanavaṅgasatthusaṇapariyattidhare...pe... ekūnapaṅcasate pariggahesī”**ti etena sukkhaviṇṇasāvaṇṇasavariyāntānaṃ yathāvuttapuggalānaṃ satipi āgamādhigamasabbhāve saha paṭisambhidāhi pana tevijjādiguṇayuttānaṃ āgamādhigamasampattiyā ukkaṃsaṅgatattā saṅgītiyā bahupakāraṇaṃ dasseti. **Idaṃ vuttaṃ** saṅgītikkhandaḥake, (pārā. 437) **apaccakkaṃ nāma natthi** paguṇappavattibhāvato, samantapāsādikāyaṃ pana “asammukhā paṭiggahitaṃ nāma natthi”ti (pārā. aṭṭha. paṭhamamahāsaṅgītikathā) vuttaṃ, taṃ “dve saḥassāni bhikkhuto”ti vuttampi bhagavato santike paṭiggahitamevāti katvā vuttaṃ. **Caturāsītisahasānīti** dhammakkhandaḥe sandhāyāha. **Pavattinoti** paguṇāni. Ānandattherassa navappāyāya parisāya vibbhamanena mahākassapatthero evamāha – **“na vāyaṃ**



**kumārako mattamaññāsī**’ti. Tattha **mattanti** pamāṇaṃ. Chandā āgamaṇaṃ viyāti padavibhāgo. **“Kiñcāpi sekkho”**ti idaṃ na sekkhānaṃ agatigamaṇasabbhāvena vuttaṃ, asekkhānameva pana uccinitattāti daṭṭhabbaṃ. Paṭhamamaggeneva hi cattāri agatigamaṇāni pahiyantīti. **“Abhabbo chandā...pe... agatiṃ gantu”**nti ca dhammasaṅgītiyā tassa yogyabhāvadassanaena vijjamaṇaguṇakathanāṃ. **Pariyattoti** adhito.

Gāvo caranti etthāti gocaro, gocaro viya **gocaro**, bhikkhācaranaṭṭhānaṃ. **Visabhāgapuggalo** subhaddasādiso. **Sattipaṇḍjaranti** sattikhaggādihatthehi purisehi mallarājūnaṃ bhagavato dhātuārakkhakarāṇaṃ sandhāyāha. **Taṃ palibodhaṃ chinditvā taṃ karaṇīyaṃ karotūti** saṅgāhakena chinditvā ekantakarāṇīyaṃ karotūti attho. **Mahājananti** bahujaṇaṃ. **Gandhakuṭiṃ vanditvā** paribhogacetiya bhāvato adhippāyo. **Yathā tanti** yathā aññopi yathāvuttasabhāvo, evanti attho. **Samvejesīti** ‘nanu bhagavatā paṭikacceva akkhātaṃ – ‘sabbeheva piyehi manāpehi nānābhāvo vinābhāvo’”tiādina (dī. ni. 2.183; sam. ni. 5.379; a. ni. 10.48; cūḷava. 437) samvegaṃ janesi. **Ussannadhātukanti** upacitadosaṃ. **Bhesajjamattāti** appakaṃ bhesajjaṃ. Appattho hi ayaṃ mattā-saddo, ‘mattāsukhapariccāgo’”tiādīsu (dha. pa. 290) viya. **Dutiya divaseti** devatāya samvejitadivasato, jetavanavihāraṃ pavitthadivasato vā dutiya divase. Āṇava cakkam **āṇacakkam**.

**Etadagganti** eso aggo. Liṅgavipallāseṇa hi ayaṃ niddeso. **Yadidanti** ca yo ayaṃ, yadidaṃ khandhapañcakanti vā yojetabbaṃ. ‘Paṭhamam āvuso upāli pārājikaṃ kattha paññatta’”nti kasmā vuttaṃ, nanu tassa saṅgītiyā purimakāle paṭhamabhāvo na yuttoti? No na yutto, bhagavatā paññattānukkamaṇa pātimokkhuḍdesānukkamaṇa ca paṭhamabhāvassa siddhattā. Yebhuyyena hi tīṇi piṭakāni bhagavato dharmānakāle thītānukkamaṇe saṅgītiyā, visesato vinayābhidhammapaṭikānti daṭṭhabbaṃ. **“Vatthumpi pucchi”**tiādī ‘kattha paññatta’”ntiādina dassitena saha tadavasiṭṭhampi saṅgahetvā dassanavasena vuttaṃ. **Paṭhamapārājiketi** paṭhamapārājikapāliyaṃ (pārā. 24), tenevāha – **“na hi tathāgatā ekabyañjanampi niratthakaṃ vadanti”**ti.

Jātakālike khuddakanikāyapariyāpanne, yebhuyyena ca dhammaniddesabhūte tādise abhidhammapaṭikā saṅgahitum yuttaṃ, na pana dīghanikāyādippakāre suttantapaṭikā, nāpi paññattiniddesabhūte vinayapaṭikā dīghabhāṇakā **“jātakādīnaṃ abhidhammapaṭikā saṅgaho”**ti vadanti. Cariyāpaṭikā buddhavaṃsānañcetta aggahaṇaṃ, jātakagatikattā. Majjhimbhāṇakā pana **“aṭṭhuppattivasena desitānaṃ jātakādīnaṃ yathānulomadesānābhāvato tādise suttantapaṭikā saṅgaho yutto, na pana sabhāvadhhammaniddesabhūte yathādhhammasāsane abhidhammapaṭikā”**ti jātakādīnaṃ suttantapaṭikāpariyāpannatam kathayanti. Tattha ca yuttaṃ vicāretvā gahetabbaṃ.

Evaṃ nimittapayojanakāladesakāra karāṇapakkārehi paṭhamam saṅgītiṃ dassetvā idāni tattha vavatthāpitasiddhesu dhammavinayesu nānappakāra kosallatthaṃ ekavidhādibhede dassetuṃ **“evameta”**ntiādīmāha. Tattha **vimuttirasanti** vimuttiṅgaṇaṃ, vimuttisampattikaṃ vā, aggaphalanipphādanato, vimuttikiccaṃ vā, kilesānaṃ accantaṃ vimuttisampādanato. Keci pana **“vimuttiassāda”**nti vadanti.

Kiñcāpi avisesena sabbampi buddhavaṇaṇaṃ kilesavinayanena vinayo, yathānusittham paṭipajjamāne apāyapatanādīto dhāraṇeṇa dhammo, idhādhippete pana dhammavinaye niddhāretuṃ **“tattha vinayapaṭikā”**ntiādīmāha. **Avasesam buddhavaṇaṇaṃ dhammo**, khandhādivasena sabhāvadhammadesānābhāḥullato. Atha vā yadipi dhammoyeva vinayopi, pariyaṭṭiyādibhāvato, vinayasaddasannidhāne pana bhinnādhikarāṇabhāvena payutto dhamma-saddo vinayatantividhuraṃ tantim dīpeti yathā **“puññañāṇasambhārā, gobalibaddha”**nti ca.

**“Anekajātisaṃsāra”**nti ayaṃ gāthā bhagavatā attano sabbaññūtañānapadaṭṭhānaṃ arahattappattim paccavekkhantena ekūnavāsītimassa paccavekkhāñāṇassa anantaraṃ bhāsītā. Tenāha **“idaṃ paṭhamabuddhavaṇa”**nti. Idaṃ kira sabbabuddhehi avijahitaṃ udānaṃ. Ayamassa saṅkhepattho – ahaṃ imassa attabhāvagehassa kāraṇaṃ taṇhāvaḍḍhakaṃ **gavesanto** yena ñāṇeṇa taṃ daṭṭhuṃ sakkā, tassa bodhiñāṇasatthāya dīpankarapādamūle katābhiniñhāro ettakaṃ kālaṃ **anekajātisaṃsāraṃ** anekajātisatasahassasaṅkhyāṃ saṃsāravatṭam **anibbisam** taṃ ñāṇaṃ avindanto alabhantoyeva **sandhāvissam** saṃsariṃ. Yasmā jarāvyādhimaraṇaṃ issatāya **jāti** nāmesā punappunaṃ upagantaṃ **dukkhā**, na ca sā tasmim aditthe nivattati, tasmā taṃ gavesanto sandhāvissanti attho. **Diṭṭhosīti** idāni mayā sabbaññūtañāṇaṃ paṭivijjhantena diṭṭho asi. **Puna gehanti** puna imaṃ attabhāvasaṅkhātā mama geham. **Na kāhasi** na karissasi. Tava **sabbā** avasesakilesa **saphāsukā** mayā **bhaggā**. Imassa tayā katassa attabhāvagehassa **kūṭam** avijjāsaṅkhātāṃ kaṇṇikamaṇḍalaṃ **visaṅkhatam** viddhamasitaṃ. **Visaṅkhāram** nibbānaṃ āramaṇakaraṇavasena **gataṃ** anupavitṭham idāni mama cittaṃ, ahañca taṇhānaṃ khayasaṅkhātāṃ arahattamaggaṃ **ajjhagā** adhigato pattosmīti. Ayaṃ manasā pavattitadhammānamādi. **“Yadā have pātubhavanti dhammā”**ti (udā. 1, 2, 3) ayaṃ pana vācāya pavattitadhammānaṃ ādīti vadanti. Antojappanavasena kira bhagavā **“anekajātisaṃsāra”**ntiādīmāha (dha. pa. 153). **“Paṭipadadivase”**ti idaṃ **“sabbāññubhāvappattassā”**ti na etena sambandhitabbaṃ, **“paccavekkhantassa uppannā”**ti etena pana sambandhitabbaṃ. Visākhapuṇṇamāyameva hi bhagavā paccūsasamaye sabbaññūtaṃ pattoti.

**Vayadhammāti** aniccalakkhaṇamukhena dukkhānattalakkhaṇampi saṅkhāraṇaṃ vibhāveti **“yadaniccaṃ taṃ dukkhaṃ, yaṃ dukkhaṃ tadanattā”**ti (sam. ni. 3.15; paṭi. ma. 2.10) vacanato. Lakkhaṇattayavibhāvanayeneva ca tadārammaṇaṃ vipassanaṃ dassento sabbatitthiyānaṃ avisayabhūtaṃ buddhāveṇikaṃ catusaccakammaṭṭhānādhīṭṭhānaṃ aviparītaṃ nibbānagāminipāṭipadaṃ pakāsetīti daṭṭhabbaṃ. Idāni tattha sammāpaṭipattiyāṃ niyojeti **“appamādena**

**sampādehā**”ti. Atha vā “**vayadhammā saṅkhārā**”ti etena saṅkhepena saṃvejetvā “**appamādena sampādehā**”ti saṅkhepeneva niravasesaṃ sammāpaṭipattim dasseti. Appamādapadaṇhi sikkhāttayasaṅgahitaṃ kevalaparipuṇṇaṃ sāsaṇaṃ pariyaḍiyitvā tiṭṭhatīti.

**Paṭhamasaṅgītiyaṃ asaṅgītaṃ** saṅgītikkhandaḥakathāvatthuppakaraṇādi. Keci pana “subhasuttampi (dī. ni. 1.444) paṭhamasaṅgītiyaṃ asaṅgīta”nti vadanti, taṃ pana na yujjati. Paṭhamasaṅgītito puretameva hi āyasmatā ānandena jetavane viharantena subhassa māṇavassa bhāsanti.

**Daḥhikammasithilīkaraṇappayojanā** yathākkamaṃ pakatisāvajjapaṇṇattisāvajjesu sikkhāpadesu. **Tenāti** vividhanayattādinā. **Etanti** vividhavesanayattāti gāthāvacanaṃ. **Etassāti** vinayassa.

**Attatthaparattadhātibhedeti** yo taṃ suttaṃ sajjhāyati, suṇāti, vāceti, cinteti, deseti ca, suttena saṅgahito sīlādiattho tassāpi hoti, tena parassa sādhetabbato parassāpi hotīti, tadubhayaṃ taṃ suttaṃ **sūceti** dīpeti. Tathā dīṭṭhadhammikasaṃparāyikaṃ lokiyalokuttarañcāti evamādhātibhede atthe **ādi**-saddena saṅgaṇhāti. **Attha**-saddo cāyaṃ hitapariyāyavacanaṃ, na bhāsitatthavacanaṃ, yadi siyā, suttaṃ attanopi bhāsitattham sūceti, parassāpīti ayamatto vutto siyā. Suttena ca yo attho pakāsito so tasseva hotīti, na tena parattho sūcito hoti, tena sūcetabbassa paratthassa nivattetabbassa abhāvā atthagahaṇaṇca na kattabbaṃ. Attatthaparattahavinimmuttassa bhāsitatthassa abhāvā ādiggaṇaṇca na kattabbaṃ. Tasmā yathāvuttassa hitapariyāyassa atthassa sutte asambhavato suttaḍhāssa puggalassa vasena attatthaparattā vuttā.

Atha vā suttaṃ anapekkhitvā ye attatthādayo atthappabhedā vuttā “na haññadattatthipasaṃsalābhā”ti etassa padassa niddese (mahāni. 63; cūḷani. 85) “attattho, parattho, ubhayattho, dīṭṭhadhammiko attho, saṃparāyiko attho, uttāno attho, gambhīro attho, gūḷho attho, paṭicchanno attho, neyyo attho, nīto attho, anavajjo attho, nikkilesa attho, vodāno attho, paramattho”ti te suttaṃ sūceti attho. Imasmiṃ atthavikappe **attha**-saddo bhāsitatthapariyāyopi hoti. Ettha hi purimakā pañca atthappabhedā hitapariyāyā, tato pare cha bhāsitatthabhedā, pacchimakā pana ubhayaabhāvā. Tattha duradhigamatāya vibhāvane aladdhagādho **gambhīro**. Na vivaṇṇo **gūḷho**. Mūludakādayo viya paṃsunā akkharasannivesādinā tirohito **paṭicchanno**. Niddhāretvā nāpetabbo **neyyo**. Yathārutavasena vedītabbo **nīto**. **Anavajjanikkilesavodānā** pariyaḍiyavasena vuttā, kusalaḍipākakiriyaḍhamavasena vā. **Paramattho** nibbānaṃ, dhammānaṃ aviparītasabhāvo eva vā. Atha vā “attanā ca appiccho hoti”ti attattham, “appicchākathaṇca paresaṃ kattā hoti”ti parattham sūceti. Evaṃ “attanā ca pāṇātipātā paṭivirato hoti”tiādi (a. ni. 4.99, 265) suttaṇi yojetabbāni. Vinayābhidhammehi ca viśesetvā sutta-saddassa attho vattabbo. Tasmā veneyyajjhāsayaḍappavattāya desanāya atthaparattatādinā sātisaṃpakāsītāni hoti tapparabhāvato, na āṇādhamaḍabhāvavāsappavattāyāti idameva ca “**atthānaṃ sūcanaṭo sutta**”nti vuttaṃ.

Sutte ca āṇādhamaḍabhāvā ca veneyyajjhāsayaṃ anuvattanti, na vinayābhidhammesu viya veneyyajjhāsayaṃ āṇādhamaḍabhāve. Tasmā veneyyānaṃ ekantahitapaṭilābhasaṃvattanikā suttantadesanā hotīti “**suvuttā cetthā**”tiādi vuttaṃ. **Pasavatīti** phalati. “**Suttāṇā**”ti etassa attham pakāsetuṃ “**suṭṭhu ca ne tāyati**”ti vuttaṃ. Attatthādividhānesu ca suttassa paṃāṇabhāvo, attatthādināṇca saṅgahakattaṃ yojetabbaṃ tadatthappakāsanapadhānattā suttassa. Vinayābhidhammehi viśesanaṇca yojetabbaṃ. **Etanti** “atthānaṃ sūcanaṭo”tiādikam atthavacanaṃ. **Etassāti** suttassa.

**Abhikkamanāti** ettha **abhi**-saddo kamaṇakiriyaḍya vuddhibhāvaṃ atirekataṃ dīpeti, **abhiññātā abhilakkhitāti** ettha ñāṇalakkaṇakiriyaṇam supākaṭatāviśesaṃ, **abhikkantenāti** ettha kantiyā adhikattaṃ viśiṭṭhatanti yuttaṃ kiriyaḍviśesakattā upasaḍḍassa. **Abhirājā abhivinayeti** pana pūjitaḍparicchinnesu rājavinayesu **abhi**-saddo pavattati kathametam yujjeyyati? Pūjanaḍparicchadanakiriyaḍdīpanato, tāhi ca kiriyaḍhi rājavinayaṇam yuttattā. Ettha hi atimālādīsu atī-saddo viya, abhi-saddo yathā saha sādhanena kiriyaṃ vadatīti abhirājaabhivinaya-saddā siddhā, evaṃ abhidhammaḍsadde abhi-saddo saha sādhanena vuḍḍhiyaḍdikiriyaṃ dīpetīti ayamatto dassitoti daṭṭhabbo.

Bhāvanāpharaṇavuḍḍhiḍhi **vuḍḍhimantopi dhammā vuttā**. **Āramaṇādhīti** āramaṇasaṃpayuttakammaḍvārapaṭipadādīhi. **Aviśiṭṭhanti** aññaṃaññaviśiṭṭhesu vinayaḍsuttābhidhammesu aviśiṭṭhaṃ samānaṃ. Taṃ piṭakaḍsadanti attho. **Yathāvuttenāti** “evaṃ duvidhatthenā”tiādinā vuttappaḍkarena.

Kathetabbānaṃ atthānaṃ desakāyattena āṇādividhinā atisaḍjanaṃ paḍodhanaṃ **desanā**. Sāsitabbaḍpuggalagatena yathāpārādhādisātītabbhāvena anuśāsaṇam vinayaṇam **sāsaṇam**. Kathetabbaḍsa saṃvārāsaṃvārādīno atthassa kathanam vacanaḍpaṭibaddhatākaraṇam **kathā**. Kathiyati vā etthāti **kathā**. Saṃvārāsaṃvārassa kathā **saṃvārāsaṃvārakathā**. Esa nayo itaresupi. **Bheda**-saddo viśuṃ viśuṃ yojetabbo “desanābhedaṃ sāsaṇabhedaṃ kathābhedaṇca yathāraḍhaṃ paṇidīpaye”ti. **Bhedanti** ca nānattanti attho. Sikkhā ca paḍhānāni ca gambhīrabhāvo ca **sikkhāpāhānagambhīrabhāvaṃ**, tāṇca paṇidīpaye. Ettha **yathāti** upārambhanissaṇaḍadhammakosarakkaṇaḍhetupariyāpuṇaṇam suppaṭipatti duppaṭipattīti etehi pakārehi. Āṇam paṇetuṃ arahatīti **āṇāraho** sammāsaḍbuddhattā. Vohāraparamatthānaṃpi sabbhāvato āha **āṇābhūllatoti**. Ito paresupi eseva nayo. **Pacurāpārādhā** seyyasaḍkādayo. **Ajjhāsayo** āśayova atthato dīṭṭhi, ñāṇaṇca. Vuttaṇcetam –

“Sassatucchadāṭṭhi ca, khanti cevānulomike;

Yathābhūtañca yaṃ nāṇaṃ, etaṃ āsayasaddita’nti. (visuddhi. tī. 1.136);

**Anusayā** kāmarāgabhavarāgadiṭṭhipaṭiḡhavicikicchāmānāvijjāvasena satta anāgatā kilesā, atītā paccuppannā ca tatheva vuccanti. Na hi kālabhedena dhammānaṃ sabhāvabhedo atthīti. **Cariyāti** cha mūlacariyā, antarabhedena anekavidhā, saṃsaggavasena tesatthi honti. Te pana amhehi **asammohantaradhānasuttaṭikāyaṃ** vibhāgato dassitā, atthikehi tato gahetabbā. Atha vā **cariyāti** caritaṃ, taṃ sucaritaduccaritavasena duvidhaṃ. **Adhimutti** nāma sattānaṃ pubbapariyāyavasena abhiruci, sā duvidhā hīnapaṇitabhedena. Ghanavinibbhogābhāvato diṭṭhimānataṇhāvasena **“ahaṃ mamā”ti saññino**. Mahanto saṃvaro **asaṃvaro**. Buddhiattho hi aya’makāro yathā **“asekkhā dhammā”ti** (dha. sa. 11).

**Tisupi cetesu ete dhammatthadesanā paṭivedhāti** ettha tantiattho tantidesanā tantiatthapaṭivedho ca tantivisayā hontīti vinayaṭiṭakādīnaṃ atthadesanāpaṭivedhādīhārabhāvo yutto, piṭakāni pana tanti yevāti tesam dhammādīhārabhāvo kathaṃ yujjeyyāti? Tantisamudāyassa avayavatantiyā ādhārabhāvato. Avayavassa hi samudāyo ādhārabhāvena vuccati, yathā – **“rukke sākā”ti**. Dhammādīnañca dukkhogāhabhāvato tehi vinayādayo gambhīrāti vinayādīnañca catubbidho gambhīrabhāvo vutto. Tasmā dhammādayo eva dukkhogāhattā gambhīrā, na vinayādayoti na codetabbametaṃ samukhena, visayavisayīmukhena ca vinayādīnaṃyeva gambhīrabhāvassa vuttattā. Dhammo hi vinayādayo, tesam visayo attho, dhammatthavisayā ca desanāpaṭivedhoti. Tattha paṭivedhassa dukkarabhāvato dhammatthānaṃ, desanāññāssa dukkarabhāvato desanāya ca dukkhogāhabhāvo veditabbo, paṭivedhassa pana uppādetuṃ asakkuṇeyyattā, tabbisayaññupattiyā ca dukkarabhāvato dukkhogāhatā veditabbā.

**“Hetumhi nāṇaṃ dhammapaṭisambhidā”**ti etena vacanena dhammassa hetubhāvo kathaṃ nātabboti? **“Dhammapaṭisambhidā”**ti etassa samāsapadassa avayavapadatthaṃ dassentena **“hetumhi nāṇa”**nti vuttattā. **“Dhamme paṭisambhidā”**ti ettha hi **“dhamme”**ti etassa atthaṃ dassentena **“hetumhī”**ti vuttaṃ, **“paṭisambhidā”**ti etassa ca atthaṃ dassentena **“nāṇa”**nti. Tasmā hetudhamma-saddā ekatthā, nānapaṭisambhidā-saddā cāti imamattaṃ vadantena sādhitto dhammassa hetubhāvo, atthassa hetuphalabhāvo ca evameva daṭṭhabbo.

**Yathādhammanti** cettha **dhamma**-saddo hetuṃ hetuphalañca sabbaṃ saṅgaṇhāti. Sabhāvavācako hesa, na pariyaṭiṭhetubhāvavācako, tasmā **yathādhammanti** yo yo avijjāsāṅkhārādīdhammo, tasmim tasminti attho. Dhammanurūpaṃ vā **yathādhammaṃ**. Desanāpi hi paṭivedho viya aviparītasavisayavibhāvanato dhammanurūpaṃ pavattati, yato **“aviparītabhilāpo”**ti vuccati. **Dhammābhilāpoti** atthabyañjanako aviparītabhilāpo, etena **“tatra dhammaniruttābhilāpe nāṇaṃ niruttapaṭisambhidā”**ti (vibha. 718) ettha vuttaṃ sabhāvadhāmaniruttim dasseti, saddasabhāvattā desanāya. Tathā hi niruttapaṭisambhidāya parittārammaṇādībhāvo **paṭisambhidāvibhaṅgapāliyaṃ** (vibha. 749) vutto. Aṭṭhakathāyañca **“taṃ sabhāvaniruttim saddaṃ ārammaṇaṃ katvā”**tiādīnā (vibha. aṭṭha. 642) saddārammaṇatā dassitā. **“Imassa atthassa ayaṃ saddo vācako”**ti vacanavacanīye vavatthapetvā taṃtaṃvacanīya vibhāvanavasena pavattito hi saddo desanāti. **“Anulomādivasena vā kathana”**nti etena tassā dhammaniruttiyā abhilāpaṃ kathanānaṃ tassa vacanassa pavattanaṃ dasseti. **“Adhippāyo”**ti etena **“desanāti paññattī”**ti etaṃ vacanaṃ dhammaniruttābhilāpaṃ sandhāya vuttaṃ, na tabbinimuttaṃ paññattim sandhāyāti dasseti.

Nanu ca **“dhammo tantī”**ti imasmim pakkhe dhammassa saddasabhāvattā dhammadesanānaṃ viseso na siyāti? Na, tesam tesam atthānaṃ bodhakabhāvena nāto, uggahaṇādivasena ca pubbe vavatthāpito saddappabandho dhammo, pacchā paresam avabodhanattaṃ pavattito tadatthappakāsako saddo desanāti. Atha vā yathāvuttasaddasamuttāpako cittuppādo desanā, musāvādādayo viya. **“Vacanassa pavattana”**nti ca yathāvuttacittuppādavāsena yujjati. So hi vacanaṃ pavatteti, tañca tena pavattiyati desiyati. **“So ca lokiyalokuttaro”**ti evaṃ vuttaṃ abhisamayaṃ yena pakārena abhisameti, yaṃ abhisameti, yo ca tassa sabhāvo, tehi pakāṭaṃ kātuṃ **“visayato asammohato ca atthānurūpaṃ dhammesu”**tiādīmāha. Tattha hi visayato atthādanurūpaṃ dhammādīsu avabodho avijjādīdhammasāṅkhārādīatthadubhayapaññāpanārammaṇo **lokiyo abhisamayo**, asammohato atthādanurūpaṃ dhammādīsu avabodho nibbānārammaṇo maggasampayutto yathāvuttadhammatthapaññattīsu sammohaviddhamasano **lokuttaro abhisamayoti**. Abhisamayato aññāmpī paṭivedhatthaṃ dassetuṃ **“tesam tesam vā”**tiādīmāha. **“Paṭivedhanaṃ paṭivedho”**ti iminā hi vacanathena abhisamayo, **“paṭivijjhīyatīti paṭivedho”**ti iminā taṃtaṃrūpādīdhammānaṃ aviparītasabhāvo ca **“paṭivedho”**ti vuccatīti.

Yathāvuttehi dhammādīhi piṭakānaṃ gambhīrabhāvaṃ dassetuṃ **“idāni yasmā etesu piṭakesu”**tiādīmāha. **Yo cetthāti** etesu taṃtaṃpiṭakagatesu dhammādīsu yo paṭivedho, etesu ca piṭakesu tesam tesam dhammānaṃ yo aviparītasabhāvoti yojetabbam. Dukkhogāhatā ca avijjāsāṅkhārādīnaṃ dhammatthānaṃ duppaṭivijjhātāya, tesam paññāpanassa dukkarabhāvato taṃdesanāya, paṭivedhanasāṅkhātassa paṭivedhassa uppādanavisayikarāṇaṃ asakkuṇeyyattā, aviparītasabhāvasāṅkhātassa paṭivedhassa duviññeyyatāya eva veditabbā.

**Yanti** yaṃ pariyaṭiduggahaṇaṃ sandhāya vuttaṃ. **Atthanti** bhāsittathaṃ, payojanattañca. **Na upaparikkhantīti** na vicārenti. **Na nijjhānaṃ khamantīti** nijjhānapaññaṃ nakkhamanti, nijjhāyitvā paññāya disvā rocetvā gahetabbā na hontīti adhippāyo. **Itīti** evaṃ etāya pariyaṭiyā. **Vādappamokkhānisamsā** attano upari parehi āropitavādassa nigghassa pamokkhappayojanā hutvā dhammaṃ pariyaṭiṭanti, **vādappamokkhā** vā nindāpamokkhā. **Yassa catthāyāti** yassa ca sīlādīpūraṇassa anupādāvimokkhassa vā atthāya **dhammaṃ pariyaṭiṭanti** nāyena pariyaṭiṭanti adhippāyo. **Assāti** assa dhammassa. **Nānubhontīti** na vindanti. Tesam te dhammā duggahitattā upārambhānaṃ adabbamakkhapalāsādīhetubhāvena

**dīgharattaṃ ahitāya dukkhāya saṃvattanti.** Bhaṇḍāgāre niyutto bhaṇḍāgāriko, bhaṇḍāgāriko viya bhaṇḍāgāriko, dhammaratanānupālako. Aññatthaṃ anapekkhitvā bhaṇḍāgārikasseva sato pariyatti **bhaṇḍāgārikapariyatti.**

“**Tāsaṃyevā**”ti avadhāraṇaṃ pāpunitabbānaṃ chaḷabhiññācatuppaṭisambhidādināṃ vinaye pabhedavacanābhāvaṃ sandhāya vuttaṃ. **Verañjakaṇḍe** (pārā. 12) hi tisso vijjāva vibhattā. Dutiye pana “**tāsaṃyevā**”ti avadhāraṇaṃ catasso paṭisambhidā apekkhitvā kataṃ, na tisso vijjā. Tā hi chasu abhiññāsu antogadhāti sutte vibhattā yevāti.

**Duggahitaṃ gaṇhāti**, “tathāhaṃ bhagavatā dhammaṃ desitaṃ ājānāmi, yathā tadevidaṃ viññānaṃ sandhāvati saṃsarati anañña’ntiādinā (ma. ni. 1.396). **Dhammacintanti** dhammasabhāvavicāraṇaṃ, “cittuppadamatteneva dānaṃ hoti, sayameva cittaṃ attano ārammaṇaṃ hoti, sabbaṃ cittaṃ asabhāvadharmārammaṇa’nti ca evamādi. **Tesanti** tesam piṭakānaṃ.

**Etanti** etaṃ buddhavacanaṃ. Atthānulomato **anulomiko**. Anulomikataṃyeva vibhāvetuṃ “**kasmā panā**”tiādi vuttaṃ. **Ekanikāyampīti** ekasamūhampi. Poṇikā cikkhallikā ca khattiyā, tesam nivāso **poṇikanikāyo cikkhallikanikāyo** ca.

**Navappabhedanti** ettha kathaṃ navappabhedam? Sagāthakañhi suttaṃ geyyaṃ, niggāthakañca suttaṃ veyyākaraṇaṃ, tadubhayavinimuttañca suttaṃ udānādivisesasaññārahitaṃ natthi, yaṃ suttaṅgaṃ siyā, maṅgalasuttādīnañca (khu. pā. 5.2; su. ni. 225) suttaṅgasāṅgaho na siyā, gāthābhāvato, dhammapadādīnaṃ viya, geyyaṅgasāṅgaho vā siyā, sagāthakattā, sagāthavaggassa viya, tathā ubhatovibhaṅgādīsu sagāthakappadesānanti? **Vuccate** –

“Suttanti sāmāññavidhi, visesavidhayo pare;  
Sanimittā niruḷhattā sahatāññena nāññato”. (sārattha. ṭī. 1.paṭhamamahāsāṅgītikathāvaṇṇanā);

Sabbassāpi hi buddhavacanaṃ **suttanti** ayaṃ **sāmāññavidhi**. Tenevāha āyasmā mahākaccāno nettiyaṃ – “navavidhasuttantapariyēṭṭhi’nti (netti. saṅgahavāra). “Ettakaṃ tassa bhagavato suttāgataṃ suttapariyāpannaṃ (pāci. 255, 1242), sakavāde pañcasuttasatānī’nti (dha. sa. aṭṭha. nidānakathā; kathā. aṭṭha. nidānakathā) evamādi ca etassa atthassa sādhaṃ.

**Visesavidhayo pare sanimittā** tadekadesesu geyyādayo visesavidhayo tena tena nimittena paṭiṭṭhitā. Tathā hi geyyassa sagāthakattaṃ tabbhāvanimittaṃ. Lokepi hi sasilokaṃ sagāthakaṃ (netti. aṭṭha. 13) cuṇṇiyaganthaṃ ‘geyya’nti vadanti. Gāthāvirahe pana sati puccham katvā vissajjanabhāvo veyyākaraṇassa tabbhāvanimittaṃ. Pucchāvissajjanañhi ‘byākaraṇa’nti vuccati, byākaraṇameva veyyākaraṇaṃ. Evaṃ sante sagāthakādīnaṃpī puccham katvā vissajjanavasena pavattānaṃ veyyākaraṇabhāvo āpajjati? Nāpajjati, geyyādisaññānaṃ anokāsabhāvato, ‘gāthāvirahe sati’nti visesitattā ca. Tathā hi dhammapadādīsu kevalaṃ gāthābandhesu, sagāthakattepi somanassaññāmayikagāthāyuttesu, ‘vuttaññeta’ntiādivacanasambandhesu, abbhutadhammapaṭisaṃyuttesu ca suttavisesesu yathākkamaṃ gāthāudānaitivuttakaabbhutadhammasaññā paṭiṭṭhitā, tathā satipi gāthābandhabhāve bhagavato atītāsu jāṭīsu cariyānubhāvappakāsakesu jātakasaññā, satipi pañhāvissajjanabhāve, sagāthakatte ca kesuci suttantesu vedassa labhāpanato vedallasaññā paṭiṭṭhitāti evaṃ tena tena sagāthakattādīnā nimittena tesu tesu suttavisesesu geyyādisaññā paṭiṭṭhitāti visesavidhayo suttāngato pare geyyādayo. Yaṃ panettha geyyaṅgādinimittarahitaṃ, taṃ suttāngaṃ visesasaññāparihārena sāmāññasaññāya pavattanatotī. Nanu ca sagāthakaṃ suttaṃ geyyaṃ, niggāthakaṃ suttaṃ veyyākaraṇanti suttāngaṃ na sambhavatīti codanā tadavatthā vāti? Na tadavatthā, sodhitattā. Sodhitañhi pubbe gāthāvirahe sati pucchāvissajjanabhāvo veyyākaraṇassa tabbhāvanimittanti.

Yañca vuttaṃ – “gāthābhāvato maṅgalasuttādīnaṃ (khu. pā. 5.1, 2, 3) suttāṅgasāṅgaho na siyā”ti, taṃ na, **niruḷhattā**. Niruḷho hi maṅgalasuttādīnaṃ suttabhāvo. Na hi tāni dhammapadabuddhavaṃsādayo viya gāthābhāvena paññātāni, atha kho suttabhāvena. Teneva hi aṭṭhakathāyaṃ “suttanāmaka’nti nāmaggaṇaṃ kataṃ. Yañca pana vuttaṃ – “sagāthakattā geyyaṅgasāṅgaho siyā”ti, tadapi natthi, yasmā **sahatāññena**. Saha gāthāhīti hi sagāthakaṃ. Sahabhāvo nāma atthato aññena hotī, na ca maṅgalasuttādīsu kathāvinimutto koci suttapadeso atthi, yo ‘saha gāthāhī’nti vuccēyya, na ca samudāyo nāma koci atthi, yadapi vuttaṃ – “ubhatovibhaṅgādīsu sagāthakappadesānaṃ geyyaṅgasāṅgaho siyā”ti tadapi na, aññato. Aññā eva hi tā gāthā jātakādiariyāpannattā. Ato na tāhi ubhatovibhaṅgādīnaṃ geyyaṅgabhāvoti. Evaṃ suttādīnaṃ aṅgānaṃ aññamaññasankarābhāvo veditabbo.

“Ayaṃ dhammo...pe... ayaṃ vinayo, imāni caturāsīti dhammakhandhasahassānī’nti buddhavacanaṃ dhammavinayādibhedena vavattthapetvā saṅgāyanta mahākassapappamukhena vasigaṇena anekacchariyāpātubhāvapaṭimaṇḍitāya saṅgītiyā imassa dīghāgamaṃsa paṭhamamajjhimbuddhavacanaḍibhāvo vavattthapitoti dasseti, “**evametaṃ abhedato**”tiādinā.

Nidānakathāvaṇṇanā niṭṭhitā.

## 1. Brahmajālasuttavaṇṇanā

## Paribbājakathāvaṇṇanā

Evam paṭhamamahāsaṅgītiṃ dassetvā yadattham sā idha dassitā, idāni taṃ nigamanavasena dassetuṃ “**imissā**”tiādimāha.

1. Ettāvata ca brahmajālassa sādharmaṇato bāhiraṇidānaṃ dassetvā idāni abbhantaraṇidānaṃ saṃvaṇṇetuṃ “**tattha eva**”ntiādi vuttaṃ. Atha vā chahi ākārehi saṃvaṇṇanā kātabbā sambandhato padato padavibhāgato padatthato anuyogato pariḥārato cāti. Tattha **sambandho** nāma desanāsambandho. Yaṃ lokiyā “ummuggāto”ti vadanti. So pana pāliyaṃ nidānapāliyasena, nidānapāliyaṃ pana saṅgītivāsena vedittabboti paṭhamamahāsaṅgītiṃ dassentena nidānapāliyaṃ sambandhassa dassitattā padādivasena saṃvaṇṇanaṃ karonto “**evanti nipātapada**”ntiādimāha. “**Metiādīni**”ti ettha antarā-sadda-ca-saddānaṃ nipātapadabhāvo, vattabbo, na vā vattabbo tesam nayaggahaṇena gahitattā, tadavasīṭṭhānaṃ āpaṭi-saddānaṃ ādi-saddena saṅgaṇhanato. “**Padavibhāgo**”ti padānaṃ viśeso, na pana padaviggaho. Atha vā padāni ca padavibhāgo ca **padavibhāgo**, padaviggaho ca padavibhāgo ca **padavibhāgoti** vā ekasesavasena padapadaviggahāpi padavibhāga saddena vuttāti vedittabbaṃ. Tattha padaviggaho “bhikkhūnaṃ saṅgho”tiādi bhedesu padesu daṭṭhabbo.

**Atthatotī** padatthato. Taṃ pana padattham atthuddhārakkamena paṭhamam evam-saddassa dassento “**evamsaddo tāvā**”tiādimāha. **Avadhāraṇādīti** ettha **ādi**-saddena idamatthapucchāparimāṇādītiāthānaṃ saṅgho daṭṭhabbo. Tathā hi “evamgatāni, evamvidho, evamākāro”tiādisu idam-saddassa atthe evam-saddo. Gata-saddo hi pakārapariyāyo, tathā vidhākāra-saddā ca. Tathā hi vidhayuttagata-sadde lokiyā pakāratthe vadanti. “Evaṃ nu kho, na nu kho, kiṃ nu kho, kathaṃ nu kho”ti, “evam su te sunhātā suvilittā kappitakesamassa, āmuttamālabharaṇā odāvatthavasanaṃ pañcahi kāmaguṇehi samappitā samaṅgībhūtā paricārenti, seyyathāpi tvam etarahi saccariyakoti? No hidam bho gotamā”ti ca ādisu pucchāyaṃ. “Evaṃ lahuparivattaṃ, evam āyupariyanto”ti ca ādisu parimāṇe. Nanu ca “evam nu kho, evam su te, evam āyupariyanto”ti ettha evam-saddena pucchānākāraparimāṇākāraṇaṃ vuttattā ākārattho eva evam-saddo ti? Na, viśesasabbhāvato. Ākāramattavācako hettha ākāratthoti adhippeto, yathā “evam byākhotiādisu pana na ākāravisesavācako evaṇca katvā “evam jātena maccenā”tiādiṃ upamādisu udāharaṇāni upapannāni honti. Tathā hi “yathāpi...pe... bahu”nti? Ettha puppharāsīṭṭhāniyato manussupapattisappurisūpanissayasaddhammasavanayonisomanasikārabhogasampattiādidānādipuññakiriyāhetusamudāyato sobhāsugandhatādiguṇayogato mālāguṇasādisiyo pahūtā puññakiriyā maritabbasabbhāvātāya maccena sattena kattabbāti joditattā puppharāsīmālāguṇāva upamā, tesam upamākāro yathā-saddena aniyamato vuttoti evam-saddo upamākāraṇigamanatthoti vattum yuttam. So pana upamākāro niyamamāno atthato upamāva hotīti āha “**upamāyam āgato**”ti.

Tathā **evam** iminā ākārena “**abhikkamitabba**”ntiādinā upadisiyamānāya samaṇasārūppāya ākappasampattiyā yo tattha upadisaṇākāro, so atthato upadesoyevāti vuttaṃ “**evam te...pe... upadeso**”ti. Tathā **evametaṃ bhagavā, evametaṃ sugatāti** ettha ca bhagavatā yathāvuttamattham aviparītato jānantehi kataṃ tattha saṃvijjamaṇaguṇānaṃ pakārehi haṃsanaṃ udaggaṭākaraṇaṃ **sampahaṃsanaṃ**, yo tattha sampahaṃsanaṇākāro ti yojetabbaṃ. **Evamevam panāyanti** ettha garaṇānākāro ti yojetabbaṃ. So ca garaṇānākāro “vasalī”tiādi khumaṇasaddasannidhānato idha evam-saddena pakāsitoti viññāyati. Yathā cettha, evam upamākāradāyopi upamādivasena vuttānaṃ puppharāsīdisaddānaṃ sannidhānatoti daṭṭhabbaṃ. **Evaṇca vadehīti** “yathāhaṃ vadāmi, evam samaṇaṃ ānandaṃ vadehī”ti vadaṇākāro idāni vattabbo evam-saddena nidassiyatīti nidassanatto vutto. **Evam notī** etthāpi tesam yathāvuttadhammaṇaṃ ahitadukkhāvahabhāve sanniṭṭhānaṇanattam anumattiggahaṇavasena “saṃvattanti, no vā, kathaṃ vā ettha hotī”ti pucchāya katāya “evam no ettha hotī”ti vuttattā tadākārasanniṭṭhānaṃ evam-saddena vibhāvitanti viññāyati, so pana tesam dhammaṇaṃ ahitāya dukkhāya saṃvattanākāro niyamamāno avadhāraṇattho hotīti āha “**evam no ettha hotīti ādisu avadhāraṇe**”ti. **Evam bhanteti** pana dhammassa sādhuṃ savanamanasikāre sanniyojitehi bhikkhūhi attano tattha ṭhitabhāvassa paṭijānanavasena vuttattā ettha evam-saddo vacanasampañchanattho vutto, tena evam bhante, sādhu bhante, suṭṭhu bhanteti vuttaṃ hoti.

**Nānāyanipuṇanti** ekattanānattaabyāpāraevam dhammatāsaṅkhātā, nandiyāvaṭṭa tipukkhalaṣṭhāvikkīlītaaṅkusadisālocanaṅkhātā vā ādhārādibhedavasena nānāvidhā nayā nānāyā, nayā vā pāligatiyo, tā ca paññattianupaññattīdivasena saṃkilebhāgiyādīlokiyādīdubhayavomissatādivasena kusalādivasena khandhādivasena saṅghādivasena samayavimuttādivasena ṭhapanādivasena kusalamūlādivasena tikapaṭṭhānādivasena ca nānappakāratī nānāyā, tehi nipuṇaṃ saṅhasukhumanti nānāyanipuṇaṃ. Āsayova ajjhāsāyo, te ca sassatādi bhedena, tattha ca apparajakkhatādivasena anekā, attajjhāsāyādayo eva vā samuṭṭhānaṃ uppattihetu etassāti **anekajjhāsāyasamuṭṭhānaṃ**. **Atthabyañjanasampannanti** atthabyañjanaparipuṇaṃ upanetabbābhāvato, saṅkāsanapakāsanavivaraṇavibhājanauttānīkaraṇapaññattivasena chahi atthapadehi, akkharapadabyañjanākāraṇiruttiniddesavasena chahi byañjanapadehi ca samannāgatanti vā attho daṭṭhabbo.

**Vividhapāṭihāriyanti** ettha pāṭihāriyapadassa vacanattam “paṭipakkhaharaṇato rāgādīkilesāpanāyanaṇato pāṭihāriya”nti vadanti. Bhagavato pana paṭipakkhā rāgādayo na santi, ye haritabbā. Puthujjānānampi vigatūpakkīlese atṭhaguṇasamannāgate citte hatapaṭipakkhe iddhividham pavattati, tasmā tattha pavattavohārena ca na sakkā idha “pāṭihāriya”nti vattum. Sace pana mahākāruṇikassa bhagavato veneyyagatā ca kilesā paṭipakkhā, tesam haraṇato “pāṭihāriya”nti vuttaṃ, evam satī yuttametaṃ. Atha vā bhagavato ca sāsanassa ca paṭipakkhā titthiyā, tesam haraṇato

**pāṭihāriyaṃ.** Te hi diṭṭhiharaṇavasena, diṭṭhippakāsane asamatthabhāvena ca iddhiādesanānusāsanihi haritā apanitā hontīti. **“Paṭi”**ti vā ayaṃ saddo **“pacchā”**ti etassa atthaṃ bodheti **“tasmim paṭipaviṭṭhamhi, añño āgañchi brāhmaṇo”**tiādīsu viya, tasmā samāhite citte, vigatūpakkilese ca katakiccena pacchā haritabbaṃ pavattetabbanti paṭihāriyaṃ, attano vā upakkilesesu catutthajjhānamaggehi haritesu pacchā haraṇaṃ paṭihāriyaṃ. Iddhiādesanānusāsaniyo ca vigatūpakkilesena, katakiccena ca sattahitthaṃ puna pavattetabbā, haritesu ca attano upakkilesesu parasattānaṃ upakkilesaharaṇāni hontīti paṭihāriyāni bhavanti. Paṭihāriyameva **pāṭihāriyaṃ.** Paṭihāriye vā iddhiādesanānusāsaniyamudāye bhavaṃ ekekaṃ **“pāṭihāriya”**nti vuccati. Paṭihāriyaṃ vā catutthajjhānaṃ maggo ca paṭipakkhaharaṇato, tattha jātaṃ, tasmim vā nimittabhūte, tato vā āgatanti **pāṭihāriyaṃ.** Tassa pana iddhiādibhedena visayabhedena ca bahuvidhassa bhagavato desanāya labbhamānattā āha **“vividhapāṭihāriya”**nti.

Na **aññathāti** bhagavato sammukhā sutākārato na aññathāti attho, na pana bhagavato desitākārato. Acinteyyānubhāvā hi bhagavato desanā. Evañca katvā **“sabbappakārena ko samattho viññātu”**nti idaṃ vacanaṃ samatthitaṃ hoti. Dhāraṇabaladassanañca na virujjhati sutākārāviraṇhanassa adhippetattā. Na hettha atthantarapārihāro dvinnampi atthānaṃ ekavisayattā, itarathā thero bhagavato desanāya sabbathā paṭiggahaṇe samattho asamattho cāti āpajjeyyāti.

**“Yo paro na hoti, so attā”**ti evaṃ vuttāya niyakajjhattasaṅkhātāya sasantatiyaṃ vattanato tividhopi me-saddo kiñcāpi ekasmimyeva atthe dissati, karaṇasampadānasāminiddevasena pana vijjāmānabhedam sandhāyāha **“me-saddo tisu atthesu dissati”**ti.

Kiñcāpi upasaggo kiriyaṃ viseseti, jotakabhāvato pana satipi tasmim suta-saddo eva taṃ tamatthaṃ anuvadatīti anupasaggassa suta-saddassa atthuddhāre saupasaggassa gahaṇaṃ na virujjhatīti dassento **“saupasaggo ca anupasaggo ca”**ti āha. **Assāti** suta-saddassa. Kammabhāvasādhanāni idha suta-sadde sambhavantīti vuttaṃ **“upadhāritanti vā upadhāraṇanti vā attho”**ti. **Mayāti atthe satīti** yadā mesaddassa kattivasena karaṇaniddeho, tadāti attho. **Mamāti atthe satīti** yadā sambandhavasena sāminiddeho, tadā.

Sutasaddasannidhāne payuttana evaṃsaddena savanakiriyaṃjotakena bhavitabbanti vuttaṃ **“evanti sotaviññādiviññāpakiccanidassana”**nti. **Ādi**-saddena sampācchanādīnaṃ pañcadvārikaviññānaṃ tadabhinihāṇaṇaṃ manodvārikaviññānaṃ gahaṇaṃ veditabbaṃ. Sabbesampi vākyānaṃ evakārattasahitattā **“suta”**nti etassa sutaṃ evāti ayamattho labbhatīti āha **“assavanabhāvapaṭikkhepato”**ti, etena avadhāraṇena nirākataṃ dasseti. Yathā ca sutaṃ sutaṃ evāti niyametabbaṃ, taṃ sammā sutaṃ hotīti āha **“anūnādhikāvīparītaggahaṇanidassana”**nti. Atha vā **“saddantarathāpohanavasena saddo atthaṃ vadatī”**ti **sutanti** asutaṃ na hotīti ayametassa atthoti vuttaṃ **“assavanabhāvapaṭikkhepato”**ti, iminā diṭṭhādivinivattanaṃ karoti. Idaṃ vuttaṃ hoti. Na idaṃ mayā diṭṭhaṃ, na sayambhuñāṇena sacchikataṃ, atha kho sutaṃ, tañca kho sammadevāti. Tenevāha **“anūnādhikāvīparītaggahaṇanidassana”**nti. Avadhāraṇatthe vā evaṃ-sadde ayaṃ atthayojanā karīyatīti tadapekkhassa suta-saddassa ayamattho vutto **“assavanabhāvapaṭikkhepato”**ti. Teneva āha **“anūnādhikāvīparītaggahaṇanidassana”**nti. Savanasaddo cettha kammattā veditabbo suyyatīti.

Evaṃ savanahetusūnantapuggalasavanavisesavasena padattayassa ekena pakārena atthayojanaṃ dassetvā idāni pakārantarehipi taṃ dassetuṃ **“tathā eva”**ntiādi vuttaṃ. Tattha **tassāti** yā sā bhagavato sammukhā dhammassavanākārena pavattā manodvāravīññānavīthi, tassā. Sā hi nānappakārena ārammaṇe pavattitūṃ samatthā. Tathā ca vuttaṃ **“sotadvārānusārenā”**ti. **Nānappakārenāti** vakkhamānaṃ anekavihiṭānaṃ byañjanatthaggahaṇānānākārena, etena imissā yojanāya ākāratto evaṃ-saddo gahitoti dīpeti. **Pavattibhāvappakāsanaṃ**ti pavattiyā atthibhāvappakāsanaṃ. **“Sutanti dhammappakāsana”**nti yasmim ārammaṇe vuttappakārā viññānavīthi nānappakārena pavattā, tassa dhammatā vuttaṃ, na sutasaddassa dhammatthattā. Vuttassevatthassa pākāṭikaraṇaṃ **“ayañhetthā”**tiādi. Tattha **viññānavīthiyāti** karaṇatthe karaṇavacanaṃ. **Mayāti** katthuatthe.

**“Evanti niddisitabbappakāsana”**nti nidassanatthaṃ evaṃ-saddam gahetvā vuttaṃ nidassetabbassa niddisitabbattābhāvābhāvato, tena evaṃ-saddena sakalampi suttaṃ paccāmaṭṭhanti dasseti. Suta-saddassa kiriyāsaddattā, savanakiriyaṃ ca sādharānaviññānapabandhapāṭibaddhattā tattha ca puggalavohāroti vuttaṃ **“sutanti puggalakiccappakāsana”**nti. Na hi puggalavohārarahite dhammappabandhe savanakiriyaṃ labbhatīti.

**“Yassa cittasantānassā”**tiādi pākāratthameva evaṃ-saddam gahetvā purimayojanāya aññathā atthayojanaṃ dassetuṃ vuttaṃ. Tattha **ākārapaññattīti** upādāpaññatti eva, dhammānaṃ pavattīākārupādānavasena tathā vuttā. **“Sutanti visayaniddeho”**ti sotabbabhūto dhammo savanakiriyaṃkattupuggalassa savanakiriyaṃvasena pavattīṭṭhānanti katvā vuttaṃ. Cittasantānavinimuttassa paramatthato kassaci kattu abhāvepi saddavohārena buddhiparikappitabhedavacanicchāya cittasantānato aññaṃ viya taṃsamaṅgim katvā vuttaṃ **“cittasantānena taṃsamaṅgino”**ti. Savanakiriyaṃvisayopi sotabbadhammo savanakiriyaṃvasena pavattacittasantānassa idha paramatthato kattubhāvato, savanasena cittappavattiyā eva vā savanakiriyaṃbhāvato taṃkiriyaṃkattu ca visayo hotīti katvā vuttaṃ **“taṃsamaṅgino kattu visaye”**ti. Sutākārassa ca therassa sammānicchitabhāvato āha **“gahaṇasanniṭṭhāna”**nti, etena vā avadhāraṇatthaṃ evaṃ-saddam gahetvā ayaṃ atthayojanā katāti daṭṭhabbaṃ.

Pubbe sutānaṃ nānāvihitānaṃ suttasankhātānaṃ atthabyañjanānaṃ upadhāritarūpassa ākāraṣṣa nidassanassa avadhāraṇassa vā pakāsanasabhāvo evaṃ-saddoti tadākārādiupadhāraṇassa puggalapaññattiyā upādānabhūtaḍḍhammappabandhabyāpāratāya vuttaṃ “**evanti puggalakiccaniddeso**”ti. Savanakiriyā pana puggalavādinopi viññāpanirapekkhā natthīti visesato viññānabyāpāroti āha “**sutanti viññānakiccaniddeso**”ti. Meti saddappavattiyā ekanteneva sattavisayattā, viññānakiccassa ca tattheva samodahitabbato “**meti ubhayakiccayuttapuggalaniddeso**”ti vuttaṃ. Avijjānānāpaññattivijjānānāpaññattisabhāvā yathākkamaṃ evaṃ-sadda suta-saddānaṃ atthāti te tathārūpapaññattiupādānabyāpārabhāvena dassento āha “**evanti puggalakiccaniddeso. Sutanti viññānakiccaniddeso**”ti. Ettha ca karaṇakiriyākattukammavisesappakāsanavasena puggalabyāpāvisayapuggalabyāpāranidassanavasena gahaṇākāragāhakatābbisayavisesaniddesavasena kattukaraṇa byāpārakattuniddesavasena ca dutiyādayo catasso atthayojanā dassitāti daṭṭhabbaṃ.

Sabbassāpi saddādhigamanīyassa atthassa paññattimukheneva paṭipajjitabbattā, sabbapaññattinaṅca vijjānādivasena chasu paññattibhedesu antogadhattā tesu “eva”ntiādīnaṃ paññattīnaṃ sarūpaṃ niddhārento āha “**evanti ca meti cā**”tiādi. Tattha evanti ca meti ca vuccamānassa atthassa ākāradīno, dhammānaṅca asallakkhaṇabhāvato avijjānānāpaññattibhāvoti āha “**saccikaṭṭhaparamatthavasena avijjānānāpaññatti**”ti. Tattha **saccikaṭṭhaparamatthavasena** bhūtatthattamatthavasena. Idaṃ vuttaṃ hotiyo māyāmarīciādayo viya abhūtattho, anussavādīhi gahetabbo viya anuttamattho ca na hoti, so rūpasaddādisabhāvo ruppanūbhavanādisabhāvo vā attho “saccikaṭṭho, paramattha cā”ti vuccati, na tathā evaṃ meti padānamatthoti, etamevattham pākāṭataraṃ kātuṃ “**kiñhettha ta**”ntiādi vuttaṃ. **Sutanti** pana saddāyatanāṃ sandhāyāha “**vijjānānāpaññatti**”ti. Teneva hi “**yañhi tamettha sotena upaladdha**”nti vuttaṃ, “sotadvārānūsārena upaladdha”nti pana vutte atthabyañjanādisabbaṃ labbhati. **Taṃ taṃ upādāya vattabbatoti** sotapathāṃ āgate dhamme upādāya tesam upadhāritākārādīno paccāmasanavasena “eva”nti, sasantatipariyāpanne khandhe upādāya “me”ti vattabbattāti attho. Diṭṭhādisabhāvarahite saddāyatane pavattamānopi sutavohāro “dutiyaṃ tatiya”ntiādikō viya paṭhamādīni diṭṭhamutaviññāte apekkhitvā pavattoti āha “**diṭṭhādīni upanidhāya vattabbato**”ti. Asutaṃ na hotīti hi “suta”nti pakāsito yamatthoti.

Attanā paṭividdhā suttassa pakāravisesā “eva”nti therena paccāmatṭhāti āha “**asammohaṃ dīpeti**”ti. “**Nānappakārapaṭivedhasamattho hoti**”ti etena vakkhamānassa suttassa nānappakāratam duppaṭivijjhataṅca dasseti. “**Sutassa asamosaṃ dīpeti**”ti sutākāraṣṣa yāthāvato dassiyamānattā vuttaṃ. **Asammohenāti** sammohābhāvena, paññāya eva vā savanakālasambhūtāya taduttarakālapaññāsiddhi, evaṃ **asammosenāti** etthāpi vattabbam. Byañjanānaṃ paṭivijjhatabbo ākāro nātigambhīro, yathāsutadhāraṇameva tattha karaṇīyanti satiyā byāpāro adhiko, paññā tattha guṇibhūtāti vuttaṃ “**paññāpubbaṅgamāyā**”tiādi paññāya pubbaṅgamāti katvā. Pubbaṅgamatā cettha padhānabhāvo “manopubbaṅgamā”tiādisu viya, pubbaṅgamatāya vā cakkhuvīññādisu āvajjanādīnaṃ viya apadhānante paññā pubbaṅgamā etissāti ayampi attho yujjati, evaṃ “**satipubbaṅgamāyā**”ti etthāpi vuttanāyānūsārena yathāsambhavamatto veditabbo. **Atthabyañjanasampannassāti** atthabyañjanaparipuṇṇassa, saṅkāsanapakāsanavivaraṇavibhajjanauttānīkaraṇapaññattivasena chahi atthapadehi, akkharapadabyañjanākāraniruttiniddesavasena chahi byañjanapadehi ca samannāgatassāti vā attho daṭṭhabbo.

**Yonisomanasikāraṃ dīpeti**ti evaṃ-saddena vuccamānānaṃ ākāranidassanāvadhāraṇatthānaṃ aviparītasaddhammavisayattāti adhippāyo. “**Avikkhepaṃ dīpeti**”ti “brahmajālaṃ kattha bhāsita”ntiādi pucchāvasena pakāraṇappattassa vakkhamānassa suttassa savanaṃ samādhānamantarena na sambhavatīti katvā vuttaṃ. “**Vikkhittacittasā**”tiādi tassevatthassa samatthanavasena vuttaṃ. **Sabbasampattiyāti** atthabyañjanadesakapayojanādisampattiyā. Aviparītasaddhammavisayehi viya ākāranidassanāvadhāraṇatthehi yonisomanasikāraṣṣa, saddhammassavanena viya ca avikkhepassa yathā yonisomanasikārena phalabhūtena attasammāpanidhipubbekatapuññātānaṃ siddhi vuttā tadavinābhāvato, evaṃ avikkhepena phalabhūtena kāraṇabhūtanāṃ saddhammassavanasappurisūpanissayānaṃ siddhi dassetabbā siyā assutavato, sappurisūpanissayarāhitassa ca tadabhāvato.

“**Na hi vikkhittacitto**”tiādinā samatthanavacanena pana avikkhepena kāraṇabhūtena sappurisūpanissayena ca phalabhūtassa saddhammassavanassa siddhi dassitā. Ayam panettha adhippāyo yutto siyāsaddhammassavanasappurisūpanissayā na ekantena avikkhepassa kāraṇaṃ bāhiraṅgattā, avikkhepo pana sappurisūpanissayo viya saddhammassavanassa ekantakāraṇanti. Evampi avikkhepena sappurisūpanissayasiddhijotanā na samatthitāva, na na samatthitā vikkhittacittānaṃ sappurisapayirupāsānābhāvassa atthasiddhattā. Ettha ca purimaṃ phalena kāraṇassa siddhidassanaṃ nadīpūrena viya uparī vuṭṭhisabbhāvassa, dutiyaṃ kāraṇena phalassa siddhidassanaṃ daṭṭhabbaṃ ekantena vassīnā viya meghavutṭhānena vuṭṭhipavattiyā.

Bhagavato vacanassa atthabyañjanapabhedaparicchedavasena sakalāsāsanasampattiogāhanākāro niravasesaparāhitapāripūrikāraṇanti vuttaṃ “**evaṃ bhaddako ākāro**”ti. Yasmā na hotīti sambandho. **Pacchimakakkadvayasampattinti** attasammāpanidhipubbekatapuññātāsankhātāṃ guṇadvayaṃ. Aparāparaṃ vuttiyā cettha cakkabhāvo, caranti etehi sattā sampattibhavesūti vā. Ye sandhāya vuttaṃ “cattārimāni bhikkhave cakkāni, yehi samannāgatānaṃ devamanussānaṃ catucakkaṃ vattatī”tiādi. Purimapacchimabhāvo cettha desanākkamavasena daṭṭhabbo. **Pacchimakakkadvayasiddhiyāti** pacchimakakkadvayassa atthitāya. Sammāpaññihitatto pubbe ca katapuñño suddhāsayo hoti tadasuddhietūnaṃ kilesānaṃ dūribhāvato āha “**āsayasuddhi siddhā hoti**”ti. Tathā hi vuttaṃ “sammāpaññihitaṃ cittaṃ,

seyyaso naṃ tato kare”ti, “katapuññosi tvam ānanda, padhānaṃ anuyuñja khippaṃ hohisi anāsavoti ca. Tenevāha “**āsayasuddhiyā adhighamabyattisiddhī**”ti. **Payogasuddhiyā**ti yonisomanasikārapubbaṅgamaṃ savaṃ dhammassavanapayogassa viśadabhāvena. Tathā cāha “**āgamabyattisiddhī**”ti. Sabbassa vā kāyavācīpayogassa niddosabhāvena. Parisuddhakāyavācīpayogo hi vippaṭṭisārābhāvato avikkhittacitto pariyaṭṭiyaṃ viśarado hoṭṭi.

“**Nānappakārapaṭivedhadīpakenā**”tiādinā atthabyañjanesu therassa evaṃ-sadda suta-saddānaṃ asammoḥāsamosadīpanato catupaṭṭisambhidāvasena atthayojanaṃ dasseti. Tattha “**sotabbappabhedapaṭivedhadīpakenā**”ti etena ayaṃ suta-saddo evaṃ-saddasannidhānato, vakkhamānāpekkhāya vā sāmāññeneva sotabbadhammavisesaṃ āmasatīti dasseti. Manodīṭṭhikaraṇāpariyattidhammānaṃ anupekkhanasuppaṭivedhā viśesato manasikārapaṭibaddhāti te vuttanayena yonisomanasikāradīpakena evaṃ-saddena yojetvā, savanadhāraṇavācīparicayā pariyaṭṭidhammānaṃ viśesena sotāvadhānaṭibaddhāti te avikkhepadīpakena suta-saddena yojetvā dassento sāsanasampattiyā dhammassavane ussāhaṃ janeti. Tattha dhammāti pariyaṭṭidhammā. **Manasānupekkhīti** “idha sīlaṃ kathitaṃ, idha samādhi, idha paññā, ettakā ettha anusandhiyo”tiādinā nayena manasā anupekkhīti. **Diṭṭhiyā suppaṭividdhāti** nijjhānakkhantibhūtāya, nītapariññāsankhātāya vā diṭṭhiyā tattha tattha vuttarūpārūpadhamme “itī rūpaṃ, ettakaṃ rūpa”ntiādinā suṭṭhu vavattapetvā paṭividdhā.

“**Sakalena vacanenā**”ti pubbe tīhi padehi viśuṃ viśuṃ yojitattā vuttaṃ. **Asappurisabhūmīti** akataññutaṃ “idhekacco pāpabhikkhu tathāgatappaveditaṃ dhammavinayaṃ pariyaṭṭitvā attano dāhaṭ”ti evaṃ vuttaṃ anariyavohārāvattaṃ. Sā eva anariyavohārāvattā **asaddhammo**. Nanu ca ānandattherassa “mamedāṃ vacana”nti adhimānassa, mahākassapattherādīnañca tadāsankāya abhāvato asappurisabhūmisamatikkamādivacanaṃ niratthakaṃ ti? Nayidaṃ evaṃ “evaṃ me suta”nti vadantena ayampi attho vibhāvītōti dassanato. Keci pana “devatānaṃ parivittakāpekkhaṃ tathāvacaṇanti edisī codanā anavakāsa”ti vadanti. Tasmīṃ kira khaṇe ekaccānaṃ devatānaṃ evaṃ cetaso parivittakko udapādi “tathāgato ca parinibbuto, ayañca āyasmā desanākusalo, idāni dhammaṃ deseti, sakyakulappasuto tathāgataṃ bhātā cūlapituputto, kiṃ nu kho sayaṃ sacchikata dhammaṃ deseti, udāhu bhagavatoyeva vacanaṃ yathāsuta”nti. Evaṃ tadāsankītapakārato asappurisabhūmisamokkamādīto atikkamādi vibhāvītōti. **Attano adahantōti** “mameta”nti attani aṭṭhapento. **Appetīti** nidasseti. Diṭṭhadhammikasamparāyīkaparamatthesu yathārahaṃ satte netīti netti, dhammoyeva netti **dhammanetti**.

Daḷhataranivīṭṭhā vicikicchā **kañkhā**. Nātiśamsappanaṃ matibhedamattaṃ **vimati**. **Assaddhiyaṃ vināseti** bhagavato desitattā, sammukhā cassa paṭiggahitattā, khalitaduruttādiggahaṇadosābhāvato ca. Ettha ca paṭhamādayo tisso atthayojanā ākāradīatthesu agghavitavesameva evaṃ-saddaṃ gahetvā dassitā, tato parā tisso ākāratthameva evaṃ-saddaṃ gahetvā vibhāvītā. Pacchimā pana tisso yathākkamaṃ ākārattham nīdassanattaṃ avadhāraṇatthañca evaṃ-saddaṃ gahetvā yojitāti daṭṭhabbaṃ.

**Eka**-saddo aññasetṭhāsahāyasankhyadīsu dissati. Tathāhesa “sassato attā ca loko ca, idameva saccaṃ moghamaññanti ittheke abhivadanti”tiādisu aññatthe dissati, “cetaso ekodibhāva”ntiādisu seṭṭhatthe, “eko vūpakaṭṭho”tiādisu asahāye, “ekova kho bhikkhave khaṇo ca samayo ca brahmacariyavāsāya”tiādisu sankhyayaṃ, idhāpi sankhyayanti dassento āha “**ekanti gaṇanaparicchedaniddeso**”ti. **Kālañca samayañcāti** yuttakālañca paccayasāmaggiñca. **Khaṇoti** okāso. Tathāgatupādādīko hi maggabrahmacariyassa okāso tappaccayaṭṭilābhahetuttā. Khaṇo eva ca **samayo**. Yo “khaṇo”ti ca “samayo”ti ca vuccati, so eko vāti hi attho. **Mahāsamayoti** mahāsamūho. **Samayopi khoti** sikkhāpadapīraṇassa hetupi. **Samayappavādaketi** diṭṭhippavādake. Tattha hi nisinnā tiṭṭhiyā attano attano samayaṃ pavadanti. **Atthābhisamayāti** hitaṭṭilābhā. Abhisametabboti abhisamayo, abhisamayo atthoti **abhisamayaṭṭhoti** pīlana ādīni abhisametabbabhāvena ekībhāvaṃ upanetvā vuttāni. Abhisamayassa vā paṭivedhassa viśayabhūtabhāvo **abhisamayaṭṭhoti** tāneva tathā ekattena vuttāni. Tattha **pīlanaṃ** dukkhasaccassa taṃ samaṅgīno hiṃsanaṃ avipphārikatākaraṇaṃ. **Santāpō**dukkhadukkhatādivasena santāpanaṃ paridahaṇaṃ.

Tattha sahaṅgīkaraṇaṃ sannijja sameti samavēṭṭi **samayo**, samavāyo. Sameti samāgacchati maggabrahmacariyametta tadādhārapuggalehīti **samayo**, khaṇo. Sameti ettha, etenava saṃgacchati satto, sabhāvadhammo vā sahaṅgīkādihi, uppādādihi vāti **samayo**, kālo. Dhammappavattimattāya atthato abhūtopi hi kālo dhammappavattiyā adhikaraṇaṃ, karaṇaṃ viya ca kappanāmettasiddhena rūpena voharīyati. Samaṃ, saha vā avayavānaṃ ayanāṃ pavatti avatṭhānanti **samayo**, samūho, yathā “samudāyo”ti. Avayavasahāvattṭhānameva hi samūhoti. Avasesapaccayānaṃ samāgame eti phalaṃ etasmā uppajjati pavattati cāti **samayo**, hetu yathā “samudāyo”ti. Sameti saṃyojanabhāvato sambandho eti attano viśaye pavattati, daḷhaggahaṇabhāvato vā saṃyuttā ayanti pavattanti sattā yathābhīnivesaṃ etenāti **samayo**, diṭṭhi. Diṭṭhisamyojanena hi sattā ativiya bajjantīti. Samiti saṅgati samodhānanti **samayo**, paṭilābho. Samassa yānaṃ, sammā vā yānaṃ apagamoti **samayo**, pahānaṃ. Abhimukhaṃ nāṇena etabbo abhisametabboti abhisamayo, dhammānaṃ aviparīto sabhāvo. Abhimukhabhāvena sammā eti gacchati bujjaṭṭi abhisamayo, dhammānaṃ yathābhūtasabhāvāvabodho. Evaṃ tasmīṃ tasmīṃ atthe samaya-saddassa pavatti veditabbā. Samaya-saddassa atthuddhāre abhisamaya-saddassa udāharaṇaṃ vuttanayeneva veditabbā. **Assāti** samaya-saddassa. **Kālo attho** samavāyādīnaṃ atthānaṃ idha asambhavato desadesakaparisānaṃ viya suttassa nīdānabhāvena kālassa apadisitabbato ca.

Kasmā panettha aniyāmitavaseneva kālo nīdīṭṭho, na utusaṃvaccharādivasena niyametvāti āha “**tattha kiñcāpi**”tiādi.



Utusamvaccharādivasena niyamaṃ akatvā samaya-saddassa vacane ayampi guṇo laddho hotīti dassento “**ye vā ime**”tiādīmāha. Sāmaññajotanā hi visese avatīṭṭhatīti. Tattha **diṭṭhadhammasukhavihārasamayo** devasikaṃ jhānasamāpattīhi vītināmanakālo, visesato sattasattāhāni. **Pakāsāti** dasasahassilokadhātuyā pakampānaobhāsapātubhāvādīhi pākāṭā. Yathāvuttappabhedesuyeva samayesu ekadesaṃ pakārantarehi saṅgahetvā dassetuṃ “**yo cāya**”ntiādīmāha. Tathā hi ñānakiccasamayo attahitapaṭipattisamayo ca **abhisambodhisamayo**. Ariyatūṇhibhāvasamayo **diṭṭhadhammasukhavihārasamayo**. Karuṇākiccaparahitapaṭipattidhammikathāsamayo **desanāsamaye**va.

Karaṇavacanena niddeso kato yathāti sambandho. **Tatthāti** abhidhammavinayesu. **Tathāti** bhummakaraṇehi. **Adhikaraṇattha** ādhārattho. Bhāvo nāma kiriyā, kiriyāya kiriyantaralakkhaṇaṃ **bhāvenabhāvalakkhaṇaṃ**. Tattha yathā kālo sabhāvadhammaparicchinno sayam paramatthato avijjamānopi ādhārabhāvena paññāto taṅkhaṇappavattānaṃ tato pubbe parato ca abhāvato “pubbaṅhe jāto, sāyanhe gacchati”ti, ca ādisu, samūho ca avayavavinimutto avijjamānopi kappanāmatasiddho avayavānaṃ ādhārabhāvena paññāpīyati “rukkhe sākha, yavarāsiyaṃ sambhūto”tiādīsu, evaṃ idhāpīti dassento āha “**adhikaraṇāhi...pe... dhammāna**”nti. Yasmiṃ kāle, dhammapuñje vā kāmāvacaraṃ kusalaṃ cittaṃ uppannaṃ hoti, tasmīṃyeva kāle, dhammapuñje ca phassādayopi hontīti ayañhi tattha attho. Yathā ca gāvīsu duyhamānāsu gato, duddhāsu āgatoti dohanakiriyāya gamanakiriyā lakkhīyati, evaṃ idhāpi “yasmiṃ samaye, tasmīṃ samaye”ti ca vutte satīti ayamattho viññāyamāno eva hoti padatthassa sattāvīrahābhavatoti samayassa sattākiriyāya cittassa uppādakiriyā, phassādīnaṃ bhavanakiriyā ca lakkhīyati. **Yasmiṃ samayeti** yasmiṃ navame khaṇe, yonisomanasikārādihetumhi, paccayasamavāye vā satī kāmāvacaraṃ kusalaṃ cittaṃ uppannaṃ hoti, tasmīṃyeva khaṇe, hetumhi, paccayasamavāye ca satī phassādayopi hontīti ubhayattha samaya-sadde bhummaniddeso kato lakkhaṇabhūtabhāvayuttoti dassento āha “**khaṇa...pe... lakkhīyati**”ti.

**Hetuattho karaṇattho ca sambhavati** “annena vasati, ajjhenena vasati, pharasunā chindati, kudālena khaṇatī”tiādīsu viya. Vītikkaṃāñhi sutvā bhikkhusaṅghaṃ sannipātāpetvā otiṇṇavattukam puggalaṃ paṭipucchitvā, vīgarahitvā ca taṃ taṃ vatthum otiṇṇakālaṃ anatikkamitvā teneva kālena sikkhāpadāni paññāpento bhagavā vīharati sikkhāpadapaññāttihetuñca apekkhamāno tatiyapārājikādīsu viyāti.

**Accantameva** ārambhato paṭṭhāya yāva desanāñiṭṭhānaṃ parahitapaṭipattisāṅkhātena **karuṇāvīhārena**. **Tadatthajotānatthanti** accantasamāyogathajotānattham. **Upayogavacananiddeso kato** yathā “māsaṃ ajjhetī”ti.

**Porāṇāti** aṭṭhakathācariyā. **Abhilāpamattabhedoti** vacanamattena viseso. Tena suttavinayesu vibhattibyatayo katoti dasseti.

**Seṭṭhanti** seṭṭhavācakaṃ vacanaṃ seṭṭhanti vuttaṃ seṭṭhagūṇasahacaraṇato. Tathā **uttamanti** etthāpi. **Gāravayuttoti** garubhāvayutto garugūṇayogato, garukaraṇārahātāya vā **gāravayutto**.

**Vuttoye**va na pana idha vattabbo visuddhimaggassa imissā aṭṭhakathāya ekadesabhāvatoti adhippāyo.

Apica bhage vani, vāmīti vā bhagavā, bhage sīlādiguṇe vani bhajī sevi, te vā vineyyasantānesu “kathaṃ nu kho uppajjeyyu”nti vani yāci patthayīti bhagavā, bhagaṃ vā sirim, issariyaṃ, yasañca vami khelapiṇḍam viya chaḍḍayīti bhagavā. Tathā hi bhagavā hatthagataṃ sirim, catuddīpissariyaṃ, cakkavattisampattisannissayañca sattaratānasamujjalam yasaṃ anapekkho paricajīti. Atha vā bhāni nāma nakkhattāni, tehi samaṃ gacchanti pavattantīti bhagā, sineruyugandharādīgatā bhājanalokasobhā. Te bhagavā vami tappaṭibaddhachandarāgappahānena pajahatīti evampi bhage vāmīti bhagavā.

“**Dhammasarīraṃ paccakkhaṃ karotī**”ti “yo vo ānanda mayā dhammo ca vinayo ca desito paññatto, so vo mamaccayena satthā”ti vacanato dhammassa satthubhāvapariyāyo vijjatīti katvā vuttaṃ.

**Vajirasaṅghātasamānakāyo** parehi abhejjasarīratā. Na hi bhagavato rūpakāye kenaci antarāyo sakkā kātunti. **Desanāsampattim niddisati** vakkhamānassa sakalasuttassa “eva”nti niddisanato. **Sāvakasampattim** niddisati paṭisambhidāppattena pañcasu thānesu bhagavatā etadagge ṭhapitena mayā mahāsāvakena sutam, tañca kho mayāva sutam, na anussavitaṃ, na paramparābhatanti imassatthassa dīpanato. **Kālasampattim** niddisati “bhagavā”ti padassa sannidhāne payuttassa samaya-saddassa kālassa buddhuppādapāṭimaṇḍitabhāvādīpanato. Buddhuppādaparamā hi kālasampadā. Tenetaṃ vuccati –

“Kappakasāye kaliyuge, buddhuppādo aho mahacchariyaṃ;  
Hutāvahamañjhe jātam, samudītamakarandamaravinda”nti.

**Bhagavāti desakasampattim** niddisati guṇavisitṭhasattuttamagāravādhivacanato.

**Vijjantarikāyāti** vijjuniccharaṇakkhaṇe. **Antaratoti** hadāye. **Antarāti** ārabba nipphattīnaṃ vemajjhe. **Antarikāyāti**

antarāle. Ettha ca “tadantaram ko jāneyya, etesaṃ antarā kappā, gaṇanāto asaṅkhiyā, antarantarā katham opāteṭī”ti ca ādisu viya kāraṇavemajjhesu vattamānā antarā-saddā eva udāharitabbā siyuṃ, na pana cīttakhaṇavivaresu vattamānā antarantarikā-saddā. Antarā-saddassa hi ayam atthuddhāroti. Ayam panettha adhippāyo siyā – yesu atthesu antarā-saddo vattati, tesu antarasaddopi vattatīti samānathattā antarā-saddatthe vattamāno antara-saddo udāhaṭo, antarā-saddo eva vā “yassantarato”ti ettha gāthāsukhattham rassam katvā vuttoti daṭṭhabbam. Antarā-saddo eva pana ika-saddena padam vaḍḍhetvā “antarikā”ti vuttoti evamettha udāharaṇodāharitabbānaṃ virodhābhāvo daṭṭhabbo. **Ayojyamāne upayogavacanam na pāpuṇāti** sāmivacanassa pasaṅge antarā-saddayogena upayogavacanassa icchitattā. Tenevāha “**antarāsaddena yuttattā upayogavacanam kata**”nti.

“Niyato sambodhiparāyaṇo, aṭṭhānametaṃ bhikkhave anavakāso, yaṃ diṭṭhisampanno puggalo sañcicca pāṇaṃ jīvita voropeyya, “netam thānaṃ vijjati” tiādivacanato diṭṭhisīlānaṃ niyatasabhāvattā sotāpannāpi aññamaññaṃ diṭṭhisīlasāmaññaṃ samhata, pageva sakadāgāmiādayo. “Tathārūpāya diṭṭhiyā diṭṭhisāmaññaṃ viharati, tathārūpesu sīlesu sīlasāmaññaṃ viharati”ti vacanato puthujjanānampi diṭṭhisīlasāmaññaṃ samhatabhāvo labbhatiyeva.

**Suppiyopi khoti** ettha **kho**-saddo avadhāraṇattho “assosi kho”tiādisu viya. Tena addhānamaggapaṭipanno ahoṣiyeva, nāssa maggapaṭipattiyā koci antarāyo ahoṣīti ayamatto dīpito hoti. **Tatrāti** vā kālassa paṭiniddeso. Sopi hi “ekam samaya”nti pubbe adhikato. Yañhi samayaṃ bhagavā antarā rājagahañca nālandañca addhānamaggapaṭipanno, tasmimyeva samaye suppiyopi taṃ maggam paṭipanno avaṇṇam bhāsati, brahmadatto ca vaṇṇam bhāsati. Pariyāyati parivattatīti **pariyāyo**, vāro. Pariyāyeti desetabbamattham paṭipādefīti **pariyāyo**, desanā. Pariyāyati attano phalaṃ pariggahetvā pavattatīti **pariyāyo**, kāraṇanti evaṃ pariyāya-saddassa vārādīsu pavatti veditabbā. **Kāraṇenāti** kāraṇapatirūpakena. Tathā hi vakkhati “akāraṇameva kāraṇanti vatvā”ti. Kasmā panettha “avaṇṇam bhāsati”ti, “vaṇṇam bhāsati”ti ca vattamānakālaniddeso kato, nanu saṅgītikālatto so avaṇṇavaṇṇānaṃ bhāsitaḷo atītoti? Saccametam, “addhānamaggapaṭipanno hoti”ti ettha hoti-saddo viya atītakālattho bhāsati-saddo ca daṭṭhabbo. Atha vā yasmim kāle tehi avaṇṇo vaṇṇo ca bhāsiyati, taṃ apekkhitvā evaṃ vuttaṃ. Evañca katvā “tatrāti kālassa paṭiniddeso”ti idañca vacanam samatthitaṃ hoti.

**Akāraṇanti** ayuttiṃ, anupapattinti attho. Na hi arasarūpatādayo dosā bhagavati samvijjanti, dhammasaṅghānañca durakkhātaduppaṭipannatādayoti. **Akāraṇanti** vā yuttakāraṇarahitaṃ, paṭiññāmatanti adhippāyo. Imasmiñca atthe **kāraṇanti vatvāti** kāraṇam vāti vatvāti attho. Arasarūpādīnañcettha jātivuḍḍhesu abhivādanādisāmīcikkammākāraṇam **kāraṇam**, tathā uttarimanussadhammālamariyaññādaṇṇānañbhāvassa sundarikāmaguṇādinavabodho, saṃsārassa ādikoṭiyā apaññāyanapaṭiñña, abyākatavatthubyākaraṇanti evamādayo, tathā asabbaññūtādīnaṃ kamāvabodhādayo yathārahaṃ niddhāretabbā. **Tathā tathāti** jātivuḍḍhānaṃ anabhivādanādiākārena.

**Avaṇṇam bhāsamanoti** avaṇṇambhāsanahetu. Hetuattho hi ayam māna-saddo. **Anayabyasanaṃ pāpuṇissati** ekantamahāsāvajjattā ratanattayopavādassa. Tenevāha –

“Yo nindiyam pasamsati,  
Taṃ vā nindati yo pasamsiyo;  
Vicīnāti mukhena so kalim,  
Kalinā tena sukham na vindati”ti.

“Amhākam ācariyo”tiādinā brahmadattassa samveguppattiṃ, attano ācariye kāruññappavattīñca dassetvā kiñcāpi antevāsina ācariyassa anukūlena bhavitabbaṃ, ayam pana paṇḍitajātīkattā na edisesu taṃ anuvattatīti, idāni tassa kammassakataññāppavattiṃ dassento “**ācariye kho pana**”tiādimāha. **Vaṇṇam bhāsituṃ āraddho** “apināmāyam ettakenāpi ratanattayāvaṇṇato orameyyā”ti. Vaṇṇiyatīti **vaṇṇo**, guṇo. Vaṇṇanam guṇasankittananti **vaṇṇo**, pasamsā. **Saṃññūlhāti** ganthitā, nibandhitāti attho. Atitthena pakkhando dhammakathikoti na vattabbo aparimāṇaguṇattā buddhādīnaṃ, niravasesānañca tesam idha pakāsanam pāḷisaṃvaṇṇanāyeva sampajjatīti. **Anussavādīti** ettha **ādi**-saddena ākāraparivittakkaḍḍhiññānakkhantiyo saṅgañhāti. **Attano thāmena vaṇṇam abhāsi**, na pana buddhādīnaṃ guṇānurūpanti adhippāyo. Asaṅkhiyayāparimitappabhedā hi buddhādīnaṃ guṇā. Vuttañhetam –

“Buddhōpi buddhassa bhaṇeyya vaṇṇam,  
Kappampi ce aññamabhāsamāno;  
Khīyetha kappo ciradīghamantare,  
Vaṇṇo na khīyetha tathāgatassā”ti.

Idhāpi vakkhati “appamattakam kho paneta”ntiādi.

**Iti ha teti** ettha **itīti** vuttappakāraparāmasanaṃ. **Ha**-kāro nipātamattanti āha “**evam te**”ti.

**Iriyāpathānubandhanena anubandhā honti**, na pana sammāpaṭipattianubandhanenāti adhippāyo. **Tasmim kāleti** yasmim samvacchare utumhi māse pakkhe vā bhagavā taṃ addhānamaggaṃ paṭipanno, tasmim kāle. Teneva hi

kiriyāvicchadadassanavasena “rājagahe piṇḍāya caratī”ti vattamānakālaniddeso kato. **Soti** evaṃ rājagahe vasamāno bhagavā. **Taṃ divasanti** yaṃ divasaṃ addhānamaggapaṭipanno, taṃ divasaṃ. **Taṃ addhānaṃ paṭipanno** nālandāyaṃ veneyyānaṃ vividha hitasukhanipphattiṃ ākaṅkhamāno imissā ca aṭṭhupattiyā tividhasīlāṅkataṃ nānāvīdhakuhalanapanādīmicchājīvaiddhamśanaṃ dvāsaṭṭhidīṭṭhijālavinivethanaṃ dasasahasilokadhātupakampanaṃ brahmajālasuttantaṃ desessāmīti. Ettāvata “kasmā pana bhagavā taṃ addhānaṃ paṭipanno”ti codanā visodhitā hoti. “Kasmā ca suppiyo anubandho”ti ayaṃ pana codanā “bhagavato taṃ maggaṃ paṭipannabhāvaṃ ajānanto”ti etena visodhitā hoti. Na hi so bhagavantaṃ daṭṭhumeva icchatīti. Tenevāha “**sace pana jāneyya, nānubandheyā**”ti.

Nīlapītalohitodātamañjīṭṭhapabhassaravasena “**chabbaṇṇarasmiyo. “Samantā asīhatthappamāṇe”**ti tāsama rasmīnaṃ pakatiyā pavattiṭṭhānavasena vuttaṃ. “**Tasmīṃ kira samaye**”ti ca tasmīṃ addhānagamanasamaye buddhasiriyā anigūhītabhāvadassanattaṃ vuttaṃ. Na hi tadā tassā nigūhane pakkusātiabhiḡamanādīsu viya kiṅcīpi kāraṇaṃ atthīti. **Ratanāveḷaṃ** ratanavaṭṭasakamaṃ. **Cīnapīṭṭhacūṇṇaṃ** sindhanacūṇṇaṃ.

Byāmapabhāparikkhepavilāsīnī ca **assa** bhagavato **lakkhaṇamālā**ti mahāpurisalakkhaṇāni aññamaññapaṭibaddhattā evamāha. Dvattiṃsāya candamaṇḍalānaṃ mālā kenaci ganthetvā ṭhapitā yadi siyāti parikkappanavasenaṃha “**ganthetvā ṭhapitadvattiṃsacandamālāyā**”ti. Sirīṃ abhibhavanti ivāti sambandho. Esa nayo **sūriyamālāyā**tiādīsūpi. **Mahātherā**ti mahāsāvake sandhāyāha. Evaṃ gacchantaṃ bhagavantaṃ bhikkhū ca disvā atha attano pariṣaṃ avalokesīti sambandho. “**Yasmā panesā**”tiādīnā “kasmā ca so ratanattayassa avaṇṇaṃ bhāsati”ti codanaṃ visodheti. **Itī**ti evaṃ, vuttappakārenāti attho. **Imehi dvīhī**ti lābhaparivārahāniṃ nigamanavasena dasseti. Bhagavato virodhānuyābhāvavimāṃsanattaṃ ete avaṇṇaṃ vaṇṇaṅca bhāsantiṭi apare. “Mārena anvāvitṭhā evaṃ karontī”ti ca vadanti.

2. Ambalaṭṭhikāya avidūre bhavattā uyyānaṃ **ambalaṭṭhikā** yathā “varuṇānagaraṃ, godāgāmo”ti. Keci pana “**ambalaṭṭhikā**ti yathāvuttanayeneva ekagāmo”ti vadanti. Tesamaṃ mate **ambalaṭṭhikāyanti** samīpatthe bhumavacanaṃ. **Rājāgāra**kaṃ vessavaṇamaḥārājadevāyatananti eke. **Bahuparissayoti** bahupaddavo. “**Saddhīṃ antevāsīnā brahmadattena māṇavenā**”ti **vuttaṃ** sīhalaṭṭhakathāyaṃ. Taṅca kho pālī āruḷhavaseneva, na pana tadā suppiyassa pariṣāya abhāvato. Kasmā panetta brahmadattoyeva pālī āruḷho, na suppiyassa pariṣāti? Payoṇābhāvato. Yathā cetamaṃ, evaṃ aññampi edisaṃ payoṇābhāvato saṅgītikārehi na saṅgahitanti daṭṭhabbaṃ. Keci pana “**vuttanti pāḷiyaṃ vutta**”nti vadanti, taṃ na yujjati pālīaruḷhavasena pāḷiyaṃ vuttanti āpajjanato. Tasmā yathāvuttanayenevettha attho gahetabbo. Parivāretvā nisīno hotīti sambandho.

3. **Kathādharmoti** kathāsabhāvo, **kathādharmo** upaparikkhāvīdhīti keci. Nīyatīti nayo, attho. Saddasattaṃ anugato nayo **saddanayo**. Tattha hi anabhiṅhavuttike acchariya-saddo icchito. Tenevāha “**andhassa pabbatārohaṇaṃ viyā**”ti. **Accharāyogganti acchariyanti** niruttinayo, so pana yasmā porāṇaṭṭhakathāyaṃ āgato, tasmā āha “**aṭṭhakathānayo**ti. Yāvañcidamaṃ suppaṭivīditāti sambandho, tassa yattakaṃ suṭṭhu paṭivīditā, taṃ ettakanti na sakkā amehi paṭivījjhituṃ, akkhātuṃ vāti attho. Tenevāha “**tena suppaṭivīditatāya appameyyataṃ dasseti**”ti.

Pakatattaṭṭhapaṭiniddeso taṃ-saddoti tassa “bhagavatā”tiādīhi padehi samānādhikaraṇabhāvena vuttassa yena abhisambuddhabhāvena bhagavā pakato supākaṭo ca hoti, taṃ abhisambuddhabhāvaṃ saddhīṃ āgamanapaṭipadāya atthabhāvena dassento “**yo so...pe... abhisambuddho**”ti āha. Satipi nīṇadassana-saddānaṃ idha paññāvevacanabhāve tena tena visesena nesamaṃ savisayavisesappavattidassanattaṃ asādhāraṇaṇāṇavisesavasena vijjattayavasena vijjābhīṇāṇāvaraṇavasena sabbaññūtaññānaṃsacakkhuvaseṇa paṭivedhadesanāṇāṇavasena ca tadattaṃ yojetvā dassento “**tesamaṃ tesa**”ntiādīmāha. Tattha **āsāyānusayaṃ jānatā**āsāyānusayaññāṇena. **Sabbaññeyyadhammaṃ passatā** sabbaññūtaṇāvaraṇaṇāṇehi.

**Pubbenivāsādīhī**ti pubbenivāsāsavakkhayaññāṇehi. **Paṭivedhapaññāyā**ti ariyamaggapaññāya. **Arīnanti** kilesārīnaṃ, pañcavidhamārānaṃ vā, sāsanaṃpaccatthikānaṃ vā aññatitthiyānaṃ, tesamaṃ hananaṃ pāṭihāriyehi abhibhavanaṃ, appaṭibhānatākaraṇaṃ, ajjhupekkhanaṅca. Kesivinayasuttañcettaṃ nidassanaṃ.

Tathā ṭhānāṭhānādīni **jānatā**, yathākammūpage satte **passatā**, savāsānaṃ āsavānaṃ khīṇattā **arahatā**, abhiññeyyādībhede dhamme abhiññeyyādīto aviparīṭāvabodhato **sammāsambuddhena**. Atha vā tīsu kālesu appaṭihataññāṇatāya **jānatā**, tiṇṇampi kammānaṃ nīṇānuparivattito nisammakāritāya **passatā**, davādīnampi abhāvasādhikāya pahānasampadāya **arahatā**, chandādīnaṃ ahānīhetubhūtāya aparikkhayapaṭibhānasādhikāya sabbaññūtaṇāya **sammāsambuddhenā**ti evaṃ dasabalaṭṭhārasāveṇīkabuddhadhammehipi yojanā veditabbā.

Yadipi hīnakalyāṇabhedena duvidhāva adhimutti pāḷiyaṃ vuttā, pavattiākārasena pana anekabhedabhinnāti āha “**nānādhimuttikatā**”ti. Sā pana adhimutti ajjhāsāyadhātu, tadapi tathā tathā dassanaṃ khamanaṃ rocanañcāti āha “**nānājjhāsāyatā...pe... rucitā**”ti. **Nānādhimuttikataññāṇenā**ti cettha sabbaññūtaññāṇaṃ adhippetamaṃ, na dasabalaññāṇanti āha “**sabbaññūtaññāṇenā**”ti. **Iti ha meti** ettha evaṃ-saddattho **iti-saddo**, **ha-kāro** nipātamattaṃ saralopo ca katoti dassetaṃ vuttaṃ “**evaṃ ime**”ti.

**4. Arahattamaggena samugghātaṃ kataṃ**, yato “natthi abyāvaṭaṃano”ti buddhadhammesu vuccati. **Vītināmetvā** phalasaṃpattīhi. **Nivāsetvā** vihāranivāsanaparivattanavasena. “**Kadāci ekako**”tiādi tesam tesam vineyyānaṃ vinayanānukūlaṃ bhagavato upasaṅkamadassanaṃ. Pādanikkhepasamaye bhūmiyā samabhāvāpatti suppatiṭṭhitapādatāya nissandaphalaṃ, na iddhinimānaṃ. “**Ṭhapitamatte dakkhiṇapāde**”ti buddhānaṃ sabbadakkhiṇatāya vuttaṃ. **Arahatte** patiṭṭhahantīti sambandho.

**Dullabhā sampattīti** satipi manussattapaṭilābhe patirūpadesavāsaindriyāvekkallasaddhāpaṭilābhādayo guṇā dullabhāti attho. **Cātumahārājikabhavananti** cātumahārājikadevaloke suññavimānāni gacchantīti attho. Esa nayo **tāvatiṃsabhavanādīsipi**. **Kālayuttanti** imissā velāya imassa evaṃ vattabbanti taṃtaṃkālanurūpaṃ. **Samayayuttanti** tasseva vevacanaṃ, aṭṭhuppattianurūpaṃ vā. Atha vā **samayayuttanti** hetūdāharaṇasahitaṃ. Kālena sāpadesaṇhi bhagavā dhammaṃ deseti. **Utum gaṇhapeti**, na pana malaṃ pakkhāletīti adhippāyo. Na hi bhagavato kāye rajojallaṃ upalimpati.

**Kilāsubhāvo** kilamatho. Sīhaseyyaṃ kappeti sarīrassa kilāsubhāvamocanattanti yojetabbaṃ. “**Buddhacakkhunā lokam voloketi**”ti idaṃ pacchimayāme bhagavato bahulaāciṇṇavasena vuttaṃ. Appekadā avasiṭṭhābalañānehi sabbaññūtañāneṇa ca bhagavā tamatthaṃ sādhetīti. “Ime diṭṭhiṭṭhānā”tiādidesaṇā **sīhanādo**. Tesam “vedanāpaccayā taṇhā” tiādinā **paccayākāraṃ samodhānetvā**. “**Sineruṃ ukkhipanto viya nabhaṃ paharanto viya cā**”ti idaṃ brahmajāladesanāya anaññasādhāraṇatā sudukkaratādassanatthaṃ vuttaṃ. **Etanti** “yena, tenā”ti etaṃ padadvayaṃ. **Yenāti** vā hetumhi karaṇavacanaṃ, **yena** karaṇena **so** maṇḍalamāḷo upasaṅkamitabbo, **tena** karaṇena upasaṅkamīti attho, karaṇaṃ pana “ime bhikkhū”tiādinā aṭṭhakathāyaṃ vuttaṃeva. **Kaṭṭhanti** nisīdanayogyāṃ dārukhandhaṃ.

**Purimoti** “katamāya nu bhavathā”ti evaṃ vutto attho. **Kā ca pana voti** ettha **ca-saddo** byatireke. Tena yathāpucchitāya kathāya vakkhamānaṃ vippakatabhāvaṃ joteti. **Pana-saddo** vacanālaṅkāro. Yāya hi kathāya te bhikkhū sannisinnā, sā eva antarākathābhūtā vippakatā visesena puna pucchīyati. **Aññāti** antarāsaddassa atthamāha. Aññatthe hi ayaṃ antarā-saddo “bhūmantaraṃ samayantara”ntiādisu viya. **Antarāti** vā vemajjheti attho. Nanu ca tehi bhikkhūhi sā kathā yathādhīppāyaṃ “iti ha me”tiādinā niṭṭhapitā yevāti? Na niṭṭhapitā bhagavato upasaṅkamanena upacchinnatā. Yadi hi bhagavā tasmīṃ khaṇe na upasaṅkameyya bhīyyopi tappaṭibaddhāyeva kathā pavatteyyuṃ, bhagavato upasaṅkamanena pana na pavattesuṃ. Tenevāha **ayaṃ kho...pe... anuppatto**”ti. Kasmā panettha dhammavinayaśaṅgahe kariyamāne nidānavacanaṃ, nanu bhagavato vacanameva saṅghetabbanti? Vuccatedesaṇāya ṭṭitiasammosasaddheyabhāvasampādanatthaṃ. Kālatesadesakavattudhammapaṭiggāhakapaṭibaddhā hi desaṇā ciraṭṭhitikā hoti, asammosadhammā saddheyā ca. Desakālakattusotunimittehi upanibandho viya vohāraviniṅchayo, teneva cāyasmatā mahākassapena “brahmajālaṃ āvuso ānanda kattha bhāsita”ntiādinā desāpucchāsu katāsu tāsāṃ vissajjanaṃ karontena dhammabhaṇḍāgārikena nidānaṃ bhāsītanti tayidamāha “**kāla...pe... nidānaṃ bhāsita**”nti.

Apica satthusiddhiyā nidānavacanaṃ. Tathāgatassa hi bhagavato pubbaracanānumānāgamatakkābhāvato sammāsambuddhattasiddhi. Sammāsambuddhabhāvena hissa pubbaracanādīnaṃ abhāvo sabbattha appaṭihatañānacāratāya, ekappamānattā ca ñeyyadhammesu. Tathā ācariyamutṭhidhammacchariyasatthusāvākānurodhābhāvato khīṇāsavattasiddhi. Khīṇā savatāya hissa ācariyamutṭhiādīnaṃ abhāvo, visuddhā ca parānuggahappavatti. Iti desakadosabhūtānaṃ diṭṭhicārittasampattidūsakānaṃ avijjātaṇhānaṃ abhāvasūcakehi, ñāṇappahānasampadābhi byañjanakehi ca sambuddhavisuddhabhāvehi purimavesārajjadvayasiddhi, tato eva ca antarāyikaniyyānikadhammesu sammohābhāvasiddhito pacchimesārajjadvayasiddhīti bhagavato catuvesārajjasamannāgamo, attahitaparहितappaṭipatti ca pakāsītā hoti nidānavacanaṃ sampattaparīsāya ajjhāsāyānurūpaṃ ṭṭhānuppattikappaṭibhānena dhammadesanādīpanato, “jānatā passatā”tiādi vacanato ca. Tena vuttaṃ “satthusiddhiyā nidānavacana”nti.

Tathā satthusiddhiyā nidānavacanaṃ. Nāṇakarūṇāpariggahitasabbakiriyassa hi bhagavato natthi niratthikā pavatti, attahitatthā vā, tasmā paresāmyeva atthāya pavattasabbakiriyassa sammāsambuddhassa sakalampi kāyavacīmanokammaṃ satthubhūtaṃ, na kabyaracanādisāsanabhūtaṃ. Tena vuttaṃ “satthusiddhiyā nidānavacana”nti. Apica satthuno pamāṇabhūtāāvibhāvanena sāsanassa pamāṇabhāvasiddhiyā nidānavacanaṃ. “Bhagavatā”ti hi iminā tathāgatassa guṇāvisiṭṭhasattuttamādibhāvādīpanena, “jānatā”tiādinā āsāyānusayañāṇādīpayogadīpanena ca ayamatto sādhitō hoti. Idamettha nidānavacanaṃ payojanassa mukhamattadassanaṃ. Ko hi samatto buddhānubuddhena dhammabhaṇḍāgārikena bhāsītassa nidānassa payojanāni niravasesato vibhāvetunti.

Nidānavāṇṇanā niṭṭhitā.

**5. Nikkhittassāti** desitassa. Desanāpi hi desetabbassa sīlādīthassa vineyyasantānesu nikkhipanato “nikkhepo”ti vuccati. Tattha yathā anekasataanekasahassabhedānīpi suttantāni saṃkilesabhāgiyādisāsanappaṭṭhānanayena soḷasavidhatam nātivattanti, evaṃ attajjhāsāyādisuttanikkhepavasena catubbidhabhāvanti āha “**cattāro suttanikkhepā**”ti. Kāmañcettha attajjhāsāyassa, aṭṭhuppattiyā ca parajjhāsāyapucchāhi saddhiṃ saṃsaggabhedo sambhavati ajjhāsāyapucchānusandhisabbhāvato, attajjhāsāyaṭṭhuppattīnaṃ pana aññamaññaṃ saṃsaggo natthīti nayidha niravaseso vitthāranayo sambhavati, tasmā “cattāro suttanikkhepā”ti vuttaṃ. Atha vā yadipi aṭṭhuppattiyā ajjhāsāyena siyā saṃsaggabhedo, tadantogadhattā pana sesanikkhepānaṃ mūlanikkhepavasena cattārova dassitāti datṭhabbaṃ. So panāyaṃ suttanikkhepo sāmaññabhāvato paṭhamam vicāretabbo, tasmīṃ vicārite yassā aṭṭhuppattiyā idaṃ suttam nikkhittam, tassā

vibhāgavasena “mamaṃ vā bhikkhave”tiādinā (dī. ni. 1.5, 6), “appamattakaṃ kho paneta”ntiādinā (dī. ni. 1.7), “atthi bhikkhave”tiādinā (dī. ni. 1.28) ca pavattānaṃ suttānaṃ suttapadesānaṃ vaṇṇanā vuccamānā taṃtaṃanusandhidassanasukhatāya suviññeyyā hotīti āha “**suttanikkhepaṃ vicāretvā vuccamānā pākaṭā hoti**”ti.

“**Suttanikkhepā**”tiādīsu nikkhipanaṃ nikkhepo, suttassa nikkhepo suttassa kathanāṃ **suttanikkhepo**, suttadesanāti attho. Nikkhipiyatīti vā nikkhepo, suttameva nikkhepo **suttanikkhepo**. Attano ajjhāsayo attajjhāsayo, so assa atthi suttadesanākāraṇabhūtoti **attajjhāsayo**. Attano ajjhāsayo etassāti vā **attajjhāsayo**. **Parajjhāsayo**ti etthāpi eseva nayo. Pucchāya vaso pucchāvaso, so etassa atthīti **pucchavasiko**. Araṇiyato attho, suttadesanāya vatthu. Atthassa uppattī atthuppattī, atthuppattīyeva atthuppattī, sā etassa atthīti **atthuppattiko**. Atha vā nikkhipiyati suttam etenāti **suttanikkhepo**, attajjhāsayādi eva. Etasmiṃ pana atthavikappe attano ajjhāsayo **attajjhāsayo**, paresaṃ ajjhāsayo **parajjhāsayo**, pucchīyatīti pucchā, pucchitabbo attho. Sotabbavasappavattam dhammappaṭiggāhakaṇaṃ vacanaṃ pucchāvasikā, tadeva nikkhepasaddāpekkhāya pullīngavasena vuttam “**pucchavasiko**”ti. Tathā atthuppattīyeva “**atthuppattiko**”ti evampettha attho veditabbo.

Ettha ca paresaṃ indriyaparipākādikāraṇanirapekkhatā attajjhāsayaṃ visuṃ nikkhepabhāvo yutto. Tenevāha “**kevalam attano ajjhāsayeneva katheti**”ti. Parajjhāsayaṃ pucchāvasikānaṃ pana paresaṃ ajjhāsayaṃ pucchānaṃ desanānimittabhūtānaṃ pavattiyam pavattitānaṃ katham atthuppattiyam anavaroḍḍha, pucchāvasikaatthuppattikānaṃ vā parajjhāsayanurodhena pavattitadesanattā katham parajjhāsayaṃ anavaroḍḍhoti na codetabbametaṃ. Paresāñhi abhinīhārapucchādivinimuttasava suttadesanākāraṇuppādassa atthuppattibhāvena gahitattā parajjhāsayaṃ pucchāvasikānaṃ visuṃ gahaṇam. Tathā hi dhammadāyādasuttādīnaṃ (ma. ni. 1.29) āmisuppādādidesanānimittam “atthuppattī”ti vuccati. Paresaṃ puccham vinā ajjhāsayaṃ nimittam katvā desito parajjhāsayo, pucchāvasena desito pucchāvasikoti pākaṭo yamatthoti. **Attano ajjhāsayeneva kathesi** dhammatantiṭṭhapanatthanti daṭṭhabbam. **Sammappadhānasuttantahārakoti** anupubbena niddiṭṭhānaṃ saṃyuttake sammappadhānapaṭisaṃyuttānaṃ suttānaṃ āvaḷi, tathā **iddhipādahārakādi**. **Vimuttiparipācaniyā dhammā** saddhindriyādayo. **Abhinīhāraṇti** paṇidhānaṃ.

**Vaṇṇavaṇṇeti** ettha “acchariyam āvuso”tiādinā bhikkhusaṅghena vutto vaṇṇopi saṅgahito, taṃ pana atthuppattim katvā “atthi bhikkhave aññe ca dhammā”tiādinā upari desanaṃ ārabhissatīti. “Mamaṃ vā bhikkhave pare vaṇṇam bhāseyyu”nti imissā desanāya brahmadattena vuttavaṇṇo atthuppattīti katvā vuttam “**antevāsī vaṇṇam. Iti imam vaṇṇavaṇṇam atthuppattim katvā**”ti. **Vā**-saddo upamānasamuccayasamśayavavassaggapadapūraṇavikappādīsu bahūsu atthesu dissatī. Tathā hesa “paṇḍito vāpi tena so”tiādīsu (dha. pa. 63) upamāne dissatī, sadisabhāveti attho. “Taṃ vāpi dhīra muni vedayanti”tiādīsu (su. ni. 203) samuccaye, “ke vā ime, kassa vā”tiādīsu (pārā. 296) saṃsaye, “ayaṃ vā imesaṃ samaṇabrāhmaṇānaṃ sabbabālo sabbamūlho”tiādīsu vavassagge, “na vāyaṃ kumārako mattamaññāsī”tiādīsu (saṃ. ni. 2.154) padapūraṇe, “ye hi keci bhikkhave samaṇā vā brāhmaṇā vā”tiādīsu (ma. ni. 1.170) vikappe, idhāyaṃ vikappeyevāti dassento āha “**vā-saddo vikappanattho**”ti. **Para**-saddo attheva aññatthe “ahañceva kho pana dhammaṃ deseyyaṃ, pare ca me na ājāneyyu”ntiādīsu (dī. ni. 2.64, 65; ma. ni. 1.281; ma. ni. 2.223; saṃ. ni. 1.172; mahāva. 4, 8) atthi adhike “indriyaparopariyattañāna”ntiādīsu (paṭi. ma. mātikā 68, 1.111) atthi pacchābhāge “parato āgamissatī”tiādīsu. Atthi paccanīkabhāve “uppannaṃ parappavādaṃ saha dhammena suniggahitaṃ niggahetvā”tiādīsu (dī. ni. 2.168). Idhāpi paccanīkabhāveti dassento āha “**pareti paṭiviruddhā**”ti.

**Idisesupīti** ettha **pi**-saddo sambhāvane, tena ratanattayanimitampi akusalacittappavatti na kātabbā, pageva vaṭṭāmisalokāmisanimittanti dasseti. Sabhāvadhammato aññassa kattuabhāvajotanattham āhanatīti kattuatthe āghātasaddam dasseti, tatha **āhanatīti** hiṃsati vibādhati, upatāpeti cāti attho. Āhanati etena, āhananamattam vā **āghātōti** karaṇabhāvavattāpi sambhavantiyeva. Evaṃ avayavabhedanena āghāta-saddassa attham vatvā idāni tatha pariyāyenaṃ attham dassento “**kopassetam adhivacana**”nti āha. Ayañca nayo “**appaccayo anabhiraddhī**”tiādīsūpi yathāsambhavaṃ vattabbo. **Appatīti hontī tenāti** pākaṭapariyāyena appaccaya-saddassa atthadassanaṃ, taṃmukhena pana na pacceti tenāti **appaccayoti** daṭṭhabbam. **Abhirādhayati** sādhayati. **Dvīhīti** āghātanabhiraddhipadehi. **Ekenāti** appaccayapadena. **Sesānanti** saññāviññāṇakkhandhānaṃ, saññāviññāṇāvāsītṭhasaṅkhārakkhandhasaṅkhātānaṃ vā. **Karaṇanti** uppādanaṃ. Āghātādīnañhi pavattiyā paccayasamavāyanaṃ idha “karaṇa”nti vuttam, taṃ pana atthato uppādaneva. Anuppādanañhi sandhāya bhagavatā “na karaṇiyā”nti vuttanti. **Paṭikkhittameva** ekuppādekavattukekārammaṇekanirodhabhāvato.

**Tatthāti** tasmīṃ manopadose. **Tumhanti** “tumhāka”nti iminā samānattho eko saddo “yathā amhāka”nti iminā samānattho “amha”nti ayaṃ saddo. Yathāha, “tasmā hi amhaṃ daharā na miyyare”ti (jā. 1.9.93, 99). “**Antarāyo**”ti idaṃ manopadosassa akaraṇiyatāya karaṇavacanaṃ. Yasmā tumhākaṃyeva ca bhāveyya tena kopādīnā pathamajjhānādīnaṃ antarāyo, tasmā te kopādiṃpariyāyena vuttā āghātādayo na karaṇiyatīti attho. Tena nāhaṃ “sabbāññū”ti issarabhāvena tumhe tato nivāremi, atha kho iminā nāma karaṇenāti dasseti. Taṃ pana karaṇavacanaṃ yasmā ādīnavavibhāvanaṃ hoti, tasmā āha “**ādīnavam dassento**”ti. “**Api nu tumhe**”tiādinā manopadoso na kālantarabhāvīnoyeva hitasukhassa antarāyakaro, atha kho taṅkhaṇappavattirahassapi hitasukhassa antarāyakaroti manopadose ādīnavam daḷhataraṃ katvā dasseti. **Yesam kesañci** “pare”tiādīsu viya na paṭiviruddhānaṃyevāti attho. Tenevāha “**kupito**”tiādi.

**Andhatamanti** andhabhāvakarataṃ. **Yanti** yattha. Bhummatthe hi etaṃ paccattavacanaṃ. Yasmīṃ kāle kodho

sahate naraṃ, andhatamaṃ tadā hotīti sambandho. **Yanti** vā kāraṇavacanamaṃ, yasmā kodho uppajjamāno naraṃ abhibhavati, tasmā andhatamaṃ tadā hoti, yadā kodhoti attho yaṃtaṃsaddānaṃ ekantasambandhibhāvato. Atha vā **yanti** kiriyāya parāmasanaṃ. **Kodho sahateti** yadetamaṃ kodhassa sahanaṃ abhibhavanaṃ, etaṃ andhakāratamaṃbhavananti attho. Atha vā yaṃ naraṃ kodho sahateti abhibhavati, tassa andhatamaṃ tadā hoti, tato ca kuddho atthamaṃ na jānāti, kuddho dhammaṃ na passaṭīti. **Antaratoti** abhantarato, cittato vā.

“**Idaṅcīdaṅca kāraṇa**”nti iminā sabbaññū eva amhākaṃ satthā aviparītadhammadesanattā, svākkhāto dhammo ekantaniyyānikattā, suppaṭipanno saṅgho saṃkilesarahitattāti imamatthamaṃ dasseti. “**Idaṅcīdaṅca kāraṇa**”nti etena ca “na sabbaññū”tiādivacanamaṃ abhūtaṃ atacchantaṃ nibbeṭhitaṃ hoti. **Dutiyamaṃ padanti** “ataccha”nti padaṃ. **Paṭhamassāti** “abhūta”nti padassa. **Catutthañcāti** “na ca panetaṃ amhesu saṃvijjati”ti padaṃ. **Tatiyassāti** “natthi cetamaṃ amhesu”ti padassa. **Avañṇeyevāti** kāraṇapatirūpakaṃ vatvā dosapatiṭṭhāpanavasena nindane eva. **Na sabbatthāti** kevalamaṃ akkosanakuṃsanavambhānādisu na ekantena nibbeṭhanaṃ kātabbanti attho. Vuttamevatthamaṃ “**yadi hi**”tiādinā pākaṃ katvā dasseti.

6. **Ānandanti** pamodanti **etena** dhammena taṃsamaṅgino sattāti ānanda-saddassa kāraṇatthamaṃ dasseti. Sobhanaṃ mano assāti sumano, sobhanaṃ vā mano sumano, tassa bhāvo somanassanti tadaññadhammānampi sampayuttānaṃ somanassabhāvo āpajjati? Nāpajjati ruḥāsiddattā yathā “paṅkaja”nti dassento “**cetasikasukhassetamaṃ adhivacana**”nti āha. Ubbilayatīti ubbīlamaṃ, bhindati purimāvattahāya visesaṃ āpajjati attho. Ubbilameva ubbīlavītaṃ, tassa bhāvo **ubbilāvītatamaṃ**. Yāya uppannāya kāyacittamaṃ vātapūritabhastā viya uddhumāyanākārapattamaṃ hoti, tassā gehassitāya odaggiyapītiyā etaṃ adhivacanaṃ. Tenevāha “**uddhaccāvahāya**”tiādi. Idhāpi “kiñcāpi tesamaṃ bhikkhūnaṃ ubbīlavītameva natthi, atha kho āyatīti kulaputtānaṃ edisesupi ṭhānesu akusaluppattīti paṭisedhento dhammanettiṃ ṭhapeti”ti, “**dvīhi padehi saṅkhārakkhandho, ekena vedanākkhandho vutto**”ti ettha “tesamaṃ vasena sesānampi sampayuttadhammānaṃ kāraṇamaṃ paṭikkhittamevā”ti ca aṭṭhakathāyaṃ, “**pi-saddo sambhāvane**”tiādinā idha ca vuttanayena attho yathāsambhavaṃ vedītabbo. “**Tumhamyevassa tena antarāyo**”ti etthāpi “antarāyoti ida”ntiādinā heṭṭhā avañṇapakke vuttanayena attho vedītabbo.

**Kasmā panetanti** ca vakkhamānaṃyeva atthamaṃ manasi katvā codeti. Ācariyo “**saccaṃ vaṇṇita**”nti tamatthamaṃ paṭijānitvā “**taṃ pana nekkhammanissita**”ntiādinā pariharati. Tattha **etanti** ānandādinamaṃ akaraṇīyatāvacanamaṃ. Nanu bhagavatā vaṇṇitanti sambandho. **Kasiṇenāti** kasiṇatāya sakalabhāvena. Keci pana “**jambudīpassāti** karaṇe sāmivacana”nti vadanti, tesamaṃ matena kasiṇajambudīpa-saddānaṃ samānādhikāraṇabhāvo daṭṭhabbo. **Tasmāti** yasmā gehassitapītisomanassaṃ jhānādinamaṃ antarāyakaraṃ, tasmā. Vuttañhetamaṃ bhagavatā “somanassaṃ pāhamaṃ devānaṃ inda duvidhena vadāmi sevītabbampi asevitābbampi”ti (dī. ni. 2.359). “**Ayañhi**”tiādi yena sampayuttā pīti antarāyakaṃ, taṃ dassanattaṃ vuttaṃ. Tattha “idañhi lobhasahagatamaṃ pītisomanassa”nti vattabbaṃ siyā, pīṭiggahaṇena pana somanassampi gahitameva hoti somanassarahitāya pītiyā abhāvatoṃ pītiyeva gahitāti daṭṭhabbaṃ. Atha vā sevītabbāsevītabbavībhāgavacanato somanassassa pākaṃ antarāyakaraṃbhāvo, na tathā pītiyāti pītiyeva lobhasahagatattena visesetvā vuttā. “**Luddho attha**”ntiādigāthānaṃ “kuddho attha”ntiādi gāthāsu viya attho daṭṭhabbo.

“Mamaṃ vā bhikkhave pare vaṇṇamaṃ bhāseyyuṃ, dhammassa vā vaṇṇamaṃ bhāseyyuṃ, saṅghassa vā vaṇṇamaṃ bhāseyyuṃ, tatra ce tumhe assatha ānandino sumanā ubbīlavīta, api nu tumhe paresamaṃ subhāsītadubbhāsītamaṃ ājāneyyāthāti. No hetamaṃ bhante”ti ayam **tatiyavāro**, so desanākāle nīharitvā desetabbapuggalābhāvato desanāya anāgatopi tadatthasambhāvato atthato āgatoyevāti daṭṭhabbo yathā taṃ kathāvattupakaraṇamaṃ vitthāravasenāti adhippāyo. “**Atthato āgato yevā**”ti etena saṃvaṇṇanākāle tathā bujjanakasattānaṃ vasena so vāro ānetvā vattabboti dasseti. “**Yatheva hi**”tiādinā tamevatthasambhavaṃ vibhāveti. **Vuttanayenāti** “tatra tumhehīti tasmīṃ vaṇṇe tumhehī”tiādinā, “dutiyamaṃ padaṃ paṭhamassa padassa, catutthañca tatiyassa vevacana”ntiādinā ca vuttanayena.

### Cūlasīlavāṇṇanā

7. **Nivatto** amūlakattā vissajjetabbatābhāvato. **Anuvattatiyeva** vissajjetabbatāya adhikatabhāvato. **Anusandhiṃ dassessati** “atthi bhikkhave”tiādinā. Oranti vā aparabhāgo “orato bhogaṃ, oraṃ pāra”ntiādisu viya. Atha vā heṭṭhāattho **ora-saddo** “oraṃ āgamanāya ye paccayā, te orambhāgiyāni saṃyojanāni”tiādisu viya. Sīlañhi samādhipañṇāyo apekkhitvā aparabhāgo, heṭṭhābhūtañca hotīti. **Sīlamattakanti** ettha **matta-saddo** appakattho vā “bhesajjamattā”tiādisu (dī. ni. 1.447) viya. Visesanivattiattho vā “avitakkavicāramattā dhammā (dha. sa. tikamātikā 6), manomattā dhātu manodhātū”ti ca ādisu viya. “Appamattakamaṃ, oramattaka”nti padadvayena sāmāññato vuttoyeva hi attho sīlamattakanti visesavasena vutto. Atha vā sīlenapi tadekadesasseva saṅghaṇatthamaṃ appakatthavācako, visesanivattiattho eva vā “sīlamattaka”nti ettha **matta-saddo** vutto. Tathā hi indriyasamvarapaccayasannissitasīlāni idha desanaṃ anāruḥāni. Na hi tāni pātīmokkhaājīvapārisuddhisīlāni viya sabbaputhujjanesu pākaṭānīti. “**Ussāhamaṃ katvā**”ti etena “**vadamāno**”ti ettha sattiatthamaṃ māna-saddamaṃ dasseti.

Alaṅkāraṇamaṃ vibhūsanamaṃ **alaṅkāro**, kuṇḍalādīpasādhanamaṃ vā. Ūnatthānapūraṇamaṃ **maṇḍanaṃ**. **Maṇḍaneti** maṇḍanaṃhetu. Atha vā maṇḍatīti maṇḍano, maṇḍanañjātiko puriso. Bahuvacanatthe ca idaṃ ekavacanamaṃ, maṇḍanasīlesūti attho. **Paripūrakārīti** ettha **iti-saddo** ādiattho, pakārattho vā, tena sakalampi sīlathomana suttamaṃ dasseti. **Candananti**

candanasahacaranato candanagandho, tathā **tagarādīsupi**. **Satañca gandhoti** ettha gandho viyāti gandhoti vutto sīlanibandhano thutighoso. Sīlañhi kittiyā nimittam. Yathāha “sīlavato sīlasampannassa kalyāṇo kittisaddo abbhugacchatī”ti (dī. ni. 2.150; a. ni. 5.213; mahāva. 285). **Pavāyatīti** pakāsati. Gandhāva **gandhajātā**.

“Appakam bahuka”nti idaṃ pārāpāraṃ viya aññamaññaṃ upanidhāya vuccatīti āha “**upariguṇe upanidhāyā**”ti. **Sīlañhīti** ettha **hi**-saddo hetuattho, tena idaṃ dasseti “yasmā sīlam kiñcāpi patiṭṭhābhāvena samādhissa bahukāraṃ, pabhāvādiguṇavisesa panassa upanidhāya kalampi na upeti, tathā samādhi ca paññāyā”ti. Tenevāha “**tasmā**”tiādi. Idāni “katha”nti pucchitvā samādhissa ānubhāvaṃ vitthārato vibhāveti. “**Abhi...pe... mūle**”ti idaṃ yamakapāṭihāriyassa supākāṭabhāvadassanattam, aññehi bodhimūlaññāṭisamāgamādīsū katapāṭihāriyehi visesanatthañca vuttam. Yamakapāṭihāriyakaraṇattāyā hi bhagavato citte upanne tadanucchavikam thānam icchitabbanti ratanamaṇḍapādi sakkassa devarañño aññāya vissakammunā nimmitanti vadanti, bhagavatāva nimmitanti apare. “Yo koci evarūpaṃ pāṭihāriyam kātuṃ samattho atthi ce, āgacchatū”ti codanāsadisattā vuttam “**attādānaparidīpana**”nti. Tattha **attādānam** anuyogo, titthiyānam tathā kātuṃ asamattattā, “karissāmā”ti pubbe uṭṭhitattā **titthiyaparimaddanam**.

**Uparimakāyatotiādi** paṭisambhidāmagge (paṭi. ma. 1.116).

Tatthāyam pāliseso –

“Heṭṭhimakāyato aggikkhandho pavattati, uparimakāyato udakadhārā pavattati. Puratthimakāyato aggi, pacchimakāyato udakam. Pacchimakāyato aggi, puratthimakāyato udakam. Dakkhiṇaakkhito aggi, vāmaakkhito udakam. Vāmaakkhito aggi, dakkhiṇaakkhito udakam. Dakkhiṇakāṇṇasotato aggi, vāmakāṇṇasotato udakam. Vāmakāṇṇasotato aggi, dakkhiṇakāṇṇasotato udakam. Dakkhiṇanāsikāsotato aggi, vāmanāsikāsotato udakam. Vāmanāsikāsotato aggi, dakkhiṇanāsikāsotato udakam. Dakkhiṇaamsakūṭato aggi, vāmaamsakūṭato udakam. Vāmaamsakūṭato aggi, dakkhiṇaamsakūṭato udakam. Dakkhiṇahatthato aggi, vāmahatthato udakam. Vāmahatthato aggi, dakkhiṇahatthato udakam. Dakkhiṇapassato aggi, vāmapassato udakam. Vāmapassato aggi, dakkhiṇapassato udakam. Dakkhiṇapādato aggi, vāmapādato udakam. Vāmapādato aggi, dakkhiṇapādato udakam. Aṅgulaṅgulehi aggi, aṅgulantarikāhi udakam. Aṅgulantarikāhi aggi, aṅgulaṅgulehi udakam. Ekekalomato aggi, ekekalomato udakam. Lomakūpato lomakūpato aggikkhandho pavattati, lomakūpato lomakūpato udakadhārā pavattati”ti (paṭi. ma. 1.116).

Aṭṭhakathāyam pana “ekekalomakūpato”ti āgataṃ.

“**Channam vaṇṇānanti ādinayappavatta**”nti etthāpi nīlānam pītakānam lohitakānam odātānam mañjīṭhānam pabhassarānanti ayaṃ pāliseso. “**Suvaṇṇavaṇṇā rasmiyo**”ti idaṃ tāsam yebhuyyatāya vuttam. **Vitthāretabbanti** etthāpi “sathā tiṭṭhati, nimmito caṅkamati vā nisīdati vā seyyam vā kappeti”tiādinā catūsū iriyāpathesu ekekamūlakā satthuvāsena cattāro, nimmitavasena cattāroti sabbeva aṭṭha vāre vitthāretabbam.

**Madhupāyāsanti** madhusittam pāyāsam. Attā mitto majjhatto verīti catūsū sīmasambhedavasena **caturaṅgasamannāgataṃ mettākammaṭṭhānam**. “Caturaṅgasamannāgata”nti idaṃ pana “vīriyādhiṭṭhāna”nti etenāpi yojetabbam. Tattha “kāmaṃ taco ca nhāru cā”tiādi pāḷi (ma. ni. 2.184; sam. ni. 2.22; a. ni. 2.5; a. ni. 8.13; mahāni. 196) vasena caturaṅgasamannāgatatā veditabbā. “Kiccham vatāyam loko āpanno”tiādinā (dī. ni. 2.57; sam. ni. 2.4) jarāmarānamukhena **paccayākāre nāṇam otāretvā**. **Ānāpānacatutthajjhānanti** etthāpi “sabbabuddhānam āciṇṇa”nti padaṃ vibhattivipariṇāmaṃ katvā yojetabbam. Tampi hi sabbabuddhānam āciṇṇamevāti vadanti. Chattiṃsakoṭisatasahasamukhena mahāvajiraññāgabbham gaṇhāpento **vipassanam vaḍḍhetvā**. Dvattiṃsadoṇagaṇhanappamāṇam kuṇḍam **kolambo**. Daribhāgo **kandaro**. Cakkavāḷapādesu mahāsamuddo **cakkavāḷamahāsamuddo**.

“**Duve puthujjanā**”tiādi puthujjane labbhamaṇavibhāgadassanattam vuttam, na mūlapariyāyavaṇṇanādīsū viya puthujjanavisesaniddhāraṇattam. Sabbopi hi puthujjano bhagavato upari guṇe vibhāvetuṃ na sakkoti, tiṭṭhatu puthujjano, sāvakapaccekabuddhānampi avisayā buddhaguṇā. Tathā hi vakkhati “sotāpannā”tiādi (dī. ni. aṭṭha. 1.8). Vācugatakarānam **uggaho**. Atthaparipucchanam **paripucchā**. Aṭṭhakathāvasena atthassa savanam **savanam**. Byañjanattānam sunikkhepasudassanena dhammassa pariharaṇam **dhāraṇam**. Evaṃ sutadhātaparicitānam manasānupekkhanam **paccavekkhanam**. Bahūnam nānappakarānam kilesānam sakkāyaditṭhiyā ca avihatattā tā janenti, tāhi vā janitāti **puthujjanā**. Avighātameva vā **jana**-saddo vadati. **Puthu satthārānam mukhullokkāti** ettha puthū janā satthupaṭiññā etesanti **puthujjanāti** vacanatto. **Puthu...pe... avuṭṭhitāti** ettha janetabbā, jāyanti vā etthāti janā, gatiyo. Puthū janā etesanti **puthujjanā**. Ito pare jāyanti etehīti janā, abhisankhārādayo. Te etesam puthū vijjantīti **puthujjanā**. Abhisankharaṇādi attho eva vā **jana**-saddo daṭṭhabbo. Kāmarāgabharāgadiṭṭhiavijjā **oghā**. Rāgaggiādayo **santāpā**. Teyeva, sabbepe vā kilesā **parilāhā**. **Puthu pañcasu kāmaguṇesu rattāti** ettha jāyatīti jano, rāgo gedhoti evam ādiko. Puthu jano etesanti **puthujjanā**, puthūsu vā janā jātā rattāti evam rāgādiattho eva vā **jana**-saddo daṭṭhabbo. **Palibuddhāti** sambuddhā, upaddutā vā. “**Puthūnam gaṇanapathamatītāna**”ntiādinā puthū janā **puthujjanāti** dasseti.

Yehi guṇavisesehi nimittabhūtehi bhagavati **tathāgata**-saddo pavatto, taṃdassanattamaṃ “**aṭṭhahi kāraṇehi bhagavā tathāgato**”tiādimāha. Guṇanemittakāneva hi bhagavato sabbāni nāmāni. Yathāha –

“Asañkhyeyyāni nāmāni, saguṇena mahesino;  
Guṇena nāmamuddheyyaṃ, api nāmasahassato”ti. (dha. sa. aṭṭha. 1313; udā. aṭṭha. 53; paṭi. ma. aṭṭha. 1.1.76);

**Tathā āgatoti** ettha ākāranīyamanavasena opammasampañipādanattho **tathā**-saddo. Sāmaññajotanāya visesāvattānato paṭipadāgamanattho **āgata**-saddo, na nāṇagamanattho “tathalakkhaṇaṃ āgato”tiādīsu (dī. ni. aṭṭha. 1.7; ma. ni. aṭṭha. 1.12; saṃ. ni. aṭṭha. 2.4.78; a. ni. aṭṭha. 1.1.170; udā. aṭṭha. 18; paṭi. ma. aṭṭha. 1.1.37; theragā. aṭṭha. 1.3; itivu. aṭṭha. 38; mahāni. aṭṭha. 14) viya, nāpi kāyagamanādiattho “āgato kho mahāsamaṇo, māgadhānaṃ giribbaja”ntiādīsu (mahāva. 62) viya. Tattha yadākāranīyamanavasena opammasampañipādanattho tathā-saddo, taṃ karuṇāpadhānattā mahākaruṇāmukhena purimabuddhānaṃ āgamanapaṭipadaṃ udāharaṇavasena sāmaññīato dassento yaṃtaṃsaddānaṃ ekantasambandhabhāvato “**yathā sabbaloka...pe... āgatā**”ti āha. Taṃ pana paṭipadaṃ mahāpadānasuttādīsu (dī. ni. 2.4) sambahulaniddesena supākaṭānaṃ āsannānañca vipassīdānaṃ channaṃ sammāsambuddhānaṃ vasena nidassento “**yathā vipassī bhagavā**”tiādimāha. Tattha **yena abhinīhārenāti** manussattaliṅgasampattihetusatthāradassanapabbajjāabhiññādiguṇasampattiadhikārachandānaṃ vasena aṭṭhaṅgasamānāgatena kāyapaṇidhānamahāpaṇidhānena. Sabbesañhi buddhānaṃ kāyapaṇidhānaṃ imināva abhinīhārena samijjhatīti. Evaṃ mahābhinīhārasena “tathāgato”ti padassa atthamaṃ dassetvā idāni pāramīpūraṇavasena dassetuṃ “**yathā vipassī bhagavā...pe... kassapo bhagavā dānapāramiṃ pūretvā**”tiādimāha.

Ettha ca suttantikānaṃ mahābodhiyānapaṭipadāya kosallajananatthamaṃ pāramīsu ayaṃ vitthārakathā – kā panetā pāramīyo? Kenatthena pāramīyo? Katividhā cetā? Ko tāsamaṃ kamo? Kāni lakkhaṇarasapaccupaṭṭhānapadaṭṭhānāni? Ko paccayo? Ko saṃkilesa? Kiṃ vodānaṃ? Ko paṭipakkho? Kā paṭipatti? Ko vibhāgo? Ko saṅgaho? Ko sampādanūpāyo? Kittakena kālena sampādanaṃ? Ko ānisaṃso? Kiṃ cetāsamaṃ phalanti?

Tatridamaṃ vissajjanaṃ – **kā panetā pāramīyoti**. Taṇhāmānādīhi anupahatā karuṇūpāyako sallapariggahitā dānādayo guṇā pāramīyo.

**Kenatthena pāramīyoti** dānasīlādiguṇavisesayogena sattuttamatāya paramā mahāsattā bodhisattā, tesamaṃ bhāvo, kammaṃ vā pāramī, dānādīkiriyā. Atha vā paratīti paramo, dānādiguṇānaṃ pūrako pālako ca bodhisatto. Paramassa ayaṃ, paramassa vā bhāvo, kammaṃ vā pāramī, dānādīkiriyāva. Atha vā paraṃ sattaṃ attani mavati bandhati guṇavisesayogena, paraṃ vā adhiakaraṃ majjati sujjhati saṃkilesamalato, paraṃ vā setthamaṃ nibbānaṃ visesena mayati gacchati, paraṃ vā lokamaṃ pamāṇabhūtena nāṇavisesena idhalokaṃ viya munāti paricchindati, paraṃ vā ativiya sīlādiguṇagaṇaṃ attano santāne minoti pakkhipati, paraṃ vā attabhūtato dhammakāyato aññaṃ, paṭipakkhamaṃ vā tadanatthakaraṃ kilesacoragaṇaṃ mināti hiṃsatīti paramo, mahāsatto. “Paramassa aya”ntiādi vuttanayeneva yojetabbaṃ. Pāre vā nibbāne majjati sujjhati satte ca sodheti, tattha vā satte mavati bandhati yojeti, taṃ vā mayati gacchati gameti ca, munāti vā taṃ yāthāvato, tattha vā satte minoti pakkhipati, kilesāriṃ vā sattānaṃ tattha mināti hiṃsatīti pāramī, mahāpuriso. Tassa bhāvo, kammaṃ vā pāramitā, dānādīkiriyāva. Iminā nayena pāramīnaṃ saddattho veditabbo.

**Katividhāti** saṅkhepato dasavidhā, tā pana **pāliyaṃ** sarūpato āgatāyeva. Yathāha –

“Vicinato tadā dakkhiṃ, paṭthamaṃ dānapārami”ntiādi (bu. vaṃ. 116).

Yathā cāha –

“Kati nu kho bhante buddhakāraṃ dhammā? Dasa kho sārīputta buddhakāraṃ dhammā. Katame dasa? Dānaṃ kho sārīputta buddhakāraṃ dhammo, sīlaṃ nekkhammaṃ paññā vīriyaṃ khanti saccamadhiṭṭhānaṃ mettā upekkhā buddhakāraṃ dhammo, ime kho sārīputta dasa buddhakāraṃ dhammāti. Idamavoca bhagavā, idaṃ vatvāna sugato atthāparaṃ etadavoca satthā –

‘Dānaṃ sīlañca nekkhammaṃ, paññā vīriyena pañcamamaṃ;  
Khanti saccamaṃ adhiṭṭhānaṃ, mettūpekkhāti te dasā’ti’.

Keci pana “chabbidhā”ti vadanti, taṃ etāsamaṃ saṅgahasena vuttaṃ. So pana saṅgaho parato āvibhāvissati.

**Ko tāsamaṃ kamoti** ettha **kamo** nāma desanākkamo, so ca paṭthamasamādānāhetuko, samādānaṃ pavicayāhetukaṃ, iti yathā ādimhi pavicitā samādinnā ca, tathā desitā. Tattha ca dānaṃ sīlassa bahūpakāraṃ sukarañcāti taṃ ādimhi vuttaṃ. Dānaṃ sīlāpariggahitaṃ mahapphalaṃ hoti mahānisaṃsanti dānānantaraṃ sīlaṃ vuttaṃ. Sīlaṃ nekkhammapariggahitaṃ, nekkhammaṃ paññāpariggahitaṃ, paññā vīriyapariggahitaṃ, vīriyaṃ khantipariggahitaṃ, khanti saccapariggahitaṃ, saccamaṃ adhiṭṭhānapariggahitaṃ, adhiṭṭhānaṃ mettāpariggahitaṃ, mettā upekkhāpariggahitaṃ mahapphalā hoti mahānisaṃsati



mettānantaram upekkhā vuttā. Upekkhā pana karuṇāpariggahitā, karuṇā ca upekkhāpariggahitāti veditabbā. Kathaṃ pana mahākāruṇikā bodhisattā sattesu upekkhā hontīti? Upekkhitabbayuttesu kañci kālaṃ upekkhā honti, na pana sabbattha, sabbadā cāti keci. Apara pana na sattesu upekkhā, sattakatesu pana vippakāresu upekkhā hontīti.

Aparo nayo – pacurajanesupi pavattiyā sabbasattasādhāraṇattā, appahalattā, sukarattā ca ādimhi **dānaṃ** vuttaṃ. Sīlenadāyakaṇṭhāgāhakasuddhito, parānuggahaṃ vatvā parapīḷānivattivacanato, kiriyadhammaṃ vatvā akiriyadhammavacanato, bhogasampattihetuṃ vatvā bhavasampattihetuvacanato ca dānassa anantaram **sīlaṃ** vuttaṃ. Nekkhammena sīlasampattisiddhito, kāyavacīsucaritaṃ vatvā manosucaritavacanato, visuddhasīlassa sukheva jhānasamijhanato, kammāparādhappahānena payogasuddhiṃ vatvā kilesāparādhappahānena āsayasuddhivacanato, vītikamappahānena cittaṃ pariyaṭṭhānappahānavacanato ca sīlassa anantaram **nekkhammaṃ** vuttaṃ. Paññāya nekkhammassa siddhiparisiddhito, jhānābhāve paññābhāvavacanato. Samādhipadaṭṭhānā hi paññā, paññāpaccupaṭṭhāno ca samādhī. Samathanimittaṃ vatvā upekkhānimittavacanato, parahitajjhānena parahitakaraṇūpāyakosallavacanato ca nekkhammassa anantaram **paññā** vuttā. Vīriyārambhena paññākkiccasiddhito, sattasuññatādhammaniijjhānakkhantiṃ vatvā sattahitāya ārambhassa acchariyatāvacanato, upekkhānimittaṃ vatvā pagghanimittavacanato, nisammakāritaṃ vatvā uṭṭhānavacanato ca. Nisammakāriṇo hi uṭṭhānaṃ phalavisesamāvahatīti paññāya anantaram **vīriyaṃ** vuttaṃ.

Vīriyena titikkhāsiddhito. Vīriyavā hi āradhāvīriyattā sattaśākhārehi upanītaṃ dukkhaṃ abhibhūya viharati vīriyassa titikkhālakārahāvato. Vīriyavato hi titikkhā sobhati. Paggahanimittaṃ vatvā samathanimittavacanato, accārambhena uddhaccadosappahānavacanato. Dhammaniijjhānakkhantiyā hi uddhaccadoso pahīyati. Vīriyavato sātaccakaraṇavacanato. Khantibahulo hi anuddhato sātaccakārī hoti. Appamādavato parahitakiriyārambhe paccupakāraṇābhāvavacanato. Yāthāvato dhammaniijjhāne hi sati taṇhā na hoti. Parahitārambhe paramēpi parakatadukkhāsahanābhāvavacanato ca vīriyassa anantaram **khanti** vuttā. Saccena khantiyā cirādhiṭṭhānato, apakāriṇo apakārahantiṃ vatvā tadupakāraṇe avisaṃvādavacanato, khantiyā apavādavācāvikampanena bhūtavādītāya avijhanavacanato, sattasuññatādhammaniijjhānakkhantiṃ vatvā tadupabrūhitañānasaccavacanato ca khantiyā anantaram **saccaṃ** vuttaṃ. Adhiṭṭhānena saccasiddhito. Acalādhiṭṭhānassa hi virati sījhati. Avisaṃvāditaṃ vatvā tattha acalābhāvavacanato. Saccasandho hi dānādīsu paṭiññānurūpaṃ niccalova pavattati. Nānasaccaṃ vatvā sambhāresu pavattiniṭṭhānavacanato. Yathābhūtañānavā hi bodhisambhāresu adhiṭṭhāti, te ca niṭṭhāpeti paṭipakkhehi akampiyabhāvato saccassa anantaram **adhiṭṭhānaṃ** vuttaṃ. Mettāya parahitakaraṇasamādānādhiṭṭhānasiddhito, adhiṭṭhānaṃ vatvā hitūpasamhāravacanato. Bodhisambhāre hi adhiṭṭhānaṃ mettāvīhārī hoti. Acalādhiṭṭhānassa samādānāvīkopaṇato, samādānasambhavato ca adhiṭṭhānassa anantaram **mettā** vuttā. Upekkhāya mettāvisuddhito, sattesu hitūpasamhāraṃ vatvā tadaparādhesu udāsīnatāvacanato, mettābhāvanāṃ vatvā tannissandabhāvanāvacanato, “hitakāmasattepi upekkhako”ti acchariyaguṇabhāvavacanato ca mettāya anantaram **upekkhā** vuttāti evametāsaṃ kamo veditabbo.

**Kāni lakkhaṇarasapaccupaṭṭhānapadaṭṭhānāni?** Ettha avisesena tāva sabbāpi pāramiyo parānuggahalakkhaṇā, paresaṃ upakāraṇarasā, avikampanarasā vā, hitesitāpaccupaṭṭhānā, buddhattapaccupaṭṭhānā vā, mahākāruṇāpadaṭṭhānā, karuṇūpāyakosallapadaṭṭhānā vā.

Visesena pana yasmā karuṇūpāyakosallapariggahitā attupakaraṇapariccāgacetanā **dānapāramitā**. Karuṇūpāyakosallapariggahitaṃ kāyavacīsucaritaṃ atthato akattabbavīrati, kattabbakaraṇacetanādayo ca **sīlapāramitā**. Karuṇūpāyakosallapariggahito ādinavadassanapubbaṅgamo kāmabhāvehi nikkhamanacittuppādo **nekkhammapāramitā**. Karuṇūpāyakosallapariggahito dhammānaṃ sāmāññavisesalakkhaṇāvabodho **paññāpāramitā**. Karuṇūpāyakosallapariggahito kāyacittehi parahitārambho **vīriyapāramitā**. Karuṇūpāyakosallapariggahitaṃ sattaśākhāparādhāsanaṃ adosappadhāno tadākārapavatto cittuppādo **khantipāramitā**. Karuṇūpāyakosallapariggahitaṃ acalāsamādānādhiṭṭhānaṃ tadākārapavatto cittuppādo **adhiṭṭhānapāramitā**. Karuṇūpāyakosallapariggahito lokassa hitūpasamhāro atthato abyāpādo **mettāpāramitā**. Karuṇūpāyakosallapariggahitā anunayapaṭighavidhamsinī iṭṭhāniṭṭhesu sattaśākhāresu samappavatti **upekkhāpāramitā**.

Tasmā pariccāgalakkhaṇaṃ **dānaṃ**, deyyadhamme lobhaviddhamsanarasam, anāsattipaccupaṭṭhānaṃ, bhavavibhavasampattipaccupaṭṭhānaṃ vā, pariccajitabbavatthupadaṭṭhānaṃ. Sīlanalakkhaṇaṃ **sīlaṃ**, samādhānalakkhaṇaṃ, paṭiṭṭhānalakkhaṇācīti vuttaṃ hoti. Dussīlyaviddhamsanarasam, anavajjarasam vā, soceyapaccupaṭṭhānaṃ, hirottappapadaṭṭhānaṃ. Kāmato bhavato ca nikkhamanalakkhaṇaṃ **nekkhammaṃ**, tadādinavavibhāvanarasam, tato eva vimukhābhāvapaccupaṭṭhānaṃ, saṃvegapadaṭṭhānaṃ. Yathāsabhāvapaṭivedhalakkhaṇā **paññā**, akkhalitapaṭivedhalakkhaṇā vā kusaliśāsakhittausupaṭivedho viya, visayobhāsanarasā padīpo viya, asamhāpaccupaṭṭhānā araññagatasudesako viya, samādhipadaṭṭhānā, catusaccapadaṭṭhānā vā. Ussāhalakkhaṇaṃ **vīriyaṃ**, upatthambhanarasam, asaṃsīdanapaccupaṭṭhānaṃ, vīriyārambhavatthu (a. ni. 8.80) padaṭṭhānaṃ, saṃvegapadaṭṭhānaṃ vā. Khamanalakkhaṇā **khanti**, iṭṭhāniṭṭhasanarasā, adhiṭṭhānapaccupaṭṭhānā, avirodhapaccupaṭṭhānā vā, yathābhūtaḍḍassanapadaṭṭhānā. Avisaṃvādanalakkhaṇaṃ **saccaṃ**, yāthāvavibhāvanarasam [yathāsabhāvavibhāvanarasam (cariyā. aṭṭha. pakiṇṇakakathāya)], sādhitāpaccupaṭṭhānaṃ, soraccapadaṭṭhānaṃ. Bodhisambhāresu adhiṭṭhānalakkhaṇaṃ **adhiṭṭhānaṃ**, tesam paṭipakkhābhāvavānanarasam, tattha acalāpaccupaṭṭhānaṃ, bodhisambhārapadaṭṭhānaṃ. Hitākārapavattilakkhaṇā **mettā**, hitūpasamhārasā,

āghātavinayanarasā vā, sammabhāvaccuppaṭṭhānā, sattānaṃ manāpabhāvadassanapadaṭṭhānā. Majjhatakkārapavattilakkhaṇā **upekkhā**, samabhāvadassanarasā, paṭighānūnāvūpasamapaccupaṭṭhānā, kammassakatāpaccavekkhaṇapadaṭṭhānā. Ettha ca karuṇūpāyakosallapariggahitatā dānādīnaṃ pariccāgādilakkhaṇassa viśesanabhāvena vattabbā, yato tāni pāramisaṅkhyāṃ labhanti.

**Ko paccayoti** abhinīhāro paccayo. Yo hi ayaṃ “manussattaṃ liṅgasampattī”tiādi (bu. vaṃ. 2.59) aṭṭhadhammasamodhānasampādito “tiṅṅo tāreyyaṃ, mutto moceyyaṃ, buddho bodheyyaṃ, suddho sodheyyaṃ, danto dameyyaṃ, santo sameyyaṃ, assatto assāseyyaṃ, parinibbuto parinibbāpeyya”ntiādinā (cariyā. aṭṭha. pakīṇṇakathāya) pavatto abhinīhāro, so avisesena sabbapāramīnaṃ paccayo. Tappavattiyā hi uddhaṃ pāramīnaṃ paviciyupaṭṭhānasamādānādhiṭṭhānanipphattiyō mahāpurisānaṃ sambhavanti.

Yathā ca abhinīhāro, evaṃ mahākaruṇā, upāyakosallaṅca. Tattha **upāyakosallaṃ** nāma dānādīnaṃ bodhisambhārabhāvassa nimittabhūtā paññā, yāhi karuṇūpāyakosallatāhi mahāpurisānaṃ attasukhanirapekkhatā, nirantaraṃ parahitakaraṇapasutatā, sudukkarehipi mahābodhisattacaritehi visādābhāvo, pasādasambuddhidassanasavanānussaraṇāvattāsūpi sattānaṃ hitasukhapaṭilābhahetubhāvo ca sampajjati. Tathā hi paññāya buddhabhāvasiddhi, karuṇāya buddhakammāsiddhi. Paññāya sayāṃ tarati, karuṇāya pare tāreti. Paññāya paradukkhaṃ parijānāti, karuṇāya paradukkhaapaṭikāraṃ ārabhati. Paññāya ca dukkhe nibbindati, karuṇāya paradukkhaṃ sampācchati. Tathā paññāya parinibbānābhimukho hoti, karuṇāya taṃ na pāpuṇāti. Tathā karuṇāya saṃsārābhimukho hoti, paññāya tatra nābhiraṃti. Paññāya ca sabbattha virajjati, karuṇānugatatā na ca na sabbesaṃ anuggahāya pavatto, karuṇāya sabbehi anukampati, paññānugatatā na ca na sabbattha virattacitto. Paññāya ca ahaṃkāramamaṃkārahāvo, karuṇāya ālasiyadīnatābhāvo. Tathā paññākaruṇāhi yathākkamaṃ attaparanāthatā, dhīravīrabhāvo, anattantapaaparantapatā, attahitaparahitanipphatti, nibbhayābhiṃsanakabhāvo, dhammādhipatīlokādhipatī, kataññupubbakāribhāvo, mohataṇhāvīgamo, vijjācarānasiddhi, balavesārajanipphattīti sabbasāpi pāramitāphalassa viśesena upāyabhāvato paññākaruṇā pāramīnaṃ paccayo. Idaṅca dvayaṃ pāramīnaṃ viya paṇidhānassāpi paccayo.

Tathā ussāhaummaṅgaavattānahitacariyā ca pāramīnaṃ paccayoti veditabbā, yā buddhabhāvassa uppattiṭṭhānatāya “**buddhabhūmiyo**”ti pavuccanti. Yathāha –

“Kati pana bhante buddhabhūmiyo? Catasso kho sārīputta buddhabhūmiyo. Katamā catasso? Ussāho ca hoti vīriyaṃ, umaṅgo ca hoti paññābhāvanā, avattānaṅca hoti adhiṭṭhānaṃ, mettābhāvanā ca hoti hitacariyā. Imā kho sārīputta catasso buddhabhūmiyo”ti (su. ni. aṭṭha. 1.khaggavisāṇasuttavaṇṇanāyampi).

Tathā nekkhammapavivekaalobhādosāmohanissaraṇappabhedā cha ajjhāsaya. Vuttañhettaṃ –

“Nekkhammajjhāsaya ca bodhisattā kāme dosadassāvino, paviveka...pe... saṅgaṅikāya, alobha...pe... lobhe, adosa...pe... dose, amoha...pe... mohe, nissaraṇajjhāsaya ca bodhisattā sabbabhavesu dosadassāvino”ti (visuddhi. aṭṭha. 1.49 vākyakhandhepi).

Tasmā ete bodhisattānaṃ cha ajjhāsaya dānādīnaṃ paccayāti veditabbā. Na hi lobhādīsu ādīnavadassanena, alobhādiadhikabhāvena ca vinā dānādīpāramīyo sambhavanti. Alobhādīnañhi adhikabhāvena pariccāgādīninnacittatā alobhajjhāsayaḍitāti. Yathā cete, evaṃ dānajjhāsayaṭādayopi. Yathāha –

“Kati pana bhante bodhāya carantānaṃ bodhisattānaṃ ajjhāsaya? Dasa kho sārīputta bodhāya carantānaṃ bodhisattānaṃ ajjhāsaya. Katame dasa? Dānajjhāsaya sārīputta bodhisattā macchere dosadassāvino, sīla...pe... upekkhajjhāsaya sārīputta bodhisattā sukhadukkhesu dosadassāvino”ti.

Etesu hi maccheraasaṃvarakāmaṃvīcīkicchākosajjaakkhantivisaṃvādaanadhiṭṭhānabyāpāda- sukhadukkhasaṅkhātesu ādīnavadassanapubbaṅgamā dānādīninnacittatāsaṅkhātā dānajjhāsayaṭādayo dānādīpāramīnaṃ nibbattiyā kāraṇanti. Tathā apariccāgapariccāgādīsu yathākkamaṃ ādīnavānisaṃsapaccavekkhaṇā dānādīpāramīnaṃ paccayo.

Tatthāyaṃ paccavekkhaṇāvidhi –  
khattavattuhiraññasuvaṇṇagomahīṃsadāsīdāsaputtadārādīpariggahabyāsattacittānaṃ sattānaṃ khettādīnaṃ vatthukāmaṃbhāvena bahupatthanīyabhāvato, rājacorādīsādhāraṇabhāvato, vivādādhiṭṭhānato, sapattakaraṇato, nissarato, paṭilābhaparipālanesu paraviheṭhanahetuto, vināsanimittaṅca sokādiānekavīhitabyasanāvahato, tadāsattinidānaṅca maccheramalariyutṭhitacittānaṃ apāyūpapattisambhavatoti evaṃ vividhaviṭṭhānābhāvato ete atthā nāma, tesāṃ pariccāgoyeveko sotthibhāvoti pariccāge appamādo karaṇīyo.

Apica “yācako yācamāno attano guyhassa ācikkhanato mayhaṃ viśāsiko”ti ca “pahāya gamaṇīyaṃ attano santakam gahetvā paralokaṃ yāhīti mayhaṃ upadesako”ti ca “ādīte viya agāre maraṇagginā ādīte loke tato mayhaṃ santakassa apavāhakasahāyo”ti ca “apavāhitassa cassa nījjhāyanikkhepaṭṭhānabhūto”ti ca “dānasākhāte kalyāṇakammamīm saḥāyabhāvato, sabbasampattīnaṃ aggabhūtāya paramadullabhāya buddhabhūmiyā sampattihetubhāvato ca paramo

kalyāṇamitto”ti ca paccavekkhitabbaṃ.

Tathā “ulāre kammani anenāhaṃ sambhāvito, tasmā sā sambhāvanā avitathā kātabbā”ti ca “ekantabhedītāya jīvitassa ayācitenapī mayā dātabbaṃ, pageva yācitenā”ti ca “ulārajjhāsayahehi gavesitvāpī dātabbo, sayamevāgato mama puññaena”ti ca “yācakassa dānāpadesena mayhamevāyamanuggaho”ti ca “ahaṃ viya ayaṃ sabbopi loko mayā anuggahetabbo”ti ca “asati yācake kathaṃ mayhaṃ dānapāramī pūreyyā”ti ca “yācakānamevatthāya mayā sabbo pariggahetabbo”ti ca “ayācitvā mama santakaṃ yācakā sayameva kadā gaṇheyyu”nti ca “kathamahaṃ yācakānaṃ piyo cassaṃ manāpo”ti ca “kathaṃ vā te mayhaṃ piyā cassu manāpā”ti ca “kathaṃ vāhaṃ dadamāno, datvāpī ca attamano assaṃ pamudito pītisomanassajāto”ti ca “kathaṃ vā me yācakā bhavēyyuṃ, ulāro ca dānājjhāsayo”ti ca “kathaṃ vāhamayācītōyeva yācakānaṃ hadayamaññaṃ dadeyya”nti ca “sati dhane yācake ca apariccāgo mahatī mayhaṃ vañcana”ti ca “kathaṃ vāhaṃ attano āngāni jīvitaṃ vāpī yācakānaṃ pariccajeyya”nti ca paccavekkhitabbaṃ.

Apica “attho nāmāyaṃ nirapekkhaṃ dāyakaṃ anugacchati yathā taṃ nirapekkhaṃ khepakaṃ kiṭako”ti atthe nirapekkhatāya cittaṃ uppādetabbaṃ. Yācamāno pana yadi piyapuggalo hoti, “piyo maṃ yācatī”ti somanassaṃ uppādetabbaṃ. Atha udāsīnapuggalo hoti, “ayaṃ maṃ yācamāno addhā iminā pariccāgena mitto hoti”ti somanassaṃ uppādetabbaṃ. Dadantopi hi yācakānaṃ piyo hotīti. Atha pana veripuggalo yācati, “paccatthiko maṃ yācati, ayaṃ maṃ yācamāno addhā iminā pariccāgena veripi piyo mitto hoti”ti visesato somanassaṃ uppādetabbaṃ. Evaṃ piyapuggale viya majjhattaveripuggalesupī mettāpubbaṅgamaṃ karuṇaṃ upaṭṭhapetvāva dātabbaṃ.

Sace panassa cirakālaparibhāvitattā lobhassa deyyadhammavisayā lobhadhammā uppajjeyyūṃ, tena bodhisattapaṭiññaṃ itī paṭisañcikkhitabbaṃ “nanu tayā sappurisa sambodhāya abhinīhāraṃ karontena sabbasattānaṃ upakāratthāya ayaṃ kāyo nissattho, tappariccāgamayañca puññaṃ, tattha nāma te bāhirepi vatthusmiṃ atisaṅgappavatti hatthisinānasadisī hoti, tasmā tayā na katthaci saṅgo uppādetabbo. Seyyathāpi nāma mahato bhesajjarukkhaṃsa tiṭṭhato mūlaṃ mūlatthikā haranti, papaṭikaṃ, tacamaṃ, khandhaṃ, viṭapaṃ, sāraṃ, sākhaṃ, palāsaṃ, pupphaṃ, phalaṃ phalatthikā haranti, na tassa rukkhassa ‘mayhaṃ santakaṃ ete harantī’ti vitakkasamudācāro hoti, evameva sabbalokahitāya ussukkamāpajjantena mayā mahādukkhe akataññuke niccāsucimhi kāye paresaṃ upakārāya viniyujjamāne aṇumattopi micchāvitakko na uppādetabbo, ko vā ettha viseso ajjhattikabāhiresu mahābhūtesu ekantabhedanavikiraṇavidhammasanadhammesu, kevalaṃ pana sammohavijambhitametaṃ, yadidaṃ ‘etaṃ mama, esohammasmi, eso me attā’ti abhiniveso. Tasmā bāhiresu viya ajjhattikesupī karacaraṇanāyānādīsū, maṃsādīsū ca anapekkhena hutvā ‘taṃtadattikā harantū’ti nissatthacittena bhavitabba”nti. Evaṃ paṭisañcikkhato cassa bodhāya pahitattassa kāyājīvitessu nirapekkhassa appakasireneva kāyavacīmanokammāni suvisuddhāni hontī. So visuddhakāyavacīmanokammanto visuddhājīvo ñāyapaṭipattiyāṃ ṭhito, āyāpāyupāyākosallasamānāgamena bhīyyoso mattāya deyyadhammapariccāgena, abhayadānasaddhammādānehi ca sabbasatte anuggaṇhituṃ samattho hotīti. Ayaṃ tāva **dānapāramiyaṃ** paccavekkhāṇāyo.

**Sīlapāramiyaṃ** pana evaṃ paccavekkhitabbaṃ – idañhi sīlaṃ nāma gaṅgodakādīhi visodhetuṃ asakkuṇeyyassa dosamaḷassa vikkhālanajalaṃ, haricandanādīhi vinetuṃ asakkuṇeyyarāgādīparīlāhavināyanaṃ, hāramakuṭaṅkaḷādīhi pacurajanālaṅkārehi asādhāraṇo sādhuṇaṃ alaṅkāraviseso, sabbadisāvāyanato akittimo, sabbakālānurūpo ca surabhigandho, khattiyamahāsālādīhi devatāhi ca vandaniyādībhāvāvahanato paramo vasīkaraṇamanto, cātumahārājikādi devalokārohanasopānapanti, jhānābhīññaṃ adhiḡamupāyo, nibbānamahānagarassa sampāpakamaḡgo, sāvakabodhipaccekabodhisammāsambodhīnaṃ paṭiṭṭhānabhūmi, yaṃ yaṃ vā panicchitaṃ patthitaṃ, tassa tassa samijjanūpāyabhāvato cintāmaṇīkapparukkādīke ca atiseti. Vuttañhetam bhagavatā “ijjhati bhikkhave sīlavato cetopaṇidhi visuddhattā”ti (a. ni. 8.35). Aparampi vuttam “ākaṅkheyya ce bhikkhave bhikkhu sabrahmacārīnaṃ piyo ca assaṃ manāpo ca garu ca bhāvanīyo cāti, sīlesvessa paripūrakārī”tiādi (ma. ni. 1.61), tathā “avippaṭisārathāni kho ānanda kusalāni sīlāni”ti (a. ni. 10.1; 11.1), “pañcime gahapatayo ānisamsā sīlavato sīlasampadāyā”ti (dī. ni. 2.150; udā. 76; mahāva. 185) suttānañca vasena sīlassa guṇā paccavekkhitabbā, tathā aggikkhandhopamasuttādīnaṃ (a. ni. 7.72) vasena sīlavirahe ādīnavā.

Pītisomanassanimittato, attānuvādaparānuvādadaṇḍaduggatibhayābhāvato, viññūhi pāsamsabhāvato, avippaṭisārahetuto, sothiṭṭhānato, abhijanasāpateyyādhipateyyāyurūpaṭṭhānabandhumittasampattīnaṃ atisaṇāto ca sīlaṃ paccavekkhitabbaṃ. Sīlavato hi attano sīlasampadāhetu mahantaṃ pītisomanassaṃ uppajjati “kataṃ vata mayā kusalaṃ, kataṃ kalyāṇaṃ, kataṃ bhīruttāṇa”nti. Tathā sīlavato attā na upavadati, na pare viññū, daṇḍaduggatibhayānaṃ sambhavoyeva natthi, “sīlavā purisapuggalo kalyāṇadhammo”ti viññūnaṃ pāsamsaṃ hoti. Tathā sīlavato yvāyaṃ “kataṃ vata mayā pāpaṃ, kataṃ luddaṃ, kataṃ kibbisa”nti dussīlassa vipaṭisāro uppajjati, so na hoti. Sīlañca nāmetam appamādādhiṭṭhānato, bhogabyasanādīparihāramukhena mahato atthassa sādhanato, maṅgalabhāvato ca paramaṃ sothiṭṭhānaṃ, nihīnājaccopi sīlavā khattiyamahāsālādīnaṃ pūjāniyo hotīti kulasampattim atiseti sīlasampadā, “taṃ kiṃ maññasī mahārāja, idha te assa puriso dāso kammakaro”tiādi (dī. ni. 1.183) vacanañcettha sādhaṃ. Corādīhi asādhāraṇato, paralokānugāmanato, mahapphalabhāvato, samathādiguṇādhiṭṭhānato ca bāhiradhaṇaṃ atiseti sīlaṃ, paramassa cittissariyassa adhiṭṭhānabhāvato khattiyādīnaṃ issariyaṃ atiseti sīlaṃ. Sīlanimittāñhi taṃtamsattanikāyesu sattānaṃ issariyaṃ vassasatādīghappamānato jīvitato ekāhampi sīlavato jīvitassa viṭṭhatāvācanato, sati ca jīvite sikkhānikkhepassa maraṇatāvācanato sīlaṃ jīvitato viṭṭhataraṃ. Verīnampi manuññabhāvāvahanato, jarārogaṇipattīhi

anabhibhavanīyato ca rūpasampattiṃ atiseti sīlaṃ. Pāsādahammīyādiṭṭhānavise, rājayuvarājasenāpatiādiṭṭhānavise ca atiseti sīlaṃ sukhaviseśadhiṭṭhānabhāvato. Sabhāvasiniddhe santikāvācarepi bandhujane mittajane ca atiseti ekantahitasampādanato, paralokānugamanato ca. “Na taṃ mātā pitā kayirā”tiādi (dha. pa. 43) vacanañcettha sādhamkaṃ. Tathā hatthiassarathādibhedehi, mantāgadasotthānappayogehi ca durārakkhaṃ attānaṃ ārakkhabhāvena sīlameva viṣiṭṭhataṃ attādhiṇato, aparādhīnato, mahāvisayato ca. Tenevāha “dhammo have rakkhati dhammacāri”ntiādi (jā. 1.9.102). Evamanekaguṇasamannāgatam sīlanti paccavekkhantassa aparipunnā ceva sīlasampadā pāripūriṃ gacchati aparisuddhā ca pārisuddhiṃ.

Sace panassa dīgharattam paricayena sīlapaṭipakkhā dhammā dosādayo antarantarā uppajjeyyūṃ, tena bodhisattapaṭiñña evaṃ paṭisañcikkhitabbaṃ “nanu tayā sambodhāya paṇidhānaṃ kataṃ, sīlavikalena ca na sakkā lokiyāpi sampattiyo pāpuṇiṃ, pageva lokuttarā, sabbasampattīnaṃ pana aggabhūṭāya sammāsambodhiyā adhiṭṭhānabhūtena sīlena paramukkamsagatena bhavitabbaṃ. Tasmā ‘kikīva aṇḍa’ntiādinā (visuddhi. 1.19; dī. ni. aṭṭha. 1.7) vuttanayena sammā sīlaṃ parirakkhantena suṭṭhu tayā pesalena bhavitabbaṃ. Api ca tayā dhammadesanāya yānattaye sattānaṃ avatāraṇaparipācanāni kātabbāni, sīlavikalassa ca vacanaṃ na paccetabbaṃ hoti asappāyāhāravacārassa viya vejjassa tikicchanaṃ, tasmā kathāhaṃ saddheyyo hutvā sattānaṃ avatāraṇaparipācanāni kareyya”nti sabhāvaparīsuddhasīlena bhavitabbaṃ. Kiñca “jhānādiguṇavisesayogena me sattānaṃ upakāraṇasamatthā, paññāpāramītiādiṭṭhānaṃ, jhānādayo ca guṇā sīlapārisuddhiṃ vinā na sambhavanti”ti sammadeva sīlaṃ parisodhetabbaṃ.

Tathā “sambādhō gharāvāso rajopatho”tiādinā (dī. ni. 1.191; ma. ni. 1.291; saṃ. ni. 2.154; ma. ni. 2.10) gharāvāse “aṭṭhikākalūpamā kāma”tiādinā (ma. ni. 1.234; pāci. 417; mahāni. 3, 6); “mātāpi puttana vivadati”tiādinā (ma. ni. 1.168, 178) ca kāmesu “seyyathāpi puriso iṇaṃ ādāya kammante payojeyyā”tiādinā (dī. ni. 1.218) kāmacchandāḍisu ādīnavadassanapubbaṅgamā vuttavipariyāyena “abbhokāso pabbajjā”tiādinā (dī. ni. 1.1.91; saṃ. ni. 1.154) pabbajjāḍisu ānisaṃsaṃpaṭisañkhāvasena **nekkhammapāramīyaṃ** paccavekkhaṇā veditabba. Ayamettha sañkhepattho, vitthāro pana dukkhakkhandha (ma. ni. 1.163) vīmaṃsasuttādi (ma. ni. 1.487) vasena dukkhakkhandhaāsisivopamasuttādivasena (cariyā. aṭṭha. pakīṇakakathāyaṃ) veditabbo.

Tathā “paññāya vinā dānādayo dhammā na visuṃjanti, yathāsakaṃ byāpārasamatthā ca na honti”ti paññāguṇā manasi kātabbā. Yatheva hi jīvitena vinā sarīrayantaṃ na sobhati, na ca attano kiriyāsu paṭipattisamattham hoti, yathā ca cakkhādīni indriyāni viññāṇena vinā yathāsakaṃ viṣayesu kiccaṃ kātuṃ nappahonti, evaṃ saddhādīni indriyāni paññāya vinā sakiccapaṭipattiyaṃ asamatthānti pariccāgādiṭṭhānaṃ paññā padhānakāraṇaṃ. Ummīlitapaññācakkhukā hi mahāsattā attano aṅgapaccāṅgāni datvā anattukkamsakā, aparavambhakā ca honti, bhesajjarukkā viya vikapparahitā kālattayepi somanassajātā. Paññāvasena upāyakoṣallayogato pariccāgo parahitappavattiyā dānapāramibhāvaṃ upeti. Attatthañhi dānaṃ vuḍḍhisadisam hoti.

Tathā paññāya abhāvena taṇhādisamkilesāvīyogato sīlassa visuddhiyeva na sambhavati, kuto sabbaññūguṇādhiṭṭhānabhāvo. Paññāvā eva ca gharāvāse kāmaguṇesu saṃsāre ca ādīnavam, pabbajjāya jhānasamāpattiyaṃ nibbāne ca ānisaṃsam suṭṭhu sallakkhento pabbajjivā jhānasamāpattiyo nibbattetvā nibbānaninno, pare ca tattha paṭiṭṭhapeti.

Vīriyāca paññārahitaṃ yadicchitamattaṃ na sādheti durārambhabhāvato. Vameva hi anārambho durārambhato, paññāsahitena pana vīriyena na kiñci duradhigamaṃ upāyapaṭipattito. Tathā paññāvā eva parāpakārādiadhivāsakajātiyo hoti, na duppañño. Paññāvīrahitassa ca parehi upanīṭā apakārā khantiyā paṭipakkhameva anubrūhenti, paññāvato pana te khantisampattiyaṃ paribrūhanavasena assā thirabhāvāya saṃvattanti. Paññāvā eva tiṇi saccāni tesam kāraṇāni paṭipakkhe ca yathābhūtaṃ jānitvā paresam avisaṃvādako hoti. Tathā paññābalena attānaṃ upatthambhetvā dhitisampadāya sabbapāramīsu acalasaṃdānādhiṭṭhāno hoti, paññāvā eva ca piyamajjhattaverivibhāgaṃ akatvā sabbattha hitūpasamhāraṇasalo hoti. Tathā paññāvasena lābhādīlokadhammasannipāte nibbikāratāya majjhatto hoti. Evaṃ sabbāsam pāramīnaṃ paññāva pārisuddhihetūti paññāguṇā paccavekkhitabba.

Apica paññāya vinā na dassanasampatti, antarena ca diṭṭhisampadaṃ na sīlasampadā, sīladiṭṭhisampadārahitassa na samādhisampadā, asamāhitena ca na sakkā attahitamattampi sādhetuṃ, pageva ukkamsagataṃ parahitanti parahitāya paṭipanna “nanu tayā sakkaccaṃ paññāpārisuddhiyaṃ āyogo karaṇīyo”ti bodhisattena attā ovaḍitabbo. Paññānubhāvena hi mahāsatto caturadhiṭṭhānādhiṭṭhito catūhi saṅghavattūhi (dī. ni. 3.210, 313; a. ni. 10.32) lokam anuggaṇhanto satte niyyānikamagge avatāreti, indriyāni ca nesam paripāceti. Tathā paññābalena khandhāyatanaḍisu pavicyabahuḷo pavattinivattiyo yāthāvato pariṇānanto dānādayo guṇe visesanibbedhabhāgiyabhāvaṃ nayanto bodhisattasikkhāya paripūrakārī hotīti evamādinā anekākāravokāre paññāguṇe vavattapetvā paññāpāramī anubrūhetabba.

Tathā dissamānapārānīpi lokiyāni kammāni nihīnavīriyena pāpuṇiṃ asakkuṇeyyāni, aṅaṇitakhedena pana āradhāvīriyena duradhigamaṃ nāma natthi. Nihīnavīriyo hi “saṃsāramahogato sabbasatte santāressamī”ti ārabhitumeva na sakkuṇoti. Majjhimo ārabhitvā antarāvosaṇamāpajjati. Ukkatthāvīriyo pana attasukhanirapekkho ārambhapāraṃ adhigacchatīti vīriyasampatti paccavekkhitabba. Apica “yassa attanoyeva saṃsārapānāto samuddharaṇatthamārambho,

tassāpi vīriyassa sithilabhāvena manorathānaṃ matthakappatti na sakkā sambhāvetuṃ, pageva sadevakassa lokassa samuddharaṇatthaṃ katābhinihārenā”ti ca “rāgādīnaṃ dosagaṇānaṃ mattamahāgajānaṃ viya dunnivārayabhāvato, tannidānaṃ kammamādānānaṃ ukkhittāsikavadhakasadisabhāvato, tannimittānaṃ duggaṭṭānaṃ sabbadā vivaṭṭamukhabhāvato, tattha niyojakānaṃ pāpamittānaṃ sadā sannihitabhāvato, tadovādakāritāya ca bālassa puthujjanabhāvassa sati sambhave yuttaṃ sayameva saṃsāradukkhato nissaritu”nti ca “micchāvittakkā vīriyānubhāvena dūrī bhavanti”ti ca “yadi pana sambodhi attādhīnena vīriyena sakkā samadhigantuṃ, kimettha dukkara”nti ca evamādīnā nayena vīriyassa guṇāpaccavekkhitabbā.

Tathā “khanti nāmāyaṃ niravasesaguṇapaṭipakkhassa kodhassa vidhamanato guṇasampādane sādhanamappaṭihatamāyudhaṃ, parābhūbhavane samatthānaṃ alaṅkāro, samaṇabrāhmaṇānaṃ balasampadā, kodhaggivinayanī udakadhārā, kalyāṇassa kittisaddassa sañjātideso, pāpappuggalānaṃ vacīvisavūpasamakaro mantāgado, saṃvare ṭhitānaṃ paramā dhīrapakati, gambhīrāsayaṭṭāya sāgaro, dosamahāsāgarassa velā, apāyadvārassa pidhānakavāṭṭaṃ, devabrahmalokānaṃ ārohaṇasopānaṃ, sabbaguṇānaṃ adhivāsanaṃbhūmi, uttamā kāyavacīmanovissuddhī”ti manasi kātabbaṃ. Api ca “ete sattā khantisampattiyā abhāvato idha ceva tapanti, paraloke ca tapanīyadhammānuyogato”ti ca “yadi parāpakāranimittānaṃ dukkhaṃ uppajjati, tassa pana dukkhassa khettabhūto attabhāvo, bījabhūtaṃ kammaṃ mayāva abhisāṅkhata”nti ca “tassa dukkhassa āṇaṇyakāraṇameta”nti ca “apakārake asati kathaṃ mayhaṃ khantisampadā sambhavati”ti ca “yadi pāyāyaṃ etarahi apakāraṃ, ayaṃ nāma pubbe anena mayhaṃ upakāro kato”ti ca “apakāro eva vā khantinimittatāya upakāro”ti ca “sabbe pime sattā mayhaṃ puttāsadiṣā, puttakatāparādhesu ca ko kujjhissati”ti ca “yena kodhabhūtavēseṇa ayaṃ mayhaṃ aparajjhanti, so kodhabhūtavēso mayā vinetabbo”ti ca “yena apakāreṇa idaṃ mayhaṃ dukkhaṃ uppannaṃ, tassa ahampi nimitta”nti ca “yehi dhammehi aparādho kato, yattha ca kato, sabbe pi te tasmīyeva khaṇe niruddhā, kassidāni kena kodho kātabbo”ti ca “anattatāya sabbadhammānaṃ ko kassa aparajjhanti”ti ca paccavekkhantena khantisampadā brūhetabbā.

Yadi panassa dīgharattaṃ paricayena parāpakāranimittako kodho cittaṃ pariyādāya tiṭṭheyya, iti paṭisañcikkhitabbaṃ “khanti nāmesā parāpakāraṇaṃ paṭipakkhapaṭipattīnaṃ paccupakāraṇaṃ”nti ca “apakāro ca mayhaṃ dukkhuppādānena dukkhupanisāya saddhāya, sabbaloke anabhiratisaññāya ca paccayo”ti ca “indriyapakatiresā, yadidaṃ iṭṭhāniṭṭhavisayasamāyogo, tattha anīṭṭhavisayasamāyogo mayhaṃ na siyāti taṃ kutettha labbhā”ti ca “kodhavasiko satto kodhena ummatto vikkhittacitto, tattha kiṃ paccapakārenā”ti ca “sabbe pime sattā sammāsambuddhena orasaputtā viya paripālītā, tasmā na tattha mayā cittakopopi kātabbo”ti ca “aparādhaṃ ca sati guṇe guṇavati mayā na kopo kātabbo”ti ca “asati guṇe viśeṣena karuṇāyitabbo”ti ca “kopena ca mayhaṃ guṇayasā nihiyanti”ti ca “kujjhānena mayhaṃ dubbaṇṇadukkhaseyyādayo sapattakantā āgacchanti”ti ca “kodho ca nāmāyaṃ sabbāhitakāraṃ sabbāhitavināsako balavā paccatthiko”ti ca “sati ca khantiyā na koci paccatthiko”ti ca “aparādhakena aparādhanimittānaṃ yaṃ āyatīṃ laddhabbaṃ dukkhaṃ, sati ca khantiyā mayhaṃ tadabhāvo”ti ca “cintānena kujjhāntena ca mayā paccatthikoyeva anuvattito hoti”ti ca “kodhe ca mayā khantiyā abhibhūte tassa dāsabhūto paccatthiko sammadeva abhibhūto hoti”ti ca “kodhanimittānaṃ khantiguṇapariccāgo mayhaṃ na yutto”ti ca “sati ca kodhe guṇavirodhini (guṇavirodhapaccanīdhamme cariyā. aṭṭha. pakīṇakakathāyaṃ) kiṃ me silādīdhammā pāripūriṃ gaccheyyūṃ, asati ca tesu kathāhaṃ sattānaṃ upakārabahulo paṭiññānurūpaṃ uttamaṃ sampattīṃ pāpuṇissāmi”ti ca “khantiyā ca sati bahiddhā vikkhepābhāvato samāhitassa sabbe saṅkhārā aniccato dukkhato sabbe dhammā anattato nibbānaṃ asaṅkhatāmatasantaṇṇatātibhāvato nijjhānaṃ khamanti ‘buddhadhammā ca acinteyyāparimeyyapabhāvā’ti”, tato ca “anulomiyaṃ khantiyaṃ ṭhito ‘kevalā ime ca attattaniyabhāvarahitā dhammamattā yathāsakaṃ paccayehi uppajjanti vayanti, na kutoci āgacchanti, na kuhiñci gacchanti, na ca katthaci paṭiṭṭhitā, na cettha koci kassaci byāpāro’ti ahaṃkāramamaṃkāraṇadhiṭṭhānatā nijjhānaṃ khamati, yena bodhisatto bodhiyā niyato anāvattidhammo hoti”ti evamādīnā khantiṭṭhānaṃ paccavekkhāṇā veditabbā.

Tathā “saccena vinā silādīnaṃ asambhavato, paṭiññānurūpaṃ paṭipattiyā abhāvato ca saccadhammātikkaṃ ca sabbapāpadhammānaṃ samosaraṇato, asaccasandhassa appaccayikabhāvato, āyatīnaṃ anādeyyavacanaṭṭāvanānato, sampannasaccassa ca sabbaguṇādhiṭṭhānabhāvato, saccādhiṭṭhānena sabbabodhisambhāraṇaṃ pārisuddhipāripūrisamanvāyato, sabhāvadhammāvisamvādanena sabbabodhisambhāraṇakiccarāṇato, bodhisattapaṭipattiyā ca parinipphattito”tiādīnā **saccapāramiyā** sampattiyo paccavekkhitabbā.

Tathā “dānādīsu daḷhasamādānaṃ, tampaṭipakkhasannipāte ca nesamā acalāvattānaṃ, tattha ca thirabhāvaṃ vinā na dānādīsambhārā sambodhinimittā sambhavanti”tiādīnā **adhiṭṭhāne** guṇā paccavekkhitabbā.

Tathā “attahitamatte avatiṭṭhāntenaṃpi sattesu hitacittānaṃ vinā na sakkā idhalokaparalokasampattiyo pāpuṇituṃ, pageva sabbasatte nibbānasampattiyaṃ paṭiṭṭhāpetukāmenā”ti ca “pacchā sabbasattānaṃ lokuttarasampattīṃ ākāṅkhatena idāni lokiyasampattīṃ ākāṅkhā yuttarūpā”ti ca “idāni āsayamattena paresaṃ hitasukhūpasamhāraṃ kātuṃ asakkonto kadā payogena taṃ sādheṣāmi”ti ca “idāni mayā hitasukhūpasamhāreṇa saṃvaddhitā pacchā dhammasaṃvibhāgasahāya mayhaṃ bhavissanti”ti ca “ete hi vinā na mayhaṃ bodhisambhārā sambhavanti, tasmā sabbabuddhaguṇavibhūtinipphattikāraṇatā mayhaṃ ete paramaṃ puññakkhettaṃ anuttaraṃ kusalaṃyatanānaṃ uttamaṃ gāraṇatānaṃ”nti ca “savisesaṃ sattesu sabbesu hitajjhāsayatā paccupaṭṭhapetabbā, kiñca karuṇādhiṭṭhānatopi sabbasattesu mettā anubrūhetabbā. Vimariyādīkatena hi cetasaṃ sattesu hitasukhūpasamhāranirataṃ tesaṃ ahitadukkhāpanayanakāmatā balavatī uppajjati daḷhamulā, karuṇā ca sabbesaṃ buddhakāradhammānamādi caraṇaṃ paṭiṭṭhā mūlaṃ mukhaṃ

pamukha’’nti evamādinā **mettāya** guṇā paccavekkhitabbā.

Tathā “upekkhāya abhāve sattehi katā vipakkārā cittassa vikāraṃ uppādeyyuṃ, sati ca cittavikāre dānādisambhāraṇaṃ sambhavoyeva natthi’’ti ca “mettāsinehena sinehite citte upekkhāya vinā sambhāraṇaṃ pārisuddhi na hoti’’ti ca “anupekkhako sambhāresu puññasambhāraṇaṃ tabbipākāṇca sattahitattamaṃ pariṇāmetuṃ na sakkoti’’ti ca “upekkhāya abhāve deyyapaṭiggāhakesu vibhāgaṃ akatvā pariccajituṃ na sakkoti’’ti ca “upekkhārahitena jīvitaparikkhāraṇaṃ jīvitassa ca antarāyaṃ amanasikarivā saṃvaravisodhanaṃ kātuṃ na sakkā’’ti ca “upekkhāvasena aratiratisahasveva nekkhammabalasiddhito, upapattito ikkhanavaseneva sabbasambhāraṇiccanipphattito, accāraddhassa vīriyassa anupekkhane padhānakiccākaraṇato, upekkhatoyeva titikkhānījñānasambhavato, upekkhāvasena sattasaṅkhāraṇaṃ avisaṃvādanato, lokadhammānaṃ ajjupekkhanena samādinnaḍhammesu acalādhiṭṭhānasiddhito, parāpakārādīsu anābhogavaseneva mettāvīhāranipphattitoti sabbabodhisambhāraṇaṃ samādānādhiṭṭhānapāripūrinipphattitoye upekkhānubhāvena sampajjanti’’ti evaṃ ādinā nayena **upekkhāpāramī** paccavekkhitabbā. Evaṃ apariccāgapariccāgādīsu yathākkamaṃ ādināvānisasapaccavekkhāṇā dānādīpāramīnaṃ paccayoti veditabbā.

Tathā saparikkhārā pañcadasa caraṇadhammā pañca ca abhiññāyo. Tattha **caraṇadhammā** nāma sīlasaṃvaro, indriyesu guttadvārata, bhōjane mattaññutā, jāgariyānuyogo, satta saddhammā, cattāri jhānāni ca. Tesu sīlādīnaṃ catunnaṃ terasapi dhutadhammā, appicchatādayo ca **parikkhāro**. Saddhammesu **saddhāya** buddhadhammasaṅghasīlacāgadevatūpasamānussati- lūkhapuggalaparivajjanasiniddhapuggalasevanapasādanīya-dhammapaccavekkhānatadadhimuttatā **parikkhāro**, **hirottappānaṃ** akusalādīnavapaccavekkhānaapāyādīnavapaccavekkhānakusaladhammupatthambhana- bhāvapaccavekkhānaḥirottappa rahitapuggalaparivajjanahirottappasampannapuggalasevanatadadhimuttatā, **bāhusaccassa** pubbayogaparipucchakabhāvasaddhammābhīyogānavajjavijjāṭṭhānādi- paricayaparipakkindriyatākilesadūrībhāvaappassutaparivajjanabahussutasevanatadadhimuttatā, **vīriyassa** apāyabhayapaccavekkhānagamanavīthipaccavekkhānadharmamahattapaccavekkhāna- thīnamiddhavinodanakusītipuggalaparivajjanāāraddhavīriyapuggala- sevanasammappadhānapaccavekkhānatadadhimuttatā, **satiyā** satisampajaññamutthassatipuggalaparivajjanaupaṭṭhitassatipuggalasevanatadadhimuttatā, **paññāya** paripucchakabhāvavattthūvisadakiriyaṃ indriyasamattapaṭipādanaduppañña- puggalaparivajjanapaññavantaṃpuggalasevanagambhīraññānācariyapacca- vekkhānatadadhimuttatā, catunnaṃ jhānānaṃ sīlādicatukkaṃ aṭṭhatimsāya ārammaṇesu pubbhāgabhāvanā, āvajjanādivasībhāvakarāṇaṇca **parikkhāro**. Tattha sīlādīhi payogasuddhiyā sattānaṃ abhayadāne, āsayasuddhiyā āmisadāne, ubhayasuddhiyā ca dhammadāne samattho hotītiādinā caraṇādīnaṃ dānādisambhāraṇaṃ paccayabhāvo yathārahaṃ niddhāretabbo, ativittārahayena na niddhārayimha. Evaṃ sampatticakkādayopi dānādīnaṃ paccayoti veditabbā.

**Ko saṃkilesoti** avisesena taṇhādīhi parāmatthabhāvo pāramīnaṃ saṃkilesa, visesena deyyapaṭiggāhakavikappā dānapāramiyā saṃkilesa, sattaḷavikappā sīlapāramiyā, kāmaḥavatadupasamesu abhiratīnaḥhīratīvikappā nekkhammapāramiyā, “ahaṃ mama’’ti vikappā paññāpāramiyā, līnuddhaccavikappā vīriyapāramiyā, attaparavikappā khantīpāramiyā, adhiṭṭhādīsu dīṭṭhādīvikappā saccapāramiyā, bodhisambhāratābbipakkhesu dosaguṇavikappā adhiṭṭhānapāramiyā, hitāhītavikappā mettāpāramiyā, iṭṭhānīṭṭhāvīkappā upekkhāpāramiyā saṃkilesoti veditabbo.

**Kiṃ vodānanti** taṇhādīhi anupaghāto, yathāvuttavīkappavīraho ca etāsaṃ vodānanti veditabbā. Anupahatā hi taṇhānānādīṭṭhīkodhūpanāhamakkhapalāsaissāmacchariyamāyāsātheyyathambhasārambha- madapamādādīhi kīlesehi deyyapaṭiggāhakavikappādirahitā ca dānādīpāramīyo pārisuddhā pabhassārā bhavanti.

**Ko paṭīpakkkhoti** avisesena sabbepi kilesā sabbepi akusalā dhammā etāsaṃ paṭīpakkkho, visesena pana pubbe vuttā maccherādayoti veditabbā. Apica deyyapaṭiggāhakadānaphalesu alobhādosāmoḥaguṇayogato lobhadosāmoḥapaṭīpakkkhaṃ dānaṃ, kāyādīdosavāṅkāpagamanato lobhādīpaṭīpakkkhaṃ sīlaṃ, kāmasukhaparūpaghātāttakīlamathaparivajjanato dosattayapaṭīpakkkhaṃ nekkhammaṃ, lobhādīnaṃ andhīkaraṇato, ñāssa ca anandhīkaraṇato lobhādīpaṭīpakkkhā paññā, alīnānuddhātāñyārambhavasena lobhādīpaṭīpakkkhaṃ vīriyaṃ, iṭṭhānīṭṭhasuññātānaṃ khamanato lobhādīpaṭīpakkkhā khanti, satipi paresaṃ upakāre apakāre ca yathābhūtapavattiyā lobhādīpaṭīpakkkhaṃ saccānaṃ, lokadhamme abhībhūya yathāsamādinnesu sambhāresu acalanato lobhādīpaṭīpakkkhaṃ adhiṭṭhānaṃ, nīvaraṇavivekato lobhādīpaṭīpakkkhā mettā, iṭṭhānīṭṭhesu anunayapaṭīghavidhamaṇanato, samappavattito ca lobhādīpaṭīpakkkhā upekkhāti dāṭṭhabbā.

**Kā paṭīpattīti** sukhūpakaṇasārājīvitapariccāgena bhayāpanūdanena dhammopadesena ca bahudhā sattānaṃ anuggahakaraṇaṃ dāne paṭīpattīti. Tatthāyaṃ vitthāranayo – “īmīnaṃ dānena sattānaṃ āyuvāṇasukhābalapaṭībhānādisampattīnaṃ ramaṇīyaṃ aggaphalasampattīnaṃ nipphādeyya’’nti annadānaṃ deti, tathā sattānaṃ kammakīlesapīpasāvūpasamāya pānaṃ deti, tathā suvaṇṇavaṇṇatāya, hirottappalāṅkāraṇaṇca ca nipphattiyā vatthāni deti, tathā iddhiḍḍhassa ceva nibbānasukhassa ca nipphattiyā yānaṃ deti, tathā sīlagandhanipphattiyā gandhaṃ, buddhaguṇasobhānīpphattiyā mālāvīlepanaṃ, bodhimaṇḍāsanānīpphattiyā āsanaṃ, tathāgataseyyānīpphattiyā seyyaṃ, saraṇabhāvanīpphattiyā āvasathaṃ, pañcacakkhupaṭīlābhāya padīpeyyaṃ deti. Byāmapabhānīpphattiyā rūpadānaṃ, brahmasāranīpphattiyā saddadānaṃ, sabbalokassa piyabhāvāya rasadānaṃ, buddhasukhumālabhāvāya phoṭṭhabbadānaṃ, ajarāmaṇabhāvāya bhesajjadānaṃ, kilesadāsabyavimocanattaṃ dāsānaṃ bhujjissatādānaṃ, saddhammābhīratīyā

anavajjakhiḍḍaratihetudānaṃ, sabbepi satte ariyāya jātiyā attano puttabhāvūpanayanāya puttadānaṃ, sakalassa lokassa patibhāvūpagamanāya dāradānaṃ, subhalakkhaṇasampattiyaṃ suvaṇṇamaṇimuttāpavāḷādidānaṃ, anubyañjanasampattiyaṃ nānāvīdhavibhūsanadānaṃ, saddhammakosādhigamāya vittakosadānaṃ, dhammarājabhāvāya rājadānaṃ, jhānādisampattiyaṃ āramuyyānādivanadānaṃ, cakkāṅkitechhi pādehi bodhimaṇḍūpasāṅkamanāya caraṇadānaṃ, caturōghanittharaṇāya sattānaṃ saddhammahatthadānattham hatthadānaṃ, saddhindriyādiṭṭhābhāya kaṇṇanāsādidānaṃ, samantacakkhupaṭilābhāya cakkhadānaṃ, “dassanasavanānussaraṇapāricariyādīsū sabbakālaṃ sabbasattānaṃ hitasukhāvaho, sabbalokena ca upajīvitaṃ me kāyo bhavēyyā”ti maṃsalohitādidānaṃ, “sabbalokuttamo bhavēyyā”nti uttamaṅgadānaṃ deti.

Evam dadanto ca na anesanāya deti, na paropaghātena, na bhayena, na lajjāya, na dakkhiṇeyyaroṣanena, na paṇīte sati lūkaṃ, na attukkaṃsanena, na paravambhanena, na phalābhikaṅkhāya, na yācakajigucchāya, na acittikārena deti, atha kho sakkaccaṃ deti, sahatthēna deti, kālena deti, cittaṃ katvā deti, avibhāgena deti, tīsū kālesu somanassito deti. Tatoyeva datvā na pacchānutāpī hoti, na paṭiggāhakaṃsena mānāvamānaṃ karoti, paṭiggāhakaṃ piyasamudācāro hoti vadaññū yācayogo saparivāradāyī. Tañca dānasampattiṃ sakalalokahitasukhāya pariṇāmeti, attano ca akuppāya vimuttiyā, aparikkhayassa chandassa, aparikkhayassa vīriyassa, aparikkhayassa samādhānassa, aparikkhayassa nānassa, aparikkhayāya sammāsambodhiyā pariṇāmeti. Imañca dānapāramiṃ paṭipajjantena mahāsattēna jīvite, bhogesu ca aniccasaññā paccupaṭṭhapetabbā, sattu ca mahākaraṇā. Evañhi bhoge gahetabbasāraṃ gaṇhanto ādittasmā viya agārasmā sabbam sāpateyyam, attānañca bahi nīharanto na kiñci seseti, niravasesato nissajjatiyeva. Ayaṃ tāva **dānapāramiyā** paṭipattikkamo.

**Sīlapāramiyā** pana yasmā sabbaññusīlāṅkārehi satte alaṅkaritukāmena attanoyeva tāva sīlaṃ visodhetabbaṃ, tasmā sattu tathā dayāpannacittēna bhavitabbaṃ, yathā supinantenapi na āghāto uppajjēyya. Parūpakāraniratātāya parasantako alagaddo viya na parāmasitabbo. Abrahmacariyatopi ārācārī, sattavidhamethuna saṃyogavirato, pageva paradāragamanato. Saccam hitam piyam parimitameva ca kālena dhammiṃ katham bhāsītā hoti, anabhijjhālu abyāpanno aviparītadassano sammāsambuddhe nivīṭhasaddho nivīṭhapemo. Iti caturāpāyavaṭṭadukkhathehi akusalakammapathehi, akusaladhammehi ca oramivā saggamokkhatthesu kusalakammapatthesu paṭiṭṭhitassa suddhāsāyapayogātāya yathābhīpatthitā sattānaṃ hitasukhūpasāññitā manorathā sīgham abhinipphajjanti.

Tattha hiṃsānivattiyā sabbasattānaṃ abhayadānaṃ deti, appakasireneva mettābhāvanam sampādeti, ekādasa mettānāmesu adhigacchati, appābādo hoti appātaṅko dighāyuko sukhabahulo, lakkhaṇavisese pāpuṇāti, dosavāsanañca samucchindati. Tathā adinnādānanivattiyā corādiāsādhāraṇe uḷāre bhoge adhigacchati, anāsāṅkāniyo piyo manāpo vissāniyo, vibhavasampattīsū alaggacitto pariccāgasīlo, lobhavāsanañca samucchindati. Abrahmacariyanivattiyā alobo hoti santakāyacitto, sattānaṃ piyo hoti manāpo aparisaṅkāniyo, kalyāṇo cassa kittisaddo abhuggacchati, alaggacitto hoti mātugāmesu aluddhāsāyo, nekkhammahulo, lakkhaṇavisese adhigacchati, lobhavāsanañca samucchindati.

Musāvādanivattiyā sattānaṃ pamāṇabhūto hoti paccayiko theto ādeyyavacano devatānaṃ piyo manāpo surabhigandhamukho ārakkhiyakāyavacīsamācāro, lakkhaṇavisese ca adhigacchati, kilesavāsanañca samucchindati. Pesuññānivattiyā parūpakkamehi abhejjakāyo hoti abhejaparivāro, saddhamme ca abhijjanakasaddho, dalhamitto bhavantaraparicītānampi sattānaṃ ekantapiyo, asaṃkilesabahulo. Pharusavācānivattiyā sattānaṃ piyo hoti manāpo sukhasīlo madhuravacano sambhāvanīyo, aṭṭhaṅgasamannāgato cassa saro (ma. ni. 2.387) nibbattati. Samphappalāpanivattiyā ca sattānaṃ piyo hoti manāpo garubhāvanīyo ca ādeyyavacano ca parimitālāpo, mahesakkho ca hoti mahānubhāvo, ṭhānuppattikena paṭibhānena pañhānaṃ byākaraṇakusalo, buddhabhūmiyañca ekāya eva vācāya anekabhāsānaṃ sattānaṃ anekesaṃ pañhānaṃ byākaraṇasamattho hoti.

Anabhijjhālutāya icchitalābhī hoti, uḷāresu ca bhogesu ruciṃ paṭilabhati, khattiyamahāsālādīnaṃ sammato hoti, paccatthikehi anabhībhāvanīyo, indriyavekallaṃ na pāpuṇāti, appaṭipuggalo ca hoti. Abyāpādena piyadassano hoti sattānaṃ sambhāvanīyo, parahitābhīnanditāya ca satte appakasireneva pasādeti, alūkkhasabhāvo ca hoti mettāvīhārī, mahesakkho ca hoti mahānubhāvo. Micchādassanābhāvena kalyāṇe sahāye paṭilabhati, sīsacchedampi pāpuṇanto pāpakammaṃ na karoti, kammassakatādassanato akotūhalamaṅgaliko ca hoti, saddhamme cassa saddhā paṭiṭṭhitā hoti mūlajāta, saddahati ca tathāgatānaṃ bodhiṃ, samayantaresu nābhīramati ukkāraṭṭhāne viya rājahaṃso, lakkhaṇattayaparijānanakusalo hoti, ante ca anāvāraṇāññalābhī, yāva bodhiṃ na pāpuṇāti, tāva tasmim tasmim sattanikāye ukkāṭṭhukkaṭṭho ca hoti, uḷāruḷārasampattiyo pāpuṇāti.

“Iti hidaṃ sīlaṃ nāma sabbasampattīnaṃ adhiṭṭhānaṃ, sabbabuddhaguṇānaṃ pabhavabhūmi, sabbabuddhakaradhammānāmādi caraṇam mukham pamukha”nti bahumānaṃ uppādetvā kāyavacīsāmyame, indriyadamane, ājīvasampādāya, paccayaparibhoge ca satisampajāññabalena appamattēna lābhasakkārasilokam mittamukhapaccatthikam viya sallakkhetvā “kikīva aṇḍa”ntiādīnā (visuddhi. 1.19; dī. ni. aṭṭha. 1.7) vuttanayena sakkaccaṃ sīlaṃ sampādetabbaṃ. Ayamettha saṅkhepo, vitthāro pana **visuddhimagge** (visuddhi. 1.6) vuttanayena veditabbo. Tañca panetaṃ sīlaṃ na attano duggatiparikilesavimuttiyā, paccetiampi, na rajjasampattiyaṃ, nacakkavatti-nadeva-nasakka-namāra-nabrahmasampattiyaṃ, nāpi attano tevijjātādīhetu, na saccekabodhiyā, atha kho sabbaññubhāvena sabbasattānaṃ anuttarasīlāṅkārasampādanatthamevāti pariṇāmetabbaṃ.

Tathā sakalasaṃkilesanivāsaṭṭhānatāya, puttadārādīhi mahāsambādhatāya, kasivaṇijjadinānāvīdhakamantādhiṭṭhānabyākulatāya ca gharāvāsassa nekkhammasukhādīnaṃ anokāsataṃ, kāmānaṃca “sathadhārālaggamadhūbindu viya ca avaleyhamānā paritassādā vipulānatthānubandhā”ti ca “vijjulatobhāsena gahetabbaṃ naccaṃ viya parittakālopalabbhā, ummattakālaṅkāro viya viparītasāññāya anubhavitabbā, karīsāvaccādanasukhaṃ viya paṭikārabhūtā, udakatemitānguliyā ussāvokodakapānaṃ viya atittikarā, chātājjhatabhojanaṃ viya sabbādā, balisāmiṣaṃ viya byasanasannipātākāraṇā, aggisantāpo viya kālattayepi dukkhuppattihetubhūtā, makkaṭālepo viya bandhanimittā ghātākāvaccādanakimilayo viya anattacchādānā, sapattagāmaṃ viya bhayaṭṭhānabhūtā, paccattikaposako viya kilesamārādīnaṃ āmisabhūtā, chaṇasampattiyo viya vipariṇāmadukkhā, koṭaraggi viya antodāhakā, purāṇakūpāvalambāraṇamadhupīḍaṃ viya anekādīnavā, loṇūdakapānaṃ viya pipāsahetubhūtā, surāmerayaṃ viya nīcajanasevitā, appassādātāya aṭṭhikaṅkalūpamā”tiadinā ca nayena ādīnavam sallaṅkhetvā tabbipariyāyena nekkhamme āniṣaṃsaṃ passantena nekkhammapavivekaupasamasukhādīsu ninnapoṇapabbhāracittena nekkhammapāramī pūretabbā.

Tathā yasmā paññā āloko viya andhakārena, mohena saha na vattati, tasmā mohakāraṇāni tāva bodhisattena parivajjitabbāni. Tatthimāni mohakāraṇāni – arati tandī vijambhitā ālasiyaṃ gaṇasaṅgaṇikārāmatā niddāsīlatā anicchayasīlatā ṇāṇasmiṃ akutūhalatā micchādhiṃāno aparipucchakatā kāyassa na sammāparihāro asamāhitacittatā duppaññānaṃ puggalānaṃ sevānā paññāvantaṃ apayirupāsānā attaparibhavo micchāvīkappo viparītibhīniveso kāyadalhībahulatā asaṃvegasīlatā pañca nīvaraṇāni. Saṅkhepato ye vā pana dhamme āsevato anuppannā paññā na uppajjati, uppannā parihāyati, iti imāni sammohakāraṇāni parivajjantena bāhusacce jhānādīsu ca yogo karaṇīyo.

Tatthāyaṃ bāhusaccassa visayavibhāgo – pañca khandhā dvādasāyatanāni, aṭṭhārasa dhātuyo cattāri saccāni bāvīsatiṅgāni dvādasapadiko paṭiccasamuppādo, tathā satipaṭṭhānādayo kusalādīdhammapakārabhedā ca. Yāni ca loke anavajjāni vijjāṭṭhānāni, ye ca sattānaṃ hitasukhavidhānayoḃyā byākaraṇavisesā. Iti evaṃ pakāraṃ sakalameva sutavisayaṃ upāyakosallapubbaṅgamāya paññāya sativīriyupatthambhākāraṇāya sādhuḃkaṃ uggahaṇasavanadhāraṇaparicayaparipucchāhi oḃahetvā tattha ca paresaṃ patitthapanena sutamayā paññā nibbattetabbā, tathā khandhādīnaṃ sabhāvadhammānaṃ ākāraparivittakānamukhena te niijhānaṃ khamāpentena cintāmayā, khandhādīnaṃyeva pana salakkhaṇasāmaññālakkaṇapariggahavasena lokiyaṃ pariññānaṃ nibbattentena pubbhāgabhāvanāpaññā sampādetabbā. Evañhi “nāmarūpamattamidaṃ yathārahaṃ paccayehi uppajjati ceva nirujjhati ca, na ettha koci kattā vā kareṭā vā, hutvā abhāvaṭṭhena aniccaṃ, udayabbayaapaṭipīḷanaṭṭhena dukkhaṃ, avasavattanaṭṭhena anattā”ti ajjhattikabāhīre dhamme nibbisesaṃ pariññanto tattha āsaṅgaṃ pajahitvā, pare ca tattha taṃ jahāpetvā kevalaṃ karuṇāvaseneva yāva na buddhaguṇā hatthatalaṃ āgacchanti, tāva yānattaye satte avatāraṇaparipācanehi patitthāpento, jhānavimokkhasamādhisampattiyo ca vasībhāvaṃ pāpento paññāya ativiya matthakaṃ pāpuṇāti.

Tathā sammāsambodhiyā katābhīnīhārena mahāsattena “ko nu ajja puññāñāsaṃbhāro upacito, kiñca mayā kataṃ parahita”nti divase divase paccavekkhantena sattahitattaṃ ussāho karaṇīyo, sabbesampi sattānaṃ upakārya attano kāyaṃ jīvitaṃca ossajjitabbaṃ, sabbepi sattā anodhiso mettāya karuṇāya ca pharitabbā, yā kāci sattānaṃ dukkhuppatti, sabbā sā attāni pāṭikaṅkhitabbā, sabbesaṃca sattānaṃ puññaṃ abhānumoditabbaṃ, buddhamahantatā abhiññaṃ paccavekkhitabbā, yañca kiñci kammaṃ karoti kāyena vācāya vā, taṃ sabbānaṃ bodhininnacittapubbaṅgaṃ kātānaṃ. Iminā hi upāyena bodhisattānaṃ aparimeyyo puññabhāgo upacīyati. Apica sattānaṃ paribhogatthaṃ paripālanatthaṃca attano sarīraṃ jīvitaṃca pariccajītvā khuppipāsāsītuṇhāvātāpādīdukkhapaṭikāro pariyesitabbo. Yañca yathāvuttadukkhapaṭikāraṃ sukhaṃ attanā paṭilabhati, tathā ramaṇīyesu āramuyyānapāsādātādīsu, araññāyatanesu ca kāyacittasantāpābhāvena abhinibbutattā sukhaṃ vindati, yañca suṇāti buddhānubuddhapaccekaḃbuddhabodhisattānaṃ diṭṭhadhammasukhavihārabhūtaṃ jhānasamāpattisukhaṃ, taṃ sabbānaṃ sattesu anodhiso upasaṃharati. Ayaṃ tāva asamāhitabhūmiyaṃ nayo.

Samāhito pana attanā yathānubhūtaṃ visesādhiḃamanibbattaṃ pītipassaddhisukhaṃ sabbasattesu adhimuccati, tathā mahati saṃsāradukkhe, tannimittabhūte ca kilesābhisaṅkhārādukkhe nimuggaṃ sattānikāyaṃ disvā tatthapi chedanabhedanaphālanapisanaggisāntāpādījanitā dukkhā tībā kharā kaṭukā vedanā nīrantaraṃ cirakālaṃ vediyante nārake, aññamaññaṃ kujjhanasāntāpanaviheṭhanahīmsanaparādhīnatādīhi dukkhaṃ anubhavante tiracchāne, jotimālā’ kulasarīre uddhabāhuviravante ukkāmuḃke khuppipāsādīhi ḃayhamāne ca vantakheḷādīhāre ca mahādukkhaṃ vedayamāne pete ca pariyeṭṭhimūlakaṃ mahantaṃ anayabyasanaṃ pāpuṇante hatthacchedādīkāraṇayogena dubbāṇaduddasikadaliddatādībhāvena khuppipāsādīyogena balavantehi abhihavanīyato, paresaṃ vahanato, parādhīnato ca nārake pete tiracchāne ca atisayante apāyadukkhānibbisesaṃ dukkhaṃ anubhavante manusse ca tathā visayavisaparibhogavikkhittacittatāya rāḃādīpariyuṭṭhānena ḃayhamāne vāyuvegasamutṭhitajālāsamiddhasukkhakaṭṭhasannipāte aggikkhandhe viya anupasantapariḷāhavuttike anihataparādhīne kāmāvacaradeve ca mahatā vāyāmena vidūramākāsaṃ vigāhitasakuntā viya, balavantehi khittasāra viya ca “satipi cirappavattiyā anaccantikātāya pātapariyosānā anatikkantajātījarāmaṇā evā”ti rūpāvacarārūpāvacaradeve ca passantena mettāya karuṇāya ca anodhiso sattā pharitabbā. Evaṃ kāyena vācāya manasā ca bodhisambhāre nīrantaraṃ upacīnantaṃ ussāho pavattetabbo.

Apica “acinteyyāparimitavipulolāravimalanirupamanirupakkilesaguṇanicayanidānabhūtassa buddhabhāvassa ussakkītvā sampahaṃsanayogaṃ vīriyaṃ nāma acinteyyānubhāvameva. Yaṃ na pacurajānā sotumpi sakkuṇanti, pageva paṭipajjituṃ. Tathā hi tīvidhā abhinīhāracittuppatti, catasso buddhabhūmiyo, cattāri saṅgahavathūni (dī. ni. 3.210, 313; a. ni.



4.32), karuṇokāsatā, buddhadhammesu nijjhānakkhanti, sabbadhammesu nirupalepo, sabbasattesu puttasaññā, saṃsāradukkhehi aparikhedo, sabbadeyyadhammapariccāgo, tena ca niratimānatā, adhīśīlasikkhādiadhiṭṭhānaṃ, tattha ca acalata, kusalakiriyāsu pītipāmojjaṃ, vivekaninnacittatā, jhānānuyogo, anavajjasutena atitti, yathāsutassa dhammassa paresaṃ hitajjhāsayaena desanā, sattānaṃ ñāye nivesanaṃ, ārambhadaḷhatā, dhīravīrabhāvo, parāpavādaparāpakāresu vikārabhāvo, saccādhīṭṭhānaṃ, samāpattīsu vasībhāvo, abhiññāsu balappatti, lakkhaṇattayāvabodho, satipaṭṭhānādisu abhiyogena lokuttaramaggasambhārasambharaṇaṃ, navalokuttarāvakkantī’’ti evamādikā sabbā bodhisambhārapaṭipatti vīriyānubhāveneva samijjhantī abhinīhārato yāva mahābodhi anossajjantena sakkaccaṃ nirantaraṃ vīriyaṃ sampādetabbaṃ. Sampajjamāne ca vīriye khantiādayo dānādayo ca sabbepi bodhisambhārā tadadhīnavuttitāya sampannā eva hontīti. Khantiādisupi iminā nayena paṭipatti veditabbā.

Iti sattānaṃ sukhūpakaṇapaṭipaccāgena bahudhā anuggahakaraṇaṃ dānena paṭipatti, sīlena tesāṃ jīvitasaṃpateyyadārakkhaabhedapiyahitavacanāvihimsādikaraṇāni, nekkhammena nesāṃ āmisapaṭiggaḥaṇadhammānādinā anekadhā hitacariyā, paññāya tesāṃ hitakaraṇūpāyakoṣallaṃ, vīriyena tattha ussāhārambhaasamhīrāni, khantiyā tadaparādhāsanaṃ, saccena tesāṃ avañcanatadupakārikiriyāsamānāvisamvādanādi, adhiṭṭhānena tadupakārikaraṇe anatthasampātepi acalanaṃ, mettāya tesāṃ hitasukhānucintanaṃ, upekkhāya tesāṃ upakārapakāresu vikāranāpattīti evaṃ aparimāṇe satte ārabba anukampitasabbasattassa bodhisattassa puthujjanehi asādhāraṇo aparimāṇo puññañāṇasambhārūpacayo ettha paṭipattīti veditabbaṃ. Yo cetāsaṃ paccayo vutto, tassa ca sakkaccaṃ sampādanaṃ.

**Ko vibhāgoti** dasa pāramiyo, dasa upapāramiyo, dasa paramatthapāramiyoti samattiṃsa pāramiyo. Tattha katābhinihārassa bodhisattassa parahitakaraṇābhiniṇṇāsāyappayogassa kaṇhadhammavokiṇṇā sukkadhammā pāramiyo, tehi avokiṇṇā sukkā dhammā upapāramiyo, akaṇhā asukkā paramatthapāramiyoti keci. Samudāgamanakālesu pūriyamānā pāramiyo, bodhisattabhūmiyaṃ puñṇā upapāramiyo, buddhabhūmiyaṃ sabbākāraparipuñṇā paramatthapāramiyo. Bodhisattabhūmiyaṃ vā parahitakaraṇato pāramiyo, attahitakaraṇato upapāramiyo, buddhabhūmiyaṃ balavesārājjasamadhigamena ubhayahitaparipūraṇato paramatthapāramiyoti evaṃ ādimajjhapariyosānesu pañidhānārambhapariniṭṭhānesu tesāṃ vibhāgoti apare. Dosupasamakaruṇāpakatikānaṃ bhavasukhavimuttisukhaparamasukhappattānaṃ puññūpacayabhedato tabbivibhāgoti aññe.

Lajjāsatiṃānāpassayānaṃ lokuttaradhammādhīpātīnaṃ sīlasamādhīpaññāgarukānaṃ tāritaritatārayitūnaṃ anubuddhapaccekabuddhasammāsambuddhānaṃ pāramī, upapāramī, paramatthapāramīti bodhittayappattito yathāvuttavibhāgoti keci. Cittapañidhito yāva vacīpañidhi, tāva pavattā sambhārā pāramiyo, vacīpañidhito yāva kāyapañidhi, tāva pavattā upapāramiyo, kāyapañidhito pabhuti paramatthapāramiyoti apare. Aññe pana ‘‘parapuññānumodanasena pavattā sambhārā pāramiyo, paresaṃ kāraṇavasena pavattā upapāramiyo, sayāṃ karaṇavasena pavattā paramatthapāramiyo’’ti vadanti. Tathā bhavasukhāvaho puññañāṇasambhāro pāramī, attano nibbānasukhāvaho upapāramī, paresaṃ tadubhayasukhāvaho paramatthapāramīti eke.

Puttadāradhānādiupakaṇapaṭipaccāgo pana dānapāramī, attano āṅgapariccāgo dānaupapāramī, attano jīvitapariccāgo dānaparamatthapāramī. Tathā puttadāradīkassa tividdhassapi hetu avitikkamanavasena tisso sīlapāramiyo, tesu eva tividdhesu vatthūsu ālayaṃ upacchinditvā nekkhamanavasena tisso nekkhammapāramiyo, upakaṇaṅgajīvitataṇhaṃ samūhanitvā sattānaṃ hitāhitavinicchayakaraṇavasena tisso paññāpāramiyo, yathāvuttabhedānaṃ pariccāgādīnaṃ vāyamanavasena tisso vīriyapāramiyo, upakaṇaṅgajīvitantarāyakarānaṃ khamanavasena tisso khantipāramiyo, upakaṇaṅgajīvitahetu saccāpariccāgavasena tisso saccapāramiyo, dānādīpāramiyo akuppādhīṭṭhānavaseneva samijjhantīti upakaṇādīvināsepi acalādhīṭṭhānavasena tisso adhiṭṭhānapāramiyo, upakaṇādiupagahātakasupi sattesu mettāya avijahanavasena tisso mettāpāramiyo, yathāvuttavattahuttayassa upakārapakāresu sattasāṅkhāresu majjhataṭṭapaṭilābhavasena tisso upekkhāpāramiyoti evamādinā etāsaṃ vibhāgo veditabbo.

**Ko saṅgahoti** ettha pana yathā etā vibhāgato tiṃsavidhāpi dānapāramīādibhāvato dasavidhā, evaṃ dānasīlakhantivīriyājhānapaññāsabhāvena chabbidhā. Etāsu hi nekkhammapāramī sīlapāramiyā saṅgahitā tassā pabbajjābhāve, nīvaraṇavivekabhāve pana jhānapāramiyā, kusaladhammabhāve chahipi saṅgahitā. Saccapāramī sīlapāramiyā ekadesoyeva vacīsaccavīrisaccapakke, ñāṇasaccapakke pana paññāpāramiyā saṅgahitā. Mettāpāramī jhānapāramiyā eva, upekkhāpāramī jhānapaññāpāramīhi, adhiṭṭhānapāramī sabbāhipi saṅgahitāti.

Etesaṅca dānādīnaṃ channaṃ guṇānaṃ aññamaññaṃ sambandhānaṃ pañcadasayugaḷādīni pañcadasayugaḷadisādhakāni honti – seyyathidaṃ? Dānasīlayugaḷena parahitāhitānaṃ karaṇākaraṇayugaḷasiddhi, dānakhantiyugaḷena alobhādosayugaḷasiddhi, dānavīriyayugaḷena cāgasutayugaḷasiddhi, dānajhānayugaḷena kāmadosaṃpāhānayugaḷasiddhi, dānapaññāyugaḷena ariyānādhurayugaḷasiddhi, sīlakhantidvayena payogāsayasuddhidvayasiddhi, sīlavīriyadvayena bhāvanādvayasiddhi, sīlajhānavayena dussīlyapariyutṭhānappahānavayasiddhi, sīlapaññādvayena dānavayasiddhi, khantivīriyayugaḷena khamātejadvayasiddhi, khantijhānayugaḷena virodhānurodhappahānayugaḷasiddhi, khantipaññāyugaḷena suññatākhantipaṭivedhadukasiddhi, vīriyājhānadukena paggāhāvikkhepadukasiddhi, vīriyapaññādukena saraṇadukasiddhi, jhānapaññādukena yānadukasiddhi. Dānasīlakhantitikkena lobhadosaṃpāhānantikasiddhi, dānasīlavīriyattikkena bhogajīvitakāyasarādānantikasiddhi,

dānasīlajhānattikena puññakiriyavatthuttikasiddhi, dānasīlapaññātikena āmisābhayadhammadānattikasiddhīti evaṃ itarehi tikehi catukkādīhi ca yathāsambhavaṃ tikāni catukkādīni ca yojetabbāni.

Evaṃ chabbidhānampi pana imāsaṃ pāramīnaṃ catūhi adhiṭṭhānehi saṅgaho veditabbo. Sabbapāramīnaṃ samūhasaṅgahato hi cattāri adhiṭṭhānāni. Seyyathidaṃ – saccādhīṭṭhānaṃ, cāgādhīṭṭhānaṃ, upasamādhīṭṭhānaṃ, paññādhīṭṭhānanti. Tattha adhiṭṭhāti etena, ettha vā adhiṭṭhāti, adhiṭṭhānamattameva vā tanti adhiṭṭhānaṃ. Saccañca taṃ adhiṭṭhānañca, saccassa vā adhiṭṭhānaṃ, saccaṃ adhiṭṭhānaṃ etassāti vā saccādhīṭṭhānaṃ. Evaṃ sesesupi. Tattha avisesato tāva lokuttaragūṇe katābhinihārassa anukampitasabbasattassa mahāsattassa pariññānurūpaṃ sabbapāramipariggahato saccādhīṭṭhānaṃ, tesam paṭipakkhāpariccāgato cāgādhīṭṭhānaṃ, sabbapāramitāgūṇehi upasamato upasamādhīṭṭhānaṃ, tehiyeva parahitopāyakosallato paññādhīṭṭhānaṃ. Viseso pana “atthikajanaṃ avisaṃvādetvā dassāmī”ti paṭijānato, paṭiññaṃ avisaṃvādetvā dānato, dānaṃ avisaṃvādetvā anumodanato, macchariyādipaṭipakkhāpariccāgato, deyyapaṭiggāhakadānadeyyadhammakkhayesu lobhadosaṃohabhayavūpasamato, yathārahaṃ yathākālaṃ yathāvidhānañca dānato, paññuttarato ca kusalahammānaṃ caturadhiṭṭhānapadaṭṭhānaṃ dānaṃ. Tathā saṃvarasamādānassa avitikkamato, dussīlyapariccāgato, duccharitavūpasamato, paññuttarato ca caturadhiṭṭhānapadaṭṭhānaṃ silaṃ. Yathāpaṭiññaṃ khamanato, parāparādhavikkappapariccāgato, kodhāpariyuṭṭhānavūpasamato, paññuttarato ca caturadhiṭṭhānapadaṭṭhānā khanti. Paṭiññānurūpaṃ parahitakaraṇato, visādapariccāgato, akusaladhammānaṃ vūpasamato, paññuttarato ca caturadhiṭṭhānapadaṭṭhānaṃ vīriyaṃ. Paṭiññānurūpaṃ lokahitānucintanato, nīvaraṇapariccāgato, cittavūpasamato, paññuttarato ca caturadhiṭṭhānapadaṭṭhānaṃ jhānaṃ. Yathāpaṭiññaṃ parahitūpāyakosallato, anupāyakiriyāpariccāgato, mohajāpariḷhāvūpasamato, sabbaññūtapaṭilābhato ca caturadhiṭṭhānapadaṭṭhānā paññā.

Tattha ñeyyapaṭiññānuvidhānehi saccādhīṭṭhānaṃ, vatthukāmakilesakāmapariccāgehi cāgādhīṭṭhānaṃ, dosadukkavūpasamehi upasamādhīṭṭhānaṃ, anubodhapaṭivedhehi paññādhīṭṭhānaṃ. Tividhasaccapariggahitaṃ dosattayavirodhi saccādhīṭṭhānaṃ, tividhacāgapariggahitaṃ dosattayavirodhi cāgādhīṭṭhānaṃ, tividhāvūpasamapariggahitaṃ dosattayavirodhi upasamādhīṭṭhānaṃ, tividhaññaapariggahitaṃ dosattayavirodhi paññādhīṭṭhānaṃ. Saccādhīṭṭhānapariggahitāni cāgūpasamapaññādhīṭṭhānāni avisaṃvādanato, paṭiññānuvidhānato ca. Cāgādhīṭṭhānapariggahitāni saccūpasamapaññādhīṭṭhānāni paṭipakkhāpariccāgato, sabbapariccāgaphalattā ca. Upasamādhīṭṭhānapariggahitāni saccacāgapaññādhīṭṭhānāni kilesapariḷhāvūpasamato, kāmūpasamato, kāmapariḷhāvūpasamato ca. Paññādhīṭṭhānapariggahitāni saccacāgūpasamādhīṭṭhānāni ñānapubbaṅgamato, ñāñānuparivattanato cāti evaṃ sabbāpi pāramiyo saccapabhāvitā cāgaparibyañjita upasamopabrūhita paññāparisuddhā. Saccañhi etāsaṃ janakahetu, cāgo pariggāhakahetu, upasamo parivuḍḍhihetu, paññā pārisuddhihetu. Tathā ādimhi saccādhīṭṭhānaṃ saccapaṭiññāta, majjhe cāgādhīṭṭhānaṃ katapañidhānassa parahitāya attapariccāgato, ante upasamādhīṭṭhānaṃ sabbūpasamapariyosānattā, ādimajjhapariyosānesu paññādhīṭṭhānaṃ tasmim sati sambhavato, asati abhāvato, yathāpaṭiññañca bhāvato.

Tattha mahāpurisā attahitaparahitakarehi garupiyabhāvakarehi saccacāgādhīṭṭhānehi gihibhūtā āmisadānena pare anuggaṇhanti. Tathā attahitaparahitakarehi garupiyabhāvakarehi upasamapaññādhīṭṭhānehi ca pabbajitabhūtā dhammadānena pare anuggaṇhanti.

Tattha antimabhāve bodhisattassa caturadhiṭṭhānaparipūraṇaṃ. Paripuṇṇacaturadhiṭṭhānassa hi carimakabhāvūpapattīti eke. Tatra hi gabbhokantiṭṭhiabhinihāmanesu paññādhīṭṭhānasamudāgamena sato sampajāno saccādhīṭṭhānapāripūriyā sampatijāto uttarābhimukho sattapadavītihārena gantvā sabbā disā oloketvā saccānuparivattinā vacasā “aggohamasmi lokassa, jeṭṭho...pe... seṭṭhohamasmi lokassa”ti (dī. ni. 2.31; ma. ni. 3.207) tikkhattuṃ sīhanādaṃ nadi, upasamādhīṭṭhānasamudāgamena jīṇṇāturamatapabbajitadassāvino catudhammapadesakovidassa yobbanārogyajīvitāsamattimadānaṃ upasamo, cāgādhīṭṭhānasamudāgamena mahato ñātiparivaṭṭassa hatthagatassa ca cakkavattirājassa anapekkhāpariccāgoti.

Dutiye ṭhāne abhisambodhiyaṃ caturadhiṭṭhānaṃ paripuṇṇanti keci. Tattha hi yathāpaṭiññaṃ saccādhīṭṭhānasamudāgamena catunnaṃ ariyasaccānaṃ abhisamāyo, tato hi saccādhīṭṭhānaṃ paripuṇṇaṃ. Cāgādhīṭṭhānasamudāgamena sabbakilesopakkilesapariccāgo, tato hi cāgādhīṭṭhānaṃ paripuṇṇaṃ. Upasamādhīṭṭhānasamudāgamena paramūpasamasampatti, tato hi upasamādhīṭṭhānaṃ paripuṇṇaṃ. Paññādhīṭṭhānasamudāgamena anāvaraṇañānapaṭilābho, tato hi paññādhīṭṭhānaṃ paripuṇṇanti, taṃ asiddhaṃ abhisambodhiyāpi paramatthabhāvato.

Tatiye ṭhāne dhammacakkavattane (saṃ. ni. 5.1081; mahāva. 13; paṭi. ma. 2.30) caturadhiṭṭhānaṃ paripuṇṇanti aññe. Tattha hi saccādhīṭṭhānasamudāgatassa dvādasahi ākārehi ariyasaccadesanāya saccādhīṭṭhānaṃ paripuṇṇaṃ, cāgādhīṭṭhānasamudāgatassa saddhammahāyāgākaraṇena cāgādhīṭṭhānaṃ paripuṇṇaṃ. Upasamādhīṭṭhānasamudāgatassa sayam upasantassa paresam upasamanena upasamādhīṭṭhānaṃ paripuṇṇaṃ, paññādhīṭṭhānasamudāgatassa vineyyānaṃ āsayādirijānanena paññādhīṭṭhānaṃ paripuṇṇanti, tadapi asiddhaṃ apariyositattā buddhakiccassa.

Catutthe ṭhāne parinibbāne caturadhiṭṭhānaparipuṇṇanti apare. Tatra hi parinibbutattā paramatthasaccasampattiyā saccādhīṭṭhānaparipūraṇaṃ, sabbūpadhipaṭinissaggena cāgādhīṭṭhānaparipūraṇaṃ, sabbasankhārūpasamena upasamādhīṭṭhānaparipūraṇaṃ, paññāpāyojanapariniṭṭhānena paññādhīṭṭhānaparipūraṇanti.

Tatra mahāpurisassa visesena mettākhetto abhijātiyaṃ saccādhīṭṭhānasamudāgatassa saccādhīṭṭhānaparipūraṇamabhiyattaṃ, visesena karuṇākhetto abhisambodhiyaṃ paññādhīṭṭhānasamudāgatassa paññādhīṭṭhānaparipūraṇamabhiyattaṃ, visesena muditākhetto dhammacakkappavattane (sam. ni. 5.1081; mahāva. 13; paṭi. ma. 2.30) cāgādhīṭṭhānasamudāgatassa cāgādhīṭṭhānaparipūraṇamabhiyattaṃ, visesena upekkhākhetto parinibbāne upasamādhīṭṭhānasamudāgatassa upasamādhīṭṭhānaparipūraṇamabhiyattanti daṭṭhabbaṃ.

Tatrapī saccādhīṭṭhānasamudāgatassa saṃvāseṇa sīlaṃ veditabbaṃ, cāgādhīṭṭhānasamudāgatassa saṃvohāreṇa soceyyaṃ veditabbaṃ, upasamādhīṭṭhānasamudāgatassa āpadāsu thāmo veditabbo, paññādhīṭṭhānasamudāgatassa sākacchāya paññā veditabbā. Evaṃ sīlājīvacittadiṭṭhivissuddhiyo veditabbā.

Tathā saccādhīṭṭhānasamudāgamena doṣā agatiṃ na gacchati avisaṃvādanato, cāgādhīṭṭhānasamudāgamena lobhā agatiṃ na gacchati anabhisāṅgato, upasamādhīṭṭhānasamudāgamena bhayā agatiṃ na gacchati anaparādhato, paññādhīṭṭhānasamudāgamena mohā agatiṃ na gacchati yathābhūtāvabodhato.

Tathā paṭhamena aduṭṭho adhivāseti, dutiyena aluddho paṭisevati, tatiyena abhīto parivajjeti, catutthena asammūlho vinodeti. Paṭhamena nekkhammasukhappatti, itarehi pavivekaupasamasambodhisukhappattiyō hontīti daṭṭhabbā. Tathā vivekajapītisukhasamādhijapītisukhaappītījakāyasukhasatipārisuddhijaupēkkhāsukhappattiyō etehi catūhi yathākkamaṃ hontīti. Evamanekaḡuṇānubandhehi catūhi adhiṭṭhānehi sabbapāramisamūhasāṅgaho veditabbo. Yathā ca catūhi adhiṭṭhānehi sabbapāramisāṅgaho, evaṃ karuṇāpaññāhipīti daṭṭhabbaṃ. Sabbopī hi bodhisambhāro karuṇāpaññāhi saṅgahito. Karuṇāpaññāpariggahitā hi dānādiguṇā mahābodhisambhārā bhavanti buddhattasiddhipariyosānāti evametāsaṃ saṅgaho veditabbo.

**Ko sampādanūpāyoti sakalassāpi puññādisambhārassa sammāsambodhiṃ, uddissa anavasesasambharaṇaṃ** avekallakāritāyogena, tattha ca **sakkaccakāritā** ādarabahumānāyogena, **sātaccakāritā** nīrantarapayogena, cīrakālādīyogo ca antarā avosānāpajjanenāti caturaṅgayogo etāsaṃ sampādanūpāyo. Apīca samāsato katābhīnīhārassa attani sīnehassa pariyādānaṃ, paresu ca sīnehassa parivaḡḡhanaṃ etāsaṃ sampādanūpāyo. Sammāsambodhisamadhiḡamāya hi katamahāpañidhānassa mahāsattassa yāthāvato parijānanena sabbesu dhammesu anupalittassa attani sīneho parikkhayaṃ pariyādānaṃ gacchati, mahākāruṇāsamāyogavasena pana piye putte viya sabbasatte sampassamānassa tesu mettāsīneho parivaḡḡhati. Tato ca taṃtadāvattānūrūpamattaparasantānesu lobhadosaṃhavigamena vidūrīkatamacchariyādībodhisambhārapaṭīpakko mahāpuriso dānapīyavacanaatthacariyāsamānattatāsāṅkhātehi catūhi saṅgahavattūhi (dī. ni. 3.210; a. ni. 4.32) caturadhīṭṭhānānūgatehi accantaṃ janassa saṅgahakaraṇavasena uparī yānattaye avatāraṇaṃ paripācanaṅca karoti. Mahāsattānaṅhi mahāpaññā mahākāruṇā ca dānena alaṅkatā; dānaṃ piyavacanena; piyavacanāṃ atthacariyāya; atthacariyā samānattatāya alaṅkatā saṅgahitā ca. Sabbabhūtattabhūtassa hi bodhisattassa sabbattha samānasukhadukkhatāya samānattatāsiddhi. Buddhabhūto pana teheva saṅgahavattūhi caturadhīṭṭhānaparipūrītābhībuddhehi janassa accantikaṅgahakaraṇena abhīvināyanaṃ karoti. Dānaṅhi sammāsambuddhānaṃ cāgādhīṭṭhānena paripūrītābhībuddhaṃ; piyavacanāṃ saccādhīṭṭhānena; atthacariyā paññādhīṭṭhānena; samānattatā upasamādhīṭṭhānena paripūrītābhībuddhā. Tathāgatānaṅhi sabbasāvakaḡpaccekabuddhehi samānattatā parinibbāne. Tatra hi tesāṃ avisesato ekībhāvo. Tenevāha “natthī vimuttīyā nānatta”ntī.

Hontī cettha –

“Sacco cāgī upasanto, paññāvā anukampako,  
Sambhataṃ sabbasambhāro, kaṃ nāmatthaṃ na sādhaṃe.

Mahākāruṇīko satthā, hītesī ca upekkhako,  
Nīrapekkho ca sabbattha, aho accharīyo jīno.

Viratto sabbadhammesu, sattesu ca upekkhako,  
Sādā sattaḡhite yutto, aho accharīyo jīno.

Sabbadā sabbasattānaṃ, hītāya ca sukhāya ca,  
Uyyutto akilāsū ca, aho accharīyo jīno”ti. (cariyā. aṭṭha. 320 pakiṇṇakakathā);

**Kittakena kālena sampādananti** heṭṭhīmena tāva paricchēdena cattārī asaṅkhyeyyānī kappasatasahassaṅca, majjhīmena aṭṭhāsāṅkhyeyyānī kappasatasahassaṅca, uparīmena soḡāsāsāṅkhyeyyānī kappasatasahassaṅca, ete ca bhēdā yathākkamaṃ paññādhīkāsaddhādhīkavīriyādhīkavasena nītabbā. Paññādhīkānaṅhi saddhā mandā hotī, paññā tikkhā. Saddhādhīkānaṃ paññā majjhīmā hotī, vīriyādhīkānaṃ paññā mandā. Paññānubhāvena ca sammāsambodhī abhīgantabbātī aṭṭhakathāyaṃ vuttaṃ. Avīsesena pana vimuttīparīpācānīyānaṃ dhammānaṃ tikkhamajjhīmamudubhāvena tayopete bhēdā yuttātī vadantī. Tīvidhā hi bodhisattā abhīnīhārakkhaṇe bhavantī ugghaṭītaññūvipaṅcītaññūneyyabhēdena. Tesu ugghaṭītaññū sammāsambuddhassa sammukhā catuppādikāṃ ḡāthaṃ suṇanto tatiyapade apariyosīteyeva chaabhiññāhi saha paṭīsambhīdāhi arahattaṃ paṭṭuṃ samatthupānīssayo hotī, dutīyo satthu sammukhā catuppādikāṃ ḡāthaṃ suṇanto

apariyositeyeva catutthapade chahi abhiññāhi arahattaṃ pattuṃ samatthupanissayo hoti, itaro bhagavato sammukhā catuppadikaṃ gāthaṃ sutvā pariyositāya gāthāya chahi abhiññāhi arahattaṃ pattuṃ samatthupanissayo bhavati. Tayopete vinā kālabhedena katābhinihāraladdhabyākaraṇā pāramiyo pūrentā yathākkamaṃ yathāvuttabhedenā kālena sammāsambodhiṃ pāpuṇanti. Tesu tesu pana kālabhedesu aparipunnesu te te mahāsattā divase divase vessantaradānasadisam dānaṃ dentāpi tadanurūpe silādisabbapāramidhamme ācinantāpi antarā buddhā bhavissantīti akāraṇametam. Kasmā? Nāṇassa aparipaccanato. Paricchinnakālanipphāditaṃ viya hi sassam paricchinnakāle parinipphādītā sammāsambodhi. Tadantarā pana sabbussāhena vāyamantenāpi na sakkā pāpuṇituntī pāramipāripūrī yathāvuttakālavisesam vinā na sampajjatīti vedittabbaṃ.

**Ko ānisaṃsoti** ye te katābhinihāraṇaṃ bodhisattānaṃ –

“Evaṃ sabbaṅgasampannā, bodhiyā niyatā narā;  
Samsaram dīghamaddhānaṃ, kappakoṭisatehipi;  
Avīcimhi nuppajjanti, tathā lokantaresu cā”ti. ādinā (abhi. aṭṭha. 1.nidānakathā; apa. aṭṭha. 1.dūrenidānakathā; jā. aṭṭha. 1.dūrenidānakathā; bu. vaṃ. aṭṭha. 27.dūrenidānakathā; cariyā. aṭṭha. pakiṇṇakakathā) –

Aṭṭhārasa abhabbatthānānupagamanappakārā ānisaṃsā saṃvaṇṇitā. Ye ca “sato sampajjāno ānanda bodhisatto tusitākāyā cavitvā mātukucchiṃ okkamī”tiādinā (ma. ni. 3.199) soḷasa acchariyabbhutadhammappakārā, ye ca “sītaṃ byapagataṃ hoti, uṇhañca upasammatī”tiādinā (bu. vaṃ. 83), “jāyamāne kho sārīputta bodhisatte ayaṃ dasasahassilokadhātu saṅkampati sampakampati sampavedhatī”tiādinā ca dvattiṃsa pubbanimittappakārā, ye vā panaññepi “bodhisattānaṃ adhippāyasamijjhaṇaṃ kammādīsu vasībhāvo”ti evamādayo tattha tattha jātakabuddhavaṃsādīsu dassitappakārā ānisaṃsā, te sabbepi etāsam ānisaṃsā, tathā yathānidassitabhedā alobhādosādiguṇayugaḷādayo cāti vedittabba.

**Kim phalanti** samāsato tāva sammāsambuddhabhāvo etāsam phalaṃ, vitthārato pana dvattiṃsamahāpurisalakkhaṇa- (dī. ni. 2.24 ādayo; 3.168 ādayo; ma. ni. 2.385)

asītianubyañjanabyāmapabhādiānekaguṇagaṇasamujjalarūpakāyasampattiadhiṭṭhānā

dasabalacatuvesārājachaasādhāraṇaṇāaṭṭhārasāveṇīkabuddhadhamma- (dī. ni. aṭṭha. 3.305; mūlaṭī.

2.suttantabhājanīyavaṇṇanā) -pabhutianekasatasahassaguṇasamudayopasobhinī dhammakāyasirī, yāvataṃ pana buddhaguṇā ye anekehipi kappehi sammāsambuddhenāpi vācāya pariyoṣapetuṃ na sakkā, idaṃ etāsam phalanti ayamettha saṅkhepo, vitthāro pana buddhavaṃsacariyāpīṭakajātakamahāpadānasuttādīnaṃ vasena vedittabbo.

Yathāvuttāya paṭipadāya yathāvuttavibhāgānaṃ pāramīnaṃ pūritabhāvaṃ sandhāyāha “**samatīsa pāramiyo pūretvā**”ti. Satipi mahāpariccāgānaṃ dānapāramibhāve pariccāgavisesabhāvadassanattañceva sudukkarabhāvadassanattañca “**pañca mahāpariccāge**”ti visuṃ gahaṇaṃ, tatoyeva ca aṅgapariccāgato visuṃ nayanapariccāgaggahaṇaṃ, pariggahapariccāgabhāvasāmaññepi dhanarajjapariccāgato puttadārapariccāgaggahaṇaṃ kataṃ. Gatapaccāgatikavattasankhātāya pubbhāgapaṭipadāya saddhiṃ abhiññāsamāpattinipphādanāṃ **pubbayogo**. Dānādīsuyeva sātisayaṭipattinipphādanāṃ **pubbacariyā**, yā cariyāpīṭakasaṅgahitā. Abhinīhāro **pubbayogo**, dānādiṭipatti, kāyavivekavasena ekacariyā vā **pubbacariyā**ti keci. Dānādīnañceva appicchatādīnañca saṃsāranibbānesu ādīnavānisaṃsādīnañca vibhāvanavasena sattānaṃ bodhittaye paṭiṭṭhāpanaparipācanavasena pavattā kathā **dhammakkhānaṃ**. Nātināṃ atthacariyā **nātatthacariyā**, sāpi karuṇāyanavaseneva. **Ādi**-saddena lokatthacariyādayo saṅgañhāti. Kammassakatāñāvasena, anavajjakammāyatanaṃ vijjāṭṭhānaparicayaavasena, khandhāyatanaṃ diparicayaavasena, lakkhaṇattayātīraṇavasena ca nānacāro **buddhicariyā**, sā pana atthato paññāpāramīyeva, nānasambhāradassanattaṃ visuṃ gahaṇaṃ. **Koṭinti** pariyaṇto, ukkaṃsoti attho. Cattāro satipaṭṭhāne bhāvetvā brūhetvāti sambandho. Tattha **bhāvetvā**ti uppādetvā. **Brūhetvā**ti vaḍḍhetvā. Satipaṭṭhānādiggahaṇena āgamanapaṭipadaṃ matthakaṃ pāpetvā dasseti, vipassanāsahagatā eva vā satipaṭṭhānādayo daṭṭhabbā. Ettha ca “yena abhinīhārenā”tiādinā āgamanapaṭipadāya ādiṃ dasseti, “dānapāramī”tiādinā majjhaṃ, “cattāro satipaṭṭhāne”tiādinā pariyoṣānanti vedittabbaṃ.

**Sampatijātoti** hatthato muccitvā muhuttajāto, na mātukucchito nikkhantamatto. Nikkhantamattañhi mahāsattam paṭhamam brahmāno suvaṇṇajālena paṭiggaṇhiṃsu, tesam hatthato cattāro mahārājāno ajinappaveṇiyā, tesam hatthato manussā dukūlacumbaṭakena paṭiggaṇhiṃsu, manussānaṃ hatthato muñcitvā pathaviyaṃ paṭiṭṭhitoti **yathāha** bhagavā mahāpadānadesanāyaṃ. **Setamhi chatteti** dibbasetacchatte. **Anuhīramāneti** dhāriyamāne. Ettha ca chattaggahaṇeneva khaggādīni pañca kakudhabhaṇḍānīpi (jā. 2.19.72) vuttānevāti vedittabbaṃ.

Khaggatālavaṇṇamoraḥatthakavāḷabījānīṇhiṣapaṭṭāpi hi chattena saha tadā upaṭṭhitā ahesuṃ. Chattādīniyeva ca tadā paññāyīṃsu, na chattādīgāhaka. **Sabbā ca disāti** dasapi disā. Nayidaṃ sabbadisāvīlokanāṃ sattapadavīṭihāruttarakālaṃ daṭṭhabbaṃ. Mahāsatto hi manussānaṃ hatthato muccitvā puratthimadisam olokesi, tattha devamanussā gandhamālādīhi pūjyamānā “mahāpurisa idha tumhehi sadisopi natthi, kuto uttaritaro”ti āhaṃsu. Evaṃ catasso disā, catasso anudisā, heṭṭhā, uparīti sabbā disā anuvīloketvā sabbattha attanā sadisaṃ adisvā “ayaṃ uttarā disā”ti tattha sattapadavīṭihārena agamāsi. **Āsabhinti** uttamaṃ. **Aggoti** sabbapaṭhamo. **Jeṭṭho seṭṭhoti** ca tasseva vevacanaṃ. **Ayamantimā jāti, natthi dāni punabbhavoti** imasmīṃ attabhāve pattabbaṃ arahattaṃ byākāsi.

“**Anekesam visesādhigamānaṃ pubbanimittabhāvenā**”ti saṅkhittena vuttamatthaṃ “**yañhi**”tiādinā vitthārato

dasseti. Tattha **etthā**ti –

“Anekasākhāṇa sahaṣṣamaṇḍalam,  
Chattamaṃ marū dhārayumantalikkhe;  
Suvanṇadaṇḍā vītipatanti cāmarā,  
Na dissare cāmarachattagāhakā”ti. (su. ni. 693);

Imissā gāthāya. Sabbaññutaññānameva sabbattha appaṭihatacāratāya anāvaraṇaṇānti āha  
“**sabbaññutānāvaraṇaṇānapaṭilābhassā**”ti. “**Tathā ayaṃ bhagavāpi gato...pe... pubbanimittabhāvenā**”ti etena  
abhijātiyaṃ dhammatāvāsena uppajjanavisesā sabbabodhisattānaṃ sādharmaṇāti dasseti. Pāramitānissandā hi teti.

**Vikkamū**ti agamāsi. **Marū**ti devā. **Samā**ti vilokanasamatāya samā sadisiyo. Mahāpuriso hi yathā ekaṃ disaṃ vilokesi,  
evaṃ sesā disāpi, na katthaci vilokane vibandho tassa ahoṣīti. **Samā**ti vā viloketuṃ yuttāti attho. Na hi tadā bodhisattassa  
virūpabībhacchavisamarūpāni viloketuṃ ayuttāni disāsu upaṭṭhahantīti.

“Evaṃ tathāgato”ti kāyagamaṇaṭṭhena gata-saddena tathāgata-saddaṃ niddisitvā idāni nānagamaṇaṭṭhena taṃ  
dassetuṃ “**atha vā**”tiādimāha. Tattha **nekkhammenā**ti alobhappadhānena kusalacittuppādena. Kusalā hi dhammā idha  
nekkhammaṃ, na pabbajjādayo, “paṭhamajjhānena”ti ca vadanti. **Pahāyā**ti pajahitvā. **Gato** adhigato, paṭipanno  
uttarivisesanti attho. **Pahāyā**ti vā pahānāhetu, pahānalakkhaṇaṃ vā. Hetulakkhaṇattho hi ayaṃ pahāya-saddo.  
“Kāmacchandāpāhānāhetukaṃ gato”ti hettha vuttaṃ gamaṇaṃ avabodho, paṭipatti eva vā. Kāmacchandāpāhānena  
ca taṃ lakkhiyati. Esa nayo “**padāletvā**”tiādisūpi. **Abyāpādenā**ti mettāya. **Ālokasaññāyā**ti vibhūtaṃ katvā  
manasikaraṇena upaṭṭhitaālokasaññānana. **Avikkhepenā**ti samādhinā. **Dhammavavattānenā**ti kusalādidhammānaṃ  
yāthāvavinicchayena, “sappaccayanāmarūpavavattānenā”tipi vadanti.

Evaṃ kāmacchandādinīvaraṇappahānena “abhijjhaṃ loke pahāyā”tiādinā (vibha. 508) vuttāya paṭhamajjhānassa  
pubbabhāgapaṭipadāya bhagavato tathāgatabhāvaṃ dassetvā idāni saha upāyena aṭṭhahi samāpattīhi, aṭṭhārasahi ca  
mahāvīpassanāhi taṃ dassetuṃ “**nānenā**”tiādimāha. Nāmarūpariṅgahakaṅkhāvitaraṇānaṃhi vibandhabhūtaṃ mohassa  
dūrīkaraṇena nītapariññāyaṃ ṭhitassa aniccasaññādayo sījjhanti, tathā jhānasamāpattīsu abhiraṭṭimittena pāmojjena, tattha  
anabhiratiyā vinoditāya jhānādi samadhigamoti samāpattivīpassanānaṃ arativinodanaavijjāpadālanādi upāyo,  
uppaṭipātiniddeso pana nīvaraṇasabhāvāya avijjāya heṭṭhā nīvaraṇesupī saṅgahadassanattanti daṭṭhabbaṃ.  
Samāpattivīhārapavesavibandhanena nīvaraṇāni kavātasadisāntī āha “**nīvaraṇakavāṭaṃ ugghāṭetvā**”ti. “Rattim  
vitakketvā vicāretvā divā kammante payojetī”ti vuttatṭhāne viya vitakkavicāra dhūmayānāti adhippetāti āha  
“**vitakkavicāradhūma**”nti. Kiñcāpi paṭhamajjhānūpacāreyeva ca dukkhaṃ, catutthajjhānūpacāreyeva sukhaṃ pahīyati,  
atīsayappahānaṃ pana sandhāyāha “**catutthajjhānena sukhadukkhaṃ pahāyā**”ti.

Aniccassa, aniccanti anupassanā **aniccānupassanā**, tebhūmakadhammānaṃ aniccataṃ gahetvā pavattāya  
vipassanāyetaṃ nāmaṃ. **Niccasaññā**nti saṅkhatadhamme “niccā, sassatā”ti evaṃ pavattamicchāsaññānaṃ, saññāsīsenā  
dīṭṭhicittānaṃpi gahaṇaṃ daṭṭhabbaṃ. Esa nayo ito paresupī. **Nibbidānupassanāyā**ti saṅkhāresu nibbijjanākāreṇa pavattāya  
anupassanāya. **Nandinti** sappītikataṇhaṃ. Tathā **virāgānupassanāyā**ti virājanākāreṇa pavattāya anupassanāya.  
**Nirodhānupassanāyā**ti saṅkhārānaṃ nirodhassa anupassanāya. “Te saṅkhārā nirujjhantiyeva, āyatim samudayavasena na  
uppajjanti”ti evaṃ vā anupassanā **nirodhānupassanā**. Tenevāha “nirodhānupassanāya nirodheti, no samudeti”ti.  
Muñcitukamyatā hi ayaṃ balappattāti. Paṭinissajjanākāreṇa pavattā anupassanā **paṭinissaggānupassanā**. Paṭisaṅkhā  
santiṭṭhanā hi ayaṃ. **Ādānā**nti niccādivasena gahaṇaṃ. Santatisamūhakkiccārammaṇaṃ vasena ekattaggahaṇaṃ  
**ghanasaññā**. **Āyūhanaṃ** abhisākharaṇaṃ. Avattāhāvisēpatti **vipariṇāmo**. **Dhuvasaññā**nti thirabhāvaggahaṇaṃ.  
**Nimittā**nti samūhādighanavasena, sakiccaparicchedatāya ca saṅkhārānaṃ saviggahaggahaṇaṃ. **Pañidhinti** rāgādipaṇidhim,  
sā panatthato taṇhānaṃ vasena saṅkhāresu ninnatā.

**Abhinivesanti** attānudiṭṭhim. Aniccadukkhādivasena sabbadhammatīraṇaṃ **adhipaṇṇādhammavīpassanā**.  
**Sārādānābhinivesanti** asāre sārāgahaṇavīpallāsaṃ. “Issarakuttādivasena loko samuppanno”ti abhiniveso  
**sammohābhiniveso**. Keci pana “ahoṣim nu kho ahamatītamaddhānantiādinā pavattasaṃsayāpatti **sammohābhiniveso**”ti  
vadanti. Saṅkhāresu leṇatāṇabhāvaggahaṇaṃ **ālayābhiniveso**. “Ālayaratā ālayasamuditā”ti vacanato ālayo taṇhā, sāyeva  
cakkhādīsu rūpādīsu ca abhinivisanavasena pavattiyā **ālayābhinivesoti** keci. “Evaṃvidhā saṅkhārā paṭinissajjīyanti”ti  
pavattaṃ nānaṃ **paṭisaṅkhānupassanā**. Vaṭṭato vīgatattā vivaṭṭaṃ nibbānaṃ, tattha āramaṇakaraṇasaṅkhātēna  
anupassanena pavattiyā **vivaṭṭānupassanā** gotrabhu. **Samyogābhinivesanti** samyujanavasena saṅkhāresu abhinivisaṇaṃ.  
**Dīṭṭhekaṭṭheti** dīṭṭhiyā sahaṇātekaṭṭhe, pahānekaṭṭhe ca. “**Oḷārike**”ti uparimaggavajjhe kilese apekkhitvā vuttaṃ, aññathā  
dassanapahātābbāpi dutiyamaggavajjhehi oḷārikāti. **Aṇusahagateti** aṇubhūte, idaṃ heṭṭhimamaggavajjhe apekkhitvā vuttaṃ.  
**Sabbakileseti** avasiṭṭhasabbakilese. Na hi paṭhamādimaggehi pahīnā kilesā puna pahīyantīti.

**Kakkhaḷattaṃ** kaṭṭhinabhāvo. **Paggharaṇaṃ** dravabhāvo. Lokiyavāyūnā bhastassa viya yena taṃtaṃkalāpassa  
uddhumāyanaṃ, thambhabhāvo vā, taṃ **vitthambhanaṃ**. Vījjamānepi kalāpantarabhūtaṃ kalāpantarabhūtehi

asamphuṭṭhabhāve, taṃtaṃbhūtavivittatā rūpapariyanto ākāsoṭi yesaṃ yo paricchedo, tehi so asamphuṭṭhova, aññathā bhūtānaṃ paricchedasabhāvo na siyā byāpībhāvāpattito. Abyāpitā hi asamphuṭṭhatāti. Yasmiṃ kalāpe bhūtānaṃ paricchedo, tehi asamphuṭṭhabhāvo **asamphuṭṭhalakkhaṇaṃ**. Tenāha bhagavā ākāsadhātuniddese “asamphuṭṭhaṃ catūhi mahābhūtehi”ti (dha. sa. 637).

Virodhapaccayasannipāte visadisuppatti **ruppanaṃ**. Cetanāpadhānattā saṅkhārakkhandhadhammānaṃ cetanāvāsenetaṃ vuttaṃ “**saṅkhārānaṃ abhisāṅkharaṇalakkhaṇa**”nti. Tathā hi suttantabhājanīye saṅkhārakkhandhavibhaṅge “cakkhusamphassaṃ cetanā”tiādīnā (vibha. 92) cetanāva vibhattā, abhisāṅkharaṇalakkhaṇā ca cetanā. Yathāha “tatha katamo puññābhisaṅkhāro? Kusalā cetanā kāmāvacarā”tiādi (vibha. 226). **Pharaṇaṃ** savipphārikatā. **Assaddhiyeti** assaddhiyāhetu, nimittatthe bhummaṃ. Esa nayo “**kosajje**”tiādīsu. **Vūpasamalakkhaṇanti** kāyācittapariñāhūpasamalakkhaṇaṃ. Līnuddhaccarahite adhicitte pavattamāne paggahaniggahasampahamsanesu abyāvatāyā ajjhupakkhaṇaṃ **paṭisaṅkhānaṃ** pakkhapātipacchedato.

Musāvādādīnaṃ viṣaṃvādanādīkiccatāya lūkhānaṃ apariggāhakānaṃ paṭipakkhabhāvato pariggāhikā sammāvācā siniddhabhāvato sampayuttadhamme, sammāvācāpaccayasubhāsītānaṃ sotāraṇca puggalaṃ pariggaṇhātīti sā pariggaṇhalakkhaṇā sammāvācā. Kāyākiriyā kiñci kattabbaṃ samuṭṭhāpeti. Sayaṇca samuṭṭhānaṃ ghaṭanaṃ hotīti sammākammantasaṅkhātā viratī samuṭṭhānalakkhaṇā daṭṭhabbā, sampayuttadhammānaṃ vā ukkhipanaṃ samuṭṭhāpanaṃ kāyākiriyāya bhārukkipanaṃ viya. Jīvamānassa sattassa, sampayuttadhammānaṃ vā jīvitindriyavuttīyā, ājivasseva vā suddhi **vodānaṃ**. Sasampayuttadhammassa cittassa saṃkilesapakkhe patitūṃ adatvā sammadeva paggaṇhanaṃ **paggaḥo**.

“Saṅkhārā”ti idha cetanā adhippetāti vuttaṃ “**saṅkhārānaṃ cetanālakkhaṇa**”nti. **Namaṇaṃ** ārammaṇābhīmukhabhāvo. **Āyatanāṃ** pavattanaṃ. Āyatanānaṃ vasena hi āyasaṅkhātānaṃ cittacetāsikānaṃ pavatti. **Taṇhāya hetulakkhaṇanti** vaṭṭassa janakahetubhāvo, maggassa pana nibbānasampāpakattanti ayameva tesāṃ viṣeso.

**Tathalakkhaṇaṃ** aviparītasabhāvo. **Ekaraso** aññamaññānativattanaṃ anūnādhikabhāvo. **Yuganaddhā** samathavipassanāva, “saddhāpaññā paggaḥavikkhepa”tipi vadanti.

Khiṇoti kileseti **khayo**, maggo. Anuppādapariyosānatāya **anuppādo**, phalaṃ. **Passaddhi** kilesavūpasamo.

**Chandassāti** kattukamyatāchandassa. **Mūlalakkhaṇaṃ** paṭiṭṭhābhāvo. **Samuṭṭhāpanalakkhaṇaṃ** ārammaṇapaṭipādatāyā sampayuttadhammānaṃ uppattihetutā. **Samodhānaṃ** viṣayādisannipātena gahetabbākāro, yā “saṅgati”ti vuccati. Samaṃ saha odahanti anena sampayuttadhammāti vā **samodhānaṃ**, phasso. Samosaranti sannipatanti etthāti **samosaraṇaṃ**. Vedanāya vinā appavattamānā sampayuttadhammā vedanānubhavananimittāṃ samosaṭā viya hotīti evaṃ vuttaṃ. Gopānasīnaṃ kūṭaṃ viya sampayuttānaṃ pāmokkhabhāvo **pamukhalakkhaṇaṃ**. Tato, tesāṃ vā sampayuttadhammānaṃ uttari padhānanti **taduttari**. Paññuttarā hi kusalā dhammā. **Vimuttiyāti** phalassa. Tāñhi sīlādiguṇasārassa paramukkamsabhāvena sāraṃ. Ayaṇca lakkhaṇavibhāgo chadhātupañcajhānaṅgādivasena taṃtaṃsuttapadānusārena, porāṇaṭṭhakathāya āgatanayena ca katoti daṭṭhabbaṃ. Tathā hi vuttopi koci dhammo pariyaṅantarappakāsanatthaṃ puna dassito, tato eva ca “chandamūlakā kusalā dhammā manasikārasamuṭṭhānā, phassasamodhānā, vedanāsamosaraṇā”ti, “paññuttarā kusalā dhammā”ti, “vimuttisāramidaṃ brahmacariya”nti, “nibbānogadhañhi āvuso brahmacariyaṃ nibbānapariyosāna”nti ca suttapadānaṃ vasena “**chandassa mūlalakkhaṇa**”ntiādi vuttaṃ.

**Tathadhammā nāma cattāri ariyasaccāni** aviparītasabhāvattā. **Tathāni** taṃsabhāvattā. **Avitathāni** amusāsabhāvattā. **Anaññathāni** aññākārarahitattā.

**Jātipaccayasambhūtasamudāgataṭṭhoti** jātipaccayā sambhūtaṃ hutvā sahitassa attano paccayānurūpassa uddhaṃ uddhaṃ āgatabhāvo, anupavattatthoti attho. Atha vā sambhūtaṭṭho ca samudāgataṭṭho ca sambhūtasamudāgataṭṭho, na jātito jarāmaṇaṃ na hoti, na ca jātiṃ vinā aññato hotīti jātipaccayasambhūtaṭṭho. Itthaṇca jātito samudāgacchatīti jātipaccayasamudāgataṭṭho. Yā yā jāti yathā yathā paccayo hoti, tadanurūpaṃ pātubhāvoti attho. **Avijjāya saṅkhārānaṃ paccayaṭṭhoti** etthāpi na avijjā saṅkhārānaṃ paccayo na hoti, na ca avijjaṃ vinā saṅkhārā uppaṇanti. Yā yā avijjā yesaṃ yesaṃ saṅkhārānaṃ yathā yathā paccayo hoti, yaṃ avijjāya saṅkhārānaṃ paccayaṭṭho, paccayaḥbhāvoti attho.

Bhagavā taṃ jānāti passatīti sambandho. **Tenāti** bhagavatā. Taṃ vibhajjamānanti yojetabbaṃ. **Tanti** rūpāyatanāṃ. **Īṭṭhāniṭṭhādīti ādi**-saddena majjhataṃ saṅgaṇhāti, tathā atītānāgatapaccuppannaparittaajjhatabhādhātadubhayādibhedāṃ. **Labhamānakapadavāsenāti** “rūpāyatanāṃ diṭṭhaṃ saddāyatanāṃ sutāṃ gandhāyatanāṃ rasāyatanāṃ phoṭṭhabbāyatanāṃ mutāṃ, sabbāṃ rūpaṃ manasā viññāta”nti (dha. sa. 966) vacanato diṭṭhapadañca viññātapadañca rūpārammaṇe labbhati. “Rūpārammaṇaṃ iṭṭhaṃ anīṭṭhaṃ majjhataṃ parittaṃ atītaṃ anāgataṃ paccuppannaṃ ajjhataṃ bahiddhā diṭṭhaṃ viññātaṃ rūpaṃ rūpāyatanāṃ rūpadhātu vaṇṇanibhā sanidassanaṃ sappatighaṃ nīlaṃ pītaka”nti evamādīhi **anekehi nāmehi**. “**Terasahi vārehi**”ti rūpakaṇḍe (dha. sa. 614 ādayo) āgate terasa niddesavāre sandhāyāha. Ekekasmīṇca vāre catunnaṃ catunnaṃ vavattāpananāyānaṃ vasena

“**dvipaññāsaya nayehī**”ti āha. **Tathameva** aviparītadassitāya, appaṭivattiyadesanatāya ca. **Jānāmi abbhāññāsinti** vattamāññitakālesu ñāṇappavattidassanena anāgatepi ñāṇappavatti vuttāyevāti daṭṭhabbā. **Vidita**-saddo anāmaṭṭhakālaviseso veditabbo, “diṭṭhaṃ sutam muta”ntiādīsu (dha. sa. 966) viya. **Na upaṭṭhāsīti** attattaniyavasena na upagacchi. Yathā rūpārammaṇādayo dhammā yaṃsabhāvā yaṃpakārā ca, tathā ne passati jānāti gacchatīti **tathāgatoti** evaṃ padasambhavo veditabbo. Keci pana “niruttinayena pisodarādipakkhepena vā dassī-saddassa lopam, āgata-saddassa cāgamam katvā **tathāgato**”ti vaṇṇenti.

Niddosatāya **anupavajjam**. Pakkhipitabbābhāvena **anūnam**. Apanetabbābhāvena **anadhikam**. Atthabyañjanādisampattiyā **sabbākāraparipuṇṇam**. **No aññathāti** “tathēvā”ti vuttamevattham byatirekena sampādeti. Tena yadattham bhāsitam, ekantena tadatthanipphādanato yathā bhāsitam bhagavatā, tathēvāti aviparītadesanatam dasseti. “**Gadattho**”ti etena tatham gadatīti tathāgatoti **da**-kāressa **ta**-kāro kato niruttinayenāti dasseti.

Tathā gatamassāti **tathāgato**, gatanti ca kāyassa vācāya vā pavattīti attho. **Tathāti** ca vutte **yaṃtam**-saddānam abyabhicārisambandhitāya “yathā”ti ayamattho upaṭṭhitoyeva hoti. Kāyavacīkiriyañca aññamaññānulomena vacanicchāyam, kāyassa vācā, vācāya ca kāyo sambandhībhāvena upaṭṭhatīti imamattham dassento āha “**bhagavato hī**”tiādi. Imasmiṃ pana atthe tathāvādītāya **tathāgatoti** ayampi attho siddho hoti. So pana pubbe pakārantarena dassitoti āha “**evam tathākāritāya tathāgato**”ti.

“**Tiriyam aparimāṇasu lokadhātusū**”ti etena yadeke “tiriyam viya upari adho ca santi lokadhātuyo”ti vadanti, tam paṭisedheti. Desanāvīlāsoyeva **desanāvīlāsamayo** yathā “puññamayam, dānamaya”ntiādīsu.

Upasagganipātānam vācakasaddasannidhāne tadatthajotanabhāvena pavattanato gata-saddoyeva avagatattham atītatthañca vadatīti āha “**gatoti avagato atīto**”ti. Atha vā abhinīhārato paṭṭhāya yāva sambodhi, etthantare mahābodhiyānapaṭipattiyā hānathānasamkilesanivattīnam abhāvato yathā paṇidhānam, tathā gato abhinīhārānurūpam paṭipannoti **tathāgato**. Atha vā mahiddhikatāya, paṭisambhidānam ukkaṃsādhigamena anāvaraṇatāya ca katthaci paṭighātābhāvato yathā ruci, tathā kāyavacīcittānam gatāni gamanāni pavattiyō etassāti **tathāgato**. Yasmā ca loke vidhayuttagatapakāra-saddā samānatthā dissanti, tasmā yathā vidhā vipassīdayo bhagavanto, ayampi bhagavā tathā vidhoti **tathāgato**. Yathā yuttā ca te bhagavanto ayampi bhagavā tathā yuttoti **tathāgato**. Atha vā yasmā saccam taccham tathanti ñāṇassetam adhvacanam, tasmā tathena ñāṇena āgatoti **tathāgatoti**. Evampi tathāgata-saddassa attho veditabbo –

“Pahāya kāmādimale yathā gatā,  
Samādhiññānehi vipassīdayo;  
Mahesino sakyamunī jutindharo,  
Tathāgato tena **tathāgato** mato.

Tathañca dhātāyatanādilakkhaṇam,  
Sabhāvasāmaññāvibhāgabhedato;  
Sayambhuññāṇena jino samāgato,  
**Tathāgato** vuccati sakyapuṅgavo.

Tathāni saccāni samantacakkhunā,  
Tathā idappaccayatā ca sabbaso;  
Anaññaneyyena yato vibhāvitā,  
Yāthāvato tena jino **tathāgato**.

Anekabhedāsupi lokadhātusu,  
Jinassa rūpāyatanādigocare;  
Vicittabhedam tathameva dassanam,  
**Tathāgato** tena samantalocano.

Yato ca dhammam tathameva bhāsati,  
Karoti vācāyanuloma mattano;  
Guṇehi lokam abhibhuyya iriyati,  
**Tathāgato** tenapi lokanāyako.

Yathābhinihāramato yathāruci,  
Pavattavācātanucittabhāvato;  
Yathāvidhā yena purā mahesino,  
Tathāvidho tena jino **tathāgato**”ti. (itivu. aṭṭha. 38);

Saṅgahagāthā mukhamattameva. Kasmā? Appamādapadaṃ viya sakaladhammapaṭipattiyā sabbabuddhaguṇānaṃ saṅgahakattā. Tenevāha “**sabbākārenā**”tiādi.

“**Taṃ katamanti pucchati**”ti etena “katamañca taṃ bhikkhave”tiādivacanassa sāmaññato pucchābhāvo dassito avisesato hi tassa pucchāvisesabhāvañāpanatthaṃ mahāniddeṣe āgatā sabbāva pucchā atthuddhāranayena dasseti “**tattha pucchā nāma**”tiādinā. Tattha **tatthāti** “taṃ katamanti pucchati”ti ettha yadetam sāmaññato pucchāvacaṇaṃ, tasmim.

**Lakkhaṇanti** ñātuṃ icchito yo koci sabhāvo. “**Aññāta**”nti yena kenaci ñāṇena aññātabhāvamāha, “**adiṭṭha**”nti dassanabhūtena ñāṇena paccakkhaṃ viya adiṭṭhatam. “**Atulita**”nti “ettakameta”nti tulanabhūtena atūlitatam, “**atūrita**”nti tīraṇabhūtena akataññakiriyāsamāpanatam, “**avibhūta**”nti ñāṇassa apākaṭabhāvaṃ, “**avibhāvita**”nti ñāṇena apākaṭikatabhāvaṃ. Adiṭṭham jotiyati etāyāti **adiṭṭhajotanā**. Diṭṭham saṃsandiyati etāyāti **diṭṭhasaṃsandanā**, sākacchāvasena vinicchayakaraṇam. Vimati chijjati etāyāti **vimaticchedanā**. Anumatiyā pucchā **anumatipucchā**. “Taṃ kiṃ maññatha bhikkhave”tiādi pucchāya hi “kā tumhākaṃ anumati”ti anumati pucchitā hoti. **Kathetukamyatāti** kathetukamyatāya.

8. Saraseneva patanasabhāvassa antarā eva atīva pātaṇam **atipāto**, saṅikaṃ patituṃ adatvā sīgham pātananti attho. Atikkamma vā satthādīhi abhibhavivā pātaṇam **atipāto**. **Sattoti** khandhasantāno. Tattha hi sattapaññāti. **Jīvitindriyanti** rūpārūpajīvitindriyam. Rūpajīvitindriye hi vikopite itarampi taṃsambandhatāya vinassati. Kasmā panettha “pāssa atipāto, pāṇoti cettha vohāro satta”ti ca ekavacananiddeso kato, nanu niravasesānaṃ pāṇānaṃ atipāto virati idha adhippetā. Tathā hi vakkhati “sabbapāṇabhūtahitānukampīti sabbe pāṇabhūte”tiādinā (dī. ni. aṭṭha. I.cūḷasilavaṇṇanā) bahuvacananiddesanti? Saccametaṃ, pāṇabhāvasāmaññavasena panettha ekavacananiddeso kato, sabbasaddasannidhānena tattha puthuttaṃ viññāyamānamevāti sāmaññaniddesaṃ akatvā bhedavacanicchāvasena bahuvacananiddeso katoti. Kīṭica bhīyosāmaññato saṃvarasamādānaṃ, tabbisesato saṃvarabhedoti imassa visesassa ñāpanatthaṃ ayaṃ vacanabhedo katoti vedītabbo. Yāya cetaṇāya vattamānassa jīvitindriyassa nissayabhūtesu mahābhūtesu upakkamakaraṇahetu taṃ mahābhūtappaccayā uppajjanakamahābhūtā nuppajjissanti, sā tādisappayogasamuṭṭhāpikā cetaṇā pāṇatipāto. Laddhupakkamāni hi bhūtāni itarabhūtāni viya na visadānti samānājatīyānaṃ kāraṇam na hontīti. “**Kāyavacidvārāna**”nti etena manodvāre pavattāya vadhakacetaṇāya pāṇatipātabhāvaṃ paṭikkhipati.

Payogavattumahantatādīhi mahāsāvajjātā tehi paccayehi uppajjamānāya cetaṇāya balavabhāvato vedītabbā. Yathādhippetassa hi payogassa sahasā nipphādanavasena kiccāsādhikāya bahukkhattam pavattajavanehi laddhāsevanāya ca sannīṭṭhāpakacetaṇāya vasena payogassa mahantabhāvo. Satipi kadāci khuddake ceva mahante ca pāṇe payogassa samabhāve mahantaṃ hanantassa cetaṇā tibbatarā uppajjātīti vatthussa mahantabhāvo. Iti ubhayaṃ petam cetaṇāya balavabhāveneva hoti. Tathā hi hantabbassa mahāguṇabhāvena tattha pavattaupakāracetaṇā viya khetavisesanibbattiyā apakāracetaṇāpi balavatī, tibbatarā ca uppajjātīti tassā mahāsāvajjātā daṭṭhabbā. Tasmā payogavattuā dipaccayānaṃ amahattepi mahāguṇatādīpaccayehi cetaṇāya balavabhāvādivaseneva mahāsāvajjabhāvo vedītabbo.

Sambharīyanti etehīti **sambhārā**, āngāni. Tesu pāṇasaññitāvadhakacittāni pubbhāgiyānīpi honti. **Upakkamo** vadhakacetaṇāsamuṭṭhāpito. Pañcasambhāravatī pāṇatipātacetaṇāti sā pañcasambhāravīnimuttā daṭṭhabbā. **Vijjāmayo** mantaparijappanapayogo āthabbanīkādinam viya. **Iddhimayo** kammavipākajiddhimayo dāṭṭhakoṭakādinam viya. **Ativiya papañcoti** atimahāvīthāro.

Etthāha – khaṇe khaṇe nirujjhanasabhāvesu saṅkhāresu ko hanti, ko vā haññati, yadī cittacetāsikasantāno, so arūpatāya na chedanabhedanādivasena vikopanasamattho, nāpi vikopāniyo, atha rūpasantāno, so acetanāyā kaṭṭhakalīṅgarūpamoti na tattha chedanādinā pāṇatipāto labbhati yathā matasarīre, payogopi pāṇatipātassa paharaṇappakārādi atītesu vā saṅkhāresu bhavēya anāgatesu vā paccuppanesu vā, tattha na tāva atītānāgatesu sambhavati tesam abhāvato, paccuppanesu ca saṅkhārānaṃ khaṇikattā saraseneva nirujjhanasabhāvātāya vināsābhīmukhesu nippayojano payogo siyā, vināsassa ca kāraṇarahitattā na paharaṇappakārādīpayogahetukaṃ maraṇam, nīrīhakatāya ca saṅkhārānaṃ kassa so payogo, khaṇikattā vadhādhippāyāsamakālabhijjanakassa kiriyāpariyosānakālanavattānato kassa vā pāṇatipātakammabaddhoti.

Vuccate – yathāvuttavadhakacetaṇāsaṃhito saṅkhārānaṃ puñjo sattasaṅkhāto hantā, tena pavattitavadhakapayoganimittam apagatusmāvīññānjīvitindriyo matavohārappavattinibandho yathāvuttavadhappayogākaraṇe uppajjanāraho rūpārūpadhammasamūho haññati, kevalo vā cittacetāsikasantāno. Vadhappayogāvisayabhāvepi tassa pañcavokārabhave rūpasantānādhīnavuttitāya rūpasantāne parena payojitajīvitindriyupacchedakapayogavasena tannibbattīvibandhakavisadīsarūpuppattiyā vihate vicchedo hotīti na pāṇatipātassa asambhavo, nāpi ahetuko pāṇatipāto, na ca payogo nippayojano paccuppanesu saṅkhāresu katapayogavasena tadanantaram uppajjanārahassa saṅkhārakalāpassa tathā anuppattito, khaṇikānaṃ saṅkhārānaṃ khaṇikamaraṇassa idha maraṇabhāvena anadhippetattā, santatimaraṇassa ca yathāvuttanayena sahetukabhāvato na ahetukaṃ maraṇam, na ca katturahito pāṇatipātappayogo nīrīhakesupi saṅkhāresu sannihitātamattena upakārakesu attano anurūpaphaluppādananiyatesu kāraṇesu kattuvohārasiddhito yathā “padīpo pakāseti nisākaro candimā”ti ca, na ca kevalassa vadhādhippāyāsaṃhāhuno cittacetāsīkākālāpassa pāṇatipāto icchito santānavasena avatṭhitasseva paṭijānanato, santānavasena pavattamānānañca padīpādīnaṃ atthakiriyāsiddhī disaṭīti attheva pāṇatipātena kammabaddho. Ayañca vicāro



adinnādānādīsūpi yathāsambhavaṃ vibhāvetabbo.

“**Pahīnakālato paṭṭhāya viratovā**”ti etena pahānahetukā idhādhippetā samucchadaviratīti dasseti.

Kammakkhayañāna hi pāṇātipātadussīlyassa pahīnattā bhagavā accantameva tato paṭiviratoti vuccati samucchadavasena pahānaviratīnaṃ adhippetattā. Kiñcāpi pahānavīramaṇānaṃ purimacchimakālatā natthi, maggadhammānaṃ pana sammādiṭṭhiādīnaṃ sammāvācādīnañca paccayapaccayuppannabhāve apekkhite sahaṅgānampi paccayapaccayuppannabhāvena gahaṇaṃ purimacchimabhāveneva hotīti gahaṇappavattīkārasena paccayabhūtesu sammādiṭṭhiādīsū pahāyakkhadhammesu pahānakiriyāya purimakālavohāro, paccayuppannāsu ca viratīsū vīramaṇakiriyāya aparakālavohāro ca hotīti evamettha attho daṭṭhabbo. Pahānaṃ vā samucchadavasena, viratī paṭippassaddhivasena yojetabbā. Atha vā pāṇo atipātīyati etenāti **pāṇātipāto**, pāṇaghātahetubhūto dhammasamūho. Ko paneso? Ahirīkānottappadosamohavihiṃsādayo kilesā. Te hi bhagavā ariyamaggena pahāya samuggahāretvā pāṇātipātadussīlyato accantameva paṭiviratoti vuccati kilesesu pahīnesu kilesanimittassa kammassa anuppajjanato. “Adinnādānaṃ pahāyā”tiādīsūpi eseva nayo. **Viratovāti** avadhāraṇena tassā viratīyā kālādivasena apariyantataṃ dasseti. Yathā hi aññe samādinnaviratīkāpi anavaṭṭhitacittatāya lābhajīvītādihetu samādānaṃ bhindanti, na evaṃ bhagavā. Bhagavā pana sabbaso pahānapāṇātipātattā accantavirato evāti. **Vītikkamissāmīti** anavajjadhammehi vokiṇṇā antarantārā uppajjanakā dubbalākusalā. Yasmā pana kāyavacīpayogaṃ upalabhītvā “imassa kilesā uppannā”ti viññunā sakkā ñātum, tasmā te iminā pariyaeyena “**cakkhusotaviññeyyā**”ti vuttāti daṭṭhabbā. **Kāyikāti** pāṇātipātādiniṃphātake balavākusale sandhāyāha.

Gottavasena laddhavohāroti sambandho. **Dīpetum vaṭṭati** brahmadattena bhāsītavaṇṇassa anusandhidassanavasena imissā desanāya āradhattā. Tatthāyaṃ dīpanā – “pāṇātipātaṃ pahāya pāṇātipātā paṭivirato samaṇassa gotamassa sāvakaṃgāro nihitadaṇḍo nihitasattho”ti vitthāretabbaṃ. Nanu ca dhammassāpi vaṇṇo brahmadattena bhāsīto? Saccam bhāsīto, so pana sammāsambuddhapabhavattā, ariyaṅghādhārattā ca dhammassa dhammānubhāvasiddhattā ca tesam tadubhayadīpaneneva dīpito hotīti viṣum na uddhaṭo. Saddhammānubhāveneva hi bhagavā bhikkhusaṅgāro ca pāṇātipātādippahānasamattho ahoṣi, desanā pana ādīto paṭṭhāya evaṃ āgatīti.

Etthāyaṃ adhippāyo – “atthi bhikkhave aññe ca dhammā”tiādīnā anaññasādhāraṇe buddhaguṇe ārabha upari desanaṃ vaḍḍhetukāmo bhagavā ādīto paṭṭhāya “tathāgatassa vaṇṇaṃ vadamāno vadeyyā”tiādīnā buddhaguṇavaseneva desanaṃ ārabhi, na bhikkhusaṅghavasenāti. Esā hi bhagavato desanāya pakati, yaṃ ekaraseneva desanaṃ dassetuṃ labbhamānassāpi kassaci aggahaṇaṃ. Tathā hi rūpakaṇḍe dukādīsū tanniddesesu ca hadaya vatthu na gahitaṃ. Itaravatthūhi asamānagatikattā desanābhedo hotīti. Yathā hi cakkhuvīññānādīni ekantato cakkhādinissayāni, na evaṃ manovīññānaṃ ekantena hadaya vatthunissayaṃ, nissitavasena ca vatthudukādidesanā pavattā “atthi rūpaṃ cakkhuvīññānaṃ vatthu, atthi rūpaṃ na cakkhuvīññānaṃ vatthū”tiādīnā. Yampi ekantato hadaya vatthunissayaṃ, tassa vasena “atthi rūpaṃ manovīññānaṃ vatthū”tiādīnā dukādīsū vuccamānesupī na tadanurūpā ārammaṇadukādayo sambhavanti. Na hi “atthi rūpaṃ manovīññānaṃ ārammaṇaṃ, atthi rūpaṃ na manovīññānaṃ ārammaṇa”nti sakkā vattunti vatthārammaṇadukā bhinnagatikā siyunti na ekarasā desanā bhaveyyāti. Tathā nikkhepakaṇḍe cittuppādavibhāgena avuccamānattā avitakkaavicārapadavissajjane “vicāro cā”ti vattum na sakkāti avitakkavicāramattapadavissajjane labbhamānopi vitakko na uddhaṭo, aññathā “vitakko cā”ti vattabbaṃ siyā.

Daṇḍanasāṅkhātassa daṇḍassa paraviheṭhanassa vivajjitabhāvādīpanatthaṃ daṇḍasatthānaṃ nikkhepavacananti āha “**parūpaghātathāyā**”tiādī. **Viheṭhanabhāvato** vihiṃsanabhāvato. “Bhikkhusaṅghavasenāpi dīpetum vaṭṭati”ti vuttattā tampi ekadesena dīpento “**yaṃ pana bhikkhū**”tiādīmāha.

**Lajjīti** ettha vuttalajjāya ottappampi vuttamevāti daṭṭhabbaṃ. Na hi pāpajigucchanaṃ pāputtāsanarahitaṃ, pāpabhayaṃ vā alajjanaṃ atthīti. Dhammagarutāya vā buddhānaṃ, dhammassa ca attādhīnattā attādhīpatibhūtā lajjāya vuttā, na pana lokādhipatī ottappaṃ. “Dayaṃ mettacittatā āpanno”ti kasmā vuttam, nanu dayā-saddo “dayāpanno”tiādīsū karuṇāya pavattatīti? Saccametam, ayaṃ pana dayā-saddo anurakkhaṇamatthaṃ antonītam katvā pavattamāno mettāya karuṇāya ca pavattatīti idha mettāya pavattamāno vutto. Midati sinīyhatīti mettā, mettā etassa atthīti mettam, mettam cittam etassāti mettacitto, tassa bhāvo **mettacittatā**, mettā icceva attho. “**Sabbapāṇabhūtahitānukampī**”ti etena tassā viratīyā sattavasena apariyantataṃ dasseti. **Pāṇabhūte**ti pāṇajāte. **Anukampakoti** karuṇāyanako. Yasmā pana mettā karuṇāya visesapaccayo hoti, tasmā vuttam “**tāya eva dayāpannatāyā**”ti. Evaṃ yehi dhammehi pāṇātipātā viratī sampajjati, tehi lajjāmettākaruṇāhi samaṅgībhāvo dassito. **Viharatīti** evambhūto hutvā ekasmiṃ iriyāpathe uppannaṃ dukkhaṃ aññena iriyāpathena vicchīndītvā haratī pavatteti, attabhāvaṃ vā yāpetīti attho. Tenevāha “**iriyatī yāpetī yāpetī pāletī**”ti.

**Ācārasīlamattakanti** sādhujanācārasīlamattakaṃ, tena indriyaṣaṃvarādiguṇehipi lokiyaputhujjano tathāgatassa vaṇṇaṃ vattum na sakkotīti dasseti. Tathā hi indriyaṣaṃvarapaccayaparibhogasīlāni idha silakathāyaṃ na vibhattāni.

**Parasaṃharaṇanti** parassa santakahaṇaṃ. Theno vuccati coro, tassa bhāvo **theyyam**. Idhāpi khuddake parasantake appasāvajjaṃ, mahante mahāsāvajjaṃ. Kasmā? Payogamahantatāya, vatthuguṇānaṃ pana samabhāve sati kilesānaṃ upakkamānañca mudutāya appasāvajjaṃ, tibbatāya mahāsāvajjanti ayampi nayo yojetabbo.

**Sāhatthikādayoti** ettha mantaparijappanena parasantakahaṇaṃ vijjāmayo, vinā mantena kāyavacīpayogena

parasantakassa ākaḍḍhanam tādīsaidhānubhāvena iddhimayo payogo.

**Sesanti** “pahāya paṭivirato”ti evamādikam. Tañhi pubbe vuttanayam. Kiñcāpi nayidha sikkhāpadavohārena virati vuttā, ito aññesu pana suttapadesesu vinayābhidhammesu ca pavattavohārena viratiyo cetanā ca adhisīlasikkhādīnam adhiṭṭhānabhāvato, tesu aññatarakoṭṭhāsabhāvato ca sikkhāpadanti āha “**paṭhamasikkhāpade**”ti. Kāmañcetha “lajjī dayāpanno”ti na vuttam, adhiḍḍhārasena pana atthato vā vuttamevāti veditabbam. Yathā hi lajjādayo pāṇātipātappahānassa visesappaccayo, evam adinnādānappahānassāpīti, tasmā sāpi pālī ānetvā vattabbā. Eseva nayo ito paresupi. Atha vā “sucibhūtenā”ti etena hirottappādīhi samannāgamo, ahirikādīnañca pahānam vuttamevāti “lajjī”tiādi na vuttanti daṭṭhabbam.

**Aseṭṭhacariyanti** aseṭṭhānam hīnānam, aseṭṭham vā lāmakam nihīnam vuttiṃ, methunanti attho. “**Brahmam seṭṭham ācāra**”nti methunaviratimāha. “**Ārācārī methunā**”ti etena “idha brāhmaṇa ekacco...pe... na heva kho mātuḡāmena saddhiṃ dvayamdvayasamāpattiṃ samāpajjati, apica kho mātuḡāmassa ucchādanaparimaddananhāpanasambhānam sādīyati, so taṃ assādeti, taṃ nikāmeti, tena ca vittiṃ āpajjati”tiādinā (a. ni. 7.50) vuttā sattavidhamethunasamyogāpi paṭivirati dassitāti daṭṭhabbā. Idhāpi asaddhammasevanādhīppāyena kāyadvārappavattā maggenamaggapaṭipattisamuṭṭhāpikā cetanā abrahmacariyam, micchācāre pana agamanīyatṭhānavītikamacetanāti yojetabbam. Tattha agamanīyatṭhānam nāma purisānam māturakkhitādayo dasa, dhanakkītādayo dasāti vīsati itthiyo. Itthīsu pana dasannam dhanakkītādīnam sārakkhasaparidaṇḍānañca vasena dvādasannam aññe purisā. Guṇavirahite vipaṭipatti appasāvajjā, mahāguṇe mahāsāvajjā. Guṇarahitepi ca abhibhavivā pavatti mahāsāvajjā, ubhinnaṃ samānacchandabhāvepi kilesānam upakkamānañca mudutāya appasāvajjā, tibbatāya mahāsāvajjāti veditabbā. Tassa dve sambhārā sevetukāmatācittam, maggenamaggapaṭipattīti. Micchācāre pana agamanīyatṭhānatā, sevanācittam maggenamaggapaṭipatti, sādīyanañcāti cattāro. “Abhibhavivā vītikkamane maggenamaggapaṭipattiadhivāsane satipi purimuppannasevanābhīsandhipayogābhāvato abhibhuyyamanassa micchācāro na hotī”ti vadanti. Sevanācittē satī payogābhāvo na pamāṇam itthiyā sevanāpayogassa yebhuyyena abhāvato, itthiyā puretaram upaṭṭhāpitasevanācittāyapi micchācāro na siyāti āpajjati payogābhāvato. Tasmā purisassa vasena ukkamsato cattāro vuttāti daṭṭhabbam, aññathā itthiyā purisakiccakaraṇakāle purisassapi sevanāpayogābhāvato micchācāro na siyāti eke. Idam panettha sanniṭṭhānam – attano ruciyā pavattitassa tayo, balakkārena pavattitassa tayo, anavasesaggahaṇena pana cattāroti. Eko payogo sāhatthikova.

**9. Kammapathappattam** dassetum “**atthabhañjanako**”ti vuttam. **Vacīpayogo kāyapayogo vāti musā**-saddassa kiriyāpadhānatam dasseti. **Visamvādanādhīppāyo** pubbhāgakkhaṇe taṅkhaṇe ca. Vuttañhi “pubbevassa hoti ‘musā bhañssa’nti, bhañantassa hoti ‘musā bhañamī’ti” (pārā. 205). Etañhi dvayam āngabhūtam, itaram pana hotu vā mā vā, akāraṇametam. **Assāti** visamvādakassa. Yathāvuttam payogabhūtam musā vadati viññāpeti, samuṭṭhāpeti vā etāyāti **cetanā musāvādo**.

Purimanaye lakkhaṇassa abyāpitātāya, musā-saddassa ca visamvādītābhavācakattasambhavato paripuṇṇam katvā musāvādalakkhaṇam dassetum “**musāti abhūtam ataccham vatthū**”tiādinā dutiyanayo āradhho. Imasmiñca naye musā vadīyati vuccati etāyāti **cetanā musāvādo**. “**Yamattham bhañjati**”ti vatthivasena musāvādassa appasāvajjamahāsāvajjatamāha. Yassa attham bhañjati, tassa appaṇatāya appasāvajjo, mahāṇatāya mahāsāvajjoti adinnādāne viya guṇavasenāpi yojetabbam. Kilesānam mudutibbatāvasenāpi appasāvajjamahāsāvajjatā labbhatīyeva.

Attano santakam adātukāmatāya, pūraṇakathānāyena ca visamvādanapurekkhārasseva musāvādo. Tattha pana cetanā balavatī na hotīti appasāvajjatā vuttā. Appatāya ūnassa atthassa pūraṇavasena pavattā kathā **pūraṇakathā**.

**Tajjoti** tassārūppo, visamvādanānurūpoti attho. “**Vāyāmo**”ti vāyāmasīsenā payogamāha. Visamvādanādhīppāyena payoge katepi parena tasmim atthe aviññāte visamvādanassa asiṅghānato parassa tadatthavijānanam eko sambhāro vutto. Keci pana “abhūtavacanam visamvādanacittam parassa tadatthavijānananti tayo sambhārā”ti vadanti. **Kiriyāsamuṭṭhāpakacetanākkhaṇeyeva musāvādakammunā bajjati** sanniṭṭhāpakacetanāya nibbattatā, saṇḍeṇi dandhatāya vicāretvā paro tamattham jānātīti adhiṭṭhāyoti.

“Saccato thetato”tiādisu (ma. ni. 1.19) viya **theta**-saddo thirapariyāyo, thirabhāvo ca saccavādītāya adhikatattā kathāvasena veditabboti āha “**thirakathoti attho**”ti. **Nathirakathoti** yathā haliddirāgādayo anavaṭṭhitasabhāvātāya na thirā, evam na thirā kathā yassa so na thirakathoti haliddirāgādayo yathā kathāya upamā honti, evam yojetabbam. Esa nayo “**pāsānalekhā viyā**”tiādisupi.

Saddhā ayati pavattati etthāti saddhāyo, saddhāyo eva **saddhāyiko** yathā “venayiko”ti (a. ni. 8.11; pārā. 8). Saddhāya vā ayitabbo **saddhāyiko**, saddheyyoti attho. **Vatthabattam āpajjati** visamvādanatoti adhiṭṭhāyoti.

**Suññabhāvanti** pītvirahitātāya rittatam. **Sā piṣuṇavācāti** yāyam yathāvuttā saddasabhāvā vācā, sā piyasuññakaraṇato piṣuṇavācāti niruttināyena atthamāha. Pisatīti vā piṣuṇā, samagge satte avayavabhūte vagge bhinne karotīti attho.

**Pharusanti** sinehābhāvena lūkham. **Sayampi pharusāti** domanassasamuṭṭhitattā sabhāvenapi kakkasā. Ettha ca

pharusam karotīti phalūpacārena, pharusayatīti vā vācāya pharusa-saddappavatti veditabbā. **Sayampi pharusāti** paresam mammachedavasena pavattiyā ekantaniṭṭhuratāya sabhāvena, kāraṇavohārena ca vācāya pharusa-saddappavatti daṭṭhabbā. Tatoyeva ca **neva kaṇṇasukhā**. Atthavipannatāya **na hadayaṅgamā**.

**Yena samphaṃ palapatīti** yena palāpasaṅkhātena niratthakavacanena sukhaṃ hitaṅca phalati vidarati vināsetīti “sampha”nti laddhanāmaṃ attano paresaṅca anupakāraṃ yaṃ kiñci palapati.

**Samkiliṭṭhacittassāti** lobhena dosena vā vibādhitacittassa, upatāpitacittassa vā, dūsitacittassāti attho. **Cetanā pisuṇavācā** pisuṇaṃ vadanti etāyāti. Yassa yato bhedaṃ karoti, tesu abhinnesu appasāvajjaṃ, bhinnesu mahāsāvajjaṃ, tathā kilesānaṃ mudutibbatāvisesesu.

Yassa pesuññaṃ upasaṃharati, so bhijjatu vā mā vā, tassa atthassa viññāpanameva pamāṇanti āha “**tadatthavijānana**”nti, kammappathappattī pana bhinne eva.

**Anuppadātīti** anubalappadātā, anuvattanavasena vā padātā. Kassa pana anuvattanaṃ padānaṅca? “Sahitāna”nti vuttatā “sandhānassā”ti viññāyati. Tenevāha “**sandhānānuppadātā**”ti. Yasmā pana anuvattanavasena sandhānassa padānaṃ ādhānaṃ, rakkhaṇaṃ vā dalhikaraṇaṃ hoti, tena vuttaṃ “**dalhikammaṃ kattāti attho**”ti. Āramanti etthāti **ārāmo**, ramitabbaṭṭhānaṃ. Yasmā pana ākārena vināpi ayamevattho labbhati, tasmā vuttaṃ “**samaggarāmotipi pāli, ayamevettha attho**”ti.

Mammāni viya mammāni, yesu pharusavācāya chupitamattesu duṭṭhārūsu viya ghaṭṭitesu cittaṃ adhimattaṃ dukkhappattaṃ hoti. Kāni pana tāni? Jātiādīni akkosavathūni. Tāni chijjanti, bhijjanti vā yena kāyavacīpayogena, so **mammachedako**. Ekantena pharusacetanā pharusavācā pharusam vadati etāyāti. Kathaṃ pana ekantapharusacetanā hoti? Duṭṭhacittatāya. **Tassāti** ekantapharusacetanāya eva pharusavācābhāvassa. **Mammachedako** savanapharusatāyāti adhippāyo. **Cittasaṅhatāya pharusavācā na hoti** kammappaṭṭatā, kammabhāvaṃ pana na sakkā vāretunti. Evaṃ anvayavasena cetanāpharusatāya pharusavācaṃ sādhetvā idāni tameva paṭipakkhanayena sādhetuṃ “**vacanasāṅhatāya**”tiādi vuttaṃ. **Sā** pharusavācā. **Yanti** yaṃ puggalaṃ. Etthāpi kammappaṭṭhabhāvaṃ appattā appasāvajjā, itarā mahāsāvajjā, tathā kilesānaṃ mudutibbatābhāve. Keci pana “yaṃ uddissa pharusavācā payujjanti, tassa sammukhāva sīsaṃ etī”ti, eke “parammukhāpi pharusavācā hotiyevā”ti vadanti. Tatthāyamadhippāyo yutto siyā – sammukhā payoge agāravādīnaṃ balavabhāvato siyā cetanā balavatī, parassa ca tadatthavijānanaṃ, na tathā asammukhāti. Yathā pana akkosite mate ālahane katā khamanā upavādanatāyaṃ nivatteti, evaṃ “parammukhā payuttāpi pharusavācā hotiyevā”ti sakkā viññātunti. **Kupitacittanti** akkosādhippāyeneva kupitacittaṃ, na maraṇādhippāyena. Maraṇādhippāyena hi cittaṃ sati byāpādoyeva hotīti. **Etthāti** –

“Nelaṅga setapacchādo, ekāro vattatī ratho;  
Aniḅhaṃ passa āyantaṃ, chinnaṃ abandhana”nti. (saṃ. ni. 4.347; udā. 65);

Imissā gāthāya. Sīlañhettha “nelaṅga”nti vuttaṃ. Tenevāha citto gahapati “nelaṅganti kho bhante sīlanametaṃ adhivacana”nti (saṃ. ni. 4.347). **Sukumārāti** aphaṇṇatāya mudukā. **Purassāti** ettha **pura**-saddo tannivāsīvācako daṭṭhabbo “gāmo āgato”tiādisu viya. Tenevāha “**nagaravāsīna**”nti. Manaṃ appāyati vaḍḍhetīti **manāpā**. Tena vuttaṃ “**cittavaḍḍhikarā**”ti. **Āsevanam** bhāvanam bahulīkaraṇaṃ. Yaṃ gāhayituṃ pavattito, tena aggahite appasāvajjo gahite mahāsāvajjoti, idhāpi kilesānaṃ mudutibbatāvasenāpi appasāvajjamahāsāvajjātā labbhatiyeva.

“**Kālavādī**”tiādi samphappalāpā paṭiviratassa paṭipattidassanaṃ. Yathā hi “pāṇātipātā paṭivirato”tiādi pāṇātipātappahānaṃ paṭipattidassanaṃ. “Pāṇātipātā pahāya viharatī”ti hi vutte kathaṃ pāṇātipātappahānaṃ hotīti? Apekkhāsabbhāvato “pāṇātipātā paṭivirato hotī”ti vuttaṃ, sā pana virati kathanti āha “nihatadaṅgo nihitasattho”ti, taṅca daṅdasatthandhānaṃ kathanti vuttaṃ “lajjī”tiādi, evaṃ uttaruttaraṃ purimassa purimassa upāyasandassanaṃ, tathā adinnādānādisu yathāsambhavaṃ yojetabbaṃ. Tena vuttaṃ “kālavādītiādi samphappalāpā paṭiviratassa paṭipattidassana”nti. Atthasañhitāpi hi vācā ayuttakālapayogena atthāvahā na siyāti anattaviññāpanavācaṃ anulometi, tasmā samphappalāpam pajahanta akālavādītā parivajjetabbāti vuttaṃ “**kālavādī**”ti. Kālena vadantenāpi ubhayānatthasādhanato abhūtaṃ parivajjetabbanti āha “**bhūtavādī**”ti. Bhūtaṅca vadantena yaṃ idhalokaparalokahitasampādakaṃ, tadeva vattabbanti dassetuṃ “**atthavādī**”ti vuttaṃ. Attham vadantenāpi na lokiyadhammasannissitameva vattabbaṃ, atha kho lokuttaradhammasannissitaṃ pīti dassetuṃ “**dhammavādī**”ti vuttaṃ. Yathā ca attho lokuttaradhammasannissito hoti, taṃ dassanattham “**vinayavādī**”ti vuttaṃ. Pātimokkhasamvaro satisamvaro ñāṇasamvaro khantisamvaro vīriyasamvaroti hi pañcannaṃ samvarānaṃ, tadaṅgavinayo vikkhambhanavinayo samucchadavinayo paṭippassaddhivinayo nissaraṇavinayoti pañcannaṃ vinayānaṅca vasena vuccamāno attho nibbānādhiḅamahetubhāvato lokuttaradhammasannissito hotīti.

Evaṃ guṇavisesayutto ca attho vuccamāno desanākosalle sati sobhati, kiccakaro ca hoti, nāññathāti dassetuṃ “**nidhānavatim vācam bhāsītā**”ti vuttaṃ. Idāni taṃ desanākosallaṃ vibhāvetuṃ “**kālena**”tiādimāha. Ajjhāsayatṭhuppattīnaṃ pucchāya ca vasena otiṅṅe desanāvisaye ekamsādibhāvaṃ sallaṅkhetvā

thapanāhetudāharaṇasamsandanāni taṃtaṃkālanurūpaṃ vibhāventiyā parimitaparicchinnarūpāya vipulataragambhīrudārapahūtathavithhārasaṅgāhakāya desanāya pare yathājjhāsayaṃ paramatthasiddhiyaṃ paṭiṭṭhāpentō “desanākusalo”ti vuccatīti evamettha atthayojanā veditabbā.

10. Evaṃ paṭipāṭiyā satta mūlasikkhāpadāni vibhajivā satipi abhijjhādiṭṭhāpānassa saṃvarasīlasikkhāsaṅgāhe upariguṇasaṅgahato, lokiyaputhujjanāvisayato ca uttaradesanāya saṅgaṇhituṃ taṃ pariharitvā pacurajanapākaṭaṃ ācārasīlameva vibhajanto bhagavā “**bījagāmabhūtagāmasamārambhā**”tiādimāha. Tattha **gāmoti** samūho. Nanu ca rukkhādayo cittarahitatāya na jīvā, cittarahitatā ca paripphandābhāvato, chinne viruhanato, visadisajātikabhāvato, catuyoniappariyāpannato ca veditabbā, vuḍḍhi pana pavālasilālavaṇānampi vijjatīti na tesam jīvabhāve kāraṇaṃ, visayaggahaṇaṇca parikkappanāmatṭaṃ supanaṃ viya ciñcādīnaṃ, tathā dohaḷādayo, tattha kasmā bījagāmabhūtagāmasamārambhā paṭivirati icchitā? Samaṇasārūppato, sannissitasattānurakkhaṇato ca. Tenevāha “jīvasaññino hi moghapurisā manussā rukkhāsmi”ntiādi (pāci. 89). **Nīlatiṇarukkhādikassāti** allatiṇassa ceva allarukkhādikassa ca. **Ādi**-saddena osadhigacchalatādayo veditabbā.

Ekam bhattaṃ ekabhattaṃ, taṃ assa atthīti **ekabhattiko**, ekasmiṃ divase ekavārameva bhūñjanako. Tayidaṃ rattibhojanopi siyāti tannivattanatthamāha “**rattūparato**”ti. Evampi aparāṇhabhojīpi siyā ekabhattikoti tadāsaṅkānivattanattham “**virato vikālabhojanā**”ti vuttaṃ. Aruṇuggamanato paṭṭhāya yāva majjhanhikā, ayaṃ buddhānaṃ āciṇṇasamāciṇṇo bhojanassa kālo nāma, tadañño vikālo. **Aṭṭhakathāyaṃ** pana dutiyapadena rattibhojanassa paṭikkhittatā aparāṇho “vikālo”ti vutto.

Sānkhepatō “sabbapāpassa akaraṇa”ntiādi (dī. ni. 2.90; dha. pa. 183; netti. 30, 50, 116, 124) nayappavattaṃ bhagavato sāsanaṃ accantachandarāgappavattito naccādīnaṃ dassanaṃ na anulometīti āha “**sāsanaṃ ananulomattā**”ti. Attanā payojiyamānaṃ, parehi payojāpiyamānaṇca naccaṃ naccabhāvasāmaññato pāliyaṃ ekeneva nacca-saddena gahitaṃ, tathā gītavādīta-saddena cāti āha “**naccananaccāpanādivasena**”ti. **Ādi**-saddena gāyanagāyāpanavādanavādāpanāni saṅgaṇhāti. Dassanena cettha savanampi saṅgahitaṃ virūpekasesanayena. Ālocanasabhāvatāya vā pañcannaṃ viññāṇānaṃ savanakiriyāyapi dassanasānkhepasabbhāvato “**dassanā**” icceva vuttaṃ. Avisūkabhūtassa gītassa savanaṃ kadāci vaṭṭatīti āha “**visūkabhūtā dassanā**”ti. Tathā hi vuttaṃ paramatthajotikāya **khuddakapāṭhaṭṭhakathāya** (khu. pā. aṭṭha. pacchimapañcasikkhāpadavaṇṇanā) “dhammūpasamhitampi cettha gītāṃ vaṭṭati, gītūpasamhito dhammo na vaṭṭati”ti.

**Uccāti** uccasaddena samānattham ekam saddantaram, seti etthāti **sayanaṃ**. Uccāsayaṇaṃ mahāsayaṇaṇca samaṇasārūpparahitaṃ adhippetanti āha “**pamaññātikantaṃ, akappiyattharaṇa**”nti. Āsandādiāsanañcettha sayanena saṅgahitanti daṭṭhabbaṃ. Yasmā pana ādhāre paṭikkhitte tadādhārikiriyā paṭikkhittāva hoti, tasmā “uccāsayaṇamahāsayaṇā” icceva vuttaṃ, atthato pana tadupabhogabhūta nisajjānipajjanehi viratī dassitāti daṭṭhabbā. Uccāsayaṇasayanamahāsayaṇasayanāti vā etasmiṃ atthe ekasesanayena ayaṃ niddeso kato yathā “nāmarūpapaccayā saḷāyatana”nti (ma. ni. 3.126; saṃ. ni. 2.1; udā. 1). Āsanakiriyāpubbakattā sayanakiriyāya sayanaggahaṇeneva āsanaṃ gahitanti veditabbam.

Aññehi gāhāpane upanikkhittasādiyaṇe ca paṭiggahaṇattho labbhatīti āha “**na uggaṇhāpeti, na upanikkhittaṃ sādīyati**”ti. Atha vā tividhaṃ paṭiggahaṇaṃ kāyena vācāya manasā. Tattha kāyena paṭiggahaṇaṃ uggaṇhanaṃ, vācāya paṭiggahaṇaṃ uggaṇhanaṃ, manasā paṭiggahaṇaṃ sādīyananti tividhampi paṭiggahaṇaṃ sāmāññaniddesena, ekasesanayena vā gahetvā “paṭiggahaṇā”ti vuttanti āha “**neva naṃ uggaṇhātī**”tiādi. Esa nayo “**āmakadhaññāpaṭiggahaṇā**”tiādisupi. Nīvārādiupadhaññassa sāliyādīmūladhaññantogadhātā vuttaṃ “**sattavidhassā**”ti. “Anujānāmi bhikkhave pañca vasāni bhesajjāni acchavasam macchavasam susukāvāsam sūkaravasam gadrabhavasā”nti (mahāva. 262) vuttatā idam odissa anuññātaṃ nāma, tassa pana “kāle paṭiggahita”nti (mahāva. 262) vuttatā paṭiggahaṇaṃ vaṭṭatīti āha “**aññatra odissa anuññātā**”ti.

**Akkamatīti** nippīleti. Pubbabhāge akkamatīti sambandho. **Hadayanti** nāliādīmānabhājanānaṃ abhantaram. Tilādīnaṃ nāliādīhi minanakāle ussāpitasikhāyeva **sikhā**, tassā **bhedo** hāpanaṃ. **Kecīti** sāsamañsācariyā, uttaravīhāravāsino ca.

**Vadhoti** muṭṭhippahārakasātālanādīhi hiṃsanaṃ, viheṭhananti attho. Viheṭhanatthopi hi vadhasaddo dissati “attānaṃ vadhitvā vadhitvā”tiādisu (pāci. 880). Yathā hi appaṭiggahabhāvasāmaññe satipi pabbajitehi appaṭiggahitabbavattuvisesabhāvasandassanattham itthikumārīdāsīdāsādayo vibhāgena vuttā, evaṃ parassaharaṇabhāvato adinnādānabhāvasāmaññe satipi tulākūṭādayo adinnādānavisesabhāvadassanattham vibhāgena vuttā, na evaṃ pānātipātapariyāyassa vadhasa punaggahaṇe payojanaṃ atthi. “Tattha sayaṅkāro, idha paraṃkāro”ti ca na sakkā vattum “kāyavacīpayogasamuṭṭhāpikā cetanā chappayogā”ti ca vuttatā. Tasmā yathāvuttōyeva attho sundarataro. **Aṭṭhakathāyaṃ** pana “vadhoti māraṇa”nti vuttaṃ, tampi pothanameva sandhāyāti ca sakkā viññātuṃ māraṇa-saddassa vihiṃsanepi dissanato.

**Ettāvātāti** “pānātipātaṃ pahāyā”tiādinā “chedana...pe... sahasākārā paṭivirato”ti etaparimāṇena pāṭhena. Antarābhedaṃ aggaḥetvā pāliyaṃ āgatanayena chabbīsatisikkhāpadasaṅgahaṃ yebhuyyena sikkhāpadānaṃ avibhattatā **cūlasīlaṃ** nāma. Desanāvasena hi idha cūlamajjhimādībhāvo adhippeto, na dhammavasena. Tathā hi idha saṅkhittena

uddiṭṭhānaṃ sikkhāpadānaṃ avibhattānaṃ vibhajanavasena majjhimasīladesanā pavattā. Tenevāha “**majjhimasīlaṃ vitthārento**”ti.

Cūlasīlavaṇṇanā niṭṭhitā.

### Majjhimasīlavaṇṇanā

11. Tattha **yathāti** opammatthe nipāto. **Vāti** vikappanatthe. **Panāti** vacanālaṅkāre. **Eketi** aññe. **Bhontoti** sādhūnaṃ piyasamudāhāro. Sādhavo hi pare “bhonto”ti vā, “devānaṃ piyā”ti vā “āyasmanto”ti vā samālapanti. Yaṃ kiñci pabbajjaṃ upagatā **samaṇā**. Jātimattena **brāhmaṇā**. Idaṃ vuttaṃ hoti – ussāhaṃ katvā mama vaṇṇaṃ vadamānopi puthujjano “pāṇātipātāṃ pahāya pāṇātipātā paṭivirato”tiādinā parānuddesikanayena vā yathā paneke bhonto samaṇabrāhmaṇabhāvaṃ paṭijānamānā, parehi ca tathāsambhāvīyamānā tadanurūpapaṭipattiṃ ajānanato, asamatthato ca na abhisambhuṇanti, na evamayāṃ, ayaṃ pana samaṇo gotamo sabbathāpi samaṇasārūppapaṭipadaṃ pūresiyevāti evaṃ aññuddesikanayena vā sabbathāpi ācārasīlamattameva vadeyyuṃ, na taduttarinti.

Bījagāmaḥhūtagāmasamārambhapade saddakkamena appadhānabhūtopi bījagāmaḥhūtagāmo niddisittabbatāya padhānabhāvaṃ paṭilabhati. Añño hi saddakkamo añño atthakkamoti āha “**katamo so bījagāmaḥhūtagāmo**”ti. Tasmīñhi vibhatte tabbisayatāya samārambhopi vibhattova hoṭīti. Tenevāha bhagavā “**mūlabīja**”ntiādi. Mūlameva bījaṃ **mūlabījaṃ**, mūlaṃ bījaṃ etassātipi **mūlabījaṃ**. Sesesupi eseva nayo. **Phalubījanti** pabbabījaṃ. Paccayantarasamavāye sadisaphaluppattiyā visesakāraṇabhāvato viruḥḥasamatthe sārāphale niruḥḥo **bīja**-saddo tadatthasamsiddhiyā mūlādīsūpi kesuci pavattatīti mūladito nivattanatthaṃ ekena bīja-saddena visesetvā vuttaṃ “**bījabīja**”nti. “Rūparūpaṃ, dukkhadukka”nti (saṃ. ni. 4.327) ca yathā. Kasmā panettha bījagāmaḥhūtagāmaṃ pucchitvā bījagāmo eva vibhattoti? Na kho panetaṃ evaṃ daṭṭhabbaṃ. Nanu avocumha “mūlameva bījaṃ mūlabījaṃ, mūlaṃ bījaṃ etassātipi mūlabījanti”. Tattha purimena bījagāmo niddiṭṭho, dutiyena bhūtagāmo, duvidhopesa sāmāññaniddesena, mūlabījaṅca mūlabījaṅca mūlabījanti ekasesanayena vā pāliyaṃ niddiṭṭhoti vedittabbo. Tenevāha “**sabbañheta**”ntiādi.

12. “**Sannidhikataṣṣā**”ti etena “sannidhikāraparibhoga”nti ettha **kāra**-saddassa kammattatthaṃ dasseti. Yathā vā “ācāyaṃgamino”ti vattabbe anuṇāsikalopena “ācāyagāmino”ti (dha. sa. 10) niddeso kato, evaṃ “sannidhikāraṃ paribhoga”nti vattabbe anuṇāsikalopena “sannidhikāraparibhoga”nti vuttaṃ, sannidhiṃ katvā paribhoganti attho.

Sammā kilese likhatīti **sallekko**, suttantanayena paṭipatti. Pariyāyati kappiyatīti **pariyāyo**, kappiyavācānusārena paṭipatti. Kilesehi āmasitabbato **āmisam**, yaṃ kiñci upabhogārahaṃ vatthu. Tenevāha “**āmisanti vuttāvasesa**”nti. Nayadassanañhetam sannidhivatthūnaṃ. **Udakakaddameti** udake ca kaddame ca. **Acchathāti** nisīdatha. **Gīvāyāmakanti** gīvaṃ āyamitvā, yathā ca bhutte atibhuttatāya gīvā āyamitabbāva hoti, evanti attho. **Catubhāgamattanti** kuḍubamattam. “**Kappiyakuṭiya**”ntiādi vinayavasena vuttaṃ.

13. **Ettakampīti** vinicchayavicāraṇāvattukittanampi. **Payojanamattamevāti** padatthayojanamattameva. Yassa pana padassa vitthārakathaṃ vinā na sakkā attho viññātuṃ, tattha vitthārakathāpi padatthasaṅgahameva gacchati. Kutūhalavasena pekkhitabbato **pekkhā**, naṭasatthavidhinā naṭānaṅca payogo. Naṭasamūhena pana janasaṃmūhe karaṇavasena “**naṭasamajja**”nti vuttaṃ, sārāsamāse “pekkhā maha”nti vuttaṃ. **Ghanatālaṃ** nāma daṇḍamayatālaṃ, silāsālakatālaṃ vā. **Eketi** sārāsamāśācariyā, uttaravīhāravāsino ca. Yathā cettha, evaṃ ito paresupi “eke”ti āgataṭṭhānesu. **Caturassaambaṇakatālaṃ** nāma rukkhāsāradaṇḍādīsū yena kenaci caturassaambaṇakaṃ katvā catūsū passesu cammena onandhitvā katavāditaṃ. **Abbhokkīraṇaṃ** raṅgabalīkaraṇaṃ, yā “nandī”ti vuccati. **Sobhanakaranti** sobhanakaraṇaṃ, “sobhanagharaka”nti sārāsamāse vuttaṃ. Caṇḍālānamidanti **caṇḍālaṃ**. Sāṇe udakena temetvā aññamaññaṃ ākoṭānakāṭṭhā **sāṇadhovanam**. **Indajālenāti** aṭṭhidhovanamantaṃ pariṇappitvā yathā pare aṭṭhīniyeva passanti, evaṃ tacādīnaṃ antaradhāpanamāyāya. **Sakaṭabyūhādīti** ādi-saddena cakkapadumakaṭṭhīrabyūhādīṃ saṅgaṇhāti.

14. **Padānīti** sārīnaṃ paṭiṭṭhānaṭṭhānāni. **Dasapadaṃ** nāma dvīhi paṇṭīhi vīsatiyā padehi kīḷānaṃjūtaṃ. **Pāsakaṃ** vuccati chasu passesu ekekaṃ yāva chakkaṃ dassetvā katakīḷānaṃ, taṃ vadḍhetvā yathāladḍhaṃ ekakādivasena sārīyo apanentā upanentā ca kīḷānti. Ghaṭena kīḷā **ghaṭikā**ti eke. Bahūsu salākāsu visesarahitaṃ ekaṃ salākāṃ gahetvā tāsu pakkhipitvā puna tasseva uddharaṇaṃ **salākahatthanti** eke. Paṇṇena vaṃsākārena katā **nāḷikā**. Tenevāha “**taṃ dhamantā**”ti. “Pucchantassa mukhāgataṃ akkharaṃ gahetvā naṭṭhamutti lābhālābhādījānanakāṭṭhā **akkharikā**”tipi vadanti. “Vādītānurūpaṃ naccanaṃ gāyanaṃ vā **yathāvajjaṃ**”tipi vadanti. “Evaṃ kate jayo bhavissati, aññāthā parājayo”ti jayaparājaye purakkhatvā payogakaraṇavasena parihārapathādīnampi **jūtapamādaṭṭhānabhāvo** vedittabbo. Paṅgacīrādīhipi vaṃsādīhi kātābbakiccasiddhāsiddhijayaparājayāvaho payogo vuttoti daṭṭhabbaṃ. “**Yathāvajja**”nti ca kāṇādīhi sadisatākāradassanehi jayaparājayavasena jūtakīḷitabhāvena vuttaṃ.

15. **Vālarūpanīti** āharimāni vālarūpanī. “Akappiyamañcova **pallaṅko**”ti sārāsamāse. **Vānavicittanti** bhitticchadādivasena vānena vicitraṃ. Rukkhātūlalātātūlapoṭakīḷānaṃ vasena **tiṇṇaṃ tūlānaṃ**. Uddalomiyaṃ **kecīti** sārāsamāśācariyā, uttaravīhāravāsino ca. Tathā ekantalomiyaṃ. **Koseyyakattissamayanti** koseyyakassaṭamayaṃ.

**Suddhakoseyyanti** ratanaparisibbanarahitaṃ. “**Ṭhapetvā tūlika**”nti etena ratanaparisibbanarahitāpi tūlikā na vaṭṭatīti dīpeti. “**Ratanaparisibbitāni**”ti iminā yāni ratanaparisibbitāni, tāni bhūmattharaṇavasena, yathānurūpaṃ mañcapīṭhādīsu ca upanetuṃ vaṭṭatīti dīpitaṃ hoti. **Ajinacammehīti** ajinamigacammehi. Tāni kira cammāni sukhumāni, tasmā dupaṭṭatipaṭṭāni katvā sabbanti. Tena vuttaṃ “**ajinappaveni**”ti. **Vuttanayenāti** vinaye vuttanayena.

**16. Alaṅkārañjanameva** na bhesajjaṃ maṇḍanānuyogassa adhippetattā. Mālā-saddo sāsane suddhapupphesupi nirulhoti āha “**baddhamālā vā**”ti. **Mattikakakkanti** osadhehi abhisankhataṃ yogamattikakakkaṃ. **Caliteti** kupite. **Lohite sannisinneti** duṭṭhalohite khīṇe.

**17.** Duggatito saṃsāro ca niyyāti etenāti niyyānaṃ, saggamaggo mokkhamaggo ca. Taṃ niyyānaṃ arahati, niyyāne vā niyuttā, niyyānaṃ vā phalabhūtaṃ etissā atthīti niyyānikā, vacīduccaritasamkilesato niyyātīti vā ī-kārassa rassattaṃ, yakārassa ca ka-kāraṃ katvā niyyānikā, cetaṇāya saddhīṃ samphappalāpā veramaṇi. Tappaṭipakkhato aniyyānikā, tassā bhāvo aniyyānikattaṃ, tasmā **aniyyānikattā**. **Tiracchānabhūtāti** tirokaraṇabhūtā. **Kammaṭṭhānabhāveti** aniccatāpaṭisaṃyuttacatusaccakammaṭṭhānabhāve. Saha atthenāti **sāthakaṃ**, hitapaṭisaṃyuttanti attho. **Visikhāti** gharasanniveso, visikhāgahaṇena ca tannivāsino gahitā “gāmo āgato”tiādīsu viya. Tenevāha “sūrā samatthā”ti, “saddhā pasannā”ti ca. Kumbhaṭṭhānāpadesena kumbhadāsiyo vuttāti āha “**kumbhadāsīkathā vā**”ti. Uppattiṭṭhitisambhārādivasena lokaṃ akkhāyatīti **lokakkhāyikā**.

**18. Sahitanti** pubbāparāvīruddhaṃ.

**19.** Dūtassa kammaṃ dūteyyaṃ, tassa kathā **dūteyyakathā**.

**20. Tividhenāti** sāmantaṃ appanairiyāpathasannissitapaccayaapaṭisevanabhedato tippakārena. **Vimhāpayaṇṭīti** “aho acchariyapuriso”ti attani paresaṃ vimhayaṃ uppādeti. **Lapanṭīti** attānaṃ, dāyakaṃ vā ukkhipitvā yathā so kiñci dadāti, evaṃ ukkācetvā kathenti. Nimittena caranti, nimittaṃ vā karontīti **nemittikā** nimittanti ca paresaṃ paccaya dānasaññuppādakaṃ kāyavacikkammaṃ vuccati. Nippimsantīti nippesā, nippesāyeva **nippesikā**, nippesoti ca saṭṭhapuriso viya lābhasakkāratthaṃ akkosakhuṃsanuppaṇḍanaparapīṭṭhimamsikatādi.

Majjhimasīlavanānaṃ niṭṭhitā.

### Mahāsīlavanānaṃ

**21.** Aṅgāni ārabha pavattattā aṅgasahacariṭaṃ satthaṃ “**aṅga**”nti vuttaṃ. **Nimittanti** etthāpi eseva nayo. Keci pana “**aṅgānti** aṅgavikāra”nti vadanti, paresaṃ aṅgavikāradassanenāpi lābhālābhādivijjāti. **Paṇḍurājāti** dakkhiṇāmadhurādhipati. “**Mahantāna**”nti etena appakaṃ nimittaṃ, mahantaṃ nimittaṃ uppātoti dasseti. **Idaṃ nāma passatīti** yo vasabhaṃ kuñjaraṃ pāsādaṃ pabbataṃ vā āruḷhaṃ supine attānaṃ passati, tassa idaṃ nāma phalaṃ hotīti. **Supinakanti** supinasatthaṃ. Aṅgasampattivipattidassanamattena ādisanaṃ vuttaṃ “**aṅga**”nti iminā, “**lakkhaṇa**”nti iminā pana mahānubhāvātānīphādakaṃ aṅgalakkhaṇavisesadassanenāti ayametesāṃ visesoti. **Ahateti** nave. **Ito paṭṭhāyāti** devarakkhasamanussādībhedenā vivīdhaṃ vāttabhāge ito vā etto vā sañchinne idaṃ nāma bhogādi hotīti. **Dabbihomādīni** homassupakaraṇādivisesehi phalavisesadassanavasena pavattāni. **Aggihomam** vuttāvasesasādhanavasena pavattaṃ homaṃ. **Aṅgalaṭṭhinti** sarīraṃ. Abbhino satthaṃ **abbheyyaṃ**, māsurakkhena kato gantho **māsurakkho**. **Bhūrivijjā** sassabuddhikaraṇavijjāti sārasamāse. **Sapakkhaka...pe... catuppadānanti** piṅgalamakkhikādisapakkhaka gharagolikādiapakkhakadevamanussakoñcādivipadakakaṇṭakajambukādicatuppadānaṃ.

**23. “Asukadivase”**ti “pakkhassa dutiye tatiye”tiādi tithivasena vuttaṃ. **Asukanakkhattenāti** rohiṇīdīnakkhattayogavasena.

**24. Ukkānaṃ patananti** ukkobhāsānaṃ patanaṃ. Vātasāṅghātesu hi vegena aññamaññaṃ saṅghaṭṭentesu dīpakobhāso viya obhāso uppajjivā ākāsato patati, tatthāyaṃ ukkāpātavohāro. **Avisuddhatā** abbhamaṅgikādihi.

**25. Dhārānupaveccanaṃ** vassanaṃ. Hatthena adhippetaviññāpanaṃ **hatthamuddā**, taṃ pana aṅgulisaṅkocanena gaṇanāyeva. Pārasika milakkhakādayo viya navantavasena gaṇanā **acchiddakagaṇanā**. **Saṭṭuppadānādīti ādi**-saddena vokalanabhāgahārādike saṅgaṇhāti. **Cintāvaseṇāti** vatthūṃ anusandhiṇca sayameva cirena cintetvā karaṇavasena **cintākavi** vedītabbo, kiñci sutvā sutena assutaṃ anusandhetvā karaṇavasena **sutakavi**, kañci atthaṃ upadhāretvā tassa saṅkhipanavīthhāraṇādivasena **atthakavi**, yaṃ kiñci parena kataṃ kammaṃ nāṭakaṃ vā disvā taṃ sadisameva aññaṃ attano ṭhānupattikapāṭibhānena karaṇavasena **paṭibhānakavi** vedītabbo.

**26.** Pariggahabhāvena dārikāya gaṇhāpanaṃ **āvāhanaṃ**. Tathā dāpanaṃ **vivāhanaṃ**. Desantare diguṇatiguṇādīgahaṇavasena bhaṇḍappayojanaṃ **payogo**. Tattha vā aññattha vā yathākālaparicchedaṃ vaḍḍhigahaṇavasena payojanaṃ **uddhāro**. “Bhaṇḍamūlarahitānaṃ vāñijjaṃ katvā ettakenudayena saha mūlaṃ dethāti dhanadānaṃ **payogo**,

tāvakālikadānaṃ **uddhāro**”ti ca vadanti. **Tihi kāraṇehi** ettha vātena, pāṇakehi vā gabbhe vinassante na purimakkammunā okāso kato, tappaccayā kammaṃ vipaccati. Sayameva pana kammunā okāse kate na ekantena vāto pāṇakā vā apekkhitabbāti kammaṃsa viṣuṃ kāraṇabhāvo vuttoti daṭṭhabbaṃ. **Nibbāpaniyanti** upasamakaraṃ. **Paṭikammanti** yathā te na khādanti, tathā paṭikaraṇaṃ. **Parivattanatthanti** āvudhādinaṃ saha ukkhittahatthassa ukkhipanavasena parivattanatthaṃ. Icchitathassa devatāya kaṇṇe kathanavasena jappanaṃ **kaṇṇajappananti**. **Ādiccapāricariyā**ti karavīramālāhi pūjaṃ katvā sakaladivasam ādiccābhimukhāvattāhānena ādiccassa paricaraṇaṃ. “Siravhāyana”nti keci paṭhanti, tassatthomantaṃ parijappitvā sirasā icchitassa atthassa avhāyananti.

**27. Samiddhikāleti** āyācītassa atthassa siddhikāle. **Santipaṭissavakammanti** devatāyācanāya yā santi paṭikattabbā, tassā paṭiññāpaṭissavakammakaraṇaṃ, santiyā āyācanappayogoti attho. **Tasminti** paṭissavaphalabhūte yathābhipatthitakammaṃ, yaṃ “sace me idaṃ nāma samijjhissatī”ti vuttaṃ. **Tassā**ti santipaṭissavassa, yo “paṇidhī”ti ca vutto. Yathāpaṭissavañhi upahāre kate paṇidhi āyācanā katā niyyātītā hotīti. **Acchandikabhāvamattanti** itthiyā akāmakabhāvamattaṃ. **Līnganti** purisalingaṃ. **Balikammakaraṇaṃ** upaddavapaṭibāhanatthañceva vaḍḍhiāvahanatthañca. **Dosānanti** pittādidosānaṃ. Ettha ca **vamananti** pacchaṭṭanaṃ adhippetam. **Uddhamvirecananti** vamaṇaṃ “uddham dosānaṃ nīharaṇa”nti vuttatā. Tathā **virecananti** virecaneva. **Adhovirecananti** pana suddhivatthikasāvattāhi vattikiriyāpi adhippetā “adho dosānaṃ nīharaṇa”nti vuttatā. **Sisavirecanaṃ** semhanīharaṇādi. **Paṭalānīti** akkhipaṭalāni. **Salākavejjakammanti** akkhivejjakammaṃ, idaṃ vuttāvasesasālākīyasāṅgahaṇatthaṃ vuttanti daṭṭhabbanti. Tappanādayopi hi sālākīyānevāti. Mūlāni padhānāni rogūpasame samatthāni bhesajjāni **mūlabhesajjāni**, mūlānaṃ vā byādhiṇaṃ bhesajjāni **mūlabhesajjāni**. Mūlānubandhavasena hi duvidho byādhi. Mūlaroge ca ticicchite yebhuyyena itaraṃ vūpasamatīti. “**Kāyatikicchanam dasseti**”ti idaṃ komārabhaccasallakattasālākīyādikaraṇavisesabhūtātantaṃ tattha tattha vuttatā pārisesavasena vuttaṃ, tasmā tadavasesāya tantiyāpi idha saṅgaho daṭṭhabbo. Sabbāni cetāni ājīvahetukāniyeva idhādhippetāni “micchājīvena jīvikam kappenti”ti vuttatā. Yaṃ pana tattha tattha pāliyaṃ “**iti vā**”ti vuttaṃ, tattha **itīti** pakāratthe nipāto, **vā-iti** vikappanathe. Idaṃ vuttaṃ hoti iminā pakārena, ito aññe na vāti. Tena yāni ito bāhirakapabbajitā sippāyatanavijjāṭṭhānādīni jīvikopāyabhūtāni ājīvapakatā upajīvanti, tesam pariggaho katoti veditabbo.

Mahāsīlavanānaṃ niṭṭhītā.

### Pubbantakappikasassatavādavaṇṇanā

**28. Bhikkhusaṅghena vuttavaṇṇo** nāma “yāvañcidam tena bhagavatā”tiādinaṃ vuttavaṇṇo. Etthāyaṃ sambandho – na bhikkhave ettakā eva buddhaguṇā, ye tumhākaṃ pākaṭā, apākaṭā pana “atthi bhikkhave aññe dhammā”ti vitthāro. Tattha “ime diṭṭhiṭṭhānaṃ evaṃ gahitā”tiādinaṃ sassatādiṭṭhiṭṭhānaṃ yathāgahitākārasuññatabhāvappakāsanato, “tañca pajānanaṃ na parāmasatī”ti silādinañca aparāmāsanīyānikabhāvādīpanena nīccasārādivirahappakāsanato, yāsu vedanāsu avītarāgatāya bāhirakānaṃ etāni diṭṭhiṭṭhānāni sambhavanāni, tesam paccayabhūtānañca sammohādinaṃ vedakākārasabhāvābhāvādassanamukhena sabbadhammānaṃ attataniyatāvīrahādīpanato, anupādāparinibbānadīpanato ca ayaṃ desanā suññatāvībhāvanappadhānāti āha “**suññatāpakāsanam ārabhi**”ti. **Pariyattīti** vinayādibhedabhinnā tanti. **Desanā**ti tassā tantiyā manasāvavattāpitāya vibhāvanā, yathādhammaṃ dhammābhilāpabhūtā vā paññāpanā, anulomādivasena vā kathananti pariyattidesanānaṃ viṣeso pubbeyeva vavattāpitoti āha “**desanāyaṃ pariyattīya**”nti. **Evaṃ ādisūti** ettha **ādi-**saddena saccasabhāvasamādhīpaññāpakatipuññāpattīñeyyādayo saṅgayhanti. Tathā hi ayaṃ dhamma-saddo “catunnaṃ bhikkhave dhammānaṃ ananubodhā”tiādīsu (dī. ni. 2.186; a. ni. 4.1) sacce vattati, “kusalā dhammā akusalā dhammā”tiādīsu (dha. sa. 1) sabhāve, “evaṃdhammā te bhagavanto ahesu”ntiādīsu (saṃ. ni. 5.378) samādhimhi, “saccaṃ dhammo dhiti cāgo, sa ve pecca na socati”tiādīsu (su. ni. 190) paññāya, “jātidhammānaṃ bhikkhave sattānaṃ evaṃ icchā uppajjati”tiādīsu (ma. ni. 3.373; paṭi. ma. 1.33) pakatiyaṃ, “dhammo suciṇṇo sukhamāvahātī”tiādīsu (su. ni. 184; theragā. 303; jā. 1.10.102) puññe, “cattāro pārājikā dhammā”tiādīsu (pārā. 233) āpattīyaṃ, “sabbe dhammā sabbākārena buddhassa bhagavato ñānamukhe āpāthaṃ āgacchantī”tiādīsu (mahāni. 156; cūlāni. 85; paṭi. ma. 3.6) ñeyye vattati (ma. ni. aṭṭha. 1.suttanikkhepavaṇṇanā; abhi. aṭṭha. 1.tikamātikāpavāṇṇanā; bu. vaṃ. aṭṭha. ratanacaṅkamanakaṇḍavaṇṇanā). **Dhammā hontīti** suññā dhammamattā hontīti attho.

“**Duddasā**”ti eteneva tesam dhammānaṃ dukkhogāhatā pakāsītā hoti. Sace pana koci attano pamāṇaṃ ajānanto ñāṇena te dhamme ogāhituṃ ussāhaṃ kareyya, tassa taṃ ñāṇaṃ appatīṭṭhameva makasatunḍasūci viya mahāsamuddeti āha “**alabbhaneyyapatiṭṭhā**”ti. Alabbhaneyyā patiṭṭhā etthāti alabbhaneyyapatiṭṭhāti padaviggaho veditabbo. Alabbhaneyyapatiṭṭhānaṃ ogāhituṃ asakkuṇeyyatāya “ettakā ete īdisā cā”ti passituṃ na sakkāti vuttaṃ “**gambhīrattā eva duddasā**”ti. Ye pana daṭṭhumeva na sakkā, tesam ogāhitvā anubujjhane kathā eva natthīti āha “**duddasattā eva duranubodhā**”ti. Sabbapariṭṭhāpattippassaddhimatthake samuppānattā, nibbutasabbapariṭṭhāsamāpattisamokīṇattā ca **nibbutasabbapariṭṭhā**. **Santārammaṇāni** maggaphalanibbānāni anupasantasabhāvānaṃ kilesānaṃ saṅkhārānañca abhāvato. Atha vā samūhatavikkhepatāya nīccasamāhitassa manasikārassa vasena tadārammaṇadhammānaṃ santabhāvo veditabbo kasiṇuggahātimākāsatabbisayaviññāṇaṃ anantabhāvo viya. Avirajjhītvā nimittapaṭivedho viya issāsānaṃ avirajjhītvā dhammānaṃ yathābhūtasabhāvabodho sāduraso mahāraso ca hotīti āha **atittikaraṇatṭhenāti**. Paṭivedhappattānaṃ, tesu ca buddhānaṃyeva sabbākārena visayabhāvūpagamanato na takkabuddhiyā gocarāti āha “**uttamañānavisayattā**”tiādi. “**Nipuṇā**”ti ñeyyesu tikkhavisadavuttīyā chekā. Yasmā pana so chekabhāvo ārammaṇe appaṭihatavuttīyāya sukhumañeyyagahaṇasamatthāyā supākaṭo hoti, tena vuttaṃ “**saṅhasukhumasabhāvattā**”ti.

Aparo nayo – vinayapaṇṇattiādigambhīraneyyavibhāvanato **gambhīrā**. Kadāci asankhyeyyamahākappe atikkamitvāpi dullabhadassanatāya **duddasā**. Dassanañcetta paññācakkhavaseneva veditabbaṃ. Dhammanvayasaṅkhātassa anubodhassa kassacideva sambhavato **duranubodhā**. Santasabhāvato, veneyyānañca guṇasampadānaṃ pariyosānattā **santā**. Attano ca paccayehi padhānabhāvaṃ nītatāya **pañītā**. Samadhigatasaccalakkhaṇatāya atakkehi, atakkena vā ñāṇena avacaritabbatāya **atakkāvacaṛā**. Nipuṇaṃ, nipuṇe vā atthe saccappaccayākārādivasena vibhāvanato **nipuṇā**. Loke aggapaṇḍitena sammāsambuddhena vedīyanti pakāsīyanti **paṇḍitavedanīyā**. Anāvaraṇañāṇapaṭilābhato hi bhagavā “sabbavidū haṃ asmi, (dha. pa. 353; mahāva. 11; kathā. 405) dasabalasamannāgato bhikkhave tathāgato”tiādinā (saṃ. ni. 2.21) attano sabbaññutādiguṇe pakāseti. Tenevāha “**sayam abhiññā sacchikatvā pavedetī**”ti.

Tattha kiñcāpi sabbaññutaññānaṃ phalanibbānāni viya sacchikatabbasabhāvaṃ na hoti, āsavakkhayañāṇe pana adhigate adhigatameva hotīti tassa paccakkhakarānaṃ sacchikiriyāti āha “**abhivisiṭṭhena ñāṇena paccakkhaṃ katvā**”ti. **Abhivisiṭṭhena ñāṇenāti** ca hetuatthe karaṇavacanānaṃ, abhivisiṭṭhaññādhigamahetūti attho. **Abhivisiṭṭhaññānanti** vā paccavekkhañāṇe adhippete karaṇavacanānaṃpi yujjatiyeva. Pavedanañcetta aññāvisayānaṃ saccādināṃ desanākkiccasāghanato, “ekomhi sammāsambuddho”tiādinā (mahāva. 11; kathā. 405) paṭijānanato ca veditabbaṃ. **Vadamānāti** ettha sattiāttho **māna**-saddo, vattum ussāhaṃ karontoti attho. Evaṃbhūtā ca vattukāmā nāma hontīti āha “**vaṇṇaṃ vattukāmā**”ti. Sāvasesaṃ vadantopi viparītaṃ vadanto viya “sammā vadatī”ti na vattabboti āha “**ahāpetvā**”ti, tena anavesattho idha **sammā**-saddoti dasseti. “**Vattum sakkuṇeyyu**”nti iminā “vadeyyu”nti sakatthadīpanabhāvaṃ. Ettha ca kiñcāpi bhagavato dasabalādīñānāpi anaññāsādhāraṇāni, sappadesavisayattā pana tesam ñāṇānaṃ na tehi buddhaguṇā ahāpetvā gahitā nāma hontī, nippadesavisayattā pana sabbaññutaññāṇassa tasmim gahite sabbepi buddhaguṇā gahitā eva nāma hontīti imamattaṃ dasseti “**yehi...pe... vadeyyu**”nti. Puthūni ārammaṇāni etassāti **puthūrammaṇaṃ**, sabbārammaṇattāti adhippāyo. Atha vā puthūrammaṇārammaṇatoti etasmim atthe “puthūrammaṇato”ti vuttaṃ, ekassa ārammaṇa-saddassa lopaṃ katvā “oṭṭhamukho kāmāvacaṛa”nti ādisu viya, tenassa puthūññākkiccasādhakatam dasseti. Tathā hetam tisu kālesu appaṭihataññānaṃ, catuyoniparicchedakāññānaṃ, pañcagatiparicchedakāññānaṃ, chasu asādhāraṇāññesu sesāsādhāraṇāññāni, sattaariyapuggalavibhāvakaññānaṃ, aṭṭhasupi parisāsu akampanāññānaṃ, navasattāvāsaparījānanāññānaṃ, dasabalaññānanti evanādināṃ anekasatasahassabhedānaṃ ñāṇānaṃ yathāsambhavaṃ kiccaṃ sādhetīti. “**Punappunaṃ uppattivaseṇā**”ti etena sabbaññutaññāṇassa kamavuttitaṃ dasseti. Kamenāpi hi tam visayesu pavattati, na sakimyeva yathā bāhirakā vadanti “sakimyeva sabbaññū sabbam jānāti, na kamenā”ti.

Yadi evaṃ acinteyyāparimeyyabhedassa ñeyyassa paricchedavatā ekena ñāṇena niravasesato katham paṭivedhoti, ko vā evamāha “paricchedavantam buddhañña”nti. Anantañhi tam ñāṇam ñeyyam viya. Vuttañhetam “yāvatakaṃ ñeyyam tāvatakaṃ ñāṇam. Yāvatakaṃ ñāṇam, tāvatakaṃ ñeyya”nti (mahāni. 156; cūlani. 85; paṭi. ma. 3.5). Evampī jātibhūmisabhāvādivasena disādesakālādivasena ca anekabhedabhinne ñeyye kamena gayhamāne anavesapaṭivedho na sambhavati yevāti, nayidamevaṃ. Kasmā? Yaṃ kiñci bhagavatā ñāṭum icchitam sakalam ekadeso vā. Tattha appaṭihatacāratāya paccakkhato ñāṇam pavattati, vikkhepābhāvato ca bhagavā sabbakālam samāhitova ñāṭum, icchitassa paccakkhabhāvo na sakkā nivāretum “ākañkhāpaṭibaddham buddhassa bhagavato ñāṇa”ntiādi (mahāni. 156; cūlani. 85; paṭi. ma. 3.5) vacanato, na cettha dūrato cittaapaṭam passantānaṃ viya, “sabbe dhammā anattā”ti vipassantānaṃ viya ca anekadhammāvabodhakāle anirūpitarūpena bhagavato ñāṇam pavattatīti gahetabbaṃ acinteyyānubhāvatāya buddhaññassa. Tenevāha “buddhavisayo acinteyyo”ti (a. ni. 4.77). Idam panettha sannitṭhānaṃsabbākāreṇa sabbadhammāvabodhanasamatthassa ākañkhāpaṭibaddhavuttino anāvaraṇaññāṇassa paṭilābhena bhagavā santānena sabbadhammapaṭivedhasamattho ahoṣi sabbaneyyāvaraṇassa pahānato, tasmā sabbaññū, na sakimyeva sabbadhammāvabodhato, yathā santānena sabbaindhanassa dhanasamatthatāya pāvako “sabbabhū”ti vuccatīti.

**Vavatthāpanavacananti** sannitṭhāpanavacanānaṃ, avadhāraṇavacananti attho. **Aññe vāti** ettha avadhāraṇena nivattitaṃ dasseti “**na pañātipātā veramaṇiādayo**”ti, ayañca **eva**-saddo aniyatadesatāya ca-saddo viya yattha vutto, tato aññatthāpi vacanicchāvasena upatīṭhatīti āha “**gambhīrā vā**”tiādi. **Sabbapadehīti** yāva “paṇḍitavedanīyā”ti idam padaṃ, tāva sabbapadehi. **Sāvakaṇāpāramiññānanti** sāvakaṇam dānādīpāripūriyā nippannaṃ vijjattayachālabhiññācatuppaṭisambhidādhedam ñāṇam. **Tatoti** sāvakaṇāpāramiññānato. **Tatthāti** sāvakaṇāpāramiññāṇe. **Tatopīti** anantaranidditṭhato paccekabuddhaññātopi, ko pana vādo sāvakaṇāpāramiññānatoti adhippāyo. Etthāyaṃ atthayojanā – kiñcāpi sāvakaṇāpāramiññānaṃ heṭṭhimasekkhaññānaṃ puthujjanaññānañca upādāya gambhīraṃ, paccekabuddhaññānaṃ upādāya na tathā gambhīranti “gambhīramevā”ti na sakkā vattum. Tathā paccekabuddhaññānampi sabbaññutaññānaṃ upādāyāti tattha vavatthānaṃ na labbhati, sabbaññutaññānadharmā pana sāvakaṇāpāramiññānādināṃ viya kiñci upādāya agambhīrabhāvābhāvato gambhīrā vāti. Yathā cettha vavatthānaṃ dassitaṃ, evaṃ sāvakaṇāpāramiññānaṃ duddasaṃ, paccekabuddhaññānaṃ pana tato duddasataranti tattha vavatthānaṃ natthītiādinā vavatthānasabbhāvo netabbo. Tenevāha “**tathā duddasāva...pe... veditabba**”nti.

**Kasmā panetaṃ evaṃ āradhanti** etthāyaṃ adhippāyo – bhavatu tāva niravasesabuddhaguṇavibhāvanūpāyabhāvato sabbaññutaññānaṃ ekampi puthunissayārammaṇaññākkiccasiddhiyā “atthi bhikkhave aññeva dhammā”tiādinā bahuvacanena udditṭham, tassa pana vissajjanaṃ saccappaccayākārādivisesavasena anaññāsādhāraṇena vibhājananayena anārabhitvā sanissayānaṃ diṭṭhinaṃ vibhājanavasena kasmā āradhanti. Tattha yathā saccappaccayākārādināṃ vibhājanam anaññāsādhāraṇam, sabbaññutaññāṇasseva visayo, evaṃ niravasesena diṭṭhigatavibhājanampīti dassetaṃ



“**buddhānañhi**”tiādi āradhamaṃ. Tattha **ṭhānānīti** kāraṇāni. **Gajjitaṃ mahantaṃ hotīti** desetabbassa atthassa anekavidhatāya, duviññeyyatāya ca nānāyehi pavattamānaṃ desanāgajjitaṃ mahantaṃ vipulaṃ, bahubhedañca hoti. **Nānaṃ anupavisatīti** tato eva ca desanāñānaṃ desetabbadhamme vibhāgaso kurumānaṃ anupavisati, te anupavissa ṭhitaṃ viya hotīti attho.

**Buddhañāssa mahantabhāvo paññāyatīti** evaṃvidhassa nāma dhammassa desakaṃ paṭivedhakañcāti buddhānaṃ desanāñāssa paṭivedhañāssa ca uḷārabhāvo pākaṭo hoti. Ettha ca kiñcāpi “sabbamaṃ vacikammaṃ buddhassa bhagavato ñānapubbaṅgamaṃ ñānānuparivattī”ti (mahāni. 69; cūḷani. 85; paṭi. ma. 3.5; netti. 14) vacanato sabbāpi bhagavato desanā ñānarahitā natthi, sihasamānavuttitāya ca sabbattha samānussāhappavatti desetabbadhammavasena pana desanā visesato ñānena anupaviṭṭhā gambhīratarā ca hotīti daṭṭhabbamaṃ. Kathaṃ pana vinayapaṇṇattiṃ patvā desanā tilakkhañāhatā suññatāpaṭisaṃyuttā hotīti? Tatthāpi ca sannisinnaparisaṃyā ajjhāsayanurūpaṃ pavattamānā desanā sañkhārānaṃ aniccatādivibhāvanī, sabbadhammānaṃ attattaniyatābhāvappakāsāni ca hoti. Tenevāha “**anekapariyāyena dhammiṃ kathaṃ katvā**”tiādi.

**Bhūmantaranti** dhammānaṃ avatthāvisesañca ṭhānavisesañca. Tattha **avatthāvisesosati**ādidhammānaṃ satipaṭṭhānindriyabalabojjhaṅgamaggaṅgādibhedo. **Ṭhānaviseso** kāmāvacarādibhedo. **Paccayākārapadassa** attho hetṭhā vuttoyeva. **Samayantaranti** diṭṭhivisesā, nānāvihitā diṭṭhiyoti attho, aññasamayaṃ vā. **Evaṃ otiṇṇe vatthusminti** evaṃ lahukagarukādivasena tadanurūpe otiṇṇe vatthusmiṃ **sikkhāpadapaññāpanaṃ**.

Yadipi kāyānupassanādivasena satipaṭṭhānādayo suttantaṭṭhakepi (dī. ni. 2.374; ma. ni. 1.107) vibhattā, suttantabhājanīyādivasena pana abhidhammeyeva te savisesaṃ vibhattāti āha “**ime cattāro satipaṭṭhānā...pe... abhidhammapiṭakaṃ vibhajitvā**”ti. Tattha “**satta phassā**”ti sattaviññādhātusampayogavasena vuttaṃ. Tathā “**satta vedanā**”tiādisupi. **Lokuttarā dhammā nāmāti** ettha **iti**-saddo ādiattho, pakārattho vā, tena vuttāvasesaṃ abhidhamme āgataṃ dhammānaṃ vibhajitabbākāraṃ saṅgañhāti. Catuvīsati samantapaṭṭhānāni etthāti **catuvīsatisamantapaṭṭhānaṃ**, abhidhammapiṭakaṃ. Ettha paccayanayaṃ aggahetvā dhammavaseneva samantapaṭṭhānassa catuvīsatiividhatā vuttā. Yathāha –

“Tikañca paṭṭhānavaraṃ dukuttamaṃ,  
Dukatikañceva tikadukañca;  
Tikatikañceva dukadukañca,  
Cha anulomamhi nayā sugambhīrā. (paṭṭhā. 1.paccayaniddesa 41, 44, 48, 52);

Tathā –

Tikañca...pe... cha paccanīyamhi nayā sugambhīrā;  
Tikañca...pe... cha anulomapaccanīyamhi nayā sugambhīrā;  
Tikañca...pe... paccanīyanulomamhi nayā sugambhīrā”ti. (paṭṭhā. 1.paccayaniddesa 44, 52);

Evaṃ dhammavasena catuvīsatiibhedesu tikapaṭṭhānādīsu ekekaṃ paccayanayena anulomādivasena catubbidhaṃ hotīti channavuti samantapaṭṭhānāni. Tattha pana dhammānulome tikapaṭṭhāne kusallatike paṭiccavāre paccayanulome hetumūlake hetupaccayavasena ekūnapaññāsa pucchānayaṃ satta vissajjananayāti ādinā dassiyamānā anantabhedā nayāti āha “**anantanaya**”nti. Hoti cettha –

“Paṭṭhānaṃ nāma paccekaṃ dhammānaṃ anulomādimhi tikadukādīsu yā paccayamūlavisitṭhā catunayato sattadhā gati”ti.

**Navahākārehīti** uppādādīhi navahi paccayākārehi. Tattha uppajjati etasmā phalanti **uppādo**, uppattiyā kāraṇabhāvo. Sati ca avijjāya sañkhārā uppajjanti, na asati, tasmā **avijjā sañkhārānaṃ uppādo hutvā paccayo hoti**. Tathā avijjāya sati sañkhārā pavattanti dharanti, nivisanti ca, te avijjāya sati phalaṃ bhavādīsu khipanti, āyūhanti phaluppattiyā ghaṭanti, saṃyujjanti attano phalena, yasmim santāne sayañca uppānā, taṃ palibundhanti, paccayantarasaṃvāye udayanti uppajjanti, hinoti ca sañkhārānaṃ kāraṇabhāvaṃ gacchati, paṭicca avijjā sañkhārā ayanti pavattantīti evaṃ avijjāya sañkhārānaṃ kāraṇabhāvūpagamanavisesā uppādādayo veditabbā. Tathā sañkhārādīnaṃ viññānādīsu.

**Uppādaṭṭhiti**tiādisu ca tiṭṭhati etenāti ṭhiti, kāraṇaṃ. Uppādo eva ṭhiti **uppādaṭṭhiti**. Esa nayo sesesupi. Yasmā ayonisomanasikāro, “āsavasamudayā avijjāsamudayo”ti (ma. ni. 1.103) vacanato āsavā ca avijjāya paccayo, tasmā vuttaṃ “**ubhopete dhammā paccayasamuppānā**”ti. **Paccayapariggahe paññāti** sañkhārānaṃ avijjāya ca uppādādike paccayākāre paricchinditvā gahaṇavasena pavattā paññā. **Dhammaṭṭhitiñānanti** dhammānaṃ paccayuppānānaṃ paccayabhāvato dhammaṭṭhitisañkhāte paṭiccasamuppāde ñānaṃ. Paccayadhammā hi paṭiccasamuppāde “dvādasa paṭiccasamuppāda”ti vacanato dvādasa paccayā. Ayañca nayo na paccuppanne eva, atha kho atītānāgatakālepi, na ca avijjāya eva sañkhāresu, atha kho sañkhārādīnampi viññānādīsu labbhatīti paripuṇṇaṃ katvā paccayākārassa vibhattabhāvaṃ dassetuṃ “**atītampi addhāna**”ntiādi pāḷim ārabhi. Paṭṭhāne (paṭṭhā. 1.paccayaniddesa 1) dassitā

hetātipaccayā evettha uppādātipaccayākārehi gahitāti te yathāsambhavaṃ nīharitvā yojetabbā, ativithārabhayena pana na yojayimha.

**Tassa tassa dhammassāti** tassa tassa saṅkhārātipaccayuppannadhammassa. **Tathā tathā paccayabhāvenāti** uppādādihetātipaccayabhāvena. Atītapaccuppannānāgatavasena tayo addhā kālā etassāti **tiyaddham**. Hetuphalaphalāhetuhetuphalavasena tayo sandhī etassāti **tisandhim**. Saṅkhippanti ettha avijjādayo viññānādayo cāti saṅkhepo, kammaṃ vipāko ca. Saṅkhippanti etthāti vā saṅkhepo, avijjādayo viññānādayo ca. Koṭṭhāsapariyāyo vā **saṅkhepa**-saddo. Atīte kammaṃsaṅkhepādivasena cattāro saṅkhepā etassāti **catusaṅkhepaṃ**. Sarūpato avuttāpi tasmim tasmim saṅkhepe ākirīyanti avijjāsaṅkhārādiggahaṇehi pakāsīyanti ākāra, atīte hetuādīnaṃ vā pakāra ākāra, te saṅkhepe pañca pañca katvā vīsatiākārā etassāti **vīsatiākāraṃ**.

Khattiyādibhedena anekabhedabhinnāpi sassatavādīno jātisatasahassānussaraṇādīno abhinivesahetuno vasena cattārova honti, na tato uddham adhoti sassatavādīnaṃ parimāṇaparicchedassa anaññavisayatāṃ dassetuṃ **“cattāro janā”**tiādīmāha. Tattha **cattāro janāti** cattāro janasamūhā. **Idaṃ nissāyāti** idaṃ idappaccayatāya sammā aggahaṇaṃ, tatthāpi ca hetuphalabhāvena sambandhānaṃ santatighanassa abhedittatā paramatthato vijjānānampi bhedanibandhanaṃ nānattanayaṃ anupadhāretvā gahitaṃ ekattaggahaṇaṃ nissāya. **Idaṃ gaṇhantīti** idaṃ sassataggahaṇaṃ abhinivissa voharanti, iminā nayena ekaccasassatavādādayopettha yathāsambhavaṃ yojetvā vattabbā. **Bhinditvāti** “atappamanvāyā”tiādīnā vibhajtvā “tayidaṃ bhikkhave tathāgato pajānāti”tiādīnā vimadditvā **nijjaṭaṃ nigumbaṃ katvā** diṭṭhiṭṭhāvijaṭanena diṭṭhigumbavivaraṇena ca.

**“Tasmā”**tiādīnā buddhagūṇe ārabha desanāya samuṭṭhitattā sabbaññutaññānaṃ uddisitvā desanākusalo bhagavā samayanaraviggāhaṇavasena sabbaññutaññānameva vissajjetīti dasseti. **“Santi”**ti iminā tesam diṭṭhigatikānaṃ vijjānānāyā avicchinnaṃ, tato ca nesaṃ micchāgāhato sithilakaraṇavivecanehi attano desanāya kiccakāritaṃ, avitathatañca dīpeti dhammārajā.

**29. Atthīti** “saṃvijjantī”ti iminā samānattho puthuvacanavisayo eko nipāto “atthi imasmim kāye kesā”tiādīsu (dī. ni. 2.377; ma. ni. 1.110; ma. ni. 3.154; saṃ. ni. 4.127; khu. pā. 3.1) viya. Sassatādivasena pubbantaṃ kappentīti **pubbantakappikā**. Yasmā pana te taṃ pubbantaṃ purimasiddhehi taṇhādīṭṭhikappehi kappetvā, āsevanabalavatāya vicittavuttitāya ca vikappetvā aparabhāgasiddhehi abhinivesabhūtehi taṇhādīṭṭhiggāhehi gaṇhanti abhinivisanti parāmasanti, tasmā vuttaṃ **“pubbantaṃ kappetvā vikappetvā gaṇhantī”**ti. Taṇhupādānavasena vā kappanaggahaṇāni veditabbāni. Taṇhāpaccayā hi upādānaṃ. **Koṭṭhāsēsūti** ettha koṭṭhāsādīsūti attho veditabbo. Padapūraṇasamīpaummaggādīsūpi hi **anta**-saddo dissati. Tathā hi “iṅgha tvam suttante vā gāthāyo vā abhidhammaṃ vā pariyāpuṇassu (pāci. 442), suttante okāsaṃ kārapetvā”ti (pāci. 1221) ca ādīsu padapūraṇe anta-saddo vattati, gāmantāṃ osareyya, (pārā. 409; cūlava. 343) gāmantasenāsana”ntiādīsu samīpe, “kāmasukhallikānuyogo eko anto, atthīti kho kaccāna ayameko anto”tiādīsu (saṃ. ni. 2.15; 3.90) ummaggeti.

Kappa-saddo mahākappasamantabhāvakilesakāmavitakkakālapaññattisadisabhāvādīsū vattatīti āha **“sambahulesu atthesu vattati”**ti. Tathā hesa “cattārimāni bhikkhave kappassa asaṅkhyeyyāni”tiādīsū (a. ni. 4.156) mahākappe vattati, “kevalakappaṃ veḷuvanaṃ obhāsetvā”tiādīsū (saṃ. ni. 1.94) samantabhāve, “saṅkappo kāmo, rāgo kāmo, saṅkapparāgo kāmo”tiādīsū (mahāni. 1; cūlani. 8) kilesakāme, “takko vitakko saṅkappo”tiādīsū (dha. sa. 7) vitakke, “yena sudam niccakappaṃ viharāmi”tiādīsū (ma. ni. 1.387) kāle, “iccāyasmā kappo”tiādīsū (su. ni. 1090; cūlani. 113) paññattiyam, “satthukappena vata kira bho sāvakena saddhim mantayamānā na jānimhā”tiādīsū (ma. ni. 1.260) sadisabhāve vattatīti. **Vuttampi cetanti** mahāniddeṣaṃ (mahāni. 28) sandhāyāha. **Taṇhādīṭṭhivasenāti** diṭṭhiyā upanissayabhūtāya sahaṇāyā abhinandanabhūtāya ca taṇhāya, sassatādiākārena abhinivisantassa micchāgāhassa ca vasena. Pubbenivutthadhammavisayāya kappanāya adhippetattā atītakālavācako idha pubba-saddo, rūpādīkhandhavinimuttassa kappanāvattathuno abhāvā anta-saddo ca bhāgavācako āha **“atītaṃ khandhakoṭṭhāsa”**nti. **“Kappetvā”**ti ca tasmim pubbante taṇhāyanābhinivesānaṃ samatthanaṃ pariniṭṭhāpanamāha. **Ṭhitāti** tassā laddhiyā avijjanaṃ. **Ārabbhāti** ālambitvā. Visayo hi tassā diṭṭhiyā pubbanto. Visayabhāvato eva hi so tassā āgamaṇaṭṭhānaṃ, ārammaṇapaccayo cāti vuttaṃ **“āgamma paṭiccā”**ti.

**Adhivacanapadānīti** paññattipadāni. Dāsādīsū sirivaḍḍhakādi-saddā viya vacanamattameva adhikāraṃ katvā pavattiyā adhivacanaṃ paññatti. Atha vā adhi-saddo uparibhāve, vuccatīti vacanaṃ, upari vacanaṃ adhivacanaṃ, upādābhūtarūpādīnaṃ upari paññāpiyamānā upādāpaññattīti attho, tasmā paññattidīpakapadānīti attho daṭṭhabbo. Paññattimattañhetam vuccati, yadidaṃ “attā, loko”ti ca, na rūpavedanādayo viya paramattho. Adhikavuttitāya vā adhivuttiyoti diṭṭhiyo vuccanti. Adhikañhi sabhāvadhammesu sassatādīṃ pakatīādīdabbādīṃ jīvādīṃ kāyādīṃca abhūtamattaṃ ajjhāropetvā diṭṭhiyo pavattantīti.

**30. Abhivadantīti** “idameva saccaṃ, moghamañña”nti (ma. ni. 2.187, 203, 427; ma. ni. 3.27, 29) abhinivisitvā vadanti “ayaṃ dhammo, nāyaṃ dhammo”tiādīnā vivadanti. Abhivadanakiriyāya ajjāpi avicchedabhāvadassanattaṃ vattamānakālavacanaṃ. Diṭṭhi eva **diṭṭhigataṃ** “muttagataṃ, (ma. ni. 2.119; a. ni. 9.11) saṅkhāragata”ntiādīsū (mahāni. 41) viya. Gantabbābhāvato vā diṭṭhiyā gatamattaṃ, diṭṭhiyā gahaṇamattanti attho. Diṭṭhippakāro vā **diṭṭhigataṃ**. Lokiyā hi

vidhayuttatagatapakāra-sadde samānatthe icchanti. Ekekasmiñca “attā”ti, “loko”ti ca gahaṇavisesaṃ upādāya paññāpanaṃ hotīti āha “**rūpādīsu aññataraṃ attā ca loko cāti gahetvā**”ti. **Amararaṃ niccaṃ dhuvanti** sassatavevacanāni. Maraṇābhāvena vā **amararaṃ**, uppādābhāvena sabbathāpi atthitāya **niccaṃ**, thiraṭṭhena vikārahāvena **dhuvama**. “**Yathāhā**”tiadinā yathāvuttamatthaṃ niddesapaṭisambhīdāpālīhi vibhāveti. Ayañca attho “rūpaṃ attato samanupassati, vedanaṃ, saññaṃ, saṅkhāre, viññānaṃ attato samanupassati”ti imissā pañcavidhāya sakkāyaditṭhiyā vasena vutto. “Rūpavantaṃ attāna”ntiādikāya pana pañcadasavidhāya sakkāyaditṭhiyā vasena cattāro cattāro khandhe “attā”ti gahetvā tadaññaṃ “loko”ti paññapentīti ayampi attho labbhati. Tathā ekaṃ khandhaṃ ”attā”ti gahetvā tadaññe attano upabhogabhūto lokoti, sasantaṭipatite vā khandhe “attā”ti gahetvā tadaññe “loko”ti paññapentīti evampettha attho daṭṭhabbo. Etthāha – sassato vādo etesanti kasmā vuttaṃ, nanu tesam attā loko ca sassatoti adhippeto, na vādo ti? Saccametaṃ, sassatasahacaritāyā pana “vādo sassato”ti vuttaṃ yathā “kuntā pacarantī”ti. Sassato itī vādo etesanti vā itī-saddalopo daṭṭhabbo. Atha vā sassataṃ vadanti “idameva sacca”nti abhinivissa voharantīti sassatavādā, sassataditṭhinoti evampettha attho daṭṭhabbo.

**31. Ātāpanaṃ** kilesānaṃ vibādhanāṃ pahānaṃ. **Padahanaṃ** kosajjapakke patitūṃ adatvā cittassa ussahanaṃ. **Anuyogo** yathā samādhi visesabhāgiyataṃ pāpuṇāti, evaṃ vīriyassa bahulīkaraṇaṃ. Idha upacārappanācittaparidamanavīriyānaṃ adhippetattā āha “**tippabhedam vīriya**”nti. Nappamajjati etenāti **appamādo**, asammoso. Sammā upāyena manasi karoti kammaṭṭhānaṃ etenāti **sammāmanasikāro** ñāṇanti āha “**vīriyañca satīñca ñāṇañca**”ti. **Etthāti** “ātappa...pe... manasikāraṃ anvāyā”ti imasmiṃ pāṭhe. Sīlavissuddhiyā saddhiṃ catunnaṃ rūpāvacarajjhānānaṃ adhigamaṇapaṭipadā vattabbā, sā pana visuddhimagge vitthāro vuttāti āha “**saṅkhepattho**”ti. “**Tathārūpa**”nti cuddasavidhehi cittadamaṇehi rūpāvacaracattutthajjhānassa damitataṃ vadati.

Samādhānādiṭṭhaṅgasamannāgatarūpāvacaracattutthajjhānassa yogino samādhivijambhanabhūtā lokiyābhiññā **jhānānubhāvo**. “**Jhānādīna**”nti idaṃ jhānalābhissa visesena jhānadhammā āpāthaṃ āgacchanti, taṃmukhena sesadhammāti imamatthaṃ sandhāya vuttaṃ. **Janakabhāvaṃ paṭikkhipati**. Sati hi janakabhāve rūpādidhammānaṃ viya sukhādidhammānaṃ viya, ca paccayāyattavuttitāyā uppādvantatā viññāyati, uppāde ca sati avassambhāvī nirodhoti anavakāsāva niccatā siyāti. **Kūṭaṭṭha**-saddo vā loke accantanicce nirulho daṭṭhabbo. “**Esikaṭṭhāyitṭhito**”ti etena yathā esikā vātappahārādīhi na calati, evaṃ na kenaci vikāraṃ āpajjatiṭi vikārahāvamāha, “**kūṭaṭṭho**”ti iminā pana aniccatābhāvaṃ. Vikāropi vināsoyevāti āha, “**ubhayenapi lokassa vināsābhāvaṃ dīpeti**”ti. “**Vijjamaṇamevā**”ti etena kāraṇe phalassa atthibhāvadassanena abhivyattivādaṃ dīpeti. **Nikkhamatīti** ca abhivyattim gacchatīti attho. Kathaṃ pana vijjamaṇoyeva pubbe anabhivyatto abhivyattim gacchatīti? Yathā andhakārena paṭicchanno ghaṭo ālokena abhivyattim gacchati.

Idamettha vicāretabbaṃ – kiṃ karonto āloko ghaṭaṃ pakāsetīti vuccati, yadi ghaṭavisayaṃ buddhiṃ karonto, buddhiyā anuppannāya uppattidīpanato abhivyattivādo hāyati. Atha ghaṭabuddhiyā āvaraṇabhūtaṃ andhakāraṃ vidhamanto, evampi abhivyattivādo hāyatiyeva. Sati hi ghaṭabuddhiyā andhakāro kathaṃ tassā āvaraṇaṃ hotīti, yathā ghaṭassa abhivyatti na yujjati, evaṃ attanopi. Tatthāpi hi yadi indriyavisayādisannipātena anuppannāya buddhiyā uppatti, uppattivacaneneva abhivyattivādo hāyati, tathā sassatavādo. Atha buddhippavattiyā āvaraṇabhūtassa andhakāraṭṭhāniyassa mohassa vidhamanena. Sati buddhiyā kathaṃ moho āvaraṇanti, kiñci bhedasambhavato. Na hi abhivāṇjanakānaṃ candasūriyamaṇipadīpādīnaṃ bhedenā abhivāṇjitabānaṃ ghaṭādīnaṃ bhedo hoti, hoti ca visayabhedena buddhibhedoti bhīyopi abhivyatti na yujjatiyeva, na cettha vuttikappanā yuttā vuttiyā vuttimato ca anaññathānūjanantoti. **Te ca sattā sandhāvanti** ye idha manussabhāvena avaṭṭhitā, teyeva devabhāvādiupagamanena ito aññattha gacchanti, aññatthā katassa kammaṃ vināso, akatassa ca abbhāgamo āpajjeyyāti adhippāyo.

**Aparāparanti** aparasmā bhavā aparāṃ bhavaṃ. **Evaṃ saṅkhyāṃ gacchantīti** attano niccasabhāvattā na cutūpapattiyo, sabbabyāpitāya nāpi sandhāvanasaṃsaraṇāni, dhammānaṃyeva pana pavattivisesena evaṃ saṅkhyāṃ gacchanti, evaṃ voharīyanti adhippāyo. Etena avaṭṭhitasabhāvassa attano, dhammino ca dhammattaṃ uppajjati ceva vinassati cāti imaṃ vipariṇāmaṇvādaṃ dasseti. Yaṃ panettaṃ vattabbāṃ, taṃ parato vakkhāma. **Attano vādaṃ bhindatīti** sandhāvanādivacanasiddhāya aniccatāya pubbe paṭiññātaṃ sassatavādaṃ bhindati, viddhamsetīti attho. **Sassatisamanti** vā etassa sassataṃ thāvaraṃ niccakānti attho daṭṭhabbo.

**Hetuṃ dassentoti** yesaṃ “sassato”ti attānañca lokañca paññapeti ayaṃ ditṭhigatiko, tesam hetuṃ dassentoti attho. Na hi attano ditṭhiyā paccakkhatamatthaṃ attanoyeva sādheti, attano pana paccakkhatatena atthena attano appaccakkhabhūtaṃ atthaṃ sādheti. Attanā hi yathānicchitaṃ parehi viññāpeti, na anicchitaṃ. “**Hetuṃ dassento**”ti ettha idaṃ hetudassanaṃ – etesu anekesu jātisatasahassesu ekovāyaṃ me attā, loko ca anussaraṇasabbhāvato. Yo hi yamatthaṃ anubhavati, so eva taṃ anussarati, na añño. Na hi aññena anubhūtamattaṃ añño anussarituṃ sakkoti yathā taṃ buddharakkhitaṃ anubhūtaṃ dhammarakkhito. Yathā cetāsu, evaṃ ito purimatarāsupi jātīsūti. Kasmā sassato me attā ca loko ca. Yathā ca me, evaṃ aññesampi sattānaṃ sassato attā ca loko cāti? Sassatavasena ditṭhigahanaṃ pakkhanda ditṭhigatiko parepi tattha paṭiṭṭhapeti, pāliyaṃ pana “anekavihitāni adhivuttipadāni abhivadanti. So evaṃ āhā”ti ca vacanato parānumānavasena idha hetudassanaṃ adhippetanti viññāyati. **Kāraṇanti** tividhaṃ kāraṇaṃ sampāpakaṃ nībattakaṃ nīpakaṃ. Tattha ariyamaṃgo nībānassa sampāpakaṃ kāraṇaṃ, bijaṃ ankurassa nībattakaṃ kāraṇaṃ, paccayuppannatādayo aniccatādīnaṃ nīpakaṃ kāraṇaṃ, idhāpi nīpakaṃkāraṇameva adhippetam. Nīpako hi

ñāpetabbatthavisayassa ñāṇassa hetubhāvato kāraṇanti. Tadāyattavuttitāya taṃ ñāṇaṃ tiṭṭhati tatthāti “**ṭhāna**”nti, vasati tattha pavattatīti “**vatthū**”ti ca vuccati. Tathā hi bhagavatā vatthu-saddena uddisitvāpi ṭhānasaddena niddiṭṭhanti.

**32-33.** Dutiyatiyavādānaṃ paṭhamavādato natthi viseso ṭhapetvā kālavisesanti āha “**upari vādadvayepi eseva nayo**”ti. Yadi evaṃ kasmā sassatavādo catudhā vibhatto, nanu adhiccasamuppannikavādo viya duvidheneva vibhajitabbo siyāti āha “**mandapañño hi titthiyo**”tiādi.

**34. Takkayatīti** ūhayati, sassatādiākārena tasmim tasmim ārammaṇe cittaṃ abhiniropetīti attho. **Takkoti** ākoṭanalakkhaṇo vinicchayalakkhaṇo vā diṭṭhiṭṭhānabhūto vitakko. **Vīmaṃsā** nāma vicāraṇā, sā panettha atthato paññāpatirūpako lobhasahagatacittuppādo, micchābhiniveso vā ayonisomanasikāro, pubbhāge vā diṭṭhivipphanditanti daṭṭhabbā. Tenevāha “**tulanā rucanā khamanā**”ti. Pariyāhananaṃ vitakkassa ārammaṇaṇaṃ evāti āha “**tena tena pakārena takketvā**”ti. **Anuvaritanti** vīmaṃsāya anupavattitaṃ, vīmaṃsānugateṇa vā vicāreṇa anumajjitaṃ. Paṭi paṭi bhātīti paṭibhānaṃ, yathāsamihitākāravisesavibhāvako cittuppādo. Paṭibhānato jātaṃ paṭibhānaṃ, sayam attano paṭibhānaṃ **sayam paṭibhānaṃ**. Tenevāha “**attano paṭibhānamattasañjāta**”nti. **Matta**-saddena visesādhighamādayo nivatteti.

“**Anāgatepi evaṃ bhavissati**”ti idaṃ na idhādhippetatakkīvaseneva vuttaṃ, lābhītakkena evampi sambhavatīti sambhavadassanavasena vuttanti daṭṭhabbā. Yaṃ kiñci attanā paṭiladdhaṃ rūpādi sukhādi ca idha labbhatīti lābho, na jhānādiviseso. “**Evaṃ sati idaṃ hoti**”ti anicesu bhāvesu añño karoti, añño paṭisaṃvedetīti āpajjati, tathā ca sati katassa vināso, akatassa ca abbhāgamo siyā. Niccesu pana bhāvesu yo karoti, so paṭisaṃvedetīti na doso āpajjatiṭṭi takkikassa yuttigavesanākāraṃ dasseti.

**Takkamattenevāti** āgamādhighamādīnaṃ anussavādīnaṃca abhāvā suddhatakkeneva. Nanu ca visesalābhiniopi sassatavādino attano visesādhighamāhetu anekesu jātisatasahassee dasasu saṃvaṭṭavivaṭṭesu cattālīsāya saṃvaṭṭavivaṭṭesu yathānubhūtaṃ attano santānaṃ tappaṭibaddhaṃca “attā, loko”ti ca anussarivā tato purimapurimatarāsupi jāṭisu tathābhūtaṃ atthitānuvitakkanamukhena sabbesampi sattānaṃ tathābhāvānuvitakkanavaseneva sassatābhinivesino jāṭā, evaṃca sati sabbopi sassatavādī anussutijātissaratakkikā viya attano upaladdhavatthunibandhanena takkanena pavattavādattā takkīpakkeyeva tiṭṭheyya, avassaṃca vuttappakāraṃ takkanamicchitabbaṃ, aññathā visesalābhī sassatavādī ekaccasassatikapakkhaṃ, adhiccasamuppannikapakkhaṃ vā bhajeyyāti? Na kho panetaṃ evaṃ daṭṭhabbā, yasmā visesalābhīnaṃ khandhasantānaṃ dīghadīghataradīghatamakālānussaraṇaṃ sassataggāhassa asādhāraṇakāraṇaṃ. Tathā hi “**anekavihitaṃ pubbenivāsaṃ anussarāmi. Imināmahametaṃ jānāmi**”ti anussaraṇameva padhānakāraṇabhāvena dassitaṃ. Yaṃ pana tassa “**imināmahametaṃ jānāmi**”ti pavattaṃ takkanaṃ, na taṃ idha padhānaṃ anussaraṇaṃ pati tassa appadhānabhūtattā. Yadi evaṃ anussavādīnampi padhānabhāvo āpajjatiṭṭi ce? Na, tesam sacchikiriyāya abhāvena takkappadhānatā, padhānakāraṇena ca niddeso nirulho sāsane loke ca yathā “**cakkhuvīññānaṃ, yavaṅkuro**”ti ca.

Atha vā visesādhighamanibandhanarahitassa takkanassa viṣuṃ sassataggāhe kāraṇabhāvadassanattaṃ visesādhighamo viṣuṃ sassataggāhākāraṇaṃ vattabbo, so ca mandamajjhaticchāpaññāvasena tividhoti bhagavatā sabbatakkino takkībhāvasāmaññena ekajjhaṃ gahetvā catudhā vavatthāpito sassatavādo. Yadi anussavādivasena takkikānaṃ viya mandapaññādīnampi hīnādivasena anekabhedasabbhāvato visesalābhīnampi bahudhā bhedo sambhavati, sabbe pana visesalābhīno mandapaññādivasena tayo rāsī katvā tattha ukkaṭṭhavasena anekajātisatasahasadasaṃvaṭṭavivaṭṭacattārīsasaṃvaṭṭavivaṭṭānussaraṇena ayaṃ vibhāgo vutto. Tīsupi rāsīsu ye hīnamajjhapaññā, te vuttaparicchedato ūnakameva anussaranti. Ye pana tattha ukkaṭṭhapaññā, te vuttaparicchedaṃ atikkamivā nānussarantīti evaṃ panāyaṃ desanā. Tasmā aññatarabhedasaṅghavaseneva bhagavatā cattārīṭṭhānāni vibhattāntīti vavatthitā sassatavādīnaṃ catubbidhatā. Na hi idha sāvasesaṃ dhammaṃ deseti dhammarājā.

**35. “Aññatarenā”**ti etassa atthaṃ dassetuṃ “**ekenā**”ti vuttaṃ. **Vā**-saddassa pana aniyamatthataṃ dassetuṃ “**dvīhi vā tīhi vā**”ti vuttaṃ. Tena catūsu ṭhānesu yathārahaṃ ekaccaṃ ekaccassa paññāpane sahakārīkāraṇanti dasseti. Kiṃ panetāni vatthūni abhinivesassa hetu, udāhu paṭiṭṭhāpanassa. Kiñcetta yadi tāva abhinivesassa, kasmā anussaraṇatakkānāniyeva gahitāni, na saññāvīpallāsādayo. Tathāhi viparītasāññā ayonisomanasikāraasappurisūpanissayaasaddhammassavanādīni micchādīṭṭhiyā pavattanaṭṭhānāni. Atha paṭiṭṭhāpanassa adhigamayuttiyo viya āgamopi vatthubhāvena vattabbo, ubhayatthāpi “**natthi ito bahiddhā**”ti vacanaṃ na yujjati? Na. Kasmā? Abhinivesapakke tāva ayaṃ diṭṭhigatiko asappurisūpanissayaasaddhammassavanehi ayoniso ummujjivā vipallāsasañño rūpādīdhammānaṃ khaṇe khaṇe bhijjanasabhāvassa anavabodhato dhammayuttim atidhāvanto ekattanayaṃ micchā gahetvā yathāvuttānussaraṇatakkehi khandhesu “**sassato attā ca loko cā**”ti (dī. ni. 1.31) abhinivesaṃ janesi. Iti āsannakāraṇattā, padhānakāraṇattā, taggahaṇeneva ca itaresampi gahitattā anussaraṇatakkānāniyeva idha gahitāni. Paṭiṭṭhāpanapakke pana āgamopi yuttipakkeyeva ṭhito visesato bāhirakānaṃ takkagāhibhāvato anussaraṇatakkānāniyeva diṭṭhiyā vatthubhāvena gahitāni. Kiñca bhīyo duvidhaṃ lakkhaṇaṃ paramatthadhammānaṃ sabhāvalakkhaṇaṃ sāmāññalakkhaṇaṃcāti. Tattha sabhāvalakkhaṇāvabodho paccakkhaññaṃ, sāmāññalakkhaṇāvabodho anumānaññaṃ, āgamo ca sutamayāya paññāya sādhanato anumānaññaṃmeva āvati, sutānaṃ pana dhammānaṃ ākāraparivitakkanena nijjhānakkhantiyaṃ ṭhito cintāmayā paññaṃ nibbattetvā anukkamena bhāvanāya paccakkhaññaṃ adhigacchatīti evaṃ āgamoṃ takkavisayaṃ nāttikkamatīti taggahaṇena gahitovāti veditabbo. So aṭṭhakathāyaṃ anussutitakkagahaṇena vibhāvīti yuttaṃ evidaṃ “**natthi ito bahiddhā**”ti. “**Anekavihitāni adhivuttipadāni abhivadanti, sassataṃ attānaṃca lokaṃca**

paññapentī”ti (dī. ni. 1.30) ca vacanato patiṭṭhāpanavattḥūni idhādhippetānti daṭṭhabbam.

**36. Diṭṭhiyeva diṭṭhiṭṭhānaṃ** paramavajjatāya anekavihitānaṃ anattḥānaṃ hetubhāvato. Yathāha “micchādiṭṭhiparamāhaṃ bhikkhave vajjam vadāmi”ti (a. ni. 1.310) “**yathāhā**”tiādinaṃ paṭisambhidāpāliyā (paṭi. ma. 1.124) diṭṭhiyā ṭhānavibhāgaṃ dasseti. Tatha **khandhāpi diṭṭhiṭṭhānaṃ** ārammaṇaṭṭhena “rūpaṃ paṭalo samanupassati”tiādi (saṃ. ni. 3.81, 345) vacanato. **Avijjāpi diṭṭhiṭṭhānaṃ** upanissayādibhāvena pavattanato. Yathāha “assutavā bhikkhave puthujjano ariyānaṃ adassāvī ariyadhammassa akovido”tiādi (ma. ni. 1.2; paṭi. ma. 1.130). **Phassopi diṭṭhiṭṭhānaṃ**. Yathā cāha “tadapi phassapaccayā, (dī. ni. 1.118 ādayo) phussa phussa paṭisaṃvedentī”ti (dī. ni. 1.144) ca. **Saññāpi diṭṭhiṭṭhānaṃ**. Vuttañcetam “saññānidānā hi papañcasāṅkhā, (su. ni. 880; mahāni. 109) pathavito saññatvā”ti (ma. ni. 1.2) ca ādi. **Vitakkopi diṭṭhiṭṭhānaṃ**. Vuttampi cetam “takkañca diṭṭhīsu pakappayitvā, saccam musāti dvayadhammamāhū”ti (su. ni. 892) “takki hoti vīmaṃsi”ti (dī. ni. 1.34) ca ādi. **Ayonisomanasikāropi diṭṭhiṭṭhānaṃ**. Tenāha bhagavā “tassa evaṃ ayoniso manasi karoto channaṃ diṭṭhīnaṃ aññatārā diṭṭhi uppajjati. ‘Atthi me attā’ti vā assa saccato thetato diṭṭhi uppajjati”tiādi (ma. ni. 1.19). Samuṭṭhāti etenāti samuṭṭhānaṃ samuṭṭhānabhāvo **samuṭṭhānaṭṭho**. **Pavattitāti** parasantānesu uppādītā. **Pariniṭṭhāpītāti** abhinivesassa pariyoṣānaṃ matthakaṃ pāpītāti attho. “**Ārammaṇavasenā**”ti aṭṭhasu diṭṭhiṭṭhānesu khandhe sandhāyāha. **Pavattanavasenāti** avijjādayo. **Āsevanavasenāti** pāpamittaparatoḥosādīnampi sevanaṃ labbhatiyeva. Atha vā **evaṃgatikāti** evaṃgamaṇā, evaṃniṭṭhāti attho. Idam vuttam hoti – ime diṭṭhisāṅkhātā diṭṭhiṭṭhānā evaṃ paramatthato asantaṃ attānaṃ sassatabhāvañcassa ajjhāropetvā gahitā, parāmatṭhā ca bālalapanā yāva paṇḍitā na samanuyujjanti, tāva gacchanti pavattanti. Paṇḍitehi samanuyujjiamānā pana anavaṭṭhitavattḥukā avimaddakkhamā sūriyuggamane ussāvabindū viya khajjopanakā viya ca bhijjanti vinassanti cāti.

Tatthāyaṃ anuyujjane saṅkhepakathā – yadi hi parena parikkappito attā loko vā sassato siyā, tassa nibbikāratāya purimarūpāvijahanato kassaci visesādhānassa kātuṃ asakkuṇeyyatāya ahitato nivattanattham, hite ca paṭipattiattham upadeso eva nippayojano siyā sassatavādino, katham vā so upadeso pavattiyati vikārabhāvato, evaṃca attano ajaṭākāsassa viya dānādikiriyā hiṃsādikiriyā ca na sambhavati. Tathā sukhasa dukkhassa anubhavananibandho eva sassatavādino na yujjati kammabaddhābhāvato, jātiādīnañca asambhavato kuto vimokkho, atha pana dhammamattaṃ tassa uppajjati ceva vinassati ca, yassa vasenāyaṃ kiriyādivohāroti vadeyya, evampi purimarūpāvijahanena avaṭṭhitassa attano dhammamattanti na sakkā sambhāvetuṃ, te vā panassa dhammā avatthābhūtā aññe vā siyuṃ anaññe vā. Yadi aññe, na tāhi tassa uppannāhipi koci viseso atthi. Yāhi karoti paṭisaṃvedeti cavati upapajjati cāti icchitaṃ, tasmā tadavattho eva yathāvuttadoso. Kiñca dhammakappanāpi niratthikā siyā, athānaññe uppādavinasavantihi avatthāhi anaññassa attano tāsam viya uppādavinasasabbhāvato kuto niccatāvakāso, tāsampi vā attano viya niccatāti bandhavimokkhānaṃ asambhavo evāti na yujjatiyeva sassatavādo. Na cetha koci vādī dhammaṇaṃ sassatabhāve parisuddham yuttim vattum samattho, yuttirahitañca vacanaṃ na paṇḍitānaṃ cittaṃ ārādhetīti. Tena vuttam “yāva paṇḍitā na samanuyujjanti, tāva gacchanti pavattanti”ti. Kammavasena abhimukho sampareti etthāti **abhisamparāyo**, paroloko.

“**Sabbaññutaññānañcā**”ti idam idha sabbaññutaññānassa vibhajiyaṃmānattā vuttam, tasmim vā vutte tadadiṭṭhānato āsavakkhayañānaṃ, tadavinābhāvato sabbampi vā bhagavato dasabalādīñānaṃ gahitameva hotīti katvā. **Pajānantopīti pi**-saddo sambhāvane, tena “**tañcā**”ti ettha vuttam ca-saddatthamāha. Idam vuttam hoti – taṃ diṭṭhigatato uttaritaram sārabhūtaṃ silādiguṇavisesampi tathāgato nābhinivisati, ko pana vādo vaṭṭamiseti. “**Aha**”nti diṭṭhivasena vā taṃ parāmasanākāramāha. **Pajānāmīti** ettha **īti**-saddo pakārattho, tena “mama”nti tañhāvasena parāmasanākāram dasseti. Dhammasabhāvaṃ atikkamitvā parato āmasanaṃ **parāmāso**. Na hi taṃ atthi, khandhesu yaṃ “aha”nti vā, “mama”nti vā gahetabbam siyā. Yo pana parāmāso tañhādayova, te ca bhagavato bodhimūleyeva pahīnāti āha “**parāmāsakilesāna**”ntiādi. **Aparāmāsatotī** vā nibbutivedanassa hetuvacanaṃ, “**viditā**”ti idam padaṃ apekkhitvā kattari sāmivacanaṃ, aparāmasanahetu parāmāsarahitāya paṭipattiyā tathāgatena sayameva asankhatadhātu adhigatāti evaṃ vā ettha attho daṭṭhabbo.

“**Yāsu vedanāsū**”tiādinaṃ bhagavato desanāvīlāsaṃ dasseti. Tathā hi khandhāyatanādivasena anekavidhāsu catusaccadesanāsu sambhavantīsūpi yaṃ tathāgatānaṃ desanāsu paṭipatti, yaṃ diṭṭhigatikā micchāpaṭipattiyā diṭṭhigahanaṃ pakkhandāti dassanattam vedanāyeva pariññāya bhūmidassanattam uddhaṭā. **Kammaṭṭhānanti** catusaccakammaṭṭhānaṃ. **Yathābhūtaṃ viditvāti** vipassanāpaññāya vedanāya samudayādīni ārammaṇapaṭivedhavasena maggapaññāya asammoḥapaṭivedhavasena jānitvā, paṭivijjhivāti attho. **Paccayasamudayaṭṭhenāti** “imasmim sati idam hoti, imassuppādā idam uppajjati”ti (ma. ni. 1.404; saṃ. ni. 2.21; udā. 1) vuttalakkaṇena avijjādīnaṃ paccayānaṃ uppādena ceva maggena asamugghātena ca. **Nibbatilakkhaṇanti** uppādalakkhaṇaṃ, jātinti attho. **Pañcannaṃ lakkhaṇānanti** ettha catunnaṃ paccayānampi uppādalakkhaṇameva gahetvā vuttanti gahetabbam, yasmā paccayalakkhaṇampi labbhatiyeva, tathā ceva saṃvaṇṇitaṃ. **Paccayanirodhaṭṭhenāti** etthāpi vuttanayānūsārena attho veditabbo. **Yanti** yasmā, **yaṃ** vā sukhaṃ somanassaṃ. **Paṭiccāti** ārammaṇapaccayādibhūtaṃ vedanaṃ labhitvā. **Ayanti** sukhasomanassānaṃ paccayabhāvo, sukhasomanassameva vā, “assādo”ti padaṃ pana apekkhitvā pullīganiddeso. Ayañhettha saṅkhepattho – purimuppannaṃ vedanaṃ ārabha somanassuppattiyā yo purimavedanāya assādetabbākāro somanassasādanākāro, yaṃ assādoti. Katham pana vedanaṃ ārabha sukhaṃ uppajjati? Cetasikasukhasa adhippetattā nāyaṃ doso. Visenaṃ hettha somanassaggaṇaṃ sukhaṃ somanassanti “rukko siṃsapā”ti yathā.

“**Aniccā**”ti iminā saṅkhāradukkhatāvasena upekkhāvedanāya, sabbavedanāsuyeva vā ādīnavamāha, itarehi

itaradukkhatavasena yathākkamaṃ dukkhasukhavedanānaṃ, avisesena vā tīṇipi padāni sabbāsampi vedanānaṃ vasena yojetabbāni. **Ayanti** yo vedanāya hutvā abhāvaṭṭhena aniccabhāvo, udayabbayaṭṭipīlanatṭhena dukkhabhāvo, jarāya maraṇena cāti dvedhā vipariṇāmetabbabhāvo ca, ayaṃ vedanāya ādīnavo, yato vā ādīnaṃ paramakāruṇīyaṃ vāti pavattatīti. **Vedanāya nissaraṇanti** ettha **vedanāyāti** nissakkavacanaṃ, yāva vedanāṭṭipibaddhaṃ chandarāgaṃ na pajahati, tāvāyaṃ puriso vedanaṃ allinoyeva hoti. Yadā pana taṃ chandarāgaṃ pajahati, tadāyaṃ puriso vedanāya nissaṭo viṣaṃyutto hotīti chandarāgappahānaṃ vedanāya nissaraṇaṃ vuttaṃ. Ettha ca vedanāggahaṇena vedanāya sahaḷātanissayārammaṇabhūtā ca rūpārūpadhammā gahitā eva hontīti pañcannampi upādānakkhandhānaṃ gahaṇaṃ daṭṭhabbaṃ. Vedanāsīsenā pana desanā āgatā, tattha kāraṇaṃ vuttameva, lakkhaṇahāranayena vā ayamattho vibhāvetabbo. Tattha vedanāggahaṇena gahitā pañcupādānakkhandhā dukkhasaccaṃ, vedanānaṃ samudayaggahaṇena gahitā avijjādayo samudayasaccaṃ, atthaṅgamanissaraṇapariyāyehi nirodhasaccaṃ, “yathābhūtaṃ viditvā”ti etena maggasaccanti evamettha cattāri saccāni veditabbāni. Kāmupādānaṃ ulakattā sesupādānaṃ, pahīne ca kāmupādāne upādānasesābhāvato “**vigatachandarāgatāya anupādāno**”ti vuttaṃ. **Anupādāvimuttoti** attano maggaphalappattiṃ bhagavā dasseti. “Vedanāna”ntiādinā hi yassā dhammadhātuyā suppaṭividdhattā imaṃ diṭṭhigataṃ sakāraṇaṃ sagatikaṃ pabhedato vibhajitum samattho ahoṣi, tassa sabbaññutaññāssa saddhiṃ pubbabhāgaṭṭipadāya uppattibhūmiṃ dasseti dhammarājā.

Paṭhamabhāṇavāraṇṇanā niṭṭhitā.

### Ekaccasassatavādavaṇṇanā

38. Sattesu saṅkhāresu ca ekaccaṃ sassataṃ etassāti ekaccasassato, ekaccasassatavādo. So etesaṃ atthīti **ekaccasassatikā**. Te pana yasmā ekaccasassato vādo diṭṭhi etesanti ekaccasassatavādā nāma honti, tasmā tamatthaṃ dassento āha “**ekaccasassatavādā**”ti. Iminā nayena **ekaccaasassatikā** dipadassapi attho veditabbo. Nanu ca “ekaccasassatikā”ti vutte tadaññassa ekaccassa asassatātasanniṭṭhānaṃ siddhameva hotīti? Saccaṃ siddhameva hoti atthato, na pana saddato. Tasmā supākaṭṭaṃ katvā dassetuṃ “ekaccaasassatikā”ti vuttaṃ. Na hi idha sāvasesaṃ katvā dhammaṃ deseti dhammassāmī. **Idhāti** “ekaccasassatikā”ti imasmimṃ pade. **Gahitāti** vuttā, tathā ceva attho dassito. **Idhāti** vā imissā desanāya. Tathā hi purimakā tayo vādā sattavasena, catuttho saṅkhārasena vibhatto. “**Saṅkhārekaccasassatikā**”ti idaṃ tehi sassatabhāvena gayhamānānaṃ dhammānaṃ yāthāvasabhāvadassanavasena vuttaṃ, na panekaccasassatikamatadassanavasena. Tassa hi sassatābhīmatā asāṅkhatamevāti laddhi. Tenevāha “cittanti vā...pe...ṭhassatī”ti. Na hi yassa bhāvassa paccayehi abhisāṅkhatabhāvaṃ paṭijānāti, tasseva niccadhuvādivbhāvo anumattakena sakkā paṭiññātuṃ. Etena “uppādavayadhuvatāyuttabhāvā siyā niccā, siyā aniccā siyā na vattabbā”tiādinā pavattassa sattabhaṅgavādassa ayuttatā vibhāvītā hoti.

Tatthāyaṃ ayuttatāvibhāvanā – yadi “yena sabhāvena yo dhammo atthīti vuccati, teneva sabhāvena so dhammo natthī”tiādinā vucceyya, siyā anekantavādo. Atha aññena, siyā na anekantavādo. Na cettha desantarādisambandhabhāvo yutto vattum tassa sabbalokasiddhattā, vivādābhāvato. Ye pana vadanti “yathā suvaṇṇaghaṭṭena makuṭe kate ghaṭṭabhāvo nassati, makuṭabhāvo uppajjati, suvaṇṇabhāvo tiṭṭhatiyeva, evaṃ sabbabhāvānaṃ koci dhammo nassati, koci dhammo uppajjati, sabhāvo pana tiṭṭhati”ti. Te vattabbā “kim taṃ suvaṇṇaṃ, yaṃ ghaṭṭe makuṭe ca avatṭhitam, yadi rūpādi, so saddo viya anicco. Atha rūpādi samūho, samūho nāma sammutimattaṃ. Na tassa atthitā natthitā niccatā vā labbhatī”ti anekantavādo na siyā. Dhammānaṃca dhammino aññathānaññathāsu doso vuttoyeva sassatavādavicāraṇāyaṃ. Tasmā so tattha vuttanayeneva veditabbo. Apica niccāniccānavattabbārūpo attā loko ca paramatthato vijjānānāṭṭipijānānato yathā niccādinā aññataraṃ rūpaṃ, yathā vā dīpādayo. Na hi dīpādinā udayabbayasabhāvānaṃ niccāniccānavattabbasabhāvāta sakkā viññātuṃ, jīvassa niccādisu aññataraṃ rūpaṃ viyāti evaṃ sattabhaṅgassa viya sesabhaṅgānampi asambhavoyevāti sattabhaṅgavādassa ayuttatā veditabbā.

Ettha ca “issaro nicco, aññe sattā aniccā”ti evaṃ pavattavādā sattekaccasassatikā seyyathāpi issaravādā. “Paramāṇavo niccā dhuvā, aṅukādayo aniccā”ti evaṃ pavattavādā saṅkhārekaccasassatikā seyyathāpi kāṇādā. Nanu “ekacce dhammā sassatā, ekacce asassatā”ti etasmimṃ vāde cakkhādīnaṃ asassatātasanniṭṭhānaṃ yathāsabhāvāvabodho eva, tayidaṃ kathaṃ micchādassananti, ko vā evamāha “cakkhādīnaṃ asassatābhāvasanniṭṭhānaṃ micchādassana”nti? Asassatesuyeva pana kesañci dhammānaṃ sassatābhāvābhīniveso idha micchādassanaṃ. Tena pana ekavāre pavattamānena cakkhādīnaṃ asassatābhāvāvabodho vidūsito saṃsaṭṭhabhāvato viṣasāsaṭṭho viya sappimaṇḍo sakiccakaraṇāsamatthātāya sammādassanapakke ṭhapetabbataṃ nārahaṭṭi. Asassatābhāvena nicchitāpi vā cakkhuādayo samāropitajīvasabhāvā eva diṭṭhigatikehi gayhanṭīti tadavabodhassa micchādassanabhāvo na sakkā nivāretum. Tenevāha “**cakkhum itipi...pe... kāyo itipi ayaṃ me attā**”tiādi. Evañca katvā asaṅkhatāya saṅkhatāya ca dhātuyā vasena yathākkamaṃ “ekacce dhammā sassatā, ekacce asassatā”ti evaṃ pavatto vibhajjavādopi ekaccasassatavādo āpajjati evampakārā codanā anavakāsā hoti aviparītadhammasabhāvasampañjattibhāvato.

Kāmañcettha purimavādepi asassatānaṃ dhammānaṃ “sassatā”ti gahaṇaṃ viṣesato micchādassanaṃ, sassatānaṃ pana “sassatā”ti gāho na micchādassanaṃ yathāsabhāvāggahaṇabhāvato. Asassatesuyeva pana “kecīdeva dhammā sassatā, kecī asassatā”ti gahetabbadhammesu vibhāgappavattiyā imassa vādassa vādantarātā vuttā, na cettha “samudāyantogadhattā ekadesassa sappadesasassataggāho nippadesasassataggāhe samodhānaṃ gacchati”ti sakkā vattum vādī tabbisayavisesavasena vādadvayassa pavattatā. Aññe eva hi diṭṭhigatikā “sabbe dhammā sassatā”ti abhinivittā, aññe

“ekaccasassatā”ti. Saṅkhāraṇaṃ anavasesapariyādānaṃ, ekadesapariḅḅaḅo ca vādadvayassa pariḅḅattoyeva. Kiṅca bhīyo anekavidhasamussaye ekavidhasamussaye ca khandhapabandhe abhinivesabhāvato. Catubbidhōpi hi sassatavādī jātivisesavasena nānavidharūpakāyasannissaye eva arūpadhammapuñje sassatābhinivesī jāto abhiññāṇena anussavādīhi ca rūpakāyabhedaggahaṇato. Tathā ca vuttaṃ “tato cuto amutra udapādi”nti (dī. ni. 1.32) “cavanti upapajjantī”ti ca ādi. Visesaḅbhī ekaccasassatiko anupadhāritabhedasamussaye eva dhammapabandhe sassatākāraggahaṇena abhinivisaṇaṃ janesi ekabhavapariyāpannakhandhasantānavisayattā tadabhinivesassa. Tathā ca tīsupi vādesu “taṃ pubbenivāsaṃ anussarati, tato paraṃ nāussarati”ti ettakameva vuttaṃ, takkānaṃ pana sassatekaccasassatavādīnaṃ sassatābhinivesaviseso rūpārūpadhammavisayatāya supākaṭṭoyevāti.

**39. Dīghassa kālassa atikkamenā**ti vivaṭṭavivaṭṭaṭṭhāyīnaṃ apagamena. Anekatthattā dhātūnaṃ **saṃ**-saddena yutto **vaṭṭa**-saddo viṇasavācīti āha “**vinassati**”ti, saṅkhayavasena vattatīti attho. Vipattikaramahāmeghasamuppattito paṭṭhāya hi yāva aṇusahagatopi saṅkhāro na hoti, tāva loko saṃvaṭṭatīti vuccati. **Lokoti** cettha pathavīdibhājanaloko adhippeto. **Uparibrahmalokesūti** parittasubhādīsu rūpībrahmalokesu. Aggīnā hi kappavuttāhānaṃ idhādhīpettaṃ bahulaṃ pavattanato. Tenevāha bhagavā “ābhassarasamvattanikā hontī”ti. **Arūpesu vāti vā**-saddena saṃvaṭṭamānalokadhātūhi aññalokadhātūsu vāti vikappanaṃ veditabbaṃ. Na hi “sabbe apāyasattā tadā rūpārūpabhavesu uppajjantī”ti sakkā viññātuṃ apāyesu dīghatamāyukānaṃ manussalokūpattiyā asambhavato. Satipi sabbasattānaṃ abhisāṅkhāramanāsā nibbattabhāve bāhirapaccayehi viṇā manasāva nibbattattā “manomayā”ti vuccanti rūpāvaccarasattā. Yadi evaṃ kāmahave opapātikasattānampi manomayabhāvo āpajjati? Nāpajjati adhicitabhūtena atisayamanasā nibbattasattesu manomayavohāratoti dassanto āha “**jhānāmanena nibbattattā manomayā**”ti. Evāṃ arūpāvaccarasattānampi manomayabhāvo āpajjati ce? Na, tattha bāhirapaccayehi nibbattetabbatāsāṅkāya eva abhāvato, “manasāva nibbattā”ti avadhāraṇāsambhavato. Niruḷho vāyaṃ loke manomayavohāro rūpāvaccarasattesu. Tathā hi “annamayo pānamayo manomayo ānandamayo viññāṇamayo”ti pañcadhā attānaṃ vedavādīno vadanti. Uccchedavādepi vakkhati “dibbo rūpī manomayo”ti (dī. ni. 1.86). Sobhanā pabhā etesu santīti **subhā**. “**Ukkamsenā**”ti ābhassaradeve sandhāyāha, parittābhā appamāñbhā pana dve cattāro ca kappe tiṭṭhanti. **Aṭṭhakappeti** aṭṭha mahākappe.

**40. Saṅṭhātīti** sampattikaramahāmeghasamuppattito paṭṭhāya pathavīsandhārakudakataṃsandhāravāyumahāpathavīdīnaṃ samuppattivasena ṭhāti, “sambhavati” icceva vā attho anekatthattā dhātūnaṃ. **Pakatiyāti** sabhāvena, tassa “suñña”nti iminā sambandho. Tattha kāraṇamāha “**nibbattasattānaṃ natthitāyā**”ti, anupannattāti attho, tena yathā ekaccāni vimānāni tattha nibbattasattānaṃ cutattā suññāni honti, na evamīdanti dasseti. Brahmaṃpārisajjabrahmapurohitamāhābrahmāno brahmakāyikā, tesāṃ nivāso bhūmipi “**brahmakāyikā**”ti vuttā. Kammaṃ upanissayavasena paccayo etissāti **kammappaccayā**. Atha vā tattha nibbattasattānaṃ vipaccanakakammaṃ sahakāripaccayabhāvato, kammaṃ paccayāti **kammappaccayā**. Utu samuṭṭhānaṃ etissāti **utusamuṭṭhānā**. “**Kammappaccayautusamuṭṭhānā**”ti vā pāṭho, kammāsahāyo paccayo, kammaṃ vā sahāyabhūto paccayo kammappaccayo, sova utu kammappaccayautu, so samuṭṭhānaṃ etissāti yojetabbaṃ. **Etthāti** “brahmavimāna”nti vuttāya brahmakāyikabhūmiyā. Kathaṃ pañitāya dutiyajjhānabhūmiyaṃ ṭhitānaṃ hīnāya paṭṭhamajjhānabhūmiyā upapatti hotīti āha “**atha sattāna**”ntiādi. **Otarantīti** upapajjanavasena heṭṭhābhūmiṃ gacchanti.

**Appāyuketī** yaṃ ulāraṃ puññakammaṃ kataṃ, tassa uppajjanārahavipākapabandhato appaparimāṇāyuke. **Āyuppamāṇenevāti** paramāyuppamāṇeneva. Kiṃ panetaṃ paramāyū nāma, kathaṃ vā taṃ paricchinnaṃpamāṇanti? Vuccate – yo tesāṃ tesāṃ sattānaṃ tasmīṃ tasmīṃ bhavavisesse purimasiddhabhavapatthanūpanissayavasena sarīravayavavaṇṇasaṅṭhānapamāṇādivisesā viya taṃtaṃgatinikāyādīsu yebhuyyena niyataparicchedo gabbhaseyyakāmāvacaradevarūpāvaccarasattānaṃ sukkasoṇitautubhojanādi utuādiḅḅapaccayuppānapaccayūpatthambhito vipākapabandhassa ṭhitikāliyaṃ, so yathāsakaṃ khaṇamattavaṭṭhāyīnampi attano sahaṅgātānaṃ rūpārūpadhammānaṃ ṭhapanākāravuttitāya pavattakāni rūpārūpajīvitindriyāni yasmā na kevalaṃ nesāṃ khaṇaṭṭhiyā eva kāraṇabhāvena anupālakāni, atha kho yāva bhavaṅgupacchedā anupabandhassa avicchedahetubhāvenāpi, tasmā āyuhetukattā kāraṇūpacārena āyu, ukkaṃsaparicchedavasena paramāyūti ca vuccati. Taṃ pana devānaṃ nerayikānaṃ uttarakurukānaṃ niyataparicchedaṃ, uttarakurukānaṃ pana ekantaniyataparicchedameva, avasiṭṭhamanussapetātiracchānānaṃ pana ciraṭṭhitisaṃvattanikakammabāhule kāle taṃkammāsahitasantānanājanitasukkaṇitappaccayānaṃ taṃmūlakānaṃ candasūriyasamavisamaparivattanādi janitautuāhārādisamavisama paccayānaṃ vasena cirācirakālato aniyataparicchedaṃ, tassa ca yathā purimasiddhabhavapatthanāvasena taṃtaṃgatinikāyādīsu vaṇṇasaṅṭhānādivisesaniyamo siddho dassanānussavādīhi, tathā ādito gahaṇasiddhiyā. Evāṃ tāsu tāsu upapattīsu nibbattasattānaṃ yebhuyyena samappamāṇaṭṭhitikālaṃ dassanānussavehi labhitvā taṃ paramataṃ ajjhosāya pavattitabhavapatthanāvasena ādito paricchedaniyamo veditabbo. Yasmā pana kammaṃ tāsu tāsu upapattīsu yathā taṃtaṃupapattiniyatavaṇṇādinibbattane samatthaṃ, evāṃ niyatāyuparicchedāsu upapattīsu paricchedātikkaṃmena vipākanibbattane samatthaṃ na hoti, tasmā vuttaṃ “**āyuppamāṇeneva cavanti**”ti. Yasmā pana upatthambhakasahāyehi anupālakappaccayehi upādinnakakkhandhānaṃ pavattetabbākāro atthato paramāyū, tassa yathāvuttaparicchedānatikkamanato satipi kammāvasese ṭhānaṃ na sambhavati, tena vuttaṃ “**attano puññabaleneva ṭhātuṃ na sakkoti**”ti. **Kappaṃ vāti** asaṅkhyeyyakappaṃ vā tassa upaḅḅhaṃ vā upaḅḅhakappato ūnamadhikaṃ vāti vikappanatto **vā**-saddo.

**41. Anabhiratīti** ekavihārena anabhirati. Sā pana yasmā aññehi samāgamicchā hoti, tena vuttaṃ “**aparassāpi sattassa āgamanapatthanā**”ti. Piyavattuvirahena piyavattualābhena vā cittavighāto **ukkaṇṭhitā**, sā atthato domanassacittuppādo

yeväti äha “**pañghasampayuttā**”ti. Dīgharattam jhānaratiyā ramamānassa vuttappakāram anabhiratinimittam uppannā “mama”nti ca “aha”nti ca gahañssa kārañabhūtā tañhādittīhiyo idha **paritassanā**. Tā pana cittaassa purimāvattāyā calanañ kampananti äha “**ubbijjanā phandanā**”ti. Tenevāha “**tañhātassanāpi dīṭṭhitassanāpi vaṭṭati**”ti. Yañ pana atthuddhāre “aho vata aññepi sattā itthattam āgaccheyyunti ayañ tañhātassanā nāmā”ti vuttam, tam dīṭṭhitassanāya viṣuñ udāharañam dassentena tañhātassanāmyeva tato niddhāretvā vuttam, na pana tattha dīṭṭhitassanāya abhāvato dīṭṭhabbam. **Tāsattassanā** cittutrāso. **Bhayānakanti** bheravāramañanimittam balavabhayañ. Tena sarīrassa thaddhabhāvo **chambhitattam bhayañ samveganti** ettha **bhayanti** bhañgānupassanāya ciññante sabbasañkhāro bhāyanavasena uppannam bhayaññam. **Samveganti** sahottappaññam, ottappameva vā. **Santāsanti** ādinavanibbidānupassanāhi sañkhārehi santassanāññam. Saha byāyati pavattati, dosañ vā chādetīti sahabyo, sahāyo, tassa bhāvañ **sahabyatam**.

**42. Abhibhavitvā ṭhito** ime satteti adhippāyo. Yasmā pana so pāsamsabhāvena uttamabhāvena ca “te satte abhibhavitvā ṭhito”ti attānañ maññati, tasmā vuttam “**jetṭhakohamasmi**”ti. **Aññadatthu dasoti** dassane antarāyābhāvavacanena, ñeyyavisesapariggāhikabhāvena ca anāvārañadassāvitam paṭijānātīti äha “**sabbañ passāmīti attho**”ti. **Bhūtabhabyānanti** ahesunti bhūtā, bhavanti bhavissantīti bhabyā, aṭṭhakathāyañ pana vattamānakālavaseneva bhabya-saddassa attho dassito. **Paṭhamacittakkañeti** paṭisandhicittakkañe. Kiñcāpi so brahmā anavaṭṭhitadassanattā puthujjanassa purimatarajātiparicitampi kammassakataññāñam vissajjetvā vikubbaniddhivasena cippuppattimattapaṭibaddhena sattanimmānena vipallaṭṭho “ahañ issaro kattā nimmātā”tiādinā issarakuttadassanañ pakkhandamāno abhinivisanavaseneva paṭiṭṭhito, na paṭiṭṭhāpanavasena “tassa evañ hotī”ti vuttattā, paṭiṭṭhāpanakkameneva pana tassa so abhiniveso jātoti dassanattam “**kārañato sādhetukāmo**”ti, “**paṭiññam katvā**”ti ca vuttam. Tenāha bhagavā “tam kissa hetū”tiādi. Tattha **manopañidhīti** manasā eva patthanā, tathā cittappavattimattamevāti attho, **itthabhāvanti** idappakāratam. Yasmā pana itthanti brahmattabhāvo idhādhippeto, tasmā “**brahmabhāvanti attho**”ti vuttam. Nanu ca devānañ upapattisamanantaram “imissā nāma gatiyā cavitvā iminā nāma kammunā idhūpapannā”ti paccavekkhañā hotīti? Saccam hoti, sā pana purimajātīsu kammassakataññāñe sammadeva nivīṭṭhājñāsayañam. Ime pana sattā purimāsūpi jāṭīsu issarakuttadassanavasena vinibandhābhinivesā ahesunti dāṭṭhabbam. Tena vuttam “**iminā maya**”ntiādi.

**43. Īsatīti īso**, abhibhūti attho. Mahā īso maheso, suppatiṭṭhamahesatāya pana parehi “maheso”ti akkhātabbatāya mahesakko, atisayena mahesakko **mahesakkhataroti** vacanattho dāṭṭhabbo. Yasmā pana so mahesakkhabhāvo ādhipateyyaparivārasampattiyā viññāyati, tasmā “**issariyaparivārasena mahāyasataro**”ti vuttam.

**44. Idheva āgacchatīti** imasmiñ manussaloke eva paṭisandhivasena āgacchati. **Yañ aññataro sattoti** ettha yanti nipātamattam, karañe vā paccattaniddeṣo, yena ṭhānenāti attho, kiriyaaparāmasanañ vā. **Itthattam āgacchatīti** ettha yadetam itthattassa āgamañam, etañ ṭhānañ vijjati attho. Esa nayo “**pabbajati, cetosamādhim phusati, pubbenivāsam anussarati**”ti etesūpi padesu. “ṭhānañ kho panetañ bhikkhave vijjati, yañ aññataro satto”ti imañhi padañ “pabbajati”tiādihi padehi paccekam yojettabbanti.

**45. Khiddāya padussantīti khiddāpadosino**, khiddāpadosino eva **khiddāpadosikā**, khiddāpadoso vā etesañ atthīti **khiddāpadosikā**. Atikkantavelañ **ativalañ**, āhārūpabhogakālañ atikkamitvāti attho. Methunasampayogena uppajjanakasukhañ **keñhassasukhañ ratidhammo** ratisabhāvo. **Āhārañti** ettha ko devānañ āhāro, kā āhārañlāti? Sabbesampi kāmāvacaradevānañ sudhā āhāro, sā heṭṭhimehi uparimānañ paññatamā hoti, tam yathāsakañ divasavasena divase divase bhuñjanti. Keci pana “biḷārapadappamañam sudhāhārañ bhuñjanti, so jivhāya ṭhapitamatto yāva kesagganakhaggā kāyañ pharati, tesamyeva divasavasena sattadivase yāpanasamatto ca hotī”ti vadanti. “**Nirantaram khādanā pivantā**”ti idañ parikkappavasena vuttam. **Kammajatejassa balavabhāvo** uḷārapuññanibhattattā, uḷāragarusiniddhasudhāhārañrañato ca. **Karajakāyassa mandabhāvo** mudusukhumālabhāvato. Teneva hi bhagavā indasālaguhāyañ pakatipathaviyañ sañṭhātuñ asakkontañ sakkam devarājānañ “oḷārikañ kāyañ adhiṭṭhehī”ti äha. **Tesanti** manussānañ. **Vatthunti** karajakāyañ. **Kecīti** abhayagirivāsino.

**47. Manenāti** issāpakattā paduṭṭhena manasā. Usūyāvasena manasova padoso manopadoso, so etesañ atthi vināsahetubhūtoti **manopadosikāti** evañ vā ettha attho dāṭṭhabbo. **Akuddho rakkhatīti** kuddhassa so kodho itarasmiñ akujjhante anupādāno ekavārameva uppattiyā anāsevāno cāvetuñ na sakkoti udakantañ patvā aggi viya nibbāyati, tasmā akuddho tam cavanato rakkhati, ubhosu pana kuddhesu bhīyyo bhīyyo aññamaññamhi parivaḍḍhanavasena tikhiñasamudācāro nissayadhanaraso kodho uppajjamañno hadayavatthuñ nidahanto accantasukhumālakarajakāyañ vināseti, tato sakalopi attabhāvo antaradhāyati. Tenāha “**ubhosu panā**”tiādi. Tathā cāha bhagavā “aññamaññam paduṭṭhacittā kilantakāyā...pe... cavantī”ti. **Dhammatāti** dhammaniyāmo. So ca tesam karajakāyassa mandatāya, tathāuppajjanakodhassa ca balavatāya ṭhānaso cavanañ, tesam rūpārūpadhammañam sabhāvoti adhippāyo.

**49. Cakkhānañ bhedañ passatīti** virodhipaccayasannipāte vikārāpattidassanato, ante ca adassanūpagamañato vināsañ passati oḷārikattā rūpadhammabhedañ. **Paccayañ datvāti** anantarapaccayādivasena paccayo hutvā. “**Balavatara**”nti cittaassa lahutarañ bhedañ sandhāya vuttam. Tathā hi ekasmiñ rūpe dharanteyeva soḷasa cittāni bhijjanti. **Bhedañ na passatīti** khañe khañe bhijjantampi cittañ parassa anantarapaccayabhāveneva bhijjati purimacittassa abhāvañ paṭicchādetvā viya pacchimacittassa uppattito bhāvapakko balavatāro pākāto ca hoti, na abhāvapakhoti cittaassa vināsañ



na passati, ayañca attho alātacakkadassanena supākaṭo viññāyati. Yasmā pana takkīvādī nānattanayassa dūrataratāya ekattanayassapi micchāgahitattā “yadevidam viññāṇam sabbadāpi ekarūpena pavattati, ayameva attā nicco” tiādīnā abhinivesam janeti, tasmā vuttam “so tam apassanto” tiādi.

### Antānantavādavaṇṇanā

**53. Antānantikā**ti ettha amati gacchati ettha sabhāvo osānanti anto, mariyādā. Tappaṭisedhena ananto, anto ca ananto ca antānanto ca nevantānānanto ca antānantā sāmāññaniddesena, ekasesena vā “nāmarūpapaccayā saḷāyatana” ntiādīsu (ma. ni. 3.176; sam. ni. 2.1; udā. 1) viya. Kassa pana antānantoti? Lokīyati saṃsāranissaraṇatthikehi diṭṭhigatikehi, lokīyanti vā ettha tehi puññāpuññam tabbipāko cāti lokoti saṅkhyam gatassa attano. Tenāha bhagavā “antānantam lokassa paññapenti” ti. Ko pana eso attāti? Jhānavisayabhūtakaṣiṇanimittam. Tattha hi ayam diṭṭhigatiko lokasaññī. Tathā ca vuttam “tam lokoti gahetvā” ti. Keci pana “jhānam taṃsampayuttadhammā ca idha ‘attā, loko’ ti ca gahitā” ti vadanti. Antānantasahacaritavādo antānanto, yathā “kuntā pacaranti” ti antānantasannissayo vā yathā “mañcā ghosanti” ti. So etesam atthīti **antānantikā**. Te pana yasmā yathāvuttanayena antānanto vādo diṭṭhi etesanti “**antānantavādā**” ti vuccanti. Tasmā aṭṭhakathāyam “antānantavādā” ti vatvā “antam vā” tiādīnā attho vibhatto.

Etthāha – yuttam tāva purimānam tiṇṇam vādīnam antattañca anantattañca antānantattañca ārabha pavattavādattā antānantikattam, pacchimassa pana tadubhayapaṭisedhanavasena pavattavādattā katha antānantikattanti? Tadubhayapaṭisedhanavasena pavattavādattā eva. Yasmā antānantapaṭisedhavādopi antānantavisayo eva tam ārabha pavattattā. Etadatthamyeva hi sandhāya aṭṭhakathāyam “ārabha pavattavādā” ti vuttam. Atha vā yathā tatiyavāde desabhedavasena ekasseva antavantatā anantatā ca sambhavati, evam takkīvādepi kālabhedavasena ubhayasambhavato aññamaññapaṭisedhena ubhayaññeva vuccati. Katham? Antavantatāpaṭisedhena hi anantatā vuccati, anantatāpaṭisedhena ca antavantatā, antānantānañca na tatiyavādabhāvo kālabhedassa adhippetattā. Idam vuttam hoti – yasmā ayam lokasaññito attā adhigatavisesehi mahesihi ananto kadāci sakkhidiṭṭhoti anusuyyati, tasmā nevantavā. Yasmā pana tehiyeva kadāci antavā sakkhidiṭṭhoti anusuyyati, tasmā na pana anantoti. Yathā ca anussutitakkīvasena, evam jātissarakkī ādīnañca vasena yathāsambhavam yojetabbam. Ayañhi takkiko avaḍḍhitabhāvapubbakattā paṭibhāganimittanam vaḍḍhitabhāvassa vaḍḍhitakālavasena appaccakkhakarītāya anussavādimatte ṭhatvā “nevantavā” ti paṭikkhipati. Avaḍḍhitakālavasena pana “na panānanto” ti, na pana antatānantatānam accantamabhāvena yathā tam “nevasaññināsaññī” ti. Purimavādattayaṭikkhepo ca attanā yathādhippetappakāravilakkhaṇatāya tesam, avassañcetam evam viññātabbam, aññathā vikkhepapakkhamyeva bhajeyya catutthavādo. Na hi antatānantatā tadubhayavinimutto attano pakāro atthi, takkīvādī ca yuttimaggako, kālabhedavasena ca tadubhayam ekasmimpi na na yujjati.

Keci pana yadi panāyam attā antavā siyā, dūradesa upapajjanānussaraṇādi kiccanipphatti na siyā. Atha ananto, idha ṭhitassa devalokanirayādīsu sukhadukkhānubhavanampi siyā. Sace pana antavā ca ananto ca, tadubhayadosasamāyogo. Tasmā “antavā, ananto” ti ca abyākaraṇīyo attāti evam takkanavasena catutthavādappavattim vaṇṇenti. Evampi yuttam tāva pacchimavādīdvayassa antānantikattam antānantānam vasena ubhayavisayattā tesam vādassa. Purimavādīdvayassa pana katham viṣum antānantikattanti? Upacāravuttīyā. Samudītesu hi antānantavādīsu pavattamāno antānantika-saddo tattha niruḷhatāya paccekampi antānantikavādīsu pavattati, yathā arūpajjhānesu paccekam aṭṭhavimokkharipariyāyo, yathā ca loke sattāsayoti. Atha vā abhinivesato purimakālapavattivasena ayam tattha vohāro kato. Tesāñhi diṭṭhigatikanam tathārūpacetosamādhisamadhigamato pubbakālam “antavā nu ayam loko, ananto nū” ti ubhayākārāvalambino parivittakkassa vasena niruḷho antānantikabhāvo viṣesalābhena tattha uppanepi ekaṃsaggāhe purimasiddharuḷhiyā voharīyati.

**54-60. Vuttanayenā**ti “takkayati takti” tiādīnā (dī. ni. aṭṭha. 1.34) saddato, “catubbidho takti” tiādīnā (dī. ni. aṭṭha. 1.34) atthato ca sassatavāde vuttavīdhinā. **Diṭṭhapubbānūsārenā**ti dassanabhūtena viññāṇena upaladdhapubbassa antavantādīno anussaraṇena. Evañca katvā anussutitakkīsuddhatakkīnampi idha saṅgaho siddho hoti. Atha vā diṭṭhaggahaṇeneva “naccagītavādīvisūkadassanā” tiādīsu (dī. ni. 10, 194) viya sutādīnampi gahitā veditabbā. “Antavā” tiādīnā icchitassa attano sabbadā bhāvaparāmasanavaseneva imesam vādānam pavattanato sassatadiṭṭhisāṅgaho daṭṭhabbo. Tathā hi vakkhati “sesā sassatadiṭṭhiyo” ti (dī. ni. aṭṭha. 97-98).

### Amarāvikkhepavādavaṇṇanā

**61. Na maratī**ti na ucchijjati. “Evampi me no” tiādīnā **vididho** nānappakāro **khepo** parena paravādīnam khipanam **vikkhepo**. Amarāya diṭṭhiyā vācāya ca vikkhipantīti vā amarāvikkhepino. Amarāvikkhepino eva **amarāvikkhepikā**. **Ito cito ca sandhāvati** ekasmim sabhāve anavaṭṭhānato. Amarā viya vikkhipantīti vā purimanayeneva saddattho daṭṭhabbo.

**62.** Vikkhepavādīno uttarimanussadhamme, akusaladhammepi sabhāvabhedavaseneva ñātuṃ ñāṇabalam natthīti kusalākusalapadānam kusalākusalakammāpathavaseneva attho. Paṭhamanayavaseneva apariyantavikkhepatāya amarāvikkhepaṃ vibhāvetuṃ “**evantipi me notī aniyamitavikkhepo**” ti vuttam. Tattha **aniyamitavikkhepoti** sassatādīsu ekasmimpi pakāre aṭṭhatvā vikkhepakaṇam, paravādīnā yasmim kismiñci pucchite pakāre tassa paṭikkhepoti attho. Dutiyanayavasena amarāsadisāya amarāya vikkhepaṃ dassetuṃ “**idam kusalanti vā puṭṭho**” tiādīmāha. Atha vā “evantipi

me no’’tiadinā aniyamatova sassatekaccasassatucchedatakkītvādānaṃ paṭisedhanena taṃ taṃ vādaṃ paṭikkhipateva aparīyantavikkhepavādattā amarāvikkhepino. Attanā pana anavaṭṭhitavādattā na kismiñci pakkhe avatiṭṭhatīti āha “**sayaṃ pana...pe... byākaroti**”ti. Idāni kusalādīnaṃ abyākaraṇena tameva anavaṭṭhānaṃ vibhāveti “idaṃ kusalanti vā puṭṭho’’tiadinā. Tenevāha “**ekasmimpi pakkhe na tiṭṭhatī**”ti.

**63.** Kusalākusalamaṃ yathābhūtaṃ appajānantopi yesamaḥaṃ samayena kusalameva “kusala’’nti, akusalameva ca “akusala’’nti byākareyyaṃ, tesu tathā byākaraṇahetu “aho vata re paṇḍito’’ti sakkārasammānaṃ karontesu mama chando vā rāgo vā assāti evampettha attho sambhavati. **Doso vā paṭigho vāti** ettha vuttavipariyāyena yojetabbaṃ. Aṭṭhakathāyaṃ pana attano paṇḍitabhāvavisayānaṃ rāgādīnaṃ vasena yojanā katā. “**Chandarāgadvayaṃ upādāna**’’nti abhidhammanayena vuttaṃ. Abhidhamme hi taṇhādīṭṭhiyova “upādāna’’nti āgatā, suttante pana dosopi “upādāna’’nti vutto “kodhupādānavinibandhā vighātaṃ āpajjanti’’tiādīsu. Tena vuttaṃ “**ubhayampi vā dalhaggahaṇavasena upādāna**’’nti. **Dalhaggahaṇaṃ** amuñcanaṃ. Paṭighopi hi upanāhādivasena pavatto ārammaṇaṃ na muñcati. **Vihanaṃ** hiṃsanaṃ vibādhanāṃ. Rāgopi hi pariṭāhavasena sāraddhavuttitāya nissayaṃ vibādhatīti. Vināsetukāmatāya ārammaṇaṃ gaṇhātīti sambandho.

**64. Paṇḍiccenāti** paññāya. Yena hi dhammena yutto “paṇḍito’’ti vuccati, so dhammo paṇḍiccaṃ, tena sutacintāmayāṃ paññaṃ dasseti, na pākātikakammaṇibbattaṃ sābhāvikapaññaṃ. Kata-saddassa kiriyāsāmaññaṃvācakattā “katavijjo’’tiādīsu viya kata-saddo ñāṇānuyuttataṃ vadatīti āha “**viññātaparappavādā**’’ti. Sattadhā bhinnassa vālaggassa aṃsukoṭivedhako “**vālavedhi**’’ti adhippeto.

**65-6.** Ettha ca kiñcāpi purimānampi tiṇṇaṃ kusalādīdhammasabhāvānavabodhato attheva mandabhāvo, tesāṃ pana attano kusalādīdhammānavabodhassa avabodhaviseso atthi, tadabhāvā pacchimoyeva mandamomūhabhāvena vutto. Nanu ca pacchimassāpi “atthi paroloko’’ti iti ce me assa, ‘atthi paroloko’’ti iti te naṃ byākareyyaṃ, evantipi me no’’tiādi (dī. ni. 1.65) vacanato attano dhammānavabodhassa avabodho atthiyevāti? Kiñcāpi atthi, na tassa purimānaṃ viya aparīññādatthammabyākaraṇanibandhanamusāvādādībhayaparījigucchanakāro atthi, atha kho mahāmūḥoyeva. Atha vā “evantipi me no’’tiadinā pucchāya vikkhepakaraṇatthaṃ “atthi paroloko’’ti iti ce maṃ pucchasi’’ti pucchāṭṭhapanameva tena dassīyati, na attano dhammānavabodhoti ayameva visesena “mando ceva momūho cā’’ti vutto. Teneva hi tathāvādīnaṃ sañjayaṃ belāṭṭhaputtaṃ ārabha “ayaṃ vā imesaṃ samaṇabrāhmaṇānaṃ sabbamando sabbamūḥo’’ti (dī. ni. 1.181) vuttaṃ. Tattha “atthi paroloko’’ti sassatadassanavasena sammādiṭṭhivasena vā pucchā. “Natthi paroloko’’ti natthikadassanavasena sammādassanavasena vā pucchā. “Atthi ca natthi ca paroloko’’ti ucchedadassanavasena sammādiṭṭhivasena eva vā pucchā. “Neva atthi na natthi paroloko’’ti vuttappakāratayapaṭikkhepe satī pakārantarassa asambhavato atthitānatthitāhi navattabbākāro parolokoti vikkhepaññaṃ purekkhārena sammādiṭṭhivasena vā pucchā. Sesacatukkattayepi vuttanayānusārena attho veditabbo. Puññasāṅkhārattiko viya hi kāyasāṅkhārattikena purimacatukkasaṅgahito eva attho. Sesacatukkattayena attaparāmāsapuññādi phalataḥcodanāyena saṅgahitoti.

Amarāvikkhepiko sassatādīnaṃ attano aruccanātāya sabbattha “evantipi me no’’tiadinā vikkhepaññaṃ karoti. Tattha “evantipi me no’’tiādi tattha tattha pucchitākārapaṭisedhanavasena vikkhipanākāradassanaṃ. Nanu ca vikkhepavādino vikkhepapakkhassa anujānaṃ vikkhepapakkhe avatṭhānaṃ yuttarūpanti? Na, tatthāpi tassa sammūḥattā, paṭikkhepavaseneva ca vikkhepavādassa pavattanato. Tathā hi sañcayo belāṭṭhaputto rañña ajātasattunā sandiṭṭhikaṃ sāmāññaphalaṃ puṭṭho paralokattikādīnaṃ paṭisedhanamukhena vikkhepaṃ byākāsi.

Etthāha – nanu cāyaṃ sabbopi amarāvikkhepiko kusalādayo dhamme, paralokattikādīni ca yathābhūtaṃ anavabujjhamāno tattha tattha paññaṃ puṭṭho pucchāya vikkhepanamattaṃ āpajjati, tassa kathaṃ diṭṭhigatikabhāvo. Na hi avattukāmassa viya pucchitamattamañānantassa vikkhepakaraṇamattena diṭṭhigatikatā yuttāti? Vuccate – na heva kho pucchāya vikkhepakaraṇamattena tassa diṭṭhigatikatā, atha kho micchābhīnivesavasena. Sassatābhīnivesena micchābhīniviṭṭhoyeva hi puggalo mandabuddhitāya kusalādīdhamme paralokattikādīni ca yāthāvato appaṭipajjamāno attanā avīññātassa atthassa paraṃ viññāpetuṃ asakkuṇeyyatāya musāvādādībhayena ca vikkhepaṃ āpajjati. Tathā hi vakkhati “yasaṃ satteva ucchedadiṭṭhiyo, sesā sassatadiṭṭhiyo’’ti (dī. ni. aṭṭha. 1.97-98) atha vā puññāpāpānaṃ tabbipākānañca anavabodhena asaddahanena ca tabbisayāya pucchāya vikkhepakaraṇaṃyeva sundaranti khantiṃ ruciṃ uppādetvā abhinivisantaṃ uppannā visumyevesā ekā diṭṭhi sattaḥāṅgadiṭṭhi viyāti daṭṭhabbaṃ. Tathā ca vuttaṃ “pariyantarahitā diṭṭhigatikassa diṭṭhi ceva vācā cā’’ti (dī. ni. aṭṭha. 1.61). Kathaṃ panassā sassatadiṭṭhisāṅgaho? Ucchedavasena anabhīnivesato. Natthi koci dhammānaṃ yathābhūtaṃ vivādabahulatā lokassa, “evameva’’nti pana saddantarena “dhammanijjhānanā anādikālikā loka’’ti gāhavasena sassatalesopettha labbhatīyeva.

### Adhiccasmuppannavādavaṇṇanā

**67.** Adhicca yadicchakaṃ yaṃ kiñci kāraṇaṃ, kassaci vuddhipubbaṃ vā vinā samuppannoti attalokasaññitānaṃ khandhānaṃ adhiccupattīākārārammaṇaṃ dassanaṃ tadākārasannissayena pavattito, tadākārasahacaritatāya ca “adhiccasmuppanna’’nti vuccati yathā “mañcā ghosanti, kuntā pacaranti’’ti ca imamatthaṃ dassento āha “**adhiccasmuppanno attā ca loko cāti dassanaṃ adhiccasmuppanna**’’nti.

**68-73. Desanāsīanti** desanāya jeṭṭhakabhāvena gahaṇaṃ, tena saññaṃyeva dhuraṃ katvā bhagavatā ayaṃ desanā katā, na pana tattha aññesaṃ arūpadhammaṃ atthibhāvatoti dasseti. Tenevāha “**acittuppādā**”tiādi. Bhagavā hi yathā lokuttaradhammaṃ desento samādhim paññaṃ vā dhuraṃ karoti, evaṃ lokiyadhammaṃ desento cittaṃ saññaṃ vā dhuraṃ karoti. Tattha “yasmim samaye lokuttaraṃ jhānaṃ bhāveti (dha. sa. 277) pañcaṅgiko sammāsamādhi [dī. ni. 3.355 (kha)] pañcañānīko sammāsamādhi, [dī. ni. 3.355 (ja); vibha. 2.804] paññāya cassa disvā āsavā parikkhīṇā hontī”ti (ma. ni. 1.271) tathā “yasmim samaye kāmavacaraṃ kusalaṃ cittaṃ uppannaṃ hoti, (dha. sa. 1) kiṃcitto tvaṃ bhikkhu (pārā. 146, 180) manopubbaṅgamā dhammā, (dha. pa. 1, 2; netti. 90; peṭako. 83) santi bhikkhave sattā nānattakāyā nānattasaññaṃ, (dī. ni. 3.332, 342, 357; a. ni. 9.24; cūḷani. 83) na nevasaññānāsaññāyatana”ntiādīni suttāni (dī. ni. 3.358) etassa atthassa sādhaṅkāni daṭṭhabbāni. **Titthāyatane**ti aññatitthiyasamaye. Titthiyā hi upapattiviseso vimuttisaññaṃ, saññāvirāgāvirāgesu ādīnavānisamsadassino vā hutvā asaññasamāpattiṃ nibbattetvā akkhaṇabhūmiyaṃ uppajjanti, na sāsanikā. **Vāyokasiṇe parikkammaṃ katvā**ti vāyokasiṇe paṭhamādīni tīṇi jhānāni nibbattetvā tatiyajjhāne ciṇṇavasī hutvā tato vuṭṭhāya catutthajjhānādhiḡamāya parikkammaṃ katvā. Tenevāha “**catutthajjhānaṃ nibbattetvā**”ti.

Kasmā panettha vāyokasiṇeyeva parikkammaṃ vuttanti? Vuccate – yatheva hi rūpapaṭibhāgabhūtesu kasiṇavisesesu rūpavibhāvanena rūpavirāgabhāvanāsankhāto arūpasamāpattiviseso sacchikariyati, evaṃ aparibyattaviggahatāya arūpapaṭibhāgabhūte kasiṇavise arūpavibhāvanena arūpavirāgabhāvanāsankhāto arūpasamāpattiviseso adhiḡamīyati ettha “saññā rogo saññā gaṇḍo”tiādīnā (ma. ni. 3.24) “dhi cittaṃ, dhibbate taṃ citta”ntiādīnā ca nayena arūpappavattiyā ādīnavadassanena, tadabhāve ca santapaṇītabhāvasanniṭṭhānena rūpasamāpattiyā abhisankharaṇaṃ, rūpavirāgabhāvanā pana saddhim upacārena arūpasamāpattiyā, tatthāpi visesena paṭhamarūppajjhānaṃ. Yadi evaṃ “paricchinnākāsakasiṇepī”ti vattabbaṃ. Tassāpi hi arūpapaṭibhāgatā labbhatīti? Icchitamevetam kesañci avacanaṃ panettha pubbācariyehi aggahitabhāvena. Yathā hi rūpavirāgabhāvanā virajjanīyadhammabhāvamattena parinipphannā, virajjanīyadhammapaṭibhāgabhūte ca visayavise pātubhavati, evaṃ arūpavirāgabhāvanāpīti vuccamāne na koci virodho, titthiyehiva pana tassā samāpattiyā paṭipajjitabbatāya, tesañca visayapathesupanibandhanasseva tassa jhānassa paṭipattito diṭṭhivantehi pubbācariyehi catuttheyeva bhūtakasiṇe arūpavirāgabhāvanāparikkammaṃ vuttanti daṭṭhabbaṃ. Kiñca vaṇṇakasiṇesu viya purimabhūtakasiṇattayepi vaṇṇapaṭicchāyāva paṇṇatī ārammaṇaṃ jhānassa lokavohārānurodheneva pavattito. Evañca katvā visuddhimagge (visuddhi. 1.57) pathavīkasiṇassa ādāsacandaṃḍalūpamāvacañca samatthitaṃ hoti, catutthaṃ pana bhūtakasiṇaṃ bhūtappaṭicchāyameva jhānassa gocarabhāvaṃ gacchatīti tasseva arūpapaṭibhāgatā yuttāti vāyokasiṇeyeva parikkammaṃ vuttanti veditabbaṃ.

**Idhevā**ti pañcavokārabhaveyeva. **Tatthā**ti asaññabhāve. Yadi rūpakkhandhamattameva asaññabhāve pātubhavati, kathamarūpasanissayena vinā tattha rūpaṃ pavattati, kathaṃ pana rūpasanissayena vinā arūpadhātuyaṃ arūpaṃ pavattati, idampi tena samānjātiyameva. Kasmā? Idheva adassanato. Yadi evaṃ kabalīkārahārena vinā rūpadhātuyaṃ rūpena na pavattitabbaṃ, kiṃ kāraṇaṃ? Idheva adassanato. Api ca yathā yassa cittasantānassa nibbattikāraṇaṃ rūpe avigatatanhaṃ, tassa saha rūpena sambhavato rūpaṃ nissāya pavatti, yassa pana nibbattikāraṇaṃ rūpe vigatatanhaṃ, tassa vinā rūpena rūpanirapekkhatāya kāraṇassa, evaṃ yassa rūpappabandhassa nibbattikāraṇaṃ vigatatanhaṃ arūpe, tassa vinā rūpena pavatti hotīti asaññabhāve rūpakkhandhamattameva nibbattati. Kathaṃ pana tattha kevalo rūpappabandho paccuppannapaccayarahito cirakālaṃ pavattatīti paccetabbaṃ, kittakaṃ vā kālaṃ pavattatīti codanaṃ manasi katvā āha “**yathā nāma jiyāvegukkhitto saro**”tiādi, tena na kevalamāḡamoyeva ayamettha yuttīti dasseti. **Tattakameva kālanti** ukkaṃsato pañca mahākappasatānīpi tiṭṭhanti asaññasattā. **Jhānave**geti asaññasamāpattiparikkhate kammavege. **Antaradhāyatī**ti paccayanirodhena nirujjhati nappavattati.

**Idhā**ti kāmabhāve. Kathaṃ pana anekakappasatasamatikkamena ciraniruddhato viññānato idha viññānaṃ samuppajjati. Na hi niruddhe cakkhumhi cakkhuvīññānamuppajjamānaṃ diṭṭhanti? Nayidamekantato daṭṭhabbaṃ. Ciraniruddhampi hi cittaṃ samānjātikassa antarānuppajjanato anantarapaccayamattaṃ hotiyeva, na bījaṃ, bījaṃ pana kammaṃ. Tasmā kammato bījabhūto ārammaṇādīhi paccayehi asaññabhāvato cutānaṃ kāmadhātuyā upapattiviññānaṃ hotiyeva. Tenāha “**idha paṭisandhisāññā uppajjati**”ti. Ettha ca yathā nāma utuniyāmena pupphaggahaṇe niyatakālaṃ rukkhaṇaṃ vekhe dinne vekhabalena na yathā niyāmatā hoti pupphaggahaṇassa, evameva pañcavokārabhave avippayogena vattamānesu rūpārūpadhammesu rūpārūpavirāgabhāvanāvekhe dinne tassa samāpattivekhabalassa anurūpato arūpabhāve asaññābhāve ca yathākkamaṃ rūparahitā arūparahitā ca khandhānaṃ pavatti hotīti veditabbaṃ. Nanu ettha jātisatasahasasamaṃvaṭṭādīnaṃ matthake, abhantarato vā pavattāya asaññūpavattiyā vasena lābhīadhiccasamuppannikavādo lābhīdhiccasatavādo viya anekabhedo sambhavatīti? Saccam sambhavati, anantarattā pana āpannāya asaññūpavattiyā vasena lābhīadhiccasamuppannikavādo nayadassanavasena ekova dassitoti daṭṭhabbaṃ. Atha vā sassatadiṭṭhisāṅghato adhiccasamuppannikavādassa sassatavāde āgato sabbo desanānayo yathāsambhavaṃ adhiccasamuppannikavādepi gahetabboti imassa visesassa dassanattaṃ bhagavatā lābhīadhiccasamuppannikavādo avibhajitvā desito. Avassañca sassatadiṭṭhisāṅgho adhiccasamuppannikavādassa icchitabbo saṃkilesapakkhe sattānaṃ ajjhāsayaṃ duvidhattā. Tathā hi vuttaṃ aṭṭhakathāyaṃ “sassatucchadadiṭṭhi cā”ti. Tathā ca vakkhati “yāsaṃ satteva ucchedadiṭṭhiyo, sesā sassatadiṭṭhiyo”ti (dī. ni. aṭṭha. 1.97-98).

Nanu ca adhiccasamuppannikavādassa sassatadiṭṭhisāṅgho na yutto. “Ahañhi pubbe nāhosi”ntiādivasena pavattanato, apubbasattapātubhāvaggāhattā, attano lokassa ca sadābhāvagāhīni ca sassatadiṭṭhi “atthitveva sassatisama”nti pavattanato? No na yutto anāgate koṭiādassanato. Yadihi hi ayaṃ vādo “somhi etarāhi ahutvā santatāya pariṇato”ti (dī. ni. 1.68) attano

lokassa ca atītakotīparāmasanavasena pavatto, tathāpi vattamānakā lato paṭṭhāya na tesam katthaci anāgate pariyaṅgam passati, viśesena ca paccuppannānāgatakālesu pariyaṅgādassanapabhāvito sassatavādo. Yathāha “sassatisamaṃ tatheva ṭhassati”ti. Yadi evaṃ imassa vādassa, sassatavādādīnaṃca pubbantakappikesu saṅgaho na yutto anāgatakālaparāmasanavasena pavattattāti? Na, samudāgamaṃsa atītakotīhāsikattā. Tathā hi nesam samuppatti atītaṃsapubbenivāsañānehi, tappaṭirūpakānussavādiṃpabhāvitatakkanehi ca saṅgahitāti, tathā ceva saṃvaṇṇitaṃ. Atha vā sabbattha appaṭihatañāneṃ vādivareṃ dhammassāminā niravasesato agatiṃca gatiṃca yathābhūtaṃ sayam abhiññā sacchikatvā paveditā etā diṭṭhiyo, tasmā yāvatikā diṭṭhiyo bhāgavatā desitā, yathā ca desitā, tathā tathāva sannitṭhānato sampaṭicchitabbā, na ettha yuttivicāraṇā kātābbā buddhavisayattā. Acinteyyo hi buddhavisayoti.

Dutiyabhāṇavāraṇṇanā niṭṭhitā.

### Aparantakappikavādavaṇṇanā

74. “Aparante ñāṇaṃ, aparantānudiṭṭhino”tiādīsu viya **apara**-saddo idha anāgatakālavācakoti āha “**anāgatakotīhāsasañkhātā**”nti. **Aparantaṃ kappetvā**tiādīsu “pubbantaṃ kappetvā”tiādīsu vuttanayena attho veditabbo. Viśesamattameva vakkhāma.

### Saññivādavaṇṇanā

75. Uddhamāghātanāti pavatto vādo uddhamāghātano, so etesaṃ atthīti **uddhamāghātanikā**. Yasmā pana te diṭṭhigatikā “uddhamā maraṇā attā nibbikāro”ti vadanti, tasmā “**uddhamāghātanā attānaṃ vadantīti uddhamāghātanikā**”ti vuttaṃ. Saññivādo etesaṃ atthīti **saññivādā** “buddhamā assa atthīti buddho”ti yathā. Atha vā saññīti pavatto vādo saññī sahacāraṇanayena, saññī vādo etesanti **saññivādā**.

76-77. **Rūpī attā**ti ettha nanu rūpavinimuttana attanā bhavitabbaṃ saññāya viya rūpassapi attaniyattā. Na hi “saññī attā”ti ettha saññā attā. Teneva hi “**tattha pavattasaññāncassa saññāti gahetvā**”ti vuttaṃ. Evaṃ sati kasmā kasiṇarūpaṃ “attā”ti gahetvā vuttanti? Na kho panetaṃ evaṃ daṭṭhabbaṃ “rūpaṃ assa atthīti rūpī”ti, atha kho “ruppanasīlo rūpī”ti. Ruppanācetha rūpasarikkhātāya kasiṇarūpassa vaḍḍhitāvaḍḍhitakālavasena viśesāpatti, sā ca “natthī”ti na sakkā vattum parittavipulātādivisesasabbhāvato. Yadi evaṃ imassa vādassa sassatadiṭṭhisāṅgaho na yujjati? No na yujjati kāyabhedato uddhamā attano nibbikāratāya tena adhippetattā. Tathā hi vuttaṃ “**arogo paraṃ maraṇā**”ti. Atha vā “rūpaṃ assa atthīti rūpī”ti vuccamānepi na doso. Kappanāsiddhenapi hi bhedenā abhedassāpi niddesadassanato, yathā “silāputtakassa sarīra”nti. Ruppanaṃ vā rūpasabhāvo rūpaṃ, taṃ etassa atthīti **rūpī**, attā “rūpino dhammā”tiādīsu (dha. sa. dukamātikā 11) viya. Evañca katvā rūpasabhāvattā attano “rūpī attā”ti vacanaṃ ñāyāgatamevāti “**kasiṇarūpaṃ ‘attā’ti gahetvā**”ti vuttaṃ. Niyatavādītāya kammaphalapaṭikkhepatto natthi ājīvakesu jhānasamāpattilābhoti āha “**ājīvakādayo viya takkamatteneva vā rūpī attā**”ti. Tathā hi kañhābhijātītiādīsu chaḷābhijātīsu aññataraṃ attānaṃ ekacce ājīvakā paṭijānanti. Natthi etassa rogo bhāṅgoti **arogoti** aroga-saddassa niccāriyāyatā veditabbā, rogarahitātāsīseṃ vā nibbikāratāya nīccataṃ paṭijānāti diṭṭhigatikoti āha “**arogoti nicco**”ti.

Kasiṇugghāṭimākāsapaṭṭhamāruppaviññānaṃatthibhāvaākiñcaññāyatanāni **arūpasamāpattinimittaṃ** nimbapaṇṇe tittakaraso viya sarīraparimāṇo arūpī attā tattha tiṭṭhatīti nigaṇṭhāti āha “**nigaṇṭhādayo viyā**”ti. **Missakagāhavasena**ti rūpārūpasamāpattinaṃ nimittāni ekajjhaṃ katvā “eko attā”ti, tattha pavattasaññāncassa “saññā”ti gahaṇavasena. Ayañhi diṭṭhigatiko rūpārūpasamāpattilābhītāya tannimittaṃ rūpabhāvena arūpabhāvena ca attā upaṭiṭṭhati, tasmā “rūpī ca arūpī cā”ti abhinivesaṃ janesi ajjhataṃvādīno viya, takkamatteneva vā rūpārūpadhammānaṃ missakaggahaṇavasena “rūpī arūpī ca attā hoti”ti.

**Takkagāhenevāti** sañkhārāvasesasukhumabhāvappattadhammā viya accantasukhumabhāvappattiyā sakiccasādhānāsamatthātāya thambhakuṭṭahatthapādādisaṅghāto viya neva rūpī, rūpasabhāvānavattanato na arūpīti evaṃ pavattatakkagāhena. Atha vā antānantikacatukkavāde viya aññamaññapaṭikkhepavasena attho veditabbo. Kevalaṃ pana tattha desakālabhedavasena tatiyacatutthavādā dassitā, idha kālavatthubhedavasena ayameva viśesoti. Kālabhedavasena cetha tatiyavādassa pavatti rūpārūpanimittānaṃ saha anupaṭṭhānato. Catutthavādassa pana vatthubhedavasena pavatti rūpārūpadhammānaṃ samūhato “eko attā”ti takkanavasenaṃ tattha vuttanāyānusāreṃ veditabbaṃ.

Dutiyacatukka yaṃ vattabbaṃ, taṃ “amati gacchati ettha bhāvo osāna”tiādīnaṃ antānantikavāde vuttanayena veditabbaṃ.

Yadipi aṭṭhasamāpattilābhino diṭṭhigatikassa vasena samāpattibhedena saññābhedasambhavato “nānattasaññī attā”ti ayampi vādo samāpannakavasena labbhati. Tathāpi samāpattiyāṃ ekarūpeneva saññāya upaṭṭhānato samāpannakavasena “**ekattasaññī**”ti āha. Tenevettha samāpannakaggahaṇaṃ kataṃ. Ekasamāpattilābhino eva vā vasena attho veditabbo. Samāpattibhedena saññābhedasambhavepi bahiddhā puṭhuttārammaṇe saññānānattena oḷārikena nānattasaññitaṃ dassetaṃ “**asamāpannakavasena nānattasaññī**”ti vuttaṃ. “**Parittakasiṇavasena parittasaññī**”ti iminā satipi saññāvinimutte

dhamme “saññāyeva attā”ti vadatīti dassitaṃ hoti. Kasinaggahaṇaṅcetta saññāya visayadassanaṃ, evaṃ **vipulakasiṇavasenā**ti etthāpi attho veditaṃ. Evañca katvā antānantikavāde, idha ca antānantikacatukka pubbantāparantakappanabhedena satipi kehici visese kehici natthi yevāti. Atha vā “aṅguṭṭhappamaṇo attā, yavappamaṇo, aṇumatto vā attā”ti ādidassanavasena paritto saññī cāti **parittasaññī**, kapilakaṇḍādayo viya attano sabbagatabhāvapaṭijānanavasena appamaṇo saññī cāti **appamaṇasaññī**ti evampettha attho daṭṭhabbo.

Dibbacakkhuparibhaṇḍatāya yathākammūpagañāna dabbacakkhupabhāvajanitena yathākammūpagañāna dissamānāpi sattānaṃ sukhādisamaṅgitā dabbacakkhunāva diṭṭhā hotīti āha “**dibbena cakkhunā**”tiādi. Nanu ca “ekantasukhī attā”tiādivādānaṃ aparantadiṭṭhibhāvato “nibbattamānaṃ disvā”ti vacanaṃ anupannanti? Nānupapannaṃ, anāgataṃ ekantasukhibhāvādikassa pakappanaṃ paccuppanāya nibbattiyā dassanena adhippetanti. Tenevāha “nibbattamānaṃ disvā ‘ekantasukhī’ti gaṇhāti”ti. Ettha ca tassaṃ tassaṃ bhūmiyaṃ bahulaṃ sukhādisahitadhammapavattidassanena tesaṃ “ekantasukhī”ti gāho daṭṭhabbo. Atha vā hatthidassakaandhā viya diṭṭhigatikā yaṃ yadeva passanti, taṃ tadeva abhinivissa voharantīti na ettha yutti maggitabbā.

### Asaññī nevasaññīnāsaññīvādavaṇṇanā

**78-83.** Asaññīvāde asaññābhava nibbattasattavasena paṭhamavādo, “saññaṃ attato samanupassati”ti ettha vuttanayena saññaṃyeva “attā”ti gahetvā tassa kiñcanabhāvena ṭhīṭāya aññāya saññāya abhāvato “asaññī”ti pavatto dutiyavādo, tathā saññāya saha rūpadhamme, sabbe eva vā rūpārūpadhamme “attā”ti gahetvā pavatto tatiyavādo, takkagāhavaseneva catutthavādo pavatto. Tassa pubbe vuttanayeneva attho veditaṃ. Dutiyacatukkaṃ kasiṇarūpassa asaññānanasabhāvātāya asaññīti katvā antānantikavāde vuttanayeneva cattāropi veditaṃ. Tathā nevasaññīnāsaññīvādepi nevasaññīnāsaññībhava nibbattasattasseva cutipaṭisandhīsu, sabbattha vā paṭusaññākkiccaṃ kātuṃ asamattāya sukhumāya saññāya atthibhāvapaṭijānanavasena paṭhamavādo, asaññīvāde vuttanayena sukhumāya saññāya vasena, saññānanasabhāvātāpaṭijānena ca dutiyavādādayo pavattāti evaṃ ekena pakārena satipi kāraṇapariyesanassa sambhave diṭṭhigatikavādānaṃ anādarāṇiyabhāvadassanattaṃ “**tattha na ekantena kāraṇaṃ pariyesitabba**”nti vuttanti daṭṭhabbaṃ. Etesañca saññīsaññīnevasaññīnāsaññīvādānaṃ “arogo paraṃ maraṇā”ti vacanato sassatadiṭṭhisāṅgho pākātoyeva.

### Ucchedavādavaṇṇanā

**84.** Asato vināsāsambhavato atthibhāvanibandhano ucchedoti vuttaṃ “**sato**”ti. Yathā hetuphalabhāvena pavattamānaṃ sabhāvadhamaṇaṃ satipi ekasantānapariyāpannānaṃ bhinnasantatipatītehi visese hetuphalānaṃ paramatthato bhinnasabhāvattā bhinnasantānapatitānaṃ viya accantabhedasanniṭṭhānena nānattanayassa micchāgahaṇaṃ ucchedābhinivesassa kāraṇaṃ, evaṃ hetuphalabhūtaṇaṃ dhammānaṃ vijjānānepi sabhāvabhede ekasantatipariyāpannatāya ekattanayena accantamabhedagahaṇampi kāraṇaṃ evāti dassetaṃ “sattassa”ti vuttaṃ pāliyaṃ. Santānavasena hi vattamānesu khandhesu ghanavinibbhogābhāvena sattagāho, sattassa ca atthibhāvagāhanibandhano ucchedagāho yāvāyaṃ attā na ucchijjati, tāvāyaṃ vijjatiyevāti gahaṇato, nirudayavināso vā idha ucchedoti adhippetoti āha “**upaccheda**”nti. Viseseṇa nāso **vināso**, abhāvo. So pana maṃsacakkhupaññācakkhūnaṃ dassanapathātikkamoyeva hotīti āha “**adassana**”nti. Adassane hi nāsa-saddo loke niruḥhoti. **Bhāvavīgamanti** sabhāvāpagamaṃ. Yo hi nirudayavināsavasena ucchijjati, na so attano sabhāvena tiṭṭhatīti. **Lābhīti** dabbacakkhūñāḷābhī. **Cutimattamevāti** sekkhaputhujjānaṃpi cutimattameva. **Na upapātanti** pubbayogābhāvena, parikammākaraṇena vā upapātaṃ daṭṭhuṃ na sakkoti. “**Alābhī ca ko paralokaṃ na jānāti**”ti natthikavādavasena, mahāmūlhabhāveneva vā “ito aññā paraloko atthī”ti anavabodhamāha. Ettakoyeva visayo, yo yaṃ indriyagocaroti. Attano dhītuṃ hatthagaṇhanakarājādi viya **kāmasukhagiddhatāya** vā. “**Na puna viruhanti**”ti patitapaṇṇānaṃ vaṇṇena appaṭisandhikabhāvamāha. **Evameva sattāti** yathā paṇḍupalāso bandhanā pavutto na paṭisandhiyati, evaṃ sabbe sattā appaṭisandhikamaraṇameva nigacchantīti. Jalapubbūlakūpamā hi sattāti tassa laddhi. **Tathāti** vuttappakārena. Lābhīnopi cutito uddhaṃ adassaneneva imā diṭṭhiyo uppajjantīti āha “**vikappetvā vā**”ti.

Etthāha – yathā amarāvikkhepikavādā ekantaalābhīvaseneva dassitā, yathā ca uddhamāghātanikaṣaṇñīvādacatukka ekantaalābhīvaseneva, na evamayaṃ. Ayaṃ pana sassatekaccasattavādādayo viya lābhīalābhīvasena pavatto. Tathā hi vuttaṃ “**tattha dve janā**”tiādi. Yadi evaṃ kasmā sassatavādādidesanāhi idha aññāthaṃ desanā pavattāti? Vuccate – desanāvīlāsappattito. Desanāvīlāsappattā hi buddhā bhagavanto, te veneyyājijhāsāyānurūpaṃ vīvidhenākārena dhammaṃ desenti, aññāthaṃ idhāpi ca evaṃ bhagavā deseyya “idha bhikkhave ekacco samaṇo vā brāhmaṇo vā ātappamanvāya...pe... yathāsamaṇhite citte sattānaṃ cutūpapātāñāyā cittaṃ abhininnāmeti, so dibbena cakkhunā visuddhena atikkantamānusakena arahato cuticittaṃ passati, puthūnaṃ vā parasattānaṃ, na heva kho taduddhaṃ upapattim, so evamāha ‘yathā kho bho ayaṃ attā’” tiādinā visesalābhīno, takkino ca visuṃ katvā, tasmā desanāvīlāsena veneyyājijhāsāyānurūpaṃ sassatavādādidesanāhi aññāthāyaṃ desanā pavattāti daṭṭhabbaṃ.

Atha vā ekaccasattavādādiṃ viya na idha takkīvādito visesalābhīvādo bhinnākāro, atha kho samānabhedatāya samānākāroyevāti imassa visesassa pakāsanattaṃ bhagavatā ayamucchedavādo purimavādehi viṣiṭṭhākāro desito. Sambhavati hi takkīnopi anussavādivasena adhiḡamavato viya idha abhiniveso. Atha vā na imā diṭṭhiyo bhagavatā anāgate

evam bhāvīvasena desitā, nāpi parikkappavasena, atha kho yathā yathā diṭṭhigatikehi “idameva saccam, moghamañña”nti paññattā, tathā tathā yathābhuccam sabbaññutaññānena paricchinditvā pakāsītā. Yehi gambhīradippakārā aputhujjanagocarā buddhadhammā pakāsanti, yesaṅca parikkittanena tathāgatā sammadeva thomitā honti. Ucchedavādīhi ca diṭṭhigatikehi yathā uttaruttarabhavadassīhi aparabhavadassīnam tesam vādapaṭisedhavasena sakasakavādā patitṭhāpitā, tathāyaṃ desanā pavattāti purimadesanāhi imissā desanāya pavattibhedo na codetabbo. Evañca katvā arūpabhavabhedavasena viya kāmārūpabhavabhedavasenāpi ucchedavādo vibhajitvā daṭṭhabbo. Atha vā paccekam kāmārūpabhavabhedavasena viya arūpabhavavasenāpi na vibhajitvā vattabbo, evañca sati bhagavatā vuttasattakato bahutarabhedo, appatarabhedo vā ucchedavādo āpajjatīti evam pakārāpi codanā anavakāsāvāti.

Etthāha – yuttam tāva purimesu tīsu vādesu “kāyassa bheda”ti vuttam pañcavokārabhavapariyāpannam attabhāvam ārabha pavattattā tesam vādānam, catuvokārabhavapariyāpannam pana attabhāvam nissāya pavattesu catutthādīsu catūsu vādesu kasmā “kāyassa bheda”ti vuttam. Na hi arūpīnam kāyo vijjatīti? Saccametam, rūpattabhāve pavattavohārenea pana diṭṭhigatiko arūpattabhāvepi kāyavohāram āropetvā āha “kāyassa bheda”ti. Yathā ca diṭṭhigatikā diṭṭhiyo paññāpentī, tathā ca bhagavā dassetīti, arūpakāyabhāvato vā phassādīdhammasamūhābhūte arūpattabhāve kāyaniddeso daṭṭhabbo. Ettha ca kāmādevattabhāvādiravasesavibhavapatiṭṭhāpakānam dutiyavādādīnam yutto aparantakappikabhāvo anāgataddhavisayattā tesam vādānam, na pana diṭṭhigatikapaccakkhabhūtamānussattabhāvasamucchedapatiṭṭhāpakassa paṭhamavādassa paccuppannavisayattā. Dutiyavādādīnāhi purimapurimavādasaṅghitasseva attano taduttaruttaribhavopannassa samucchedato yujjati aparantakappikatā, tathā ca “no ca kho bho ayam attā ettavatā sammā samucchinno hotī”tiādi vuttam, yam pana tattha vuttam “atthi kho bho añño attā”ti, tam manussakāyāvisesāpekkhāya vuttam, na sabbathā aññabhāvato? No na yutto, idhalokapariyāpannattepi ca paṭhamavādavisayassa anāgatakālasseva tassa adhippetattā paṭhamavādinopi aparantakappikatāya na koci virodhoti.

### Diṭṭhadhammanibbānavādavaṇṇanā

**93. Diṭṭhadhammoti** dassanabhūtena ñāṇena upaladdhadhammo. Tattha yo anindriyavisayo, sopi supākaṭabhāvena indriyavisayo viya hotīti āha “**diṭṭhadhammoti paccakkhadhammo vuccati**”ti. Teneva ca “**tattha tattha paṭiladdhattabhāvassetam adhivacana**”nti vuttam.

**95. Antonijjhāyanalakkhaṇoti** ñātibhogarogasīladiṭṭhibyasanehi phuṭṭhassa cetaso anto abbhantaram nijjhāyanam socanam antonijjhāyanam, tam lakkhaṇam etassāti antonijjhāyanalakkhaṇo. **Tannissitalāppanalakkhaṇoti** tam sokam samuṭṭhānhetum nissitam tannissitam, bhusam vilāpanam lāppanam, tannissitañca lāppanañca tannissitalāppanam, tam lakkhaṇam etassāti tannissitalāppanalakkhaṇo. Ñātibyanādinā phuṭṭhassa paridevenāpi asakkuṇantassa antogatasokasamuṭṭhito bhuso āyāso **upāyāso**. So pana yasmā cetaso appasannākāro hoti, tasmā “**visādalakkhaṇo**”ti vutto.

**96. Vitakkaṇam vitakkitam**, tam pana abhīropanasabhāvo vitakkoyevāti āha “**abhi...pe... vitakko**”ti. Esa nayo **vicāritanti** etthāpi. Khobhakarāsabhāvattā vitakkavicārānam taṃsahitam jhānam saubbilanam viya hotīti vuttam “**sakaṇḍakam viya khāyati**”ti.

**97. Yāya ubbilāpanapītiyā** uppannāya cittam “ubbilāvita”nti vuccati, sā pīti **ubbilāvittam** yasmā pana cittassa ubbilabhāvo tassā pītiyā sati hoti, nāsati, tasmā sā “**ubbilabhāvākāraṇa**”nti vuttā.

**98. Ābhogoti** vā cittassa ābhuggabhāvo, ārammaṇe oṇatabhāvoti attho. Sukhena hi cittam ārammaṇe abhinatam hoti, na dukkhena viya apanatam, nāpi adukkhamasukhena viya anabhinatam anapanatañca. Tattha “khuppiṇāsādiabhibhūtassa viya manuññabhojanādīsu kāmehi viveciyamānassupādārammaṇapatthanā visesato abhivaḍḍhati, ulārassa pana kāmārasassa yāvadattham tittassa manuññarasabhojanam bhuttāvino viya suhitassa bhottukāmatā kāmesu pātabyatā na hoti, visayassāgiddhatāya visayehi dummociyehipi jalūkā viya sayameva muñcati”ti ca ayoniso ummujjitvā kāmāguṇasantappitatāya saṃsāradukkhavūpasamam byākāsi paṭhamavādī. Kāmādīnam ādinavadassitāya, paṭhamādijjhānasukhassa santabhāvadassitāya ca paṭhamādijjhānasukhatittiyā saṃsāradukkhupacchedam byākāmsu dutiyādivādino, idhāpi ucchedavāde vuttapakāro vicāro yathāsambhavam ānetvā vattabbo. Ayam panettha viseso – ekasmiñhi attabhāve pañca vādā labbhanti. Teneva hi pāliyam “añño attā”ti aññaggahaṇam na katam. Katham panettha accantanibbānapaññāpakassa attano diṭṭhadhammanibbānavādassa sassatadiṭṭhiyā saṅgaho, na pana ucchedadiṭṭhiyāti? Taṃtaṃsukhāvisesasaṃgītapaṭiladdhena bandhavimokkhena suddhassa attano sakarūpe avaṭṭhānāpanato.

**Sesāti** sesā pañcapaññāsa diṭṭhiyo. Tāsu antānantikavādādīnam sassatadiṭṭhibhāvo tattha tattha pakāsityeva.

**101-3.** Kiṃ pana kāraṇam pubbantāparantā eva diṭṭhābhīnivesassa visayabhāvena dassitā, na pana tadubhayamekajjhanti? Asambhavato. Na hi pubbantāparantesu viya tadubhayavinimutte majjhante diṭṭhikappanā sambhavati ittarakālattā, atha pana paccuppanabhavo tadubhayavemajjham, evam sati diṭṭhikappanakkhamo tassa ubhayasabhāvo pubbantāparantesuyeva antogadhoti kathamadassitam. Atha vā pubbantāparantavantaṭāya “pubbantāparanto”ti majjhanto vuccati, so ca “pubbantāparantakappikā vā pubbantāparantānudiṭṭhino”ti vadantena pubbantāparantehi visum katvā vuttoyevāti daṭṭhabbo. Aṭṭhakathāyampi “sabbepi te aparantakappike

pubbantāparantakappike”ti etena sāmāññaniddesena, ekasesena vā saṅgahitāti dattḥabbam, aññathā saṅkaḍḍhitvā vuttavacanassa anattḥakatā āpajjeyyāti. Ke pana te pubbantāparantakappikā? Ye antānantikā hutvā diṭṭhadhammanibbānavādāti evaṃ pakārā veditabbā.

Ettha ca “sabbe te imeheva dvāsaṭṭhiyā vatthūhi, etesaṃ vā aññatarena, natthi ito bahiddhā”ti vacanato, pubbantakappikādittayavinimuttassa ca kassaci diṭṭhigatikassa abhāvato yāni tāni sāmāññaphalādi (dī. ni. 1.166) suttantaresu vuttappakārāni akiriyāhetukanatthikavādādīni, yāni ca issarapajāpatipurisakālasabhāvanīyatīyadicchāvādādiṭṭhigatāni (visuddhi. ṭī. 2.563; vibha. anuṭī. 189 passitabbam) bahiddhāpi dissamānāni, tesam ettheva saṅgaho, antogadhatā ca veditabbā. Kathaṃ? Akiriyavādo tāva “vañjho kūṭaṭṭho”tiādīnā kiriyābhāvādīpanato sassatavāde antogadho, tathā “sattime kāyā”tiādi (dī. ni. 1.174) nayappavatto pakudhavādo, “natthi hetu natthi paccayo sattānaṃ saṃkilesāyā”tiādi (dī. ni. 1.168) vacanato ahētukavādo adhiccasamuppannikavāde antogadho. “Natthi paro loko”tiādi (dī. ni. 1.171) vacanato natthikavādo ucchedavāde antogadho. Tathā hi tattha “kāyassa bheda ucchijjati”tiādi (dī. ni. 1.86) vuttam. Paṭhamena **ādi-**saddena nigaṇṭhavādādayo saṅgahitā.

Yadipi pāliyaṃ nāṭaputtavāda (dī. ni. 1.178) bhāvena cātuyāmasaṃvaro āgato, tathāpi sattavatātikkamena vikkhepavādītāya nāṭaputtavādopi sañcayavādo viya amarāvikkhepavādesu antogadho. “Taṃ jīvaṃ taṃ sarīraṃ, aññaṃ jīvaṃ aññaṃ sarīraṃ”nti (dī. ni. 1.377; ma. ni. 2.122; saṃ. ni. 2.35) evaṃ pakārā vādā “rūpī attā hoti arogo paraṃ maraṇā”tiādivādesu saṅgahaṃ gacchanti, “hoti tathāgato paraṃ maraṇā, “atthi sattā opapātikā”ti evaṃ pakārā sassatavāde. “Na hoti tathāgato paraṃ maraṇā, natthi sattā opapātikā”ti evaṃ pakārā ucchedavādena saṅgahitā. “Hoti ca na hoti ca tathāgato paraṃ maraṇā, atthi ca natthi ca sattā opapātikā”ti evaṃ pakārā ekaccasassatavāde antogadhā. “Neva hoti na na hoti tathāgato paraṃ maraṇā, nevatti na natthi sattā opapātikā”ti ca evaṃ pakārā amarāvikkhepavāde antogadhā. Issarapajāpatipurisakālavādā ekaccasassatavāde antogadhā, tathā kaṇādavādo. Sabhāvanīyatīyadicchāvādā adhiccasamuppannikavādena saṅgahitā. Iminā nayena suttantaresu, bahiddhā ca dissamānānaṃ diṭṭhigatānaṃ imāsu dvāsaṭṭhiyā diṭṭhīsu antogadhatā veditabbā.

**Ajjhāsanti** diṭṭhijjāsanti. Sassatucchedadiṭṭhivasena hi sattānaṃ saṃkilesapakkhe duvidho ajjhāsanto, tañca bhagavā aparimāṇāsu lokadhātūsu aparimāṇānaṃ sattānaṃ aparimāṇe eva ñeyyavisesa uppajjanavasena anekabhedabhinnānampi “cattāro janā sassatavādā”tiādīnā dvāsaṭṭhiyā pabhedehi saṅgāhanavasena sabbaññutaññānaṃ paricchinditvā dassento pamāṇabhūtāya tulāya dhārayamāno viya hotīti āha “**tulāya tulayanto viyā**”ti. Tathā hi vakkhati “anto jālikatā”tiādi (dī. ni. 1.146). “**Sinerupādato vālukam uddharanto viyā**”ti etena sabbaññutaññānato aññassa imissā desanāya asakkuṇeyyatam dasseti.

Anusandhānaṃ anusandhi, pucchāya kato anusandhi **pucchānusandhi**. Atha vā anusandhayatīti anusandhi, pucchā anusandhi etassāti **pucchānusandhi**. Pucchāya anusandhiyatīti vā **pucchānusandhi**. **Ajjhāsanti** anusandhimhi eseva nayo. **Yathānusandhīti** ettha pana anusandhiyatīti anusandhi, yā yā anusandhi yathānusandhi, anusandhianurūpaṃ vā **yathānusandhīti** saddattho veditabbo, so “yena pana dhammena ādimhi desanā uṭṭhitā, tassa dhammassa anurūpadhammavasena vā paṭipakkhavasena vā yesu suttasu upari desanā āgacchati, tesam vasena yathānusandhi veditabbo. Seyyathidam? Ākañkheyyasutte (ma. ni. 1.64-69) heṭṭhā sīlena desanā uṭṭhitā, upari cha abhiññā āgatā...pe... kakacūpame (ma. ni. 1.222) heṭṭhā akkhandhiyā uṭṭhitā, upari kakacūpamā āgatā”tiādīnā aṭṭhakathāyaṃ (dī. ni. aṭṭha. 1.100-104) vutto.

**Iti kirāti** bhagavato yathādesitāya attasuññatāya attano aruccanabhāvādīpanaṃ. **Bhoti** dhammālapanaṃ. **Anattakatānīti** attanā na katāni, anattakehi vā khandhehi katāni. **Kamattānaṃ phusissanti** asati attani khandhānañca khaṇikattā kammāni kaṃ attānaṃ attano phalena phusissanti, ko kammaphalaṃ paṭisaṃvedetīti attho. **Avidvāti** sutādivirahena ariyadhammassa akovidatāya na vidvā. **Avijjāgatoti** avijjāya upagato, ariyadhamme avinītatāya appahīnāvijjoti attho. **Tañhādhipeyyena cetasāti** “yadi ahaṃ nāma koci natthi, mayā katassa kammassa ko phalaṃ paṭisaṃvedeti, sati pana tasmim siyā phalūpabhogo”ti tañhādhipeyyo **āgato tañhādhipeyyo**, tena. Attavādūpādānasahagata **cetasā**. **Atidhāvītābanti** khaṇikattepi saṅkhārānaṃ yasmim santāne kammaṃ kataṃ, tattheva phaluppattito dhammapuñjamattasseva ca siddhe kammaphalasambandhe ekattanayaṃ micchā gahetvā ekena kārakavedakabhūtena bhavitabbam, aññathā “kammaphalānaṃ sambandho na siyā”ti attantaniyasuññatāpakāsaṃ satthusāsaṃ atikkamitabbam maññeyyāti attho.

“**Upari cha abhiññā āgatā**”ti anurūpadhammavasena yathānusandhim dasseti, itarehi paṭipakkhavasena. **Kilesenāti** “lobho cittaṃ upakkilesa”tiādīnā kilesavasena. **Imasmimpīti pi-**saddena yathā vuttasuttādīsu paṭipakkhavasena yathānusandhi, evaṃ imasmimpi sutteti dasseti. Tathā hi nīccasārādīpanāpakāsaṃ diṭṭhigatānaṃ vasena uṭṭhitā ayaṃ desanā nīccasārādīsuññatāpakāsanena niṭṭhāpitāti.

### Paritassitaviphanditavāraṇṇanā

**105-117. Mariyādvibhāgadassanattanti** sassatādiṭṭhidassanassa sammādasanena saṅkarābhāvavibhāvanattham. Tadapi vedayitanti sambandho. **Ajānataṃ apassanti** “sassato attā ca loko cā”ti “idaṃ diṭṭhīṭhānaṃ evaṃgahikaṃ evaṃparāmaṭṭhaṃ evaṃgahitaṃ hoti evaṃabhisamparāya”nti yathābhūtaṃ ajānantānaṃ apassantānaṃ. Tathā yasmim

vedayite avītaṭaṇḥatāya evaṃ diṭṭhigataṃ upādiyanti, taṃ vedayitaṃ samudayādito yathābhūtaṃ ajānantānaṃ apassantānaṃ, etena anāvarenañāṇasamantacakkhūhi yathā tathāgatānaṃ yathābhūtamettha ñānadassanaṃ, na evaṃ diṭṭhigatikānaṃ, atha kho taṇhādīṭṭhiparāmaṣoyevāti dasseti. Teneva cāyaṃ desanā mariyādavibhāgadassanattā jāta. Aṭṭhakathāyaṃ pana “yathābhūtaṃ dhammānaṃ sabhāvaṃ ajānantānaṃ apassantāna”nti avisesena vuttaṃ. Na hi saṅkhatadhammasabhāvaṃ ajānanamattena micchā abhinivisanti. Sāmaññajotanaṃ visese avatiṭṭhatīti ayaṃ visesayojanā katā. **Vedayitanti** “sassato attā ca loko cā”ti diṭṭhipaññāpanavasena pavattaṃ diṭṭhiyā anubhūtaṃ anubhavanaṃ. **Taṇhāgatānanti** taṇhāya gatānaṃ upagatānaṃ, pavattānaṃ vā. **Taṅca kho panetanti** ca yathāvuttaṃ vedayitaṃ paccāmasati. Tañhi vaṭṭāmisabhūtaṃ diṭṭhitaṇhāsallānuviddhatāya saubbilattā cañcalaṃ, na maggaḥphalasukhaṃ viya ekarūpena avatiṭṭhatīti. Tenevāha “**paritassitenā**”tiādi.

Atha vā evaṃ visesakāraṇato dvāsaṭṭhi diṭṭhigatāni vibhajitvā idāni avisesakāraṇato tāni dassetuṃ “**tatra bhikkhave**”tiādikā desanā āradhā. Sabbesañhi diṭṭhigatikānaṃ vedanā avijjā taṇhā ca avisiṭṭhakāraṇanti. Tatha **tadapīti** “sassataṃ attānañca lokañca paññapenti”ti ettha yadetam “sassato attā ca loko cā”ti paññāpanaṃ, tadapi. Sukhādibhedam tividhavedayitaṃ yathākkamaṃ dukkhasallāniccato, avisesena samudayattaṅgamassādādinavanissaraṇato vā yathābhūtaṃ ajānantānaṃ apassantānaṃ, tato eva ca sukhādipatthanāsambhavato taṇhāya upagattā taṇhāgatānaṃ taṇhāparitassitena diṭṭhivipphanditameva diṭṭhicalanameva, “asati attani ko vedanaṃ anubhavati”ti kāyavacīdvāresu diṭṭhiyā copanappattimattameva vā, na pana diṭṭhiyā paññāpetabbo sassato koci dhammo atthīti attho. Ekaccassatavādādisupi eseva nayo.

### Phassapaccayavāraṇaṇā

**118.** Yena taṇhāparitassitena etāni diṭṭhigatāni pavattanti, tassa vedayitaṃ paccayo, vedayitassāpi phasso paccayoti desanā diṭṭhiyā paccayaparamparaniddhāraṇanti āha “**paramparapaccayadassanattā**”nti, tena yathā paññāpanadhammo diṭṭhi, tappaccayadhammā ca yathāsakaṃ paccayavaseneva uppajjanti, na paccayehi vinā, evaṃ paññāpetabbā dhammāpi rūpavedanādayo, na ettha koci attā vā loko vā sassatoti ayamatto dassitoti daṭṭhabbaṃ.

### Netamañhānaṃvijjativāraṇaṇā

**131.** Tassa paccayassāti phassapaccayassa **diṭṭhivedayiteti** diṭṭhiyā paccayabhūte vedayite, phassapadhānehi attano paccayehi nipphādetabbeti attho. Vināpi cakkhādivatthūhi, sampayuttadhammehi ca kehici vedanā uppajjati, na pana kadāci phassena vināti phasso vedanāya balavakāraṇanti āha “**balavabhāvadassanattā**”nti. Sannihitopi hi visayo sace phusanākāraṇaraho hoti cittuppādo, na tassa ārammaṇapaccayena paccayo hotīti phassova sampayuttadhammānaṃ visesapaccayo. Tathā hi bhagavatā cittuppādaṃ vibhajantena phasso eva paṭhamam uddhaṭo, vedanāya pana adhiṭṭhānameva.

### Diṭṭhigatikādhiṭṭhānavatṭakathāvāraṇaṇā

**144.** Heṭṭhā tīsopi vāresu adhikatattā, upari ca “paṭisaṃvedenti”ti vakkhamānattā vedayitamettha padhānanti āha “**sabbadiṭṭhivedayitāni sampiṇḍeti**”ti. **Sampiṇḍeti** ca “yepi te”ti tatha tatha āgatassa pi-saddassa atthaṃ dasseti. Vedayitassa phasse pakkhipanaṃ phassapaccayatādassanameva “chahi ajjhattikāyatanehi chaḷārammaṇapaṭisaṃvedanaṃ ekantato chaphassahetukamevā”ti. Sañjāyanti etthāti adhikaraṇattho sañjāti-saddoti āha “**sañjātiṭṭhāne**”ti. Evam samosaraṇasaddopi daṭṭhabbo. Āyatati ettha phalaṃ tadāyattavuttitāya, āyabhūtaṃ vā attano phalaṃ tanoti pavatteṭīti **āyatanam**, kāraṇam. Rukkhaḡacchasamūhe araññāvohāro araññameva araññāyatananti āha “**paṇṇattimatte**”ti. **Atthattayepi pi-saddena** avuttatthasampiṇḍanaṃ daṭṭhabbaṃ, tena ākāranivāsādhiṭṭhānatthe saṅgaṇhāti. Hiraññāyatanam suvaṇṇāyatanam, vāsudevāyatanam kammāyatananti ādisu ākarānivasādhiṭṭhānesu āyatanasaddo. Cakkhādīsū ca phassādayo ākiṇṇā, tāni ca nesam nivāso, adhiṭṭhānañca nissayapaccayabhāvatoti. Tiṇṇampi visayindriyaviññānaṃ saṅgatibhāvena gaḡetabbo phassoti “**saṅgati**”ti vutto. Tathā hi so “sannipātapaccupaṭṭhāno”ti vuccati. **Iminā nayanēti** vijjāmaṇesupi aññesu sampayuttadhammesu yathā “cakkhuñca...pe... phasso”ti (ma. ni. 1.204; ma. ni. 3.421, 425, 426; sam. ni. 2.43-45; sam. ni. 4.60; kathā. 465) etasmim sutte vedanāya padhānakāraṇabhāvadassanattam phassasitena desanā katā, evamidhāpi brahmajāle “phassapaccayā vedanā”tiādinā phassaṃ ādim katvā aparantapaṭiccasamuppādadāpanena paccayaparamparaṃ dassetuṃ “phassāyatanehi phussa phussā”ti phassamukhena vuttaṃ.

Phasso arūpadhammopi samāno ekadesena ārammaṇe anallīyamānopi phusanākāreṇa pavattati phusanto viya hotīti āha “**phassova taṃ taṃ ārammaṇam phusati**”ti, yena so “phusanalakkhaṇo, saṅgaṭṭanaraso”ti ca vuccati. “Phassāyatanehi phussa phussā”ti aphanakiccānīpi āyatanāni “mañcā ghosanti”tiādisu viya nissitavohāreṇa phusanakiccāni katvā dassitānti āha “**phasse upanikkhipivā**”ti, phassagatikāni katvā phassūpacāraṃ āropetvāti attho. Upacāro hi nāma vohāramattam, na tena atthasiddhi hotīti āha “**tasmā**”tiādi.

Attano paccayabhūtaṃ channaṃ phassānaṃ vasena cakkhusamphassajā yāva manosamphassajāti saṅkhepato chabbidhā vedanā, vitthārato pana aṭṭhasatapariyāyena aṭṭhasatabhedā. **Rūpataṇhādibhedāyāti** rūpataṇhā yāva dhammatāṇhāti saṅkhepato chappabhedāya, vitthārato aṭṭhasatabhedāya. **Upanissayakoṭiyāti** upanissayasitena. Kasmā



panettha upanissayapaccayo uddhaṭo, nanu sukhā vedanā, adukkhamasukhā vedanā ca taṇhāya ārammaṇamattaārammaṇādhīpatiārammaṇūpanissayapakatūpanissayavasena catudhā paccayo, dukkhā ca ārammaṇamattapakatūpanissayavasena dvidhāti? Saccametam, upanissaye eva pana taṃ sabbaṃ antogadham. Yuttam tāva ārammaṇūpanissayassa upanissayasāmaññato upanissayena saṅgaho, ārammaṇamattaārammaṇādhīpaṇaṃ pana kathanti? Tesampi ārammaṇasāmaññato ārammaṇūpanissayena saṅgahova kato, na pakatūpanissayenāti daṭṭhabbam. Etadatthamevettha “**upanissayakoṭiyā**”ti vuttam, na “upanissayenā”ti.

**Catubbidhassāti** kāmupādānaṃ yāva attavādupādānanti catubbidhassa. Nanu ca taṇhāya kāmupādānanti? Saccametam. Tattha dubbalā taṇhā taṇhāya, balavatī taṇhā kāmupādānaṃ. Atha vā appattavisayapatthanā taṇhā tamasi corānaṃ karapasāraṇaṃ viya. Sampattavisayaggahaṇaṃ upādānaṃ, corānaṃ karappattadhanaggahaṇaṃ viya. Appicchatapaṭipakkhā taṇhā, santosapaṭipakkhā upādānaṃ. Pariyesanadukkhamūlaṃ taṇhā, ārakkhadukkhamūlaṃ upādānanti ayametesam viseso. **Upādānassāti** asahajātassa upādānassa upanissayakoṭiyā, itarassa sahajātakoṭiyāti daṭṭhabbam. Tattha anantarassa anantarasamanantaraanantarūpanissayanatthivigatāsevanapaccayehi, anānantarassa upanissayena, ārammaṇabhūtā pana ārammaṇādhīpatiārammaṇūpanissayehi, ārammaṇamatteneva vāti taṃ sabbaṃ upanissayeneva gahetvā “**upanissayakoṭiyā**”ti vuttam. Yasmā ca taṇhāya rūpādīni assādetvā kāmesu pātabyataṃ āpajjati, tasmā taṇhā kāmupādānassa upanissayo. Tathā rūpādibhedeveva sammūlho “natthi dinna”ntiādīnā (dī. nī. 1.171; ma. nī. 1.445; ma. nī. 2.94, 95, 225; ma. nī. 3.91, 116, 136; sam. nī. 3.210; dha. sa. 1221; vibha. 938) micchādassanaṃ, saṃsāro mucchitukāmo asuddhimagge suddhimaggaparāmasanaṃ, khandhesu attattaniyagāhabhūtaṃ sakkāyadassanaṃ gaṇhāti, tasmā itaresampi taṇhā upanissayoti daṭṭhabbam. Sahajātassa pana sahajātāaññamaññanissayasampayuttaatthivigatahetuvassena taṇhā paccayo hoti. Taṃ sabbaṃ sandhāya “**sahajātakoṭiyā**”ti vuttam.

**Tathāti** upanissayakoṭiyā ceva sahajātakoṭiyā cāti attho. **Bhavassāti** kammabhavassa ceva upapattibhavassa ca. Tattha cetanādisaṅkhā taṃ sabbaṃ bhavagāmikammaṃ kammabhavo, kāmabhavādiko navavidho upapattibhavo, tesam upapattibhavassa catubbidhampi upādānaṃ upapattibhavakāraṇakammabhavakāraṇabhāvato, tassa ca saḥāyabhāvūpagamanato pakatūpanissayavasena paccayo hoti. Kammārammaṇakāraṇakāle pana kammāsahajātakāmupādānaṃ upapattibhavassa ārammaṇapaccayena paccayo hoti. Kammabhavassa pana sahajātassa sahajātaṃ upādānaṃ sahajātāaññamaññanissayasampayuttaatthivigatavasena ceva hetumaggavasena ca anekadhā paccayo hoti, asahajātassa anantarasamanantaraanantarūpanissayanatthivigatāsevanavasena, itarassa pakatūpanissayavasena, sammāsādikālesu ārammaṇavasena ca paccayo hoti. Tattha anantarādike upanissayapaccaye, sahajātādike sahajātapaccaye pakkhipitvā vuttam “**upanissayakoṭiyā ceva sahajātakoṭiyā cā**”ti.

**Bhavo jātiyāti** ettha bhavoti kammabhavo adhippeto. So hi jātiyā paccayo, na upapattibhavo. Upapattibhavo hi paṭhamābhiniḃbattā khandhā jātiyeva. Tena vuttam “jāṭiṭi panettha savikārā pañcakkhandhā daṭṭhabbā”ti. **Savikārāti** ca nibbattivikārena savikārā, te ca atthato upapattibhavoyeva. Na hi tadeva tassa kāraṇaṃ bhavitum yuttanti. Kammabhavo ca upapattibhavassa kammapaccayena ceva upanissayapaccayena ca paccayo hotīti āha “bhavo jātiyā upanissayakoṭiyā paccayo”ti.

Yasmā ca satī jātiyā jarāmaṇaṃ, jarāmaṇādinā phuṭṭhassa bālassa sokādayo ca sambhavanti, nāsati, tasmā “**jāti... pe... paccayo hoti**”ti vuttam. Sahajātūpanissayasīsena paccayavicāraṇāya dassitattā, āṅgavicāraṇāya ca anāmatṭhattā āha “**ayametta saṅkhepo**”ti. Mahāvisayattā paṭiccasamuppādivicāraṇāya sā niravasesā kuto laddhabbāti āha “**vitthāro**”tiādi. Ekadesena cettha kathitassa paṭiccasamuppādivicāraṇāya tathā kathane saddhim udāharaṇena kāraṇaṃ dassento “**bhagavā hī**”tiādimāha. Tattha **koṭi na paññāyatīti** asukassa nāma sammāsambuddhassa, cakkavattino vā kāle avijjā uppannā, na tato pubbeti avijjāya ādimariyādā appaṭihatassa mama sabbaññutaññānessāpi na paññāyati avijjāmanattāyevāti attho. Ayaṃ paccayo idappaccayo, tasmā **idappaccayā**, imasmā kāraṇā āsavapaccayāti attho. **Bhavataṇhāyāti** bhavasamyojanabhūtāya taṇhāya. **Bhavadiṭṭhiyāti** sassatadiṭṭhiyā. “**Itto ettha etto idhā**”ti apariyantaṃ aparāparupattim dasseti.

### Vivaṭṭakathādivaṇṇanā

**145.** “Vedanānaṃ samudaya”ntiādiḃpālī **vedanākammatṭhānanti** daṭṭhabbā. Tanti “phassasamudayā phassanīrodhā”ti vuttaphassatṭhānaṃ. **Āhāro**ti kabaḷikāro āhāro veditabbo. So hi “kabaḷikāro āhāro imassa kāyassa āhārapaccayena paccayo”ti (paṭṭhā. 1.paccayaniddesa 429) vacanato kammāsamutṭhānānampi upatthambhakapaccayo hotiyeva. Yadiḃi sotāpannādayo yathābhūtaṃ pajānanti, ukkaṃsagativijānanavasena pana desanā arahattanikūṭena niṭṭhāpitā. Ettha ca “yato kho bhikkhave bhikkhu...pe... yathābhūtaṃ pajānātī”ti etena dhammassa niyyānikabhāvena saddhim saṅghassa suppaṭipattim dasseti. Teneva hi atṭhakathāyametta “ko evaṃ jānātīti? Khīṇāsavo jānāti, yāva āraddhaviḃpassako jānātī”ti paripuṇṇaṃ katvā bhikkhusaṅgho dassito, tena yaṃ vuttam “bhikkhusaṅghavasenaḃi dīpetum vaṭṭatī”ti, (dī. nī. atṭha. 1.8) taṃ yathārutavaseneva dīpitaṃ hotīti daṭṭhabbam.

**146.** Anto jālassāti antojālam, antojāle katāti **antojālikatā**. Apāyūpapattivasena adho osīdanaṃ, sampattibhavavasena uddham uggamaṇaṃ. Tathā parittabhūmimahaggatabhūmivasena, olīnatā’tidhāvanavasena, pubbantānudiṭṭhiaparantānudiṭṭhivasena ca yathākkamaṃ adho osīdanaṃ uddham uggamaṇaṃ yojetabbam.

“**Dasasahasilokadhātū**”ti jātikhettaṃ sandhāyāha.

**147. Apaññattikabhāvanti** dharamānakapaññattiyā apaññattikabhāvaṃ. Atītabhāvena pana tathā paññatti yāva sāsananaradhānā, tato uddhampi aññabuddhuppādesu vattati eva. Tathā hi vakkhati “vohāramattameva bhavissatī”ti (dī. ni. aṭṭha. 1.147). **Kāyoti** attabhāvo, yo rūpārūpadhammasamūho. Evaṃ hissa ambarukkkhasadisatā, tadavayavānañca rūpakkhandhacakkhādīnaṃ ambapakkasadisatā yujjati. Ettha ca vaṇṭacchede vaṇṭūpanibandhānaṃ ambapakkānaṃ ambarukkhato vicchedo viya bhavanettichede tadupanibandhānaṃ rūpakkhandhādīnaṃ santānato vicchedoti ettavātā opammaṃ daṭṭhabbaṃ.

**148. Dhammapariyāyeti** pāliyaṃ. **Idhatthoti** diṭṭhadhammahitaṃ. **Paratthoti** samparāyahitaṃ. Saṅgāmaṃ vijināti etenāti **saṅgānavijayo**. Atthasampattiyā **atthajālaṃ**. Byañjanasampattiyā, silādianavajjadhammaniddesato ca **dhammajālaṃ**. Setṭhatṭhena brahmabhūtānaṃ maggaphalanibbānaṃ vibhattatā **brahmajālaṃ**. Diṭṭhivivecanamukhena suññatāpakāsanena sammādiṭṭhiyā vibhāvitattā **diṭṭhijālaṃ**. Titthiyavādanimmaddanūpāyattā **anuttaro saṅgānavijayoti** evampettha yojanā veditabbā.

**149. Attamanāti** pītiyā gahitacittā. Tenevāha “**buddhagatāyā**”tiādi. Yathā pana anattamanā attano anattacarātāya paramanā verimanā nāma honti. Yathāha “diso disa”nti (dha. pa. 42; udā. 33) gāthā, na evaṃ attamanā. Ime pana attano atthacarātāya sakamanā hontīti āha “**attamanāti sakamanā**”ti. Atha vā **attamanāti** samattamanā, imāya desanāya pariṇuṇṇamanasankappāti attho. **Abhinandatīti** taṇhāyatīti atthoti āha “**taṇhāyampi āgato**”ti. Anekatthattā dhātūnaṃ **abhinandanatīti** upagacchanti sevantīti atthoti āha “**upagamanepi āgato**”ti. Tathā **abhinandanatīti** sampañicchanatīti atthoti āha “**sampañicchanepi āgato**”ti. “**Abhinanditvā**”ti iminā padena vuttoyeva attho “**anumoditvā**”ti iminā pakāsīyatīti abhinandanasaddo idha anumodanasaddatthoti āha “**anumodanepi āgato**”ti. “Katamañca taṃ bhikkhave”tiādinā (dī. ni. 1.7) tattha tattha pavattāya kathetukamyatāpucchāya vissajjanavasena pavattatā idaṃ suttaṃ **veyyākaraṇaṃ** hoti. Yasmā pana pucchāvissajjanavasena pavattampi sagāthakaṃ suttaṃ geyyaṃ nāma hoti, niggāthakattameva pana ānganti gāthārahitaṃ veyyākaraṇaṃ, tasmā vuttaṃ “**niggāthakattā hi idaṃ veyyākaraṇanti vutta**”nti.

**Aparesupīti** ettha pisaddena pāramiparicayampi saṅgaṇhāti. Vuttañhi buddhavaṃse –

“Ime dhamme sammasato, sabhāvasarasalakkhaṇe;  
Dhammatejena vasudhā, dasasahassī pakampathā”ti. (bu. vaṃ. 2.166);

**Vīriyabalenāti mahābhinikkhamane** cakkavattisiripariccāgahetubhūtavīriyappabhāvena, **bodhimaṇḍūpasāṅkamane** “kāmaṃ taco ca nhāru ca, aṭṭhi ca avasissatū”tiādinā (ma. ni. 2.184; saṃ. ni. 2.22; mahāni. 196) vuttacaturāṅgasamannāgatavīriyānubhāvena. **Acchariyavegābhīhatāti** vimhayāvahakiriyānubhāvaghāṭṭitā. **Pāmsukūladhovane** keci “puññatejenā”ti vadanti, acchariyavegābhīhatāti yuttaṃ viya dissati, **veasantarajātake** pāramiparipūraṇapuññatejena anekakkhattuṃ kampitattā “**akālakampanenā**”ti vuttaṃ. **Sādhukāradānavasena akampittha** yathā taṃ dhammacakkappavattane (saṃ. ni. 5.1081; mahāva. 13; paṭi. ma. 2.30). Saṅgītikālādīsūpi sādhukāradānavasena akampitthāti veditabbā. Ayaṃ tāvettha aṭṭhakathāya līnatthavaṇṇanā.

### Pakaraṇanayavaṇṇanā

Ayaṃ pana pakaraṇanayena pāliyā atthavaṇṇanā – sā panāyaṃ atthavaṇṇanā yasmā desanāya samuṭṭhānappayojanabhājanesu piṇḍatthesu ca niddhāritesu sukarā hoti suviññeyyā ca, tasmā suttadesanāya samuṭṭhānādīni paṭhamāṃ niddhārayissāma. Tattha **samuṭṭhānaṃ** tāva vuttaṃ “vaṇṇāvaṇṇabhaṇana”nti. Apica nindāpasamsāsu vineyyāghātānandādibhāvānāpatti, tattha ca ādīnavadassanaṃ **samuṭṭhānaṃ**. Tathā nindāpasamsāsu paṭipajjanakkamassa, pasamsāvīsayassa khuddakādivasena anekavidhassa silassa, sabbaññitāññānassa sassatādidiṭṭhiṭṭhānesu tatuttari ca appaṭihatacārātāya, tathāgatassa ca katthaci apariyāpannatāya anavabodho **samuṭṭhānaṃ**.

Vuttavipariyāyena **payojanaṃ** veditabbāṃ. Vineyyāghātānandādibhāvāpatti ādikañhi imaṃ desanaṃ payojetīti. Tathā kuhanalapanādinānāvidhamicchājīvaviddhamāsanāṃ, dvāsaṭṭhidīṭṭhiṭṭhijālavinivethanaṃ, diṭṭhisīsena paccayākāravibhāvanāṃ, chaphassāyatanavasena catusaccakammaṭṭhānaniddeso, sabbadiṭṭhigatānaṃ anavasesapariyādānaṃ, attano anupādāparinibbānadīpanaṃ **payojanāni**.

Vaṇṇāvaṇṇanimittāṃ anurodhavirodhavantacittā kuhanādividhamicchājīvaniratā sassatādidiṭṭhipaṅkaṃ nimuggā, silakkhandhādīsū aparipūrakāritāya anavabuddhaguṇavisesaññā vineyyā imissā dhammadesanāya **bhājanaṃ**.

**Piṇḍatthā** pana āghātādīnaṃ akaraṇīyatāvacaṇena paṭiññānurūpaṃ samaṇasaññāya niyojanaṃ, khantisoraccānuṭṭhānaṃ, brahmavīhārabhāvanānuyogo, saddhāpaññāsamāyogo, satisampajaññādhiṭṭhānaṃ, paṭisaṅkhānabhāvanābalasiddhi, pariyaṭṭhānānusayappahānaṃ, ubhayahitapaṭipatti, lokadhammehi anupalepo ca dassitā honti. Tathā pañātipātādīhi paṭivirativacaṇena silavisuddhi dassitā, tāya ca hirottappasampatti, mettākaraṇāsamaṅgitā,

vītikamappahānaṃ, tadaṅgapahānaṃ, duccharitasamkilesappahānaṃ, viratittayasiddhi, piyamanāpagarubhāvānīyatānippatti, lābhasakkārasilokasamudāgamo, samathavipassanānaṃ adhiṭṭhānabhāvo, akusalamūlatanukaraṇaṃ, kusalamūlaroṇaṃ, ubhayānatthadūrīkaraṇaṃ, parisāsu visāradatā, appamādavihāro, parehi duppadhamṣiyatā, avipapaṭisārādisamaṅgitā ca dassitā honti.

“**Gambhīrā**”tiādivacanehi gambhīradhammavibhāvanaṃ, alabbhaneyyapatiṭṭhatā, kappānaṃ asaṅkhyeyyenāpi dullabhapātubhāvātā, sukhumenapi nānena paccakkhato paṭivijjhitaṃ asakkuṇeyyatā, dhammanvayasāṅkhātena anumānānānēpi duradhigamanīyatā, passaddhasabbadarathatā, santadhammavibhāvanaṃ, sobhanapariyosānatā, atittikarabhāvo, padhānabhāvappatti, yathābhūtañāṅagocaratā, sukhumasabhāvātā, mahāpaññāvibhāvanā ca dassitā honti. Diṭṭhidīpakapadehi samāsato sassatucchedadīṭṭhiyo pakāsītātī olīnatātidhāvanavibhāvanaṃ, upāyavinibaddhaniddeso, micchābhīnivesakittanaṃ, kummaggapaṭipattiyā pakāsānā, vipariyesaggāhapaññāpanaṃ, parāmāsapariggaho, pubbantāparantānudiṭṭhipatiṭṭhāpanaṃ, bhavavibhavadiṭṭhivibhāgo, taṇhāvijjāpavatti, antavānantavādīṭṭhiniddeso, antadvayāvātāraṇaṃ, āsavoghayogakilesaganthasamyōjanūpādānavisesavibhajjanañca dassitāni honti. Tathā “**vedanānaṃ samudaya**”ntiādivacanehi catunnaṃ ariyasaccānaṃ anubodhapaṭivedhasiddhi, vikkhambhanasamucchedappahānaṃ, taṇhāvijjāvigamo, saddhammaṭṭhitinimittapariggaho, āgamādhigamasampatti, ubhayahitapaṭipatti, tividhapaññāpariggaho, satisampajaññānuṭṭhānaṃ, saddhāpaññāsamāyogo, sammāvīriyasamathānuyōjanaṃ, samathavipassanānippatti ca dassitā honti.

“**Ajānataṃ apassata**”nti avijjāsiddhi, “**taṇhāgatānaṃ paritassitavipphanditanti** taṇhāsiddhi, tadubhayena ca nīvaraṇasamyōjanadvayasiddhi, anamataggasaṃsāravattānucchedo, pubbantāharaṇaaparantapaṭisandhānāni, atītapaccuppanakālavasena hetuvibhāgo, avijjātaṇhānaṃ aññamaññānativattanaṭṭhena aññamaññūpakāritā, paññāvīmutticetovimuttīnaṃ paṭipakkhaniddeso ca dassitā honti. “**Tadapi phassapaccayā**”ti sassatādīpaññāpanassa paccayādhīnavuttitākathanena dhammānaṃ niccatāpaṭisedho, aniccatāpaṭiṭṭhāpanaṃ, paramatthato kārakādīpaṭikkhepo, evaṃdhammatādiniddeso, suññatāpakāsanaṃ, samattaniyāmapaccayalakkhaṇavibhāvanañca dassitāni honti.

“**Ucchinnabhavanettiko**”tiādinā bhagavato pahānasampatti, vijjādhimutti, vasībhāvo, sikkhattayanippatti, nibbānadhātudvayavibhāgo, caturadhiṭṭhānaparipūraṇaṃ, bhavayoniādīsu aparīyāpannatā ca dassitā honti. Sakalena pana suttapadena iṭṭhāniṭṭhesu bhagavato tādībhāvo, tattha ca paresaṃ paṭiṭṭhāpanaṃ, kusalahammānaṃ ādībhūtadhammadvayassa niddeso, sikkhattayūpadeso, attantapādīpuggalacatukkāsiddhi, kaṇhākaṇhāvīpākādīkammacatukkavibhāgo, caturappamaññāvisayaniddeso, samudayādīpañcakassa yathābhūtāvabodho, chasāraṇīyadhammavibhāvanā, dasanāthakaradhammapaṭiṭṭhāpanti evamādayo niddhāretabbā.

### Soḷasahāraṇaṇā

### Desanāhāraṇaṇā

Tattha “attā, loko”ti ca diṭṭhiyā adhiṭṭhānabhāvena, vedanāphassāyatanādīmukhena ca gahītesu pañcasu upādānakkhandhesu taṇhāvajjā pañcupādānakkhandhā **dukkhasaccaṃ**. Taṇhā **samudayasaccaṃ**. Sā pana paritassanāggahaṇena “taṇhāgatāna”nti, “vedanāpaccayā taṇhā”ti ca sarūpeneva samudayaggahaṇena, bhavanettiggahaṇena ca pāliyaṃ gahitāva. Ayaṃ tāva suttantaṇayo. Abhidhammanayena pana āghātānandādivacanehi, ātappādīpadehi, cittappadosavacanena, sabbadiṭṭhidīpakapadehi, kusalākusalaggahaṇena, bhavaggahaṇena, sokādiggahaṇena, tattha tattha samudayaggahaṇena cāti saṅkhepato sabbalokiyakusalākusaladhammavibhāvanapadehi gahitā kammakilesā **samudayasaccaṃ**. Ubhinnaṃ appavatti **nīrodhasaccaṃ**. Tassa tattha tattha vedanānaṃ atthaṅgamanissaraṇapariyāyehi, paccattaṃ nibbutivacanena, anupādāvimuttivacanena ca pāliyaṃ gahaṇaṃ veditabbaṃ. Nīrodhapajānānaṃ paṭipadā **maggasaccaṃ**. Tassāpi tattha tattha vedanānaṃ samudayādīyathābhūtavedanāpadesena, channaṃ phassāyatanānaṃ samudayādīyathābhūtapaṭijānanapariyāyena, bhavanettiyā ucchedapariyāyena ca gahaṇaṃ veditabbaṃ. Tattha samudayena **assādo**, dukkhena **ādinavo**, magganīrodhehi **nissaraṇanti** evaṃ catusaccavasena, yāni **pāliyaṃ** (netti. 9) sarūpeneva āgatāni assādādīnavanissaraṇāni, tesaṅca vasena idha assādādayo veditabbā. Vīneyyānantādībhāvāpattīdikam yathāvuttavibhāgaṃ payojanameva **phalaṃ**. Āghātādīnaṃ akaraṇīyatā, āghātādīphalassa ca anaññāsantānabhāvītā, nīdāpasamāsū yathāsabhāvapaṭijānananībheṭhanāti evaṃ taṃtaṃpayojanādhigamahetu **upāyo**. Āghātādīnaṃ karaṇapaṭisedhanādiapadesena dhammarājassa **āṇatti** veditabbāti ayaṃ **desanāhāro**.

### Vicayahāraṇaṇā

Kappanābhāvepi vohāravasena, anuvādasena ca “mama”nti vuttaṃ, niyamābhāvato vikappanattaṃ vāggahaṇaṃ kataṃ, guṇasamaṅgitāya, abhimukhīkaraṇāya ca “**bhikkhave**”ti āmantanaṃ. Aññabhāvato, paṭiviruddhabhāvato ca “**pare**”ti vuttaṃ, vaṇṇapaṭipakkhato, avaṇṇānīyato ca “avaṇṇa”nti vuttaṃ. Byattivasena, vitthāravasena ca “bhāseyyu”nti vuttaṃ, dhāraṇabhāvato, adhammapaṭipakkhato ca “dhammassā”ti vuttaṃ, diṭṭhisīlehi saṃhatabhāvato, kilesānaṃ saṅghātakaraṇato ca “saṅghassā”ti vuttaṃ. Uttapaṭiniddesato, vacanupanyāsanato ca “tatrā”ti vuttaṃ, sammukhabhāvato, puthubhāvato ca “tumhehi”ti vuttaṃ. Cittassa hananato, ārammaṇābhīghātato ca “āghāto”ti vuttaṃ, ārammaṇe saṅkocavuttīyā, atuṭṭhākāratāya ca “appaccayo”ti vuttaṃ, ārammaṇacintanato, nissayato ca “cetaso”ti vuttaṃ,

atthāsādhanaṭo, anu anu “anattasādhanaṭo” ca “anabhiraddhī”ti vuttam, kāraṇānarahattā, satthūsāsane t̄hitehi kātum asakkuṇṇeyyattā ca “na karaṇīyā”ti vuttanti. Iminā nayena sabbapadesu vinicchayo kātabbo. Iti anupadavicayato **vicayo hāro** ativithhārabhayena, sakkā ca at̄hakathaṃ tassā līnatthavaṇṇanaṇca anugantvā ayamattho viññunā vibhāvetunti na vitthārayimha.

### Yuttihāraṇṇanā

Sabbena sabbam āghātādīnam akaraṇam tādibhāvāya samvattatīti yujjati iṭṭhāniṭṭhesu samappavattisabbhāvato. Yasmim santāne āghātādayo uppannā, tannimittako antarāyo tasseva sampattivibandhāya samvattatīti yujjati. Kasmā? Santānantaresu asaṅkamanato. Cittaṃ abhibhavitvā uppannā āghātādayo subhāsītādīsallakkhaṇepi asamattatāya samvattantīti yujjati sakodhalobhānam andhatamasabbhāvato. Pāṇātipātādīdussīlyato veramaṇi sabbasattānam pāmojjapāsamsabhāvāya samvattatīti yujjati. Sīlasampattiyā hi mahato kittisaddassa abbhuggamo hotīti. Gambhīratādīvīsesayuttēna guṇena tathāgatassa vaṇṇanā ekadesabhūtāpi sakalāsabbāñṇugunaggahaṇāya samvattatīti yujjati anaññasādhāraṇattā. Tajjāyoniśomanasikāraparikkhatāni adhigamatakkānāni sassatavādādiabhinivesāya samvattantīti yujjati kappanājālassa asamugghātītā. Vedanādīnavānavabodhena vedanāya taṇhā pavaḍḍhatīti yujjati assādānupassanāsabbhāvato. Sati ca vedayitarāge tattha attattaniyagāho, sassatādīgāho ca vipariphandatīti yujjati kāraṇassa sannihitā. Taṇhāpaccayā hi upādānam sassatādīvāde paññāpentānam, tadanucchavikam vā vedanam vedayantānam phasso hetūti yujjati visayindriyaviññāṇasaṅgatiyā vinā tadabhāvato. Chaphassāyatānamimittavaḍḍassa anupacchedoti yujjati tattha avijjātaṇhānam appahīnattā. Channaṃ phassāyatānam samudayādīpajānanā sabbadiṭṭhigatikasaññaṃ aticca tiṭṭhatīti yujjati catusaccapaṭivedhabhāvato. Imāheva dvāsattīhiyā diṭṭhīhi sabbadiṭṭhigatānam antojālīkatabhāvoti yujjati akiriyaṇādīnam issaravādānaṇca tadantogadhattā. Tathā ceva samvaṇṇitam. Uccinnabhavanettiko tathāgatassa kāyoti yujjati, yasmā bhagavā abhinīhārasampattiyā catūsu satipaṭṭhānesu patiṭṭhitacitto sattabojjhaṅgeyeva yathābhūtam bhāvesi. Kāyassa bhedā parinibbutam na dakkhantīti yujjati anupādīsesanibbānappattiyam rūpādīsū kassacipi anavasesatoti ayam **yuttihāro**.

### Paḍaṭṭhānahāraṇṇanā

Avāṇṇārahaavaṇṇānurūpasampattānādeyyavacanaṭādīvipattīnam paḍaṭṭhānam. Vaṇṇārahavaṇṇānurūpasampattasaddheyyavacanaṭādīsampattīnam paḍaṭṭhānam. Tathā āghātādayo nirayādīdukkhassa paḍaṭṭhānam. Āghātādīnam akaraṇam saggasampattīdīsabbasampattīnam paḍaṭṭhānam. Pāṇātipātādīhi paṭivirati ariyassa sīlakkhandhassa paḍaṭṭhānam. Ariyo sīlakkhandho ariyassa samādhikkhandhassa paḍaṭṭhānam. Ariyo samādhikkhandho ariyassa paññākkhandhassa paḍaṭṭhānam. Gambhīratādīvīsesayuttam bhagavato paṭivedhappakāraññaṃ desanāññaṇssa paḍaṭṭhānam. Desanāññaṇam vineyyānam sakalavaḍḍadukkhanīssaraṇassa paḍaṭṭhānam. Sabbāpi diṭṭhi diṭṭhupādānti sā yathārahaṃ navavidhassāpi bhavassa paḍaṭṭhānam. Bhavo jātiyā, jāti jarāmarāṇassa, sokādīnaṇca paḍaṭṭhānam. Vedanānam samudayādīyathābhūtavedanam catunnam ariyasaccānam anubodhapaṭivedho. Tattha anubodho paṭivedhassa paḍaṭṭhānam, paṭivedho catubbidhassa sāmāññaphalassa paḍaṭṭhānam. “Ajānatam apassata”nti avijjāgahaṇam, tattha avijjā saṅkhāraṇam paḍaṭṭhānti yāva vedanā taṇhāya paḍaṭṭhānti netabbam. “Taṇhāgatānam paritassitavipphandita”nti ettha taṇhā upādānassa paḍaṭṭhānam. “Tadapi phassapaccayā”ti ettha sassatādīpaññānam paresam micchābhīnivesassa paḍaṭṭhānam, micchābhīniveso saddhammassavanasappurīsupassayayoniśomanasikāradhammānudhammapaṭipattīhi vimukhatāya, asaddhammassavanādīnaṇca paḍaṭṭhānam, “aññatra phassā”tiādīsū phasso vedanāya paḍaṭṭhānam, cha phassāyatānāni phassassa, sakalavaḍḍadukkhassa ca paḍaṭṭhānam, channaṃ phassāyatānam samudayādīyathābhūtaṭṭhānam nibbidāya paḍaṭṭhānam, nibbidā virāgassāti yāva anupādāparinibbānam netabbam. Bhagavato bhavanettisamucchedo sabbāññūtāya paḍaṭṭhānam. Tathā anupādāparinibbānassāti ayam **paḍaṭṭhānahāro**.

### Lakkhaṇahāraṇṇanā

Āghātādīggaṇaṇena kodhupanāhamakkhapalāsāissāmacchariyasārambhaparavambhānādīnam saṅgaho paṭighacittupādāpariyāpannatāya ekalakkhaṇattā. Ānandādīggaṇaṇena abhijjhāvisamalobhamānātimānamadappamādādīnam saṅgaho lobhacittupādāpariyāpannatāya samānalakkhaṇattā. Tathā āghātāggaṇaṇena avasiṭṭhaganthānīvaraṇānam saṅgaho kāyaganthānīvaraṇalakkhaṇaṇena ekalakkhaṇattā. Ānandāggaṇaṇena phassādīnam saṅgaho saṅkhāraṇkhandhalakkhaṇaṇena ekalakkhaṇattā. Sīlaggaṇaṇena adhicittaadhīpaññāsikkhānampi saṅgaho sikkhālakkaṇaṇena ekalakkhaṇattā. Idha pana sīlasseva indriyasamvarādīkassa daṭṭhabbam. Diṭṭhigggaṇaṇena avasiṭṭhaupādānānampi saṅgaho upādānalakkhaṇaṇena ekalakkhaṇattā. “Vedanā”nti ettha vedanāgggaṇaṇena avasiṭṭhaupādānakkhandhānampi saṅgaho khandhalakkhaṇaṇena ekalakkhaṇattā. Tathā vedanāya dhammāyatānadhammadhātupariyāpannatā sammasanūpagānam sabbesam āyatānānam dhātūnaṇca saṅgaho āyatānalakkhaṇaṇena, dhātulakkhaṇaṇena ca ekalakkhaṇattā. “Ajānatam apassata”nti ettha avijjāggaṇaṇena hetuāsavoghayoganīvaraṇādīsāṅgaho hetādīlakkaṇaṇena ekalakkhaṇattā avijjāya, tathā “taṇhāgatānam paritassitavipphandita”nti ettha taṇhāgggaṇaṇaṇepi. “Tadapi phassapaccayā”ti ettha phassaggaṇaṇena saññāsāṅkhāraviññāṇānam saṅgaho vipallāsahetubhāvena, khandhalakkhaṇaṇena ca ekalakkhaṇattā. Chaphassāyatānagggaṇaṇena khandhindriyadhātādīnam saṅgaho phassupattinimittatāya, sammasanasabhāvena ca ekalakkhaṇattā. Bhavanettigggaṇaṇena avijjādīnampi samkilesadhammānam saṅgaho vaṭṭahetubhāvena ekalakkhaṇattāti

ayaṃ **lakkhaṇahāro**.

### Catubyūhahāraṇṇā

Nindāpasamsāhi sammākampitacetasā micchājīvato anoratā sassatādimicchābhinivesino sīlādiddhammakhandhesu appatīḥhitāyā sammāsambuddhaguṇarasassādavimukhā veneyyā imissā desanāyā **nidānaṃ**. Te yathāvuttadosavinimuttā kathāṃ nu kho sammāpaṭipattiyā ubhayahitaparā bhavēyyunti ayamettha bhagavato **adhippāyo**. Padanibbacanaṃ **nirutti**. Taṃ “eva”ntiādinidānapadānaṃ, “mama”ntiā dipāḷipadānañca aṭṭhakathāvasena suviññeyyattā ativitthārabhayena na vitthārayimha. Padapadatthaniddesanikkhepasuttadesanāsandhivasena chabbidhā **sandhi**. Tattha padassa padantarena sambandho **padasandhi**. Tathā padatthassa padatthantarena sambandho **padatthasandhi**. Nānānusandhikassa suttassa taṃtaṃanusandhihi sambandho, ekānusandhikassa ca pubbāparasambandho **niddesasandhi**, yā aṭṭhakathāyaṃ pucchānusandhiājḥāsāyānusandhiyathānusandhivasena tividhā vibhattā, tā panetā tissopi sandhiyo aṭṭhakathāyaṃ vicāritā eva. **Suttasandhi** ca paṭhamaṃ nikkhepavasena amhehi pubbe dassitāyeva. Ekissā desanāyā desanāntarena saddhiṃ saṃsandanaṃ **desanāsandhi**, sā evaṃ veditabbā – “mamaṃ vā bhikkhave...pe... na cetaso anabhiraddhi karaṇīyā”ti ayaṃ desanā “ubhatodaṇḍakena cepi bhikkhave kakacena corā ocarakā āngamaṅgāni okkanteyyūṃ, tatrapi yo mano padūseyya, na me so tena sāsanaṃ”ti (ma. ni. 1.232) imāya desanāyā saddhiṃ saṃsandati. “Tumhaṃ yevassa tena antarāyo”ti “kammassakā māṇava sattā...pe... dāyādā bhavissanti”ti (a. ni. 10.216) imāya desanāyā saṃsandati. “Api tumhe...pe... ājāneyyāthā”ti “kuddho atthaṃ...pe... saḥate nara”nti (a. ni. 7.64; mahāni. 5, 156, 195) imāya desanāyā saṃsandati.

“Mamaṃ vā bhikkhave pare vaṇṇaṃ...pe... na cetaso ubbillāvitattaṃ karaṇīyā”nti “dhammāpi vo bhikkhave pahātabbā, pageva adhammā (ma. ni. 1.240). Kullūpamaṃ vo bhikkhave dhammaṃ desessāmi, nittharaṇatthāyā, no gahaṇatthāyā”ti (ma. ni. 1.240) imāya desanāyā saṃsandati. “Tatra ce tumhehi...pe... ubbilāvitā, tumhaṃ yevassa tena antarāyo”ti “luddhoatthaṃ...pe... saḥate nara”nti (itivu. 88; mahāni. 5.156, 195; cūḷani. 128) “kāmandhā jālasañchannā, taṇhāchadanachādītā”ti (udā. 64; netti. 27, 90; peṭako. 14) imāhi desanāhi saṃsandati.

“Appamattakaṃ...pe... sīlamattaka”nti “paṭhamaṃ jhānaṃ upasampajja viharati. Ayaṃ kho brāhmaṇa yañño purimehi yaññehi appaṭṭhataro ca appasamārambhataro ca mahapphalataro ca mahānisamsataro cā”tiādikāya (dī. ni. 1.353) desanāyā saṃsandati, paṭhamajjhānassa sīlato mahapphalamahānisamsatarabhāvavacanena jhānato sīlassa appabhāvadīpanato.

“Paṇātipātaṃ pahāyā”tiādi “samaṇo khalu bho gotamo sīlavā...pe... kusalasīlena samannāgato”tiādikāhi (dī. ni. 1.304) desanāhi saṃsandati.

“Aññeva dhammā gambhīrā”tiādi “adhigato kho myāyaṃ dhammo gambhīro”tiādi (dī. ni. 2.67; ma. ni. 1.281; 2.337; saṃ. ni. 1.172; mahāva. 7, 8) pāḷiyā saṃsandati. Gambhīratādivisesayuttadhammapaṭivedhena hi ñāṇassa gambhīradibhāvo viññāyatīti.

“Santi bhikkhave eke samaṇabrāhmaṇā”tiādi “santi bhikkhave eke samaṇabrāhmaṇā pubbantakappikā...pe... abhivadanti, sassato attā ca loko ca, idameva saccam, moghamaññanti ittheke abhivadanti, asassato, sassato ca asassato ca, neva sassato ca nāsassato ca, antavā, anantavā, antavā ca anantavā ca, nevantavā nānantavā ca attā ca loko ca idameva saccam, moghamaññanti ittheke abhivadanti”tiādikāhi (ma. ni. 3.27) desanāhi saṃsandati.

“Santi bhikkhave eke samaṇabrāhmaṇā aparantakappikā”tiādi “santi bhikkhave eke samaṇabrāhmaṇā aparantakappikā...pe... abhivadanti, saññī attā hoti arogo paraṃ maraṇā. Ittheke abhivadanti asaṇñī, nevasaññīnāsaññī ca attā hoti arogo paraṃ maraṇā. Ittheke abhivadanti sato vā pana sattassa ucchedaṃ vināsaṃ vibhavaṃ paññapenti, diṭṭhadhammanibbānaṃ vā paneke abhivadanti”tiādikāhi (ma. ni. 3.21) desanāhi saṃsandati. “Vedanānaṃ...pe... tathāgato”ti “tayidaṃ saṅkhataṃ oḷārikaṃ, atthi kho pana saṅkhāraṇaṃ nirodho, atthetanti iti viditvā tassa nissaraṇadassāvī tathāgato tadupātivatto”tiādikāhi (ma. ni. 3.28) desanāhi saṃsandati.

“Tadapi tesam...pe... vipphanditamevā”ti idaṃ “tesam bhavataṃ aññatreva chandāya aññatra ruciyā aññatra anussavā aññatra ākāraparivitakkā aññatra diṭṭhinijjhānakkhantiyā paccattaṃyeva ñāṇaṃ bhavissati parisuddham pariyoḍātanti netam thānaṃ vijjati. Paccattaṃ kho pana bhikkhave ñāṇe asati parisuddhe pariyoḍāte yadapi te bhonto samaṇabrāhmaṇā tattha ñāṇabhāgamattameva pariyoḍāpenti, tadapi tesam bhavataṃ samaṇabrāhmaṇānaṃ upādānamakkhāyatī”tiādikāhi (ma. ni. 3.29) desanāhi saṃsandati.

“Tadapi phassapaccayā”ti idaṃ “cakkhuñca paṭicca rūpe ca uppajjati cakkhuvīññāṇaṃ, tiṇṇaṃ saṅgati phasso, phassapaccayā vedanā, vedanāpaccayā taṇhā, taṇhāpaccayā upādāna”nti, (saṃ. ni. 2.44) “chandamūlakā ime āvuso dhammā manasikārasamuṭṭhānā phassasamodhānā vedanāsamosaraṇā”ti (a. ni. 8.83) ca ādikāhi desanāhi saṃsandati.

“Yato kho bhikkhave bhikkhu channaṃ phassāyatanāna”ntiādi “yato kho ānanda bhikkhu neva vedanaṃ attānaṃ samanupassati, na saññaṃ, na saṅkhāre, na viññāṇaṃ attānaṃ samanupassati, so evaṃ asamanupassanto na kiñci loke

upādiyati, anupādiyam na paritassati, aparitassam paccattamyeva parinibbāyatī”tiādikāhi desanāhi samsandati.

“Sabbe te imeheva dvāsaṭṭhiyā vatthūhi antojālīkatā”tiādi “ye hi keci bhikkhave...pe... abhivadanti, sabbe te imāneva pañca kāyāni abhivadanti etesaṃ vā aññatara”ntiādikāhi (ma. ni. 3.26) desanāhi samsandati. “**Kāyassa bheda...pe... devamanussā**”ti –

“Accī yathā vātavegena khittā, (upasivāti bhagavā)  
Atthaṃ paleti na upeti saṅkham;  
Evaṃ munī nāmakāyā vimutto,  
Atthaṃ paleti na upeti saṅkha”nti. (su. ni. 1080; cūḷani. 43);

Ādikāhi desanāhi samsandatīti ayam **cātubyūho hāro**.

### Āvattahāraṇṇanā

Āghātādīnaṃ akaraṇīyatāvacaṇena khantisoraccānuṭṭhānaṃ. Tattha khantiyā saddhāpaññāparāpakāradukkhahagatānaṃ saṅgaho, soraccena sīlassa. Saddhādiggahaṇena ca saddhindriyādisakalabodhipakkhiyadhammā āvattanti. Sīlaggaṇena avipparisāradāyo sabbepi sīlanisamsadhammā āvattanti. Pañātipātādīhi paṭivirativacaṇena appamādavīhāro, tena sakalam sāsanaabrahmacariyam āvattati. Gambhīratādivisesayuttadhammaggaṇena mahābodhipakittanaṃ. Anāvāraṇāññāpadaṭṭhānañhi āsavakkhayaññānaṃ, āsavakkhayaññāpadaṭṭhānañca anāvāraṇāññānaṃ mahābodhi, tena dasabalādayo sabbe buddhaguṇā āvattanti. Sassaṭṭadīṭṭhiggaṇena taṇhāvijjāya saṅgaho, tāhi anamataggasamsāraṇaṃ āvattati. Vedanānaṃ samudayādiyathābhūtavedanaṃ bhagavato pariññāttayavisuddhi, tāya paññāpāramimukhena sabbapāramiyo āvattanti. “Ajānataṃ apassata”nti avijjāggahaṇena ayonisomanasikārapariggaho, tena ca ayonisomanasikāramūlakā dhammā āvattanti. “Taṇhāgatānaṃ paritassitavipphandita”nti taṇhāggahaṇena nava taṇhāmūlakā dhammā āvattanti, “tadapi phassapaccayā”tiādi sassaṭṭadīpaññāpanassa paccayādhīnavuttidassanaṃ, tena aniccatādīlakkaṇattayam āvattati. Channaṃ phassāyatanānaṃ yathābhūtaṃ pajānaṇena vimuttisampadānidheso, tena sattapi visuddhiyo āvattanti. “Ucchinnabhavanettiko tathāgatassa kāyo”ti taṇhāpahānaṃ, tena bhagavato sakalasaṃkilesappahānaṃ āvattatīti ayam **āvatto hāro**.

### Vibhattihāraṇṇanā

Āghātānandādayo akusalā dhammā, tesam ayonisomanasikārādi padaṭṭhānaṃ. Yehi pana dhammehi āghātānandānaṃ akaraṇam appavatti, te abyāpādādayo kusalā dhammā, tesam yonisomanasikārādi padaṭṭhānaṃ. Tesu āghātādayo kāmāvacarāva, abyāpādādayo catubhūmakā. Tathā pañātipātādīhi paṭivirati kusalā vā abyākatā vā, tassā hirottappādayo dhammā padaṭṭhānaṃ. Tattha kusalā siyā kāmāvacarā, siyā lokuttarā, abyākatā lokuttarāva. “Atthi bhikkhave aññeva dhammā gambhīrā”ti vuttadhammā siyā kusalā, siyā abyākatā, tattha kusalānaṃ vuṭṭhānagāminivipassanā padaṭṭhānaṃ. Abyākatānaṃ maggadhammā, vipassanā, āvajjanā vā padaṭṭhānaṃ. Tesu kusalā lokuttarā, abyākatā siyā kāmāvacarā, siyā lokuttarā, sabbāpi diṭṭhiyo akusalāva kāmāvacarāva, tāsam avisesena micchābhīnivese ayonisomanasikāro padaṭṭhānaṃ. Visesto pana santatighanavinibhogābhāvato ekattanayassa micchāgāho atītajātianussaraṇatakkasahito sassaṭṭadīṭṭhiyā padaṭṭhānaṃ. Hetuphalabhāvena sambandhabhāvassa aggahaṇato nānattanayassa micchāgāho tajjāsamanāhārasahito ucchedadīṭṭhiyā padaṭṭhānaṃ. Evaṃ sesadīṭṭhīnampi yathāsambhavaṃ vattabbaṃ. “Vedanāna”nti ettha vedanā siyā kusalā, siyā abyākatā, siyā kāmāvacarā, siyā rūpāvacarā, siyā arūpāvacarā, phasso tāsam padaṭṭhānaṃ. Vedanānaṃ samudayādiyathābhūtavedanaṃ maggaññānaṃ, anupādāvimutti phalaṃ, tesam “aññeva dhammā gambhīrā”ti ettha vuttanayena dhammādivibhāgo netabbo. “Ajānataṃ apassata”ntiādisu avijjā taṇhā akusalā kāmāvacarā, tāsu avijjāya āsavā, ayonisomanasikāro eva vā padaṭṭhānaṃ. Taṇhāya saṃyojanīyesu dhammesu assādadassanaṃ padaṭṭhānaṃ. “Tadapi phassapaccayā”ti ettha phassassa vedanāya viya dhammādivibhāgo veditabbo. Iminā nayena phassāyatanādīnampi yathārahaṃ dhammādivibhāgo netabboti ayam **vibhattihāro**.

### Parivattahāraṇṇanā

Āghātādīnaṃ akaraṇam khantisoraccāni anubrūhetvā paṭisaṅkhānabhāvanābalasiddhiyā ubhayahitapaṭipattim āvahati. Āghātādayo pana pavattiyamānā dubbaṇṇataṃ dukkhaseyyam bhogahāniṃ akittim parehi durupasaṅkamanatañca nipphādentā nirayādisu mahādukkham āvahanti. Pañātipātādīhi paṭivirati avipparisāradīkalyānaṃ paramparaṃ āvahati. Pañātipātādī pana vipparisāradīkalyānaṃ paramparaṃ, gambhīratādivisesayuttaṃ ñānaṃ vineyyānaṃ yathārahaṃ vijjābhīññādiguṇavisesam āvahati sabbañeyyam yathāsabhāvāvabodhato. Tathā gambhīratādivisesarahitaṃ pana ñānaṃ ñeyyesu sāvaraṇato yathāvuttaguṇavisesam nāvahati. Sabbāpi cetā diṭṭhiyo yathārahaṃ sassatucchedabhāvato antadvayabhūtā sakkāyatīraṃ nātivattanti niyyānikasabhāvattā. Niyyānikasabhāvattā pana sammādiṭṭhi saparikkhārā majjhimaṃpaṭipadābhūtā atikkamma sakkāyatīraṃ pāraṃ āgacchati. Vedanānaṃ samudayādiyathābhūtavedanaṃ anupādāvimuttiṃ āvahati maggabhāvato. Vedanānaṃ samudayādiāsampaṭivedho saṃsārācārakāvarodham āvahati saṅkhārānaṃ paccayabhāvato. Vedayitasabhāvapaṭicchādako sammoho tadabhinandanaṃ āvahati. Yathābhūtavabodho pana

tattha nibbedaṃ virāgaṇca āvahati. Micchābhiniवेशे ayonisomanasikārasahitā taṇhā anekavihitaṃ diṭṭhijālaṃ pasāreti. Yathāvuttataṇhāsamucchēdo paṭhamamaggo taṃ diṭṭhijālaṃ saṅkoceti. Sattatavādādīpaññāpanassa phasso paccayo hoti asati phasse tadabhāvato. Diṭṭhibandhanabandhānaṃ phassāyatanādīnaṃ anirodhena phassādianirodho saṃsāradukkhaṃ anivattiyeva, yāthāvato phassāyatanādīpariññā sabbadiṭṭhidassanāni ativattati, phassāyatanādīpariññā taṃ diṭṭhigahaṇaṃ nātivattati, bhavanettisamucchēdo āyatiṃ attabhāvassa anibbattiyā saṃvattati, asamucchinnāya bhavanettiyā anāgate bhavappabandho parivattatiyevāti ayaṃ **parivatto hāro**.

### Vevacanaḥāraṇaṇā

“Mama mayhaṃ me”ti pariyaṇavacanaṃ. “Bhikkhave samaṇā tapassino”ti pariyaṇavacanaṃ. “Pare aññe paṭiviruddhā”ti pariyaṇavacanaṃ. “Avaṇṇaṃ akittiṃ ninda”nti pariyaṇavacanaṃ. “Bhāseyyūṃ bhaṇeyyūṃ kareyyu”nti pariyaṇavacanaṃ. “Dhammassa vinayassa satthusāsanassā”ti pariyaṇavacanaṃ. “Saṅghassa samūhassa gaṇassā”ti pariyaṇavacanaṃ. “Tatra tattha tesū”ti pariyaṇavacanaṃ. “Tumhehi vo bhavantehi”ti pariyaṇavacanaṃ. “Āghāto doṣo byāpādo”ti pariyaṇavacanaṃ. “Appaccayo domanassaṃ cetasikadukkha”nti pariyaṇavacanaṃ. “Cetaso anabhiraddhi cittaṃ byāpatti manopadoso”ti pariyaṇavacanaṃ. “Na karaṇīyā na uppādetabbā na pavattetabbā”ti pariyaṇavacanaṃ. Iti iminā nayena sabbapadesu vevacanaṃ vattabbanti ayaṃ **vevacano hāro**.

### Paññattihāraṇaṇā

Āghāto vatthuvaseṇa dasavidhena ekūnavīsatividhena vā paññatto. Appaccayo upavicāravaseṇa chadhā paññatto. Ānandopītiādivaseṇa navadhā paññatto. Pīti sāmāññato khuddikādivaseṇa pañcadhā paññattā. Somanassaṃ upavicāravaseṇa chadhā paññattaṃ. Sīlaṃ vārittacārittādivaseṇa anekadhā paññattaṃ. Gambhīratādiviseṇa uttamaṃ nānaṃ cūṭṭupādavaseṇa catudhā, dvādasavidhena vā, visayabhedato anekadhā ca paññattaṃ. Diṭṭhisattādivaseṇa dvāsaṭṭhiyā bhedehi, tadantogadhavibhāgeṇa anekadhā ca paññattā. Vedanā chadhā aṭṭhasatadhā anekadhā ca paññattā. Tassā samudayo pañcadhā paññatto, tathā atthaṅgamo. Assādo duvidhena paññatto. Ādīnavo tividhena paññatto. Nissaraṇaṃ ekadhā catudhā ca paññattaṃ...pe... anupādāvimutti duvidhena paññattā.

“Ajānataṃ apassata”nti vuttā avijjā visayabhedena catudhā aṭṭhadhā ca paññattā. “Taṇhāgātāna”ntiādinā vuttā taṇhā chadhā aṭṭhasatadhā anekadhā ca paññattā. Phasso nissayavaseṇa chadhā paññatto. Upādānaṃ catudhā paññattaṃ. Bhavo dvīdhā anekadhā ca paññatto. Jāti vevacanaṇaseṇa chadhā paññattā. Tathā jarā sattadhā paññattā. Maraṇaṃ aṭṭhadhā navadhā ca paññattaṃ. Soko pañcadhā paññatto. Paridevo chadhā paññatto. Dukkhaṃ catudhā paññattaṃ, tathā domanassaṃ. Upāyāso catudhā paññatto. “Samudayo hoti”ti pabhavapaññatti, “yathābhūtaṃ pajānāti”ti dukkhassa pariññāpaññatti, samudayassa pahānaṇapaññatti, nirodhassa sacchikiriyāpaññatti, maggassa bhāvanāpaññatti.

“Antojālikatā”tiādi sabbadiṭṭhīnaṃ saṅghapaññatti. “Ucchinnabhavanettiko”tiādi duvidhena parinibbānaṇapaññatti. Evaṃ āghātādīnaṃ akusalakusalādīdhammānaṃ yathāpabhavapaññattiādivaseṇa, tathā “āghāto”ti byāpādassa vevacanaṇapaññatti, “appaccayo”ti domanassassa vevacanaṇapaññattiādinā nayena paññattibhedo vibhajitabboti ayaṃ **paññattihāro**.

### Otaṇaḥāraṇaṇā

Āghāttaggaṇeṇa saṅkhārakkhandhasaṅgaho, tathā anabhiraddhigahaṇeṇa. Appaccayaggaṇeṇa vedanākkhandhasaṅgahoti idaṃ **khandhamukhena otaṇaṇaṃ**. Tathā āghātādiggaṇeṇa dhammāyatanāṃ dhammadhātu dukkhasaccaṃ samudayasaccaṃ vā gahitanti idaṃ **āyatanamukhena dhātumukhena saccamukhena ca otaṇaṇaṃ**. Tathā āghātādīnaṃ saḥajātā avijjā hetusaḥajātāaññamaññānissayasampayuttaatthiavigatapaccayehi paccayo hoti, asaḥajātā pana anantarasamanantaraanantarūpanissayanatthivigatāsevanapaccayehi paccayo hoti, anantarā upanissayavaseṇa paccayo hoti. Taṇhāupādānādīnaṃ, phassādīnampi tesāṃ saḥajātānaṃ asaḥajātānaṇca yathārahaṃ paccayabhāvo vattabbo. Koci panettha adhipativaseṇa, koci kammavaseṇa, koci āhāravaseṇa, koci indriyavaseṇa, koci jhānavaseṇa, koci maggavaseṇa paccayo hotīti. Ayampi viśeso veditabboti idaṃ **paṭiccasamuppādamukhena otaṇaṇaṃ**. Ānandādīnampi imināya nayena khandhādīmukhena otaṇaṇaṃ vibhāvetabbaṃ.

Tathā sīlaṃ pāṇātipātādīhi viraticetanā, abyāpādādicetasikadhammā ca, pāṇātipātādayo cetanāva, tesāṃ tadupakāradhammānaṇca lajjādayādīnaṃ saṅkhārakkhandhadhammāyatanādīsaṅgaho, purimanayeneva khandhādīmukhena ca otaṇaṇaṃ vibhāvetabbaṃ. Esa nayo nānādiṭṭhivedanāvijjātaṇhādīdiggaṇesu. Nissaraṇaanupādāvimuttigahaṇesu asaṅkhatadhātuvaseṇa **dhātumukhena otaṇaṇaṃ** vibhāvetabbaṃ. Tathā “vedanānaṃ...pe... anupādāvimutto”ti etena bhagavato sīlādayo pañca dhammakhandhā, satipaṭṭhānādayo ca bodhipakkhiyadhammā pakāsītā hontīti taṃ mukhena pāṇātipātādayo veditabbaṃ. “Tadapi phassapaccayā”ti diṭṭhīpaññāpanassa paccayādhīnavuttitādīpaneṇa **aniccātāmukhena otaṇaṇaṃ**, tathā evaṃdhammatāya **paṭiccasamuppādamukhena otaṇaṇaṃ**, aniccaṃ dukkhānattabhāvato **appañihitamukhena suññātāmukhena ca otaṇaṇaṃ**. Sesapadesupi eseṇa nayoti ayaṃ **otaṇo hāro**.

### Sodhanahāraṇṇā

“Mamaṃ vā...pe... bhāseyyu”nti **ārambho**. “Dhammassa...pe... saṅghassa...pe... bhāseyyu”nti **padasuddhi, no ārambhasuddhi**. “Tatra tumhehi...pe... karaṇīyā”ti **padasuddhi ceva ārambhasuddhi ca**. Dutīyanayādisupi eseṃa nayo. Tathā “appamattakaṃ kho paneta”ntiādi **ārambho**. “Katama”ntiādi **pucchā**. “Pāṇātipātāṃ pahāyā”tiādi **padasuddhi, no ārambhasuddhi, no ca pucchāsuddhi**. “Idaṃ kho”tiādi **pucchāsuddhi ceva padasuddhi ca ārambhasuddhi ca**.

Tathā “atthi bhikkhave”tiādi **ārambho**. “Katame ca te”tiādi **pucchā**. “Santi bhikkhave”tiādi **ārambho**. “Ki”ntiādi **ārambha pucchā**. “Yathāsamāhite”tiādi **padasuddhi, no ārambhasuddhi no ca pucchāsuddhi**. “Ime kho te”tiādi **padasuddhi ceva pucchāsuddhi ca ārambhasuddhi ca**. Iminā nayeṃa sabbattha ārambhādayo veditabbāti. Ayaṃ **sodhana hāro**.

### Adhiṭṭhānahāraṇṇā

“Avaṇṇa”nti **sāmaññato adhiṭṭhānaṃ taṃ**, avikappetvā **visesavacanaṃ** “mamaṃ vā dhammassa vā saṅghassa vā”ti. Sukkapakkhepi eseṃa nayo.

Tathā “sīla”nti **sāmaññato adhiṭṭhānaṃ**, taṃ avikappetvā **visesavacanaṃ** “pāṇātipātā paṭivirato”tiādi.

“Aññeva dhammā”tiādi **sāmaññato adhiṭṭhānaṃ**, taṃ avikappetvā **visesavacanaṃ** “tayaṃ bhikkhave tathāgato pajānāti”tiādi.

Tathā “pubbantakappikā”tiādi **sāmaññato adhiṭṭhānaṃ**, taṃ avikappetvā **visesavacanaṃ** “sassatavādā”tiādi. Iminā nayeṃa sabbattha sāmaññavesiso niddhāretabboti ayaṃ **adhiṭṭhāno hāro**.

### Parikkhārahāraṇṇā

Āghātādīnaṃ “anattaṃ me acari”tiādīni (dha. sa. 1237; vibha. 909) ca ekūnavīsati āghātavatthūni **hetu**. Anandādīnaṃ ārammaṇe abhisineho **hetu**. Sīlassa hiriottappaṃ appicchatādayo ca **hetu**. “Gambhīrā”tiādīnā vuttadhammassa sabbāpi pāramīyo **hetu**, visesena paññāpāramī. Diṭṭhīnaṃ asappurisūpassayo, asaddhammassavanaṃ, micchābhīnivesena ayonisomanasikāro ca avisesena **hetu**, visesena pana sassatavādādīnaṃ atītajātianussaraṇādi **hetu**. Vedanānaṃ avijjātaṇhākammāni phasso ca **hetu**. Anupādāvimuttiyā ariyamaggo **hetu**. Paññāpanassa ayonisomanasikāro **hetu**. Taṇhāya saṃyojanīyesu assādānupassanā **hetu**. Phassassa chaḷāyatanāni, chaḷāyatanassa nāmarūpaṃ **hetu**. Bhavanettisamucchadassa visuddhibhāvanā **hetūti** ayaṃ **parikkhāro hāro**.

### Samāropanahāraṇṇā

Āghātādīnaṃ akaraṇīyatāvacaṇena khantisampadā dassitā hoti. “Appamattakaṃ kho paneta”ntiādīnā soraccasampadā, “atthi bhikkhave”tiādīnā nāṇasampadā, “aparāmasato cassa paccattaññeva nibbuti veditā”ti, “vedanānaṃ...pe... yathābhūtaṃ veditvā anupādāvimutto”ti etehi samādhisampadāya saddhāṃ vijjāvimuttivasībhāvasampadā dassitā hoti. Tathā khantisampadā paṭisaṅkhānabalasiddhito soraccasampadāya **padaṭṭhānaṃ**. Soraccasampadā pana atthato sīlameva, tathā pāṇātipātādīhi paṭivirativacanaṃ sīlassa pariyaṃyavibhāgadassanattaṃ. Tathā sīlaṃ samādhissa **padaṭṭhānaṃ**, samādhī paññāya **padaṭṭhānaṃ**. Tesu sīlena **vītikkaṃmappaṇānaṃ duccharitasamkilesappaṇānaṃ** sījjhati, samādhīna **pariyuṭṭhānaṃ**, **vikkhambhaṇṇānaṃ**, **taṇhāsamkilesappaṇānaṃ** sījjhati. Paññāya **diṭṭhisamkilesappaṇānaṃ**, **samucchadappaṇānaṃ**, **anusayappaṇānaṃ** sījjhatīti sīlādīhi tīhi dhammakkhandahehi samathavipassanābhāvanāpāripūrī, pahānattayasiddhi cāti ayaṃ **samāropano hāro**.

Soḷasahāraṇṇā niṭṭhitā.

### Pañcavidhanayaṇṇā

### Nandiyāvaṭṭanayaṇṇā

Āghātādīnaṃ akaraṇāvacaṇena taṇhāvijjāsānkoco dassito hoti. Sati hi attattaniyatthūsu sinehe sammose ca “anattaṃ me acari”tiādīnā (dha. sa. 1237, vibha. 909) āghāto jāyatīti, tathā “pāṇātipātā paṭivirato”tiādivacanehi, “paccattaññeva nibbuti veditā, anupādāvimutto, channaṃ phassāyatanānaṃ...pe... yathābhūtaṃ pajānāti”tiādīhi vacanehi ca taṇhāvijjānaṃ accantappaṇānaṃ dassitaṃ hoti. Tāsaṃ pana pubbantakappikādīpadehi “ajānataṃ apassata”ntiādivacanehi ca sarūpato dassitānaṃ taṇhāvijjānaṃ rūpadhammā arūpadhammā ca **adhiṭṭhānaṃ**. Yathākkamaṃ samatho ca vipassanā ca **paṭipakkho**. Tesāṃ cetovimutti paññāvimutti ca **phalaṃ**. Tathā taṇhā, taṇhāvijjā vā samudayasaccaṃ, tadadhiṭṭhānabhūtā rūpārūpadhammā dukkhasaccaṃ, tesāṃ appavatti nirodhasaccaṃ, nirodhapajānānaṃ samathavipassanā maggasaccanti evaṃ





## 2. Sāmaññaphalasuttavaṇṇanā

### Rājāmacakathāvaṇṇanā

150. **Rājagaheti** ettha duggajanapadaṭṭhānavisesasampadādiyogato padhānabhāvena rājūhi gahitanti **rājagahanti** āha “**mandhātu...pe...** vuccati”ti. Tattha mahāgovindena mahāsattena pariggahitaṃ reṇuādīhi rājūhi pariggahitameva hotīti mahāgovindaggahaṇaṃ. **Mahāgovindoti** mahānubhāvo eko purātano rājāti keci. **Pariggahitattāti** rājadhānībhāvena pariggahitattā. **Pakāreti** nagaramāpanena raññā kāritasabbagehattā **rājagahaṃ**, gijjhakūṭādīhi parikkhittattā pabbatarājehi parikkhittagehasadisanti **rājagahaṃ**, sampannabhavanatāya rājamānaṃ gehanti pi **rājagahaṃ**, saṃvihitārakkhatāya anathāvahabhāvena upagatānaṃ paṭirājūnaṃ gahaṃ gehabhūtantipi **rājagahaṃ**, rājūhi disvā sammā patiṭṭhāpitattā tesam gahaṃ gehabhūtantipi **rājagahaṃ**, āramarāmaṇeyyakādīhi rājate, nivāsasukhatādīnā sattehi mamattavasena gayhati, pariggayhatīti vā **rājagahanti** edise pakāre so padeso ṭhānavisesabhāvena uḷārasattaparibhogotī āha “**taṃ paneta**”ntiādi. **Tesanti** yakkhānaṃ. **Vasāvananti** āpānabhūmibhūtaṃ upavanaṃ.

**Avisesenāti** “pātimokkhasaṃvarasaṃvuto viharati” (ma. ni. 1.69; 3.75; vibha. 508), “paṭhamam jhānaṃ upasampajja viharati, (dī. ni. 1.226; saṃ. ni. 2.152; a. ni. 4.123; pārā. 11) “mettāsahagatena cetasā ekaṃ disaṃ pharivā viharati”, (dī. ni. 1.556; 3.308; ma. ni. 1.77, 459, 509; 2.309, 315, 451, 471; 3.230; vibha. 642) “sabbanimittānaṃ amanasikārā animittam cetosamādhiṃ samāpajjitvā viharati”tiādīsu (ma. ni. 1.459) viya saddantarasaṇṇidhānasiddhena visesaparāmasanena vinā. Iriyāya kāyikakiriyāya pavattanūpāyabhāvato pathoti **iriyāpatho**. Ṭhānādīnañhi gatīnivatti ādiavattahāhi vinā na kañci kāyikakiriyam pavattetaṃ sakkā. Viharati pavattati etena, viharāṇācātī viharo, dibbabhāvavaho viharo **dibbavihāro**, mahaggatajjhānāni. **Nettiyam** pana “catasso āruppasamāpattiyo āneñjā vihārā”ti vuttaṃ. Taṃ tāsam mettājhānādīnaṃ brahmavihārātā viya bhāvanāvisesabhāvaṃ sandhāya vuttaṃ. **Aṭṭhakathāsu** pana dibbabhāvavahasamaññato tāpi “dibbavihārā” tveva vuttā. Hitūpasamhārādivasena pavattiyā brahmabhūtā seṭṭhabhūtā vihārāti **brahmavihārā**, mettājhānādīkā. Anaññāsādhāraṇattā ariyānaṃ vihārāti **ariyavihārā**, catassopi phalasaṃpattiyo. **Samaṅgiparidīpananti** samaṅgibhāvaparidīpanaṃ. **Iriyāpathasaṃyogaparidīpanaṃ** itaravihārasaṃyogaparidīpanassa visesavacanassa abhāvato, iriyāpathasaṃyogaparidīpanassa ca atthasiddhattā. **Viharatīti** ettha **vi-**saddo vicchedatthajotano, **haratīti** neti, pavatteti attho. Tattha kassa kena vicchīdanaṃ, kathaṃ kassa pavattananti antolīnaṃ codanaṃ sandhāyāha “**so hi**”tiādi.

Gocaragāmadassanattam “rājagahe”ti vatvā buddhānaṃ anurūpanivāsanaṭṭhānadassanattam “ambavane”ti vuttanti āha “**idamassā**”tiādi. **Etanti** etaṃ “rājagahe”ti **bhumavacanaṃ samīpatthe** “gaṅgāya gāvo caranti, kūpe gaggakula”nti ca yathā. Kumārena bhatoti kumārabhato, so eva **komārabhacco** yathā bhisaggameva bhesajjam. **Dosābhisannanti** vātapittādivasena ussannadosam. **Vireceti**vāti dosapakopato viveceti.

**Aḍḍhatelaṣahīti** aḍḍhena terasahi aḍḍhaterasahi bhikkhusatehi. Tāni pana paññāsāya ūnāni terasabhikkhusatāni hotīti āha “**aḍḍhasatena**”tiādi.

**Rājatīti** dibbati, sobhatīti attho. **Raṇjetīti** rameti. **Raṇṇoti** pitu bimbisāraṇaṇo. Sāsanaṭṭhena hiṃsanaṭṭhena **sattu**.

**Bhāriyeti** garuke aññesaṃ asakkuṇeyye vā. **Suvaṇṇasatthakenāti** suvaṇṇamayena satthakena. Ayomayañhi rañño sarīraṃ upanetaṃ ayuttanti vadati. **Suvaṇṇasatthakenāti** vā suvaṇṇaparikkhatena satthakena **bāhuṃ phālāpetvāti** sirāvedhasena bāhuṃ phālāpetvā **udakena sambhīditvā pāyesi** kevalassa lohitassa gabbhinittiyā dujjirabhāvato. **Dhurāti** dhurabhūtā, gaṇassa, dhorayhāti attho. **Dhuraṃ niharāmīti** gaṇadhuraṃ gaṇabandhiyaṃ nibbattemi. “**Pubbe kho**”tiādi khandhakapāli eva.

**Potthaniyanti** churikaṃ, yaṃ “nakhara”ntipi [pothanikanti churikaṃ, yaṃ kharantipi (sārattha. ṭī. 3.339) pothanikanti churikaṃ, kharantipi (vi. vi. ṭī. 2.cūḷavaggaṇṇanā 339)] vuccati. **Divā divassāti** divassapi divā, majjhanhikavelāyanti attho.

**Tassā sarīraṃ lehitvā yāpeti** attūpakkamena maraṇaṃ na yuttanti. Na hi ariyasāvaka attānaṃ vinipātentīti. **Maggaphalasukhenāti** maggaphalasukhāvahena sotāpattimaggaphalasukhūpasāñhitena **caṅkamaṇa yāpeti**. **Cetiyaṅgaṇeti** gandhapupphādīhi pūjanaṭṭhānabhūte cetiyaṅgaṇe. **Nisajjanatthāyāti** bhikkhusaṅghanisīdanatthāya. **Cātumahārājikadevaloke...pe...** **yakkho hutvā nibbatti** tattha bahulaṃ nibbattapubbatāya ciraparicitanikantivasena.

**Khobhetvāti** puttasinehassa balavabhāvato, sahaṅgāpāpīvegassa ca savipphāratāya taṃsamuṭṭhānarūpadhammehi pharaṇavasena sakalasarīraṃ āloḷevā. Tenāha “**aṭṭhimiñjam āhacca aṭṭhāsi**”ti. **Pitugūṇanti** pitu attāni sinehaguṇaṃ. **Muñcāpetvāti** ettha **iti-**saddo pakārattho, tena “abhimārakapurisapesanādippakārenā”ti vutte eva pakāre paccāmasati. **Vitthārakathānayoti** ajātasattupāsādanādivasena vitthārato vattabbāya kathāya nayamattaṃ. Kasmā panettha vitthāranayā kathā na vuttāti āha “**āgatattā pana sabbam na vutta**”nti.

**Kosalaraññoti** mahākosalarañño. **Paṇḍitādhivacananti** paṇḍitavevacanaṃ. **Vidantīti** jānanti. **Vedena** ñāṇena

karaṇabhūtena **īhati** pavattatīti **vedehi**.

**Etthāti** etasmiṃ divase. **Anasanena vāti vā**-saddo aniyamattho, tena ekaccamanoduccaritatussilyādīni saṅgaṇhāti. Tathā hi goṇālakūposatho abhiññāsahagatacittassa vasena vutto, nigaṇṭhuposatho mosavajjādivasena. Yathāha “so tena abhiññāsahagatena cetasā divasaṃ atināmeti”ti (a. ni. 1.71), “iti yasmiṃ samaye sacce samādapetabbā, musāvāde tasmīṃ samaye samādapenti”ti (a. ni. 1.71) ca ādi. **Etthāti** uposathasaddhe. **Atthuddhāroti** vattabbaatthānaṃ uddhāraṇaṃ.

Nanu ca atthamattaṃ pati saddā abhinivisanti na ekena saddena aneke atthā abhidhīyanti? Saccamattaṃ saddavisesa apekkhite, tesam pana atthānaṃ uposathasaddavacanīyatā sāmāññaṃ upādāya vuccamāno ayaṃ vicāro uposathasaddassa atthuddhāroti vutto. Heṭṭhā “evaṃ me suta”ntiādīsu āgate atthuddhārepi eseva nayo. Kāmañca pātimokkhuddesādivisayopi uposathasaddo sāmāññarūpo eva visesasaddassa avācakabhāvato, tādisaṃ pana sāmāññaṃ anādiyitvā ayamattho vuttoti veditabbaṃ. Sīlasuddhivasena upeteḥi samaggehi vasiyati anuṭṭhīyati **uposatho**, pātimokkhuddeso. Samādānavasena adhiṭṭhānavasena vā upecca ariyavāsādiattham vasitabbato **uposatho**, sīlam. Anasādivasena upecca vasitabbato anuvāsitabbato **uposatho**. **Upavāsoti** samādānaṃ. Uposathakulabhūtāya navamahatthinikāyapariyāpanne hatthināge kiñci kiriyam anapekkhitvā rūḥhivasena sāmāññamattaṃ uposathoti āha “**uposatho nāgarājātiādīsu paññatti**”ti. Divase pana uposathasaddappavatti atthakathāyaṃ vuttā eva. **Suddhassa ve sadā phaggūti** ettha pana **suddhassāti** sabbaso kilesamalābhāvena suddhassa. **Veti** nipātamattaṃ. **Veti** vā byattanti attho. **Sadā phaggūti** niccakālampi phagguṇanakkhattameva. Yassa hi phagguṇamāse uttaraphagguṇādivase tithanānaṃ karontassa samvaccharikapāpavāhanaṃ hotīti laddhi, tam tato vivecetum idaṃ bhagavatā vuttaṃ. **Suddhassuposatho sadāti** yathāvuttasuddhiyā suddhassa uposathāṅāni vatasamādānāni ca asamādiyati niccam uposatho, uposathavāso evāti attho. Pañcadasannaṃ tithānaṃ pūraṇavasena **pannaraso**.

Bahuso, atisayato vā kumudāni ettha santīti kumudavati, tissaṃ **kumudavatiyā**. Catunnaṃ māsānaṃ pāripūribhūtāni **cātumāsī**. Sā eva pāliyaṃ cātumāsiniṭi vuttāti āha “**idha pana cātumāsiniṭi vuccati**”ti. Tadā kattikamāsassa puṇṇatāya **māsapuṇṇatā**. Vassānassa utuno puṇṇatāya **utupuṇṇatā**. Kattikamāsalakkhitaṃ samvaccharassa puṇṇatāya **samvaccharapuṇṇatā**. “**Mā**” **iti cando vuccati** tassa gatiyā divasassa minitabbato. **Ettha puṇṇoti** etissā rattiyā sabbakalāpāripūriyā puṇṇo. Tadā hi cando sabbaso paripuṇṇo hutvā dissati. Ettha ca “tadahuposathe pannarase”ti padāni divasavasena vuttāni, “komudiyā”tiādīni rattivasena.

**Rājāmaccaparivutoti** rājakulasamudāgateḥi amacceḥi parivuto. Atha vā anuyuttakarājūhi ceva amacceḥi ca parivuto. **Caturupakkilesāti** abbhā mahikā dhūmarajo rāhūti imeḥi catūhi upakkileseḥi. **Sanniṭṭhānaṃ kataṃ** atthakathāyaṃ.

**Pītivacananti** pītisamuṭṭhānaṃ vacanaṃ. Yañhi vacanaṃ paṭiggāhakanirapekkham kevalam uḷārāya pītiyā vasena sarasato sahasāva mukhato niccharati, tam idha “udāna”nti adhippetam. Tenāha “**yaṃ pītivacanaṃ hadayaṃ gahetum na sakkoti**”tiādi.

Dosehi itā gatā apagatāti **dosinā** ta-kārassa na-kāram katvā yathā “kilese jito vijitāvīti jino”ti. **Anīya**-saddo kattuattho veditabboti āha “**manaṃ ramayati**”ti “**ramaṇīyā**”ti yathā “niyyānikā dhammā”ti. Juṇhavasena rattiyā surūpatāti āha “**vuttadosavimuttāyā**”tiādi. Tattha abbhādayo vuttadosā, tabbigameneva cassā **dassanīyatā**, tena, utusampattiyā ca **pāsādikatā** veditabbā. **Lakkhaṇaṃ bhavituṃ yuttāti** etissā rattiyā yutto divaso māso utu samvaccharoti evam divasamāsautusamvaccharānaṃ sallakkhaṇaṃ bhavituṃ yuttā **lakkhaññā**, lakkhaṇīyāti attho.

“Yaṃ no payirupāsato cittaṃ pasīdeyyā”ti vuttattā “samaṇaṃ vā brāhmaṇaṃ vā”ti ettha paramatthasamaṇo ca paramatthabrāhmaṇo ca adhippeto, na pabbajjāmatthasamaṇo, na jātimattabrāhmaṇo cāti āha “**samitapāpatāya samaṇaṃ**. **Bāhitapāpatāya brāhmaṇa**”nti. Bahuvacane vattabbe ekavacanaṃ, ekavacane vā vattabbe bahuvacanaṃ **vacanabyatayo**. Atthakathāyaṃ pana ekavacana vaseneva byatayo dassito. Attani, garuṭṭhāniye ca ekasmimpi bahuvacanaṃ pappayogo nirūḷhoti. **Sabbenapīti** “ramaṇīyā vatā”tiādinā sabbena vacanena. **Obhāsanimittakammanti** obhāsabhūtanimittakammaṃ pariyyattaṃ nimittakaraṇanti attho. **Devadatto cāti**. **Ca**-saddo attūpanayane, tena yathā rājā ajātasattu attano pitu ariyasāvakaṃ satthhuapaṭṭhākassa ghātanena mahāparādhho, evam bhagavato mahāanattakarassa devadattassa avassayabhāvena pīti imamattaṃ upaneti. **Tassa piṭṭhichāyāyāti** tassa jīvakaṃ piṭṭhiapassayena, tam pamukham katvā tam apassāyāti attho. **Vikkhepapachedanattanti** bhāviniyā attano kathāya uppajjanakavikkhepanassa pacchindanattam, anuppattiatthanti adhippāyo. Tenāha “**tassaṃ hī**”tiādi.

**151. “So kirā”**tiādi porāṇatthakathāya āgatanayo. Eseva nayo parato makkhalipadanibbacanepi. **Upasaṅkamantīti** upagatā. **Tadeva pabbajjaṃ aggaḥesīti** tadeva naggarūpaṃ pabbajjaṃ katvā gaṇhi.

**Pabbajitasamūhasaṅkhāto saṅgho**ti pabbajitasamūhatāmattena saṅgho, na niyyānikadiṭṭhisuvissuddhasīlasāmāññavasena samhatattāti adhippāyo. **Assa atthīti** assa satthupaṭiññassa parivārabhūto atthi. **Svevāti** pabbajitasamūhasaṅkhātova. Keci pana “pabbajitasamūhasena **saṅghī**, gahaṭṭhasamūhasena **gaṇī**”ti vadanti, tam tesam matimattaṃ gaṇe eva loke saṅgha-saddassa nirūḷhattā. **Ācārasikkhāpanavasenāti** acelaka

vatacariyādiācārasikkhāpanavasena. **Pākaṭoti** saṅghādiabhāvena pakāsito. “Appiccho”ti vatvā tattha labbhamānaṃ appicchattaṃ dassetuṃ “**appicchatāya vatthampi na nivāseti**”ti vuttaṃ. Na hi tasmim̄ sāsanike viya santagaṇanigūhaṇalakkhaṇā appicchatā labbhatīti. **Yasoti** kittisaddo. “Taranti etena saṃsārogha”nti evaṃ sammatattā **tiṭṭhaṃ** vuccati laddhīti āha “**tiṭṭhakaroti laddhikaro**”ti. **Sādhusammato**ti “sādhū”ti sammato, na sādhūhi sammatoti āha “**ayaṃ sādhu**”tiādi. “Imāni me vatasamādānāni ettakaṃ kālaṃ suciṇāni”ti **pabbajitā paṭṭhāya atikkantā bahū rattiyo jānātīti rattaññū**. Tā panassa rattiyo cirakālabhūtāti katvā **ciraṃ pabbajitassa assāti cirapabbajito**. Tattha cirapabbajitatāgahaṇena buddhisīlataṃ dasseti, rattaññūtāgahaṇena tattha sampajānataṃ. **Addhānanti** dīghakālaṃ. Kittako pana soti āha “**dve tayo rājaparivaṭṭe**”ti, dvinnaṃ tiṇṇaṃ rājūnaṃ rajjaṃ anusāsanapaṭipāṭiyoti attho. “**Addhagato**”ti vatvā kataṃ vayogahaṇaṃ osānavayāpekkhanti āha “**pacchivayaṃ anuppatto**”ti. **Ubhayanti** “addhagato, vayoanuppatto”ti padadvayaṃ.

Pubbe pitarā saddhim̄ satthu santikaṃ gantvā desanāya sutapubbataṃ sandhāyāha “**jhānābhīññādi...pe... sotukāmo**”ti. **Dassanenāti** na dassanamattaṃ, disvā pana tena saddhim̄ ālāpasallāpaṃ katvā tato akiriyaṃ sutvā tesam̄ anattamano ahoṣi. **Guṇakathāyāti** abhūtaguṇakathāya. Tenāha “**suṭṭhutaṃ anattamano hutvā**”ti. Yadi anattamano, kasmā tuṇhī ahoṣīti āha “**anattamano samāno**”tiādi.

**152. Gosālāyāti** evaṃ nāmake gāme. Vassānakāle gunnaṃ tiṭṭhanasālāti eke.

**153. Paṭikiṭṭhataranti** nihīnatarāṃ. **Tantāvutānīti** tante pasāretvā vītāni. “**Sīte sīto**”tiādinā chahākārehi tassa nihīnassa nihīnatarataṃ dasseti.

**154. Vaccaṃ katvāpīti** pi-saddena bhojanaṃ bhujjivāpi kenaci asucinā makkhito pīti imamatthaṃ sampiṇḍeti. **Vālikathūpaṃ katvāti** vattavasena vālikāya thūpaṃ katvā.

**156. Palibuddhanakilesoti** saṃsāre palibuddhanakicco rāgādikilesa khattavathuputtadārādivisayo.

#### **Komārabhaccajīvakakathāvaṇṇanā**

**157.** Na yathādhippāyaṃ vattatīti katvā vuttaṃ “**anatto vata me**”ti. Jīvakassa tuṇhībhāvo mama adhippāyassa maddanasadiso, tasmā taṃ pucchitvā kathāpanena mama adhippāyo pūretabboti ayamettha rañño ajjhāsayoti dassento “**hatthimhi nu kho panā**”tiādimāha. **Kim̄ tuṇhīti** kim̄ kārāṇā tuṇhī, kim̄ taṃ kārāṇaṃ, yena tuvaṃ tuṇhīti vuttaṃ hoti. Tenāha “**kena kārāṇena tuṇhī**”ti.

Kāmaṃ sabbāpi tathāgatassa paṭipatti anaññasādhāraṇā acchariyaabbhutarūpā ca, tathāpi gabbhokkanti-abhijātiabhinnikkhamaṇā abhisambodhidhammacakkappavattana- yamakapāṭihāriyadevorohaṇāni sadevake loke ativiya supākāṇāni, na sakkā kenaci paṭibāhitunti tānīyevettha uddhāṇāni. **Itthambhūtākhyānattheti** itthaṃ evaṃ pakāro bhūto jātoti evaṃ kathanatthe. **Upayogavacananti**. “Abbhuggato”ti ettha abhīti upasaggo itthambhūtākhyānatthajotako, tena yogato “taṃ kho pana bhagavanta”nti idaṃ sāmīatthe upayogavacanāṃ, tenāha “**tassa kho pana bhagavatoti attho**”ti. **Kalyāṇaguṇasamannāgatoti** kalyāṇehi guṇehi yutto, taṃ nissito tabbisayatāyāti adhippāyo. **Seṭṭhoti** etthāpi eseṇa nayo. Kittetabbato kitti, sā eva saddanīyato **saddoti** āha “**kittisaddoti kittiyevā**”ti. Abhitthavanavasena pavatto saddo **thutighoso**. Anaññasādhāraṇaguṇe ārabba pavattattā sadevakaṃ lokaṃ **ajjhottharivā** abhibhavivā **uggato**.

**So bhagavāti** yo so samatiṃ sapāramiyo pūretvā sabbakilese bhañjivā anuttaraṃ sammāsambodhim̄ abhisambuddho devānaṃ atidevo sakkānaṃ atisakko brahmānaṃ atibrahmā lokanātho bhāgyavantatādīhi kārāṇehi sadevake loke “bhagavā”ti sabbattha patthaṭakittisaddo, so bhagavā. “**Bhagavā**”ti ca idaṃ satthu nāmakittanaṃ. Tenāha āyasmā dhammasenāpati “bhagavāti netam̄ nāmaṃ mātārā kata”ntiādi (mahāni. 84). Parato pana **bhagavāti** guṇakittanaṃ.

Yathā kammaṭṭhānikena “araha”ntiādisu navatṭhānesu paccekam̄ iti-saddam̄ yojetvā buddhaguṇā anussariyanti, evaṃ buddhaguṇasaṅkittakenāpīti dassento “**itipi arahaṃ, itipi sammāsambuddho...pe... itipi bhagavā**”ti āha. “Itipetaṃ abhūtaṃ, itipetaṃ atacca”ntiādisu (dī. ni. 1.5) viya idha **iti-saddo** āsannapaccakkhakarāṇattho, **pi-saddo** sampiṇḍanatto, tena ca tesam̄ guṇānaṃ bahubhāvo dīpito. Tāni ca saṅkittentena viññunā cittaṃ sammukhībhūtāneva katvā saṅkittetabbānīti dassento “**iminā ca iminā ca kārāṇenāti vuttaṃ hotī**”ti āha. Evañhi nirūpetvā kittente yassa saṅkitteti, tassa bhagavati ativiya abhippasādo hoti. **Arakattāti** suvidūrattā. **Arīnanti** kilesārīnaṃ. **Arānanti** saṃsāracakkassa arānaṃ. **Hatattāti** vihatattā. **Paccayādīnanti** cīvarādīpaccayānañceva pūjāvisesānañca. **Tatoti** visuddhimaggato. Yathā ca visuddhimaggato, evaṃ taṃsaṃvaṇṇanātopi nesam̄ vitthāro gahetabbo.

Yasmā jīvako bahuso satthusantike buddhaguṇe sutvā thito, diṭṭhasaccatāya ca satthusāsane vigatakathaṃkatho vesārajjappatto, tasmā āha “**jīvako panā**”tiādi. **Pañcavaṇṇāyāti** khuddikādivasena pañcappakārāya. **Nirantaraṃ phuṭam̄ ahoṣi** katādhikārabhāvato. Kammantarāyavasena hissa rañño guṇasarīraṃ khatupahataṃ ahoṣi.

158. “Uttama”nti vatvā na kevalaṃ seṭṭhabhāvo evettha kāraṇaṃ, atha kho appasaddatāpi kāraṇanti dassetuṃ “**assayānarathayānāni**”tiādi vuttaṃ. Hatthiyānesu nibbisevanameva gaṇhanto hatthiniyova kappāpesi. Rañño āsaṅkānivattanatthaṃ āsannacārībhāvena tattha itthiyova nisajjapitā. Rañño paresaṃ durupasaṅkamanabhāvadassanatthaṃ tā **purisavesaṃ gāhāpetvā** āvudhahatthā kārītā. **Paṭivedesīti** ñāpesi. **Tadevāti** gamaṇaṃ, agamaṇameva vā.

159. **Mahañcāti** karaṇatthe paccattavacananti āha “**mahatācā**”ti. **Mahaccāti** mahatiyā, liṅgavipallāsavasena vuttaṃ, mahantenāti vuttaṃ hoti. Tenāha “**rājānubhāvenā**”ti “**dvinnaṃ mahāraṭṭhānaṃ issariyasiri**”ti aṅgamagadharatṭhānaṃ ādhipaccamāha. **Āsattakhaggānīti** aṃse olambanavasena sannaddhaasīni. Kulabhogaissariyādivasena mahatī mattā etesanti **mahāmattā**, mahānubhāvā rājapurisā. **Vijjādhataruṇā viyāti** vijjādharakumārā viya. **Ratṭhiyaputtāti** bhojaputtā. **Hatthighaṭāti** hatthisamūhā. **Aññamaññasaṅghaṭṭanāti** avicchedavasena gamanena aññamaññasambandhā.

**Cittutrāso** sayaṃ bhāyanatṭhena **bhayaṃ** yathā tathā bhāyatīti katvā. **Ñāṇaṃ** bhāyitabbe eva vatthusmiṃ bhayato upaṭṭhite “bhāyitabbamida”nti bhayato tīraṇato **bhayaṃ**. Tenevāha “bhayatuṭṭhānañānaṃ pana bhāyati nabhāyatīti? Na bhāyati. Tañhi atītā saṅkhārā niruddhā, paccuppannā nirujjhanti, anāgatā nirujjhissanti tīraṇamatameva hotī”ti (visuddhi. 2.751). **Ārammaṇaṃ** bhāyati etasmāti **bhayaṃ**. **Otappaṃ** pāpato bhāyati etenāti **bhayaṃ**. **Bhayaṇakanti** bhāyanākāro. **Bhayanti** ñānabhayaṃ. **Samveganti** sahotappañānaṃ **santāsanti** sabbaso ubbijjanaṃ. Bhāyitabbaṭṭhena bhayaṃ bhīmabhāvena bheravanti **bhayabheravaṃ**, bhītabbavattu. Tenāha “**āgacchati**”ti.

**Bhīruṃ pasamsanti**ti pāpato bhāyanato uttasanato bhīruṃ pasamsanti paṇḍitā. **Na hi tattha sūranti** tasmim pāpakaraṇe sūraṃ pagabbhadhamṣinaṃ na hi pasamsanti. Tenāha “**bhayā hi santo na karonti pāpa**”nti. Tattha **bhayāti** pāpūtrasato, ottappahetūti attho. **Sarīracalananti** bhayavasenasarīrasaṅkampo. **Eketi** uttaravihāravāsino. “**Rājagahe**”tiādi tesam adhippāyavivaraṇaṃ. Kāmaṃ vayatulyo “vayasso”ti vuccati, rūlhireso, yo koci pana sahāyo vayasso, tasmā **vayassābhilāpoti** sahāyābhilāpo. **Na vippalambhesīti** na visamvādesi. **Vinasseyyāti** cittavighātena vihaññeyya.

#### Sāmaññaphalapucchāvaṇṇanā

160. **Bhagavato tejoti** buddhānubhāvo. **Rañño sarīraṃ phari** yathā taṃ soṇadaṇḍassa brāhmaṇassa bhagavato santikaṃ gacchantassa antovanasaṇḍagatassa. **Eketi** uttaravihāravāsino.

161. **Yena, tenāti** ca bhummattthe karaṇavacananti āha “**yattha bhagavā, tattha gato**”ti. Tadā tasmim bhikkhusaṅghe tuṇhībhāvassa anavaśesato byāpibhāvaṃ dassetuṃ “tuṇhībhūtaṃ tuṇhībhūta”nti vuttanti āha “**yato yato...pe... mevāti attho**”ti. Hatthassa kukatattā asaṃyamo asampajaññakiriyā **hatthakukkuccanti** veditabbo. **Vā-saddo** avuttavikappattho, tena tadañño asaṃyamabhāvo vibhāvivoti daṭṭhabbaṃ. Tattha pana cakkhuasaṃyamo sabbapaṭṭhamo, dunnivāro cāti tadabhāvaṃ dassetuṃ “**sabbālaṅkārapaṭimaṇḍita**”ntiādi vuttaṃ. Kāyikavācasikena upasamena laddhena itaropi anumānato laddho eva hotīti āha “**mānasikena cā**”ti. **Upasamanti** saṃyamaṃ, ācārasampattinti attho. **Pañcaparivaṭṭeti** pañcapurisaparivaṭṭe. **Pañcahākārehīti** “iṭṭhāniṭṭhe tādī”ti (mahāni. 38, 192) evaṃ ādinā āgatehi, pañcavidhaariyiddhisiddhehi ca pañcahi pakārehi. **Tādilakkhaṇeti** tādibhāve.

162. **Na me pañhavissajjane bhāro atthīti** satthu sabbattha appaṭihataññācārātādassanaṃ. **Yadākaṅkhasīti na vadanti**, kathaṃ pana vadantīti āha “**sutvā vedissāmā**”ti padesañāne ṭhitattā. Buddhā pana sabbāññupavāraṇaṃ pavarentīti sambandho. “**Yakkhanarindadevasamaṇabrāhmaṇaparibbājakāna**”nti idaṃ “pucchāvuso yadākaṅkhasī”tiādinī (saṃ. ni. 1.237, 246; su. ni. āḷavakasutte) suttapadāni pucchantānaṃ yesaṃ puggalānaṃ vasena āgatāni, taṃ dassanatthaṃ. “**Pucchāvuso yadākaṅkhasī**”ti idaṃ āḷavakassa yakkhassa okāsakaraṇaṃ, sesāni narindādīnaṃ. **Manasicchāsīti** manasā icchāsī. **Pucchavho, yaṃ kiñci manasicchathāti** bāvarissa saṃsayāṃ manasā pucchavho. Tumhākaṃ pana sabbesaṃ yaṃ kiñci sabbasaṃsayāṃ manasā, aññathā ca, yathā icchatha, tathā pucchavhoti adhippāyo.

**Sādhurūpāti** sādhusabhāvā. **Dhammoti** paveṇīdhammo. **Vuddhanti** silādīhi buddhippattaṃ, garuntī attho. **Esa bhāroti** esa saṃsayūpacchedanasāṅkhāto bhāro, āgato bhāro avassaṃ āvahitabboti adhippāyo. **Ñatvā sayanti** parūpadesena vinā sayameva ñatvā.

**Suciratenāti** evaṃ nāmakena brāhmaṇena. **Tagghāti** ekaṃsena. **Yathāpi kusalo tathāti** yathā sabbadhammakusalo sabbavidū jānāti katheti, tathā ahamakkhissaṃ. **Rājā ca kho taṃ yadi kāhati vā na vāti** yo taṃ idha pucchituṃ pesesi, so rājānaṃ tayā pucchitaṃ karotu vā mā vā, ahaṃ pana te akkhissaṃ akkhissāmi, ācikkhissāmi attho.

163. Sippanatṭhena sikkhitabbatāya ca sippameva **sippāyatanam** jīvikāya kāraṇabhāvato. **Seyyathidanti** nipāto, tassa te katameti attho. Puthu sippāyatanānīti hi sādharmaṇato sippāni uddisitvā upari taṃtaṃsippūpajīvino niddiṭṭhā puggalādhiṭṭhānakathāya papañcaṃ pariharituṃ. Aññathā yathādhippetāni tāva sippāyatanāni dassetvā puna taṃtaṃsippūpajīvisu dassiyamānesu papañco siyāti. Tenāha “**hatthārohā**”tiādi.

Hatthim ārohanti, ārohāpayanti cāti **hatthārohā**. Yehi payogehi puriso hatthino ārohanayoggo hoti, hatthissa taṃ

payogaṃ vidhāyamaṃ sabbesaṃ petesaṃ gahaṇaṃ. Tenāha “**sabbepi**”tiādi. Tattha **hatthācariyā** nāma ye hatthino hatthārohakānañca sikkhapakā. **Hatthivejjā** nāma hatthibhisakkā. **Hatthimeṇḍā** nāma hatthīnaṃ pādarakkhakā. **Ādi-**saddena hatthīnaṃ yavasādāyakādike saṅgaṇhāti. **Assāroha rathikā**ti etthāpi eseva nayo. Rathe niyuttā **rathikā**. **Ratharakkhā** nāma rathassa āṇirakkhakā. Dhanuṃ gaṇhanti, gaṇhāpentī cāti **dhanuggahā**, issasā dhanusippassa sikkhāpakā ca. Tenāha “**dhanuācariyā issāsā**”ti. Celena celapaṭākāya yuddhe akanti gacchantīti **celakā**ti āha “**ye yuddhe jayadhajama gahetvā purato gacchantī**”ti. Yathā tathā ṭhite senike byūhakarāṇavasena tato calayanti uccālentīti **calakā**. Sakuṇagghīdayo viya maṃsapiṇḍaṃ parasenāsamūhaṃ sāhasikamahāyodhatāya chetvā chetvā dayanti uppatitvā uppatitvā gacchantīti **piṇḍadāyakā**. Dutiyavikappe piṇḍe dayanti janasammade uppatantā viya gacchantīti piṇḍadāyakāti attho vedītabbo. **Uggatuggatā**ti thāmajavaparakkamādivasena ativiya uggatā uggatī attho. **Pakkhandantī**ti attano vīrasūrabhāvena asajjamaṇā parasenaṃ anupavisantīti attho. Thāmajavabalaparakkamādisampattiyā **mahānāgā viya mahānāgā**. **Ekantasūrā**ti ekākisūrā attano sūrabhāveneva ekākino hutvā yujjhanakā. **Sajalīkā**ti savammikā. **Saraparittānacamma**ti cammaparisibbitaṃ khetakaṃ, cammayamaṃ vā phalakaṃ. **Gharadāsayodhā**ti antojāyodhā.

Ālāraṃ vuccati mahānaṃ, tattha niyuttāti **ālārikā**, bhattakārā. **Pūvikā**ti pūvasampādakā, ye pūvameva nānappakarato sampādetvā vikkīṇantā jīvanti. Kesanakhalikhanādivasena manussānaṃ alaṅkāravidhiṃ kappenti saṃvidahantīti **kappakā**. **Nhāpakā**ti cuṇṇavilepanādīhi malaharaṇavaṇṇasampādanavidhinā nhāpentīti nhāpakā. Navantādividhinā pavatto gaṇanagantaṃ antarā chiddābhāvena acchiddakoti vuccati, taṃ gaṇanaṃ upanissāya jīvanta **acchiddakapāṭhakā**. Hatthena adhippāyaviññāpanaṃ hatthamuddā **hattha**-saddo cettha tadekadesu aṅgulīsu daṭṭhabbo. “Na bhūñjamaṇo sabbaṃ hatthaṃ mukhe pakkhipissāmi”tiādīsu viya, tasmā aṅgulīsaṅkocanādinā gaṇanā **hatthamuddāya gaṇanā**. **Cittakārādī**ti. **Ādi-**saddena bhamakāroṭṭakalekhaka vilivakārādīnaṃ saṅgaho daṭṭhabbo. **Diṭṭheva dhammeti** imasmīyeva attabhāve. **Sandiṭṭhikamevā**ti asamparāyikatāya sāmaṃ daṭṭhabbaṃ, sayamaṃ anubhavītabbaṃ attapaccakkhamaṃ diṭṭhadhammīkanti attho. **Sukhitanti** sukhappattaṃ. **Uparī**ti devaloke. So hi manussalokato uparimo. Kammasa katattā nibbattanato tassa phalaṃ tassa aggisikhā viya hoti, tañca uddhamaṃ devaloketi āha “**uddhamaṃ aggaṃ assā atthīti uddhaggikā**”ti. **Saggaṃ arahatī**ti attano phalabhūtaṃ saggaṃ arahati, tattha sā nibbattanārahoti attho. **Sukhavipākā**ti iṭṭhavipākavipaccanīkā. **Suṭṭhu aggeti** ativiya uttame ulāre. Dakkhanti vaḍḍhanti etāyāti **dakkhīnā**, pariccāgamamaṃ puññanti āha “**dakkhīnaṃ dāna**”nti.

**Maggo sāmaññaṃ** samitapāpasamaṇabhāvoti katvā. Yasmā ayaṃ rājā pabbajitānaṃ dāsakassakādīnaṃ lokato abhivādanādīlābho sandiṭṭhikaṃ sāmaññaṃphalanti cintetvā “atthi nu kho koci samaṇo vā brāhmaṇo vā īdisamatthaṃ jānanto”ti vīmaṃsanto pūraṇādike pucchitvā tesamaṃ kathāya anārādhitacitto bhagavantampi tamatthaṃ pucchi, tasmā vuttaṃ “**upari āgataṃ pana dāsakassakopamaṃ sandhāya pucchati**”ti.

**Kaṇhapakkhanti** yathāpucchite atthe labbhamānaṃ diṭṭhigatūpasañhītaṃ saṃkilesapakkhamaṃ. **Sukkapakkhanti** tabbidhuraṃ uparisuttāgataṃ vodānapakkhamaṃ. **Samaṇakolāhalanti** samaṇakotūhalaṃ taṃtaṃsamaṇavādānaṃ aññaṃaññavīrodhamaṃ. **Samaṇabhaṇḍananti** teneva vīrodhena “evaṃvādīnaṃ tesamaṃ samaṇabrāhmaṇānaṃ ayaṃ doso, evaṃvādīnaṃ ayaṃ doso”ti evamaṃ taṃtaṃvādassa paribhāsanaṃ. **Raṇṇo bhāraṃ karonto** attano desanākosallenāti adhippāyo.

164. **Paṇḍitapatirūpakānanti** āmaṃ viya pakkānaṃ paṇḍitābhāsanaṃ.

#### Pūraṇakassapavādavaṇṇanā

165. **Ekama idāhanti** ekāhaṃ. **Idha**-saddo cettha nipātamattaṃ, ekāhaṃ samayaṃ ticceva attho. **Saritabbayuttanti** anussaraṇānucchavikaṃ.

166. **Sahattā karontassā**ti sahattheneva karontassa. Nissaggiyathāvarādayopi idha sahatthakaraṇeneva saṅgahitā. **Hatthādī**ti hatthapādakaṇṇanāsādīni. **Pacanaṃ** dahanamaṃ vibādhananti āha “**daṇḍena uppīlentassā**”ti. **Papañcasūdaniyaṃ** “tājantassa vā”ti attho vutto, idha pana tājjanamaṃ paribhāsanaṃ daṇḍeneva saṅgahetvā “**daṇḍena uppīlentassa**” icceva vuttaṃ. **Sokama sayama karontassā**ti parassa sokakaraṇamaṃ sayama karontassa, sokama vā uppādentassa. **Parehī**ti attano vacanakarehi. **Sayampi phandatoti** parassa vibādhanapayogena sayampi phandato. “**Atipātāpayato**”ti padaṃ suddhakattuatthe hetukattuatthe ca vattatīti āha “**hanantassāpi hanāpentassāpi**”ti. **Kāraṇavasenāti** kāraṇavasena.

Gharassa bhitti anto bahi ca sandhitā hutvā ṭhita **gharasandhi**. Kiñcīpi asesetvā niravaseso lopo **nillopo**. Ekāgāre niyutto vilopo **ekāgāriko**. Parito sabbaso panthe hananaṃ **paripantha**. **Pāpaṃ na karīyati** pubbe asaññato uppādetumaṃ asakkuṇeyyattā, tasmā **natthi pāpaṃ**. Yadi evamaṃ kathaṃ sattā pāpe paṭipajantīti āha “**sattā pana pāpaṃ karomāti evamaṃ saññino hontī**”ti. Evamaṃ kirassa hoti – imesañhi sattānaṃ hiṃsādīkiriyaṃ na attānaṃ phusati tassa niccatāya nibbīkarattā sarīraṃ pana acetanaṃ kaṭṭhakalīṅgarūpamaṃ, tasmīmaṃ vikopitepi na kiñcī pāpanti. **Khuranemināti** nisitakhuramayanaṃ.

Gaṅgāya dakkhiṇā disā appatirūpadeso, uttarā disā patirūpadesoti adhippāyena “dakkhiṇaṅca” tiādi vuttanti āha “**dakkhiṇatīre manussā kakkhajā**” tiādi. **Mahāyāganti** mahāvijitayaññasadisama mahāyāgaṃ. **Uposathakammena vāti** uposathakammena ca. **Dama-saddo** hi indriyasamvarassa uposathasīlassa ca vācako idhādhippeto. Keci pana “**uposathakammenāti** idam indriyadamanassa visesanaṃ, tasmā ‘uposathakammabhūtena indriyadamanenā’” ti atthaṃ vadanti. **Silasamyamenāti** kāyikavācasikasamvarena. **Saccavajjenāti** saccavācāya, tassā visuṃ vacanaṃ loke garutarapuññasammatabhāvato. Yathā hi pāpadhammesu musāvādo garu, evaṃ puññadhammesu saccavācā. Tenāha bhagavā “ekam dhammaṃ atītassā” tiādi. **Pavattīti** yo “karoti” ti vuccati, tassa santāne phaluppattipaccayabhāvena uppatti. **Sabbathāti** “karoto” tiādinā vuttana sabbappakārena. **Kiriyaeva paṭikkhipati**, na raññā puṭṭhaṃ sandiṭṭhikam sāmāññaphalaṃ byākaroti adhippāyo. Idam avadhāraṇaṃ vipākapaṭikkhepanivattanatthaṃ. Yo hi kammaṃ paṭikkhipati, tena atthato vipākopi paṭikkhitto eva nāma hoti. Tathā hi vakkhati “kammaṃ paṭibāhantenāpī” tiādi (dī. nī. aṭṭha. 1.170-172).

Paṭirājūhi anabhibhavanīyabhāvena visesato jītanti **vijitaṃ**, āṇāpavattideso. “Mā mayhaṃ vijite vasathā” ti apasādanā pabbajitassa viheṭhanā pabbajānāti katvā vuttaṃ “**apasādetabbanti viheṭhetabba**” nti. Uggaṇhanaṃ tena vuttassa atthassa “evameta” nti upadhāraṇaṃ sallakkhaṇaṃ, nikujjanaṃ tassa addhaniyabhāvāpādanavasena cittena sandhāraṇaṃ. Tadubhayaṃ paṭikkhipanto āha “**anuggaṇhanto anikujjanto**” ti. Tenāha “**sāravasena aggaṇhanto**” tiādi.

### Makkhaligosālavadavaṇṇanā

**168. Ubhayenāti** hetupaccaya paṭisedhanavacanena. **Samkilesapaccayanti** samkilissanassa malīnabhāvassa kāraṇaṃ. **Visuddhipaccayanti** saṅkilesato visuddhiyā vodānassa kāraṇaṃ. **Attakāroti** tena tena sattena attanā kātabbakammaṃ attanā nipphādetabbapayogo. **Parakāranti** parassa vāhasā ijjhanakapayojanaṃ. Tenāha “**yenā**” tiādi. **Mahāsattanti** antimabhavikaṃ mahābodhisattaṃ, paccakabodhisattasapi ettheva saṅgaho veditabbo. **Manussasobhagayanti** manussesu subhagabhāvaṃ. **Evanti** vuttappakārena. Kammavādassa kiriyavādassa paṭikkhipanena “atthi bhikkhave kammaṃ kaṇhaṃ kaṇhavipāka” ntiādi (a. nī. 4.232) nayappavatte **jinacakke pahāraṃ deti nāma. Natthi purisakāreti** yathāvuttaattakāraparakārahāvato eva sattānaṃ paccattapurisakāro nāma koci natthīti attho. Tenāha “**yenā**” tiādi. **Natthi balanti** sattānaṃ diṭṭhadhammikasamparāyikanibbānasampattiāvahaṃ balaṃ nāma kiñci natthi. Tenāha “**yamhī**” tiādi. Nidassanamattañcetam, samkilesikampi cāyaṃ balaṃ paṭikkhipateva. Yadi vīriyādīni purisakāra vacanāni, kasmā visuṃ gahaṇanti āha “**idam no vīriyenā**” tiādi. Saddatthato pana tassā tassā kiriyāya ussannaṭṭhena **balaṃ**. Sūravīrabhāvavahaṭṭhena **vīriyaṃ**. Tadeva dalhabhāvato, porisadhuraṃ vahantena pavattetabbato ca **purisathāmo**. Paraṃ paraṃ ṭhānaṃ akkamanappavattiyā **purisaparakkamoti** vuttoti veditabbaṃ.

Sattayogato rūpādīsu sattavisattatāya **sattā**. Pāṇanato assasanapassanasena pavattiyā **pāṇā**. Te pana so ekindriyādivasena vibhajitvā vadatīti āha “**ekindriyo**” tiādi. Aṇḍakosādīsu bhavanato “**bhūtā**” ti vuccantīti āha “**aṇḍakosa...pe... vadatī**” ti. Jīvanato pāṇaṃ dhārentā viya vadḍhanato **jīvā**. Tenāha “**sāliyavā**” tiādi. Natthi etesaṃ samkilesavisuddhīsu vasoti **avasā**. Natthi nesam balaṃ vīriyaṃ cāti **abalā avīriyā. Niyatāti** acchejjasuttāvutābhejjamaṇiyo viya niyatappavattitāya gatijātibandhāpavaggavasena niyāmo. **Tattha tattha gamananti** channaṃ abhijātīnaṃ tāsū tāsū gatīsu upagamaṇaṃ samavāyena samāgamo. **Sabhāvoyevāti** yathā kaṇṭakassa tikhiṇatā, kapitthaphalānaṃ parimaṇḍalatā, migapakkhīnaṃ vicittākāratā, evaṃ sabbassāpi lokassa hetupaccayena vinā tathā tathā pariṇāmo ayaṃ sabhāvo eva akittimoyeva. Tenāha “**yenā hī**” tiādi. Chaḷābhijātiyo parato vitthārīyanti. “**Sukhaṅca dukkhaṅca paṭisaṃvedenti**” ti vadanto adukkhamasukhabhūmiṃ sabbena sabbam na jānātīti ullīnganto “**aññā adukkhamasukhabhūmi natthīti dasseti**” ti āha.

**Pamukhayonīnanti** manussatiracchānādīsu khattiyabrāhmaṇādisīhabyagghādivasena padhānayanīnaṃ. **Saṭṭhisatānīti** chasahassāni. “Pañca ca kammuno satānī” ti padassa atthadassanaṃ “**pañcakammasatāni cā**” ti. “**Eseva nayo**” ti iminā “kevalaṃ takkamattakena niratthakaṃ diṭṭhiṃ dīpetī” ti imamevatthaṃ atidisati. Ettha ca “**takkamattakenā**” ti iminā yasmā takkikā niraṅkusatāya parikappanassa yaṃ kiñci attano parikappitaṃ sārato maññamānā theva abhinivissa takkadīṭṭhigāhaṃ gaṇhanti, tasmā na tesam diṭṭhivatthasmiṃ viññūhi vicāraṇā kātabbāti dasseti. **Kecīti** uttaravīharavāsīno. Te hi “pañca kammānīti cakkhusotaghānājavhākāyā imāni pañcindriyāni ‘pañca kammānīti paññāpentī’” ti vadanti. **Kammanti laddhīti** oḷārikabhāvato paripuṇṇakammanti laddhi. **Manokammaṃ** anoḷārikattā **upaḍḍhakammanti** laddhīti yojanā. **Dvatṭhipaṭipadāti** “dvāsaṭṭhi paṭipadā” ti vattabbe sabhāvaniruttim ājananto “dvatṭhipaṭipadā” ti vadati. **Ekasmiṃ kappeti** ekasmiṃ mahākappe, tatthāpi ca vivaṭṭaṭṭhāyīsaññīte ekasmiṃ asaṅkhyeyekappe.

Urabbhe hanantīti **orabbhikā**. Evaṃ **sūkarikā** dayo veditabbā. **Luddāti** aññepi ye keci māgavikanesādā. Te pāpakamma pasutatāya “**kaṇhābhijātīti vadati. Bhikkhū**” ti buddhasāsane bhikkhū. **Te kira** “sachandarāgā paribhuñjantī” ti adhippāyena “**catūsū paccayesu kaṇṭake pakkhipitvā khādanti**” ti vadati. Kasmāti ce? Yasmā “te paṇṭapanīte paccaye paṭisevanti” ti tassa micchāgāho, tasmā nīyaladdhepi paccaye bhūñjamānā ājīvakasamayassa vilomagāhitāya paccayesu kaṇṭake pakkhipitvā khādanti nāmāti vadatīti apare. **Eke pabbajitā**, ye savisesaṃ attakilamathānuyogaṃ anuyuttā. Tathā hi te kaṇṭake vattantā viya honṭīti “**kaṇṭakavuttikā**” ti vuttā. Ṭhatvā bhūñjananāhānapaṭikkhepādīvatasaṃyogena **paṇḍaratarā**. “**Acelakasāvakā**” ti ājīvakasāvake vadati. **Te kira** ājīvakaladdhiyā visuddhacittatāya nigaṇṭhehipi **paṇḍaratarā**. Nandādayo hi tathārūpaṃ ājīvaka paṭipattim ukkaṃsaṃ

paṇḍaratarā paramasukkābhijātīti ayam tassa laddhi.

**Purisabhūmiyoti** padhānapuggalena niddeso. Itthīnampi tā bhūmiyo icchanteva. “**Bhikkhu ca pannako**”tiādi tesam pāḷiyeva. Tatha **pannakoti** bhikkhāya vicaraṇako, tesam vā paṭipattiyā paṭipannako. **Jinoti** jinno jarāvasena hīnadhātuko, attano vā paṭipattiyā paṭipakkham jinitvā ṭhito. So kira tathābhūto dhammampi kassaci na kathesi. Tenāha “**na kiñci āhā**”ti. Oṭṭhavadanādivippakāre katepi khamanavasena na kiñci vadatītipi vadanti. **Alābhinti** “so na kumbhimukhā paṭiggaṇhātī”tiādinā (dī. ni. 1.394) nayena vuttaalābhahetusamāyogena alābhim, tatoyeva jighacchādubbaparetatāya sayanaparāyanam “**samaṇam pannabhūmī**”ti vadati.

**Ājīvavuttisatānīti** sattānam ājīvabhūtāni jīvikāvuttisatāni. **Pasuggahaṇena** eḷakajāti gahitā, migaggahaṇena rurugavayādisabbamigajāti. **Bahū devāti** cātumahārājikādibrahmakāyikādivasena, tesam antarabhedavasena bahū devā. Tatha cātumahārājikānam ekaccabhedo mahāsamayasuttavasena (dī. ni. 2.331) dīpetabbo. **Manussāpi anantāti** dīpadesakulavamājīvādivibhāgavasena manussāpi anantabhedā. Pisācā eva **pesācā**. Te aparapetādayo **mahantamahantā**. Chaddantadahamandākinīyo kuvāḷiyamucalindanāmena vadati.

**Pavuṭāti** pabbagaṇṭhikā. **Paṇḍitopi ...pe... uddham na gacchati**, kasmā? Sattānam saṃsaraṇakālassa niyatabhāvato. **Aparipakkam** saṃsaraṇanimittam sīlādinā **paripāceti nāma** sīghamyeva visuddhipattiyā. **Paripakkam** kammaṃ **phussa phussa** patvā patvā kālena paripakkabhāvānāpādanena **byantiṃ karotī nāma**.

**Suttaguḷeti** suttavaṭṭiyam. “**Nibbeḥiyamānameva paletī**”ti upamāya sattānam saṃsāro anukkamena khīyateva, na tassa vaḍḍhatīti dasseti paricchinnarūpattā.

### Ajitakesakambalavādavaṇṇanā

171. **Dinnanti** deyyadhammasīsenā dānam vuttanti āha “**dinnassa phalābhāvaṃ vadatī**”ti, dinnam pana annādivatthum katham paṭikkhipati. Eseva nayo **yittham hutanti** etthāpi. **Mahāyāgoti** sabbasādhāraṇam mahādānam. **Pāhunakasakkāro**ti pāhunabhāvena kātabbasakkāro. **Phalanti** ānisaṃsaphalam, nissandaphalaṇca. **Vipākoti** sadisaphalam. **Paraloke ṭhitassa ayam loko natthīti** paraloke ṭhitassa kammunā laddhabbo ayam loko na hoti. **Idhaloke ṭhitassāpi paraloko natthīti** idhaloke ṭhitassa kammunā laddhabbo paraloko na hoti. Tatha kāraṇamāha “**sabbe tatha tattheva ucchijjanti**”ti. Ime sattā yattha yattha bhve, yoniādisu ca ṭhitā tatha tattheva ucchijjanti nirudayavināsavasena vinassanti. **Phalābhāvavasenāti** mātāpitūsu sammāpaṭipattimicchāpaṭipattinam phalassa abhāvavasena “natthi mātā, natthi pitā”ti vadati, na mātāpitūnam, nāpi tesu idāni kayiramānasakkārāsakkārānam abhāvavasena tesam lokapaccakkhattā. Pubbuḷakassa viya imesam sattānam uppādo nāma kevalo, na cavitvā āgamanapubbakoti dassanattam “natthi sattā opapātikā”ti vuttanti āha “**cavitvā upapajjanakasattā nāma natthīti vadatī**”ti. Samaṇena nāma yāthāvato jānantena kassaci kiñci akathetvā saññatena bhavitabham, aññathā āhopurisikā nāma siyā. Kiñhi paro parassa karissati? Tathā ca attano sampādanassa kassaci avassayo eva na siyā tatha tattheva ucchijjanatoti āha “**ye imaṇca...pe... pavedenti**”ti.

Cātūsu mahābhūtesu niyuttoti **cātumahābhūtikō**. Yathā pana mattikāya nibbattam bhājanam mattikāmayam, evam ayam catūhi mahābhūtehi nibbattoti āha “**catumahābhūtamayo**”ti. **Ajjhattikapathavīdhātūti** sattasantānagatā pathavīdhātu. **Bāhirapathavīdhātūti** bahiddhā mahāpathaviṃ. **Upagacchatīti** bāhirapathavikāyato tadekadesabhūtā pathavī āgantvā ajjhattikabhāvappattiyā sattabhāvena saṅghitā idāni ghaṭādigatapathavī viya tameva bāhirapathavikāyam upeti upagacchati sabbaso tena nibbisesatam ekībhāvameva gacchati. **Āpādisupi eseve nayoti** ettha pajjunna mahāsamuddato gahitāāpo viya vassodakabhāvena punapi mahāsamuddameva, sūriyasmīto gahitam indaggisaṅkhātatejo viya puna sūriyasmim, mahāvāyukhandhato nigatamahāvato viya tameva vāyukhandham upeti upagacchati dīṭṭhigatikassa adhippāyo. **Manacchaṭṭhāni indriyāni ākāsam pakkhandanti** tesam visayābhāvātī vadanti. Visayigahaṇena hi visayāpi gahitā eva hontīti. **Guṇaguṇapadānīti** guṇadosakoṭṭhāsā. **Sarīrameva padānīti adhippetam** sarīrena tamtamkiriyāya pajjitabbato. Dabbanti muyhantīti dattū, mūḷhapuggalā. Tehi **dattūhi** bālanamussehi. “Paraloko atthī”ti mati yesam, te atthikā, tesam vādoti atthikavādo, tam **atthikavādam**.

**Kammaṃ paṭibāhati** akiriyavādibhāvato. **Vipākam paṭibāhati** sabbena sabbam āyatim upapattiyā paṭikkhipanato. **Ubhayam paṭibāhati** sabbaso hetupaṭibāhaneneva phalassapi paṭikkhattatā. Ubhayanti hi kammaṃ vipākañcāti ubhayam. So hi “ahetū appaccayā sattā saṃkilissanti, visujjhanti cā”ti (dī. ni. 1.168; ma. ni. 2.100, 227; saṃ. ni. 3.212) vadanto kammassa viya vipākassāpi saṃkilesavisuddhīnam paccayattābhāvavacanato tadubhayam paṭibāhati nāma. **Vipāko paṭibāhito hoti** asati kamme vipākābhāvato. **Kammaṃ paṭibāhitam hoti** asati vipāke kammassa niratthakabhāvāpattito. **Atthatotī sarūpena. Ubhayappaṭibāhakāti** visum visum tamtam dīṭṭhidīpakabhāvena pāḷiyam āgatāpi paccekam tivadhādīṭṭhikā eva ubhayappaṭibāhakattā. Ubhayappaṭibāhakāti hi hetuvacanam. “**Ahetukavādā cevā**”tiādi paṭiññāvacanam. Yo hi vipākaṭibāhanena natthikadīṭṭhiko ucchedavādī, so atthato kammaṭibāhanena akiriyadīṭṭhiko, ubhayappaṭibāhanena ahetukadīṭṭhiko ca hoti. Sesadvayepi eseve nayo.

**Sajjhāyantīti** tam dīṭṭhidīpakam gantham uggahetvā paṭhanti. **Vimamsantīti** tassa attham vicarenti. “**Tesa**”ntiādi



vīmaṃsanākaradassanaṃ. **Tasmim ārammaṇeti** yathāparikkappitakammaphalābhāvādike “karoto na kariyati pāpa”nti ādinayappavattāya laddhiyā ārammaṇe. **Micchāsati santiṭṭhātī** “karoto na kariyati pāpa”ntiādivasena anussavūpaladdhe atthe tadākāraparivittakanehi saviggāhe viya sarūpato cittaṃ paccupaṭṭhite cirakālaparicayena evametanti nijjhānakkhamabhāvūpagamanena nijjhānakkhantiyā tathāgāhite punappunam tatheva āsevantassa bahulīkarontassa micchāvitakkena samādiyamānā micchāvāyāmūpatthambhitā atamsabhāvaṃ “taṃsabhāva”nti gaṇhantī micchāsātī laddhanāmā taṃladdhisahagatā taṃhā santiṭṭhātī. **Cittam ekaggaṃ hotīti** yathāsakaṃ vitakkādipaccayalābhena tasmim ārammaṇe avaṭṭhitatāya anekaggaṃ pahāya ekaggaṃ appitaṃ viya hoti. Cittasīna micchāsamādhī eva vutto. Sopi hi paccayavisesehi laddhabhāvanābalo īdise ṭhāne samādhānapatirūpakkiccaroyeva, vālavijjhanādīsu viyāti daṭṭhabbaṃ. **Javanāni javantīti** anekakkhattuṃ tenākārena pubbhāgiyesu javanavāresu pavattesu sabbapaccāhime javanavāre satta javanāni javantī. **Paṭhame javane satekicchā honti. Tathā dutiyādīsūti** dhammasabhāvadassanamattametaṃ, na pana tasmim khaṇe tesam ticicchā kenaci sakkā kātuṃ.

**Tatthāti** tesu tīsu micchādassanesu. **Koci ekaṃ dassanaṃ okkamati** ti yassa ekasmimyeva abhiniveso āsevanā ca pavattā, so ekameva dassanaṃ okkamati. Yassa pana dvīsu tīsupi vā abhiniveso āsevanā ca pavattā, so dve tīnupi okkamati, etena yā pubbe ubhayaṭṭhābhakātāmukhena dīpītā atthasiddhā sabbadiṭṭhikātā, sā pubbhāgiyā. Yā pana micchattaniyāmokkantibhūtā, sā yathāsakaṃ paccayasamudāgamasiddhito bhinnārammaṇānaṃ viya visesādhigamānaṃ ekajjhaṃ anupattiyā asaṅkiṇṇā evāti dasseti. “**Ekasmim okkanteṭi**”tiādinā tissannampi diṭṭhīnaṃ samānabalataṃ samānaphalataṃ dasseti. Tasmā tissopi cetā ekassa uppannā abbokīṇṇā eva, ekāya vipāke dinne itarā anubalappadāyikāyo honti. “**Vaṭṭakhānu nāmesā**”ti idaṃ vacanaṃ neyyatthaṃ, na nītatthaṃ. Tathā hi **papañcasūdaniyaṃ** “kiṃ panesa ekasmimyeva attabhāve niyato hoti, udāhu aññasim pīti? Ekasmimyeva niyato, āsevanavasena pana bhavantarepi taṃ taṃ diṭṭhiṃ roceti yevā”ti (ma. ni. aṭṭha. 3.129) vuttaṃ. Akusalaṃhi nāmetam abalaṃ dubbalaṃ, na kusalaṃ viya sabalaṃ mahābalaṃ. Tasmā “ekasmimyeva attabhāve niyato”ti vuttaṃ. Aññathā sammattaniyāmo viya micchattaniyāmo accantiko siyā, na ca accantiko. Yadi evaṃ vaṭṭakhānujotānā kathanti āha “āsevanavasena panā”tiādi. Tasmā yathā “sakim nimuggopi nimuggo eva bālo”ti vuttaṃ, evaṃ vaṭṭakhānujotānā. Yādise hi paccaye paṭicca ayaṃ taṃ taṃ dassanaṃ okkanto puna kadāci tappatipakkhe paccaye paṭicca tato sīsu khipanamassa na hotīti na vattabbaṃ, tasmā “**yebhuyyena hi evarūpassa bhavato vuṭṭhānaṃ nāma natthī**”ti vuttaṃ.

**Tasmāti** yasmā evaṃ saṃsārakhānubhāvassapi paccayo apaṇṇakajāto, tasmā. **Bhūtikāmoti** diṭṭhadhammikasamparāyikaparamatthānaṃ vasena attano guṇehi vaḍḍhikāmo.

### Pakudhakaccāyanavādavaṇṇanā

174. **Akatāti** samena visamena vā kenaci hetunā na katā na vihitā. Katavidho karaṇavidhi natthi etesanti **akatavidhānā**. Padadvayenāpi loke kenaci hetupaccayena nesam anibbattanabhāvaṃ dasseti. **Iddhiyāpi na nimmitāti** kassaci iddhimato cetovasippattassa devassa, issarādino vā iddhiyāpi na nimmitā. **Animmāpitā** kassaci animmāpitā. **Vuttatthamevāti** brahmajālavanānaṃ (dī. ni. aṭṭha. 1.30) vuttatthameva. **Vañjhāti** vañjhapasuvañjhatalādayo viya aphalā, kassaci ajanakāti attho, etena pathavikāyādīnaṃ rūpādījanakabhāvaṃ paṭikkhipati. Rūpasaddādayo hi pathavikāyādīhi appaṭṭibaddhavuttikāti tassa laddhi. Pabbatakūṭam viya ṭhitāti **kūṭaṭṭhā**, yathā pabbatakūṭam kenaci anibbattitaṃ, kassaci ca anibbattakaṃ, evamete pīti adhippāyo. Yamidaṃ “bijato aṅkurādi jāyati”ti vuccati, taṃ vijjamaṇameva tato nikkhamati, na avijjamaṇam, aññathā aññatopi aññassa upaladdhi siyāti adhippāyo. **Ṭhitattāti** nibbikārābhāvena ṭhitattā. **Na calantīti** vikāram nāpajanti. Vikārābhāvato hi tesam sattannaṃ kāyānaṃ esikaṭṭhāyīṭhitatā. Aniñjanaṇa attano pakatiyā avaṭṭhānameva. Tenāha “**na vipariṇamanti**”ti. Avipariṇamadhammattā eva hi te aññamaññam na byābādenti. Sati hi vikāram āpādetabbatāya byābādakatāpi siyā, tathā anuggahetabbatāya anuggāhakatāti tadabhāvaṃ dassetuṃ pāliyaṃ **nālantiādi** vuttaṃ. **Pathavī eva** kāyekadesattā **pathavikāyo**. Jīvasattamaṇam kāyānaṃ niccatāya nibbikārābhāvato na hantabbatā, na ghātetabbatā cāti neva koci hantā vā ghātetā vā, tenevāha “**sattannaṃ tveva kāyāna**”ntiādi. Yadi koci hantā natthi, kathaṃ sathappahāroti āha “**yathā muggarāsi ādisū**”tiādi. **Kevalam saññāmattameva hoti**. Hananaghātanādi pana paramatthato nattheva kāyānaṃ avikopaniyabhāvato adhippāyo.

### Nigaṇṭhanāṭaputtavādavaṇṇanā

177. Cattāro yāma bhāgā catuyāmā, catuyāmā eva cātuyāmā, bhāgattho hi idha yāma-saddo yathā “rattiyā paṭhamo yāmo”ti. So panettha bhāgo saṃvaralakkhaṇoti āha “**cātuyāmasaṃvutoti catukoṭṭhāsena saṃvarena saṃvuto**”ti. **Paṭikkhittasabbasītodakoti** paṭikkhittasabbasītodakaparibhogo. **Sabbena pāpavāraṇena yuttoti** sabbappakārena saṃvaralakkhaṇena samannāgato. **Dhutapāpoti** sabbena nijjaralakkhaṇena pāpavāraṇena vidhutapāpo. **Phuṭṭhoti** aṭṭhannampi kammaṇam khepanena mokkhappattiyā kammakkhayaṭṭhānaṃ sabbena pāpavāraṇena phuṭṭho taṃ patvā ṭhito. **Koṭippattacittoti** mokkhādhigameneva uttamariyādappattacitto. **Yatattoti** kāyādisu indriyesu saṃyamatabbassa bhāvato **saṃyatacitto**. **Suppatiṭṭhitacittoti** nissesato suṭṭhu patiṭṭhitacitto. **Sāsanānulomaṃ** nāma pāpavāraṇena yuttatā. Tenāha “dhutapāpo”tiādi. **Asuddhaladdhitāyāti** “atthi jīvo, so ca siyā nicco, siyā anicco”ti evamādiasuddhaladdhitāya. **Sabbāti** kammapakativbhāgādivisayā sabbā nijjhānakkhantiyo. **Diṭṭhiye vāti** micchādiṭṭhiyo eva jātā.

### Saṅcayabelāṭṭhaputtavādavaṇṇanā

**179-181. Amarāvikkhepe vuttanayo evāti brahmajāle amarāvikkhepavādasamvaṇṇanāyaṃ** (dī. ni. aṭṭha. 1.61-63) vuttanayo eva vikkhepabyākaraṇabhāvato, tatheva cettha vikkhepavādassa āgatattā.

### Paṭhamasandiṭṭhikasāmaññaphalavaṇṇanā

**183. Yathā te ruceyyāti** idāni mayā pucchiyamāno attho yathā tava citte roceyya. Gharadāsiyā kucchismiṃ jāto **antojāto**. Dhanena kīto **dhanakkīto**. Bandhaggāhagahito **karamarānīto**. Sāmanti sayameva. **Dāsabyanti** dāsabhāvaṃ. Koci dāsopi samāno alaso kammaṃ akaronto “kammakāro”ti na vuccatīti āha “**analaso kammakaraṇasīloyevā**”ti. **Paṭhamamevāti** āsannataratṭhānūpasankamanato pageva puretameva. **Pacchāti** sāmikassa nipajjāya pacchā. **Sayanato avuṭṭhite** rattiyā vibhāyanavelāya seyyato avuṭṭhite. **Paccūsakālato paṭṭhāyāti** atītāya rattiyā paccūsakālato paṭṭhāya. **Yāva sāmīno rattiṃ niddokkamananti** aparāya padosavelāyaṃ yāva niddokkamaṇaṃ. **Kiṃ kāranti** kiṃ karaṇīyaṃ, kiṃkārabhāvato pucchitvā kātabbaveyyāvaccanti attho.

**Devo viyāti** ādhipaccaparivārādisampattisamannāgato padhānadevo viya. **So vatassāhanti** so vata assaṃ ahaṃ. So rājā viya ahampi bhaveyyaṃ, kathaṃ puññāni kareyyaṃ, yadi puññāni ulārāni kareyyanti yojanā. “**So vatassa’ssa**”nti pāṭhe so rājā assa ahaṃ assaṃ vata, yadi puññāni kareyyanti yojanā. Tenāha “**ayamevattho**”ti. **Assanti** uttamapurisappayoge **ahaṃ** saddo appayuttopi payutto eva hoti. **Yāvajīvaṃ na sakkhissāmi dātunti** yāvajīvaṃ dānatthāya ussāhaṃ karontopi yaṃ rājā ekaṃ divasaṃ deti, tato satabhāgampi dātuṃ na sakkhissāmi. Tasmā pabbajissāmīti pabbajīyaṃ ussāhaṃ katvāti yojanā.

**Kāyena samvutoti** kāyena samvaritabbaṃ kāyadvārena pavattanakaṃ pāpadhammaṃ samvaritvā vihareyyāti ayamettha atthoti āha “**kāyena pihito hutvā**”tiādi. **Ghāsacchādanena paramatāyāti** ghāsacchādanapariyesane sallekhasena paramatāya, ukkaṭṭhabhāve saṅghito ghāsacchādanameva vā paramaṃ parā koṭi etassa, na tato paraṃ kiñci āmisajātaṃ pariyesati paccāsisati cāti ghāsacchādanaparamo, tabbhāvo ghāsacchādanaparamatā, tassā **ghāsacchādanaparamatāya**. **Vivekaṭṭhakāyānanti** gaṇasaṅgaṇikato pavivitte ṭhitakāyānaṃ. **Nekkhammābhiratānanti** jhānābhiratānaṃ. Tāya eva jhānābhiratīyā paramaṃ uttamaṃ vodānaṃ visuddhiṃ pattatāya **paramavodānappattānaṃ**. Kilesūpadhiabhisāṅkhārūpadhīnaṃ accantavigamena **nirupadhīnaṃ**. **Visaṅkhāragatānanti** adhigatanibbānānaṃ. Ettha ca paṭhamo viveko itarehi dvīhi vivekehi sahāpi pattabbo vināpi, tathā dutiyo. Tatiyo pana itarehi dvīhi saheva pattabbo, na vināti daṭṭhabbaṃ. Gaṇe janasaṃmāgame sannipatanaṃ **gaṇasaṅgaṇikā**, taṃ **pahāya eko viharati** carati puggalavasena asahāyattā. Citte kilesānaṃ sannipatanaṃ **cittakilesasaṅgaṇikā**, taṃ **pahāya eko viharati** kilesavasena asahāyattā. Maggassa ekacittakkaṇikattā, gotrabhuādīnaṃ ārammaṇamattattā na tesam vasena sātīsayā nibbutisukhasamphusaṇā, phalasaṃpattinīrodhasaṃpattivasena sātīsayāti āha “**phalasaṃpattiṃ vā nirodhasaṃpattiṃ vā pavisitvā**”ti. Phalaparīyosāno hi nirodhoti.

**184. Abhiharitvāti** abhimukhībhāvena netvā. “Ahaṃ cīvarādīhi payojanaṃ sādhesāmi”ti vacanaseso. **Sappāyanti** sabbagelaññāpahaṇavasena upakārāvahaṃ. Bhāvīnā anattato paripālanavasena gopānā **rakkhāgutti**. Paccuppanassa nisedhavasena **āvaraṇagutti**.

### Dutiyasandiṭṭhikasāmaññaphalavaṇṇanā

**186. Kasatīti** kasiṃ karoti. **Gahapatikoti** ettha ka-saddo appatthoti āha “**ekagehamatte jeṭṭhako**”ti, tena anekakulaṃ jeṭṭhakabhāvaṃ paṭikkhipati. **Karaṃ karotīti** karaṃ sampādeti. **Vaḍḍhetīti** uparūpari sampādanena vaḍḍheti. Evaṃ appampi pahāya pabbajitūṃ dukkaranti ayamattho laṭukikopamasuttēna (ma. ni. 2.151, 152) dīpetabbo. Tenāha “seyyathāpi, udāyī, puriso daliddo assako anālhiyo, tassassa ekaṃ agārakaṃ oluggaviluggaṃ kākātīdāyīṃ naparamarūpa”nti vitthāro. Yadi appampi bhogaṃ pahāya pabbajitūṃ dukkaraṃ, kasmā dāsavāre bhogaggahaṇaṃ na katanti āha “**dāsavāre panā**”tiādi. Yathā ca dāsassa bhogāpi abhogā parāyattabhāvato, evaṃ nīatayo pīti dāsavāre nītiparivaṭṭaggaṇaṃ na katanti daṭṭhabbaṃ.

### Pañītataraṣāmaññaphalavaṇṇanā

**189. Evarūpāhīti** yathāvuttadāsakassakūpamāsadisāhi upamāhi sāmāññaphalaṃ dīpetuṃ pahoti bhagavā sakalampi rattindīvaṃ tato bhīyopī anantapaṭibhānatāya vicittanayadesanabhāvato. **Tathāpīti** satipi desanāya uttaruttarādhikanānāyavicittabhāve.

**Ekattametam** padaṃ sādhusaddasseva ka-kārena vaḍḍhitvā vuttattā, teneva **sādhuka**-saddassa atthaṃ vadantena atthuddhārasena **sādhu**-saddo udāhaṭo. **Āyācaneti** abhimukhayaṇe, abhipatthanāyanti attho. **Sampaṭicchāneti** paṭiggaṇhane. **Sampahaṃsaneti** samvijjamaṇaṇavasena haṃsane tosane, udaggatākaraṇeti attho. **Dhammaruṭṭi** puññakāmo. **Paññānavāti** paññavā. **Addubhoti** adūsako, anupaghātakoti attho. **Idhāpīti** imasmiṃ sāmāññaphalepi. **Ayaṃ** sādhu-saddo. **Daḷhikammeti** sakkacca kiriyāyaṃ. **Āṇattiyanti** āṇāpane. “Suṇohi sādhukaṃ manasi karohī”ti hi vutte sādhu-saddena savanamanasikārānaṃ sakkaccakiriyā viya tadāṇāpanampi jotitaṃ hoti, āyācanatthā viya cassa āṇāpanatthā vedītabbā. **Sundarepīti** sundaratthepi. Idāni yathāvuttēna sādhu-saddassa atthattayena pakāsitaṃ viśesaṃ

dassetum “**daḥīkammattena hī**”tiādi vuttam.

**Manasi karohīti** ettha manasikāro na ārammaṇapaṭipādanalakkhaṇo, atha kho vīthipaṭipādanajavanapaṭipādanamanasikārapubbakam citte ṭhapanalakkhaṇoti dassento “**āvajjā**”tiādimāha. **Sotindriyavikkhepavāraṇam** savane niyojanavasena kiriyantarapaṭisedhanabhāvato, soṭam odahāti attho. **Manindriyavikkhepavāraṇam** aññacintāpaṭisedhanato. **Byañjanavipallāsaggāhavāraṇam** “sādhuka”nti visesetvā vuttattā. Pacchimassa atthavipallāsaggāhavāraṇepi eseva nayo. **Dhāraṇūpaparikkhādīsūti ādi**-saddena tulanatīraṇādike, diṭṭhiyā suppaṭividhe ca saṅgaṇhāti. **Sabyañjanoti** ettha yathādhīppetamattam byañjayatīti byañjanam, sabhāvanirutti. Saha byañjanenāti sabyañjano, byañjanasampannoti attho. **Sātthoti** araṇīyato upagantabbato anudhātabbato attho, catupārisuddhisīlādiko. Tena saha atthenāti sāttho, atthasampannoti attho. **Dhammagambhīrotiādīsūti dhammo** nāma tanti. **Desanā** nāma tassā manasā vavattāpīṭāyā tantiyā desanā. **Attho** nāma tantiyā attho. **Paṭivedho** nāma tantiyā, tantiatthassa ca yathābhūtavabodho. Yasmā cete dhammadesanā atthappaṭivedhā sasādīhi viya mahāsamuddo mandabuddhīhi dukkhogāhā, alabbhaneyyapaṭiṭṭhā ca, tasmā gambhīrā. Tena vuttam “**yasmā ayaṃ dhammo...pe... sādhuṃ manasi karohī**”ti. Ettha ca paṭivedhassa dukkarabhāvato dhammatthānam, desanāññāssa dukkarabhāvato desanāyā dukkhogāhatā, paṭivedhassa pana uppādetum asakkuṇeyyatāya, ñāṇuppattiyā ca dukkarabhāvato dukkhogāhatā veditabbā. **Desanam** nāma uddisanam, tassa niddisanam **bhāsananti** idhādhīppetanti āha “**vitthārato bhāsissāmi**”ti. Paribyattam kathanañhi bhāsanam, tenāha “**desessāmi...pe... vitthāradīpana**”nti.

Yathāvuttamattham suttapadena samatthetum “**tenāha**”tiādi vuttam. **Sālikāyiva nigghosoti** sālikāya ālāpo viya madhuro kaṇṇasukho pemaṇīyo. **Paṭibhānanti** saddo. **Udirayīti** uccāriyati, vuccati vā.

**Evam vutte ussāhajātoti** evam “suṇohi sādhuṃ manasi karohi bhāsissāmi”ti vutte “na kira bhagavā saṅkhepeveva desessati, vitthārenapi bhāsissati”ti sañjātussāho haṭṭhatuṭṭho hutvā.

**190. “Idhā”**ti iminā vuccamānam adhikaraṇam tathāgatassa uppattitṭhānabhūtam adhippetanti āha “**desāpadese nipāto**”ti. “**Svāya**”nti sāmāññato idhasaddamattam gaṇhāti, na yathāvisesitabbam idha-saddam. Tathā hi vakkhati “kathaci padapūraṇamattamevā”ti (dī. ni. aṭṭha. 1.190). **Lokam upādāya vuccati** loka-saddena samānādhikaraṇabhāvena vuttattā. Sesapadadvaye pana padantarasanidhānamattena tam tam upādāya vuttatā daṭṭhabbā. **Idha tathāgato loketi** hi jātikhetam, tathāpi ayaṃ cakkavālo “loko”ti adhippeto. **Samaṇoti** sotāpanno. **Dutiyo samaṇoti** sakadāgāmī. Vuttañhetam “katamo ca bhikkhave samaṇo? Idha bhikkhave bhikkhu tiṇṇam saṃyojanānam parikkhayā sotāpanno hoti”tiādi (a. ni. 4.241). “Katamo ca bhikkhave dutiyo samaṇo? Idha bhikkhave bhikkhu tiṇṇam saṃyojanānam parikkhayā rāgadosamohānam tanuttā”tiādi (a. ni. 4.241). **Okāsanti** kañci padesaṃ. **Idheva tiṭṭhamānassāti** imissā eva indasālaguhāyam tiṭṭhamānassa.

**Padapūraṇamattameva** okāsāpadisanassāpi asambhavato atthantarassa abodhanato. Arahanti ādayo saddā vitthāritāti yojanā. Atthato vitthāraṇam saddamukheneva hotīti saddaggahaṇam. Yasmā. “Aparehipi aṭṭhahi kāraṇehi bhagavā tathāgato”tiādinā udānaṭṭhakathādīsū, (udā. aṭṭha. 18; itivu. aṭṭha. 38) arahanti ādayo visuddhimaggaṭikāyam aparehi pakārehi vitthāritā, tasmātesu vuttānāyena so (visuddhi. ṭī. 1.129, 130) attho veditabbo. Tathāgatassa sattaniṅkāyāntogadhatāya “idha pana sattaloko adhippeto”ti vatvā tatthāyam yasmim sattanikāye yasmīna okāse uppajjati, tam dassetum “**sattaloke uppajjamānopi cā**”tiādi vuttam. “**Tathāgato na devaloke uppajjati**”tiādīsū yaṃ vattabam, tam parato āgamissati. **Sārappattāti** kulabhogissariyādivasena sārabhūtā. **Brāhmaṇagahapatikāti** brahmāyupokkharasātiādirāhmaṇā ceva anāthapaṇḍikādigahapatikā ca.

“**Sujātāyā**”tiādinā vuttetu catūsu vikappesu paṭhamo vikappo buddhabhāvāya āsannatarapaṭipattidassanavasena vutto. Āsannatarāya hi paṭipattiyā ṭhito “uppajjati” vuccati uppādassa ekantikattā, pageva paṭipattiyā matthake ṭhito. Dutiyo buddhabhāvāvahapabbajjato paṭṭhāya āsannaṭipattidassanavasena, tatiyo buddhakaradhamma pāripūrito paṭṭhāya buddhabhāvāya paṭipattidassanavasena. Na hi mahāsattānam uppattibhavūpapattito paṭṭhāya bodhisambhārasambhāraṇam nāma atthi. Catuttho buddhakaradhammasamārambhato paṭṭhāya. Bodhiyā niyatabhāvappattito pabhuti hi viññūhi “buddho uppajjati”ti vattum sakkā uppādassa ekantikattā. Yathā pana sandanti nadiyoti sandanakiriyāya avicchedamupādāya vattamānappayogo, evam uppādathāya paṭipajjanakiriyāya avicchedamupādāya catūsu vikappesu “uppajjati nāmā”ti vuttam. **Sabbapaṭhamam uppannabhāvanti** catūsu vikappesu sabbapaṭhamam vuttam tathāgatassa uppannatāsānkhatam atthibhāvam. Tenāha “**uppanno hotīti ayañhettha attho**”ti.

**So bhagavāti** yo “tathāgato araha”ntiādinā kittitaguṇo, so bhagavā. “Imam loka”nti nayidaṃ mahājanassa sammukhamattam sandhāya vuttam, atha kho anavasesam pariyaḍāyāti dassetum “sadevaka”ntiādi vuttam, tenāha “**idāni vattabam nidasseti**”ti. **Pajātattāti** yathāsakam kammakilesehi nibbattattā. **Pañcakāmāvacaradevaggahaṇam** pārisesañāyena itaresam padantarehi saṅgahitattā. Sadevakanti ca avayavena viggaho samudāyo samāsatho. **Chaṭṭhakāmāvacaradevaggahaṇam** paccāsattiñāyena. Tattha hi so jāto, tamnivāsī ca. **Brahmakāyikādirahmaggaṇanti** etthāpi eseva nayo. **Paccatthika ...pe... samaṇabrāhmaṇaggaṇanti** nidassanamattametam apaccatthikānam, asamitābhāhitapāpānañca samaṇabrāhmaṇānam sassamaṇabrāhmaṇīvacanena gahitattā. Kāmaṃ “sadevaka”ntiādi visesanānam vasena sattavisayo lokasaddoti viññāyati tulyayogavisayattā tesam,

“salomako sapakkhako” tiādīsu pana atulyayogepi ayaṃ samāso labbhatīti byabhicāradassanato pajāgahaṇanti āha “**pajāvacanena sattalokaggahaṇa**”nti.

Arūpino sattā attano āneñjavihāreṇa viharantā dibbantīti devāti imaṃ nibbacanaṃ labhantīti āha “**sadevakaggahaṇena arūpāvacaraloko gahito**”ti. Tenāha “ākāsānañcāyatanūpagānaṃ devānaṃ sahaḃyata”nti (a. ni. 3.117). **Samārakaggahaṇena chakāmāvacaradevaloko gahito** tassa savisesaṃ mārasa vase vattanato. **Rūpī brahmaloko gahito** arūpībrahmalokassa viṣuṃ gahitattā. **Catuparisavasena**ti khattiyādicatuparisavasena, itarā pana catasso parisā samārakādiggahaṇena gahitā evāti. **Avasesasabbasattaloko** nāgagaruḷādibhedo.

Ettāvata ca bhāgaso lokam gahetvā yojanam dassetvā idāni tena tena visesena abhāgaso lokam gahetvā yojanam dassetuṃ “**api cetthā**”tiādi vuttaṃ. Tattha **ukkaṭṭhaparicchedatoti** ukkaṃsagativijānana. Pañcasu hi gatīsu devagatipariyāpannāva seṭṭhā, tatthāpi arūpino dūrasamussāritakilesadukkhatāya, santapañītañeñjavihārasamañgitāya, atidighāyukatāyāti evamādihi visesehi ativiya ukkaṭṭhā. “**Brahmā mahānubhāvo**”tiādi dasasahassiyam mahābrahmuno vasena vadati. “Ukkaṭṭhaparicchedato”ti hi vuttaṃ. **Anuttaranti** seṭṭham nava lokuttaram. **Bhāvānukkamoti** bhāvavasena paresam ajjhāsavyavasena “sadevaka”ntiādīnaṃ padānaṃ anukkamo.

**Tihākārehīti** devamābrahmasahitatāsankhātehi tīhi pakārehi. **Tīsu padesu**ti “sadevaka”ntiādīsu tīsu padesu. **Tena tenākārenāti** sadevakattādīna tena tena pakārena. Tedhātukameva pariyaḍinnanti porāṇā panāhūti yojanā.

**Abhiññāti** ya-kāralopenāyam niddeso, abhiññānīti ayametta atthoti āha “**abhiññāya adhikena ñāṇena ñātvā**”ti. **Anumānādīpaṭikkhepoti** anumānaupamānaatthāpattīdīpaṭikkhepo ekappamāṇattā. Sabbattha appaṭihatañāṇacāratāya hi sabbapaccakkhā buddhā bhagavanto.

**Anuttaram vivesasukhanti** phalasaṃpattisukham, tena ṭhitimissāpi [vīthimissāpi (sārattha. ṭi. 1. verañjakaṇḍavaṇṇāyāyam) dhitimissāpi (ka)] kadāci bhagavato dhammadeśanā hotīti **hitvāpīti pi**-saddaggahaṇam. Bhagavā hi dhammam desento yasmim khaṇe parisā sādhuḷāraṃ vā deti, yathāsutaṃ vā dhammam paccavekkhati, taṃ khaṇam pubbhāgena paricchinditvā phalasaṃpattim samāpajati, yathāparicchedaṇca samāpattito vuṭṭhāya ṭhitatthānato paṭṭhāya dhammam deseti. Ugghaṭṭānañussa vasena **appam vā** vipaṇcītaññussa, neyyassa vā vasena **bahum vā desento**. Dhammassa kalyāṇatā niyyānikatāya, niyyānikatā ca sabbaso anavajjabhāvenevāti āha “**anavajjameva katvā**”ti. Desakāyattena āṇādividhīna abhisajjanam pabodhanam desanāti sā pariyaḍiddhamavasena vedītabbāti āha “**desanāya tāva catuppādikāyapi gāthāya**”tiādi. Nidānanigamanānīpi satthuno desanāya anuvīdhānato tadantogadhāni evāti āha “**nidānamādi, idaṃ evocāti pariyośāna**”nti.

Sāsītābapuggalagatena yathāparādhādisāsītābhabhāvena anusāsanam tadaṅgavinayādivasena vinayanam sāsānanti taṃ paṭipattidhamavasena vedītabbāti āha “**sīlasamādhivipassanā**”tiādi. **Kusalānam dhammānanti** anavajjadhammānam sīlassa, samathavipassanānañca sīladīṭṭhīnam ādībhāvo taṃ mūlakattā uttarimanussadhammānam. Ariyamaggassa antadvayavigāmena majjhīmapaṭipadābhāvo viya, sammāpaṭipattiyā ārabbanipphattīnam vemajjhāttāpi majjhābhāvoti vuttaṃ. “**Atthi bhikkhave...pe... majjham nāma**”ti. **Phalam pariyośanam nāma** saupādisesatāvasena, **nibbānam pariyośanam nāma** anupādisesatāvasena. Idāni tesam dvinnampi sāsānassa pariyośanataṃ āgamena dassetuṃ “**etadatthamida**”ntiādi āha. **Idha desanāya ādimajjhāpariyośanam adhippetam** “sabyañjana”ntiādi vacanato. Tasmim tasmim atthe katāvadhīsaddappabandho gāthāvasena, suttavasena ca vavattito pariyaḍiddhammo, yo idha “desanā”ti vutto, tassa pana attho visesato sīlādi evāti āha “**bhagavā hi dhammam desento...pe... dasseti**”ti. Tattha **sīlam dassetvāti sīlaggahaṇena sasambhāram sīlam gahitam**, tathā **magga**ggahaṇena sasambhāro maggoti tadubhayavasena anavasesato pariyaḍīti attham pariyaḍiyati. **Tenāti** sīlādidassanena. Atthavasena hi idha desanāya ādikalyāṇādībhāvo adhippeto. **Kathikasaṅghitīti** kathikassa saṅghānam kathanavasena samavattānaṃ.

**Na so sāttham deseti** niyyānatthavirahato tassā desanāya. **Ekabyañjanādiyuttā** vāti sithilādībhedesu byañjanesu ekappakāremeva, dvīpakāremeva vā byañjanena yuttā vā damīlabhāsā viya. Vīvaṭakaraṇatāya oṭṭhe aphaṣāpetvā uccāretabbato **sabbanīroṭṭhabyañjanā vā** kirātabhāsā viya. Sabbasseva [sabbattheva (sārattha. ṭi. 1. verañjakaṇḍavaṇṇāyāyam) 1)] vissajjanīyayuttatāya **sabbavissaṭṭhabyañjanā vā** savarabhāsā [yavanabhāsā (sārattha. ṭi. 1. verañjakaṇḍavaṇṇāyāyam)] viya. Sabbasseva [sabbattheva (sārattha. ṭi. 1. verañjakaṇḍavaṇṇāyāyam)] sānusāratāya **sabbaniggahitabyañjanā vā** pārasikādimilakkhubhāsā viya. Sabbāpesā byañjanekadesavasena pavattiyā aparipuṇṇabyañjanāti katvā “**abyañjanā**”ti vuttā.

Ṭhānakaraṇāni sithilāni katvā uccāretabbam akkharam pañcasu vaggesu paṭhamatatiyanti evamādi **sithilam**. Tāni asithilāni katvā uccāretabbam akkharam vaggasu dutiyacattutthanti evamādi **dhanitam**. Dvimattakālam **digham**. Ekamattakālam **rassam** tadeva **lahukam**. Lahukameva saṃyogaparam, dīghaṇca **garukam**. Ṭhānakaraṇāni niggahetvā uccāretabbam **niggahitam**. Parena sambandham katvā uccāretabbam **sambandham**. Tathā nasambandham **vavattitam**. Ṭhānakaraṇāni nissatthāni katvā uccāretabbam **vimuttam**. **Dasadhāti** evam sithilādivasena byañjanabuddhiyā akkharuppādakacittassa sabbākārena **pabhedo**. Sabbāni hi akkhāraṇi cittasamuṭṭhānāni yathādhīppetattham byañjanato

byañjanāni cāti.

**Amakkhetvāti** amilecchetvā, avināsetvā, ahāpetvāti vā attho. Bhagavā yamattham nāpetum ekaṃ gātham, ekaṃ vākyam vā deseti, tamattham tāya desanāya parimaṇḍalapadabyañjanāya eva deseti āha “**paripuṇṇabyañjanameva katvā dhammam deseti**”ti. Idha **kevalasaddo** anavasesavācako, na avomissakādivācakoti āha “**sakalādhivacana**”nti. **Paripuṇṇanti** sabbaso puṇṇam, taṃ pana kenaci ūnam, adhikam vā na hotīti “**anūnādhikavacana**”nti vuttam. Tattha yadattham desito, tassa sādhakattā anūnatā veditabbā, tabbidhurassa pana asādhakattā anadhikattā. Sakalanti sabbabhāgavantam. Paripuṇṇanti sabbaso paripuṇṇameva, tenāha “**ekadesanāpi aparipuṇṇā natthī**”ti. **Aparisuddhā desanā hoti** taṇhāya saṃkiliṭṭhattā. Lokāmisam cīvarādayo paccayā tattha agadhicitattāya **lokāmisānirapekkho**. **Hitapharaṇenāti** hitūpasamhārena. **Mettābhāvanāya** karaṇabhūtāya **muduhadayo**. **Ullumpanasabhāvasaṅghitenāti** sakalasaṃkilesato, vaṭṭadukkhato ca uddharaṇākārāvattāhitena cittena, kāruṇādhippāyenāti attho.

“Ito paṭṭhāya dassāmeva, evañca dassāmī”ti samādātappaṭṭhena **vataṃ**. Paṇḍitapaññattāya seṭṭhaṭṭhena brahmaṃ brahmānam vā cariyanti **brahmacariyam** dānam. Macchariyalobhādiniggaṇhanena **suciṇṇassa**. **Iddhīti** deviddhi. **Jutīti** pabhā, ānubhāvo vā. **Balavīriyūpapattīti** evaṃ mahatā balena ca vīriyena ca samannāgamo. **Puññanti** puññaphalaṃ. **Veyyāvaccam brahmacariyam** seṭṭhā cariyāti katvā. Esa nayo sasepi.

**Tasmāti** yasmā sikkhattayasaṅgahaṃ sakalam sāsanaṃ idha “brahmacariya”nti adhippetam tasmā. “Brahmacariya”nti iminā samānādhikaraṇāni sabbapadāni yojetvā attham dassento “**so dhammam deseti...pe... pakāsetīti evamettha attho daṭṭhabbo**”ti āha.

**191. Vuttappakārasampadanti** yathāvuttam ādikalyāṇatādiguṇasampadam, dūrasamussāritamānasseva sāsane sammāpaṭipatti sambhavati, na mānājātikassāti āha “**nihatamānattā**”ti. **Ussannattāti** bahulabhāvato. Bhogārogyādivatthukā madā suppaheyyā honti nimittassa anavatthānato, na tathā kulavijjāmadā, tasmā khattiyabrāhmaṇakulānam pabbajitānampi jātivijjā nissāya mānājappanam duppajahanti āha “**yebhuyyena hi...pe... mānam karontī**”ti. **Vijātītāyāti** nihīnājātītāya. **Paṭiṭṭhātum na sakkontīti** suvisuddham katvā sīlam rakkhitum na sakkontī. Sīlavasena hi sāsane paṭiṭṭhā, **paṭiṭṭhātuntī** vā saccapaṭivedhena lokuttarāya paṭiṭṭhāya paṭiṭṭhātum. Sā hi nippariyāyato sāsane paṭiṭṭhā nāma, yebhuyyena ca upanissayasampannā sujātā eva hontī, na dujjātā.

**Parisuddhanti** rāgādīnam accantameva pahānadīpanato nirupakkilesatāya sabbaso parisuddham. **Saddham paṭilabhatīti** pothujjanikasaddhāvasena saddahati. Viññūjātikānañhi dhammasampattiggahaṇapubbikā saddhā siddhi dhammapamāṇadhammapasannabhāvato. “Sammāsambuddho vata so bhagavā, yo evaṃ svākkhātadhammo”ti saddham paṭilabhati. **Jāyampatikāti** gharāṇīpatikā. Kāmaṃ “jāyampatikā”ti vutte gharasāmikagharasāminīvasena dvinnamyeva gahaṇam viññāyati. Yassa pana purisassa anekā pajāpatiyo, tattha kiṃ vattabbam, ekāyāpi saṃvāso sambādhoti dassanattam “**dve**”ti vuttam. Rāgādīnā sakiṇcanaṭṭhena, khettavatthu ādināupalibodhaṭṭhena rāgarajādīnam āgamanapathatāpi uṭṭhānaṭṭhānatā evāti dvepi vaṇṇanā ekatthā, byañjanameva nānam. **Alagganaṭṭhena**ti assajjanaṭṭhena appaṭibaddhabhāvena. Evaṃ akusalakusalappavattīnam ṭhānabhāvena gharāvāsapabbajjānam sambādhabbhokāsataṃ dassetvā idāni kusalappavattiyā eva aṭṭhānaṭṭhānabhāvena tesam taṃ dassetum “**apicā**”tiādi vuttam.

**Saṅkhepakathāti** visum visum paduddhāram akatvā samāsato atthavaṇṇanā. **Ekampi divasanti** ekadivasamattampi. **Akhaṇḍam katvāti** dukkaṭamattassapi anāpajjanena akhaṇḍitam katvā. **Kilesamalena amalīnanti** taṇhāsaṃkilesādīnā asaṃkiliṭṭham katvā. Pariyodātāṭṭhena nimmalabhāvena saṅkham viya likhitam dhotanti **saṅkhalikhanti** āha “**dhotasaṅkhasappaṭibhāga**”nti. “Ajjhāvasatā”ti padappayogena “agāra”nti bhummatthe upayogavacananti āha “**agāramajjhe**”ti. Kasāyena rattāni vatthāni **kāsāyānīti** āha “**kāsāyarasapītātāyā**”ti. **Paridahitvāti** nivāsetvā ceva pārupitvā ca. Agāravāso agāram uttarapadalopena, tassa vaḍḍhīvahaṃ **agārassa hitam**.

**192. Bhogakkhandhoti** bhogasamudāyo. **Ābandhanaṭṭhena**ti “putto nattā”tiādinā pemavasena saporicchedam bandhanaṭṭhena. “Amhākamete”ti nāyantīti **nāti**. Pītāmahapituputtādivasena parivattanaṭṭhena **parivaṭṭo**.

**193. Pātimokkhasaṃvarasaṃvutoti** pātimokkhasaṃvarena pihitakāyavacīdvāro, tathābhūto ca yasmā tena saṃvarena upeto nāma hoti, tasmā vuttam “**pātimokkhasaṃvarena samannāgato**”ti. “**Ācāragocarasaṃpanno**”tiādi tasseva pātimokkhasaṃvarasamannāgassa paccayadassanaṃ. **Appamattakesūti** asaṅcicca āpannaanukhuddakesu ceva sahasā uppannaakusalacittupādesu ca. **Bhayadassāvīti** bhayadassanasīlo. **Sammā ādiyivāti** sakkaccam yāvajjivam avītikamavasena ādiyivā. **Tam tam sikkhāpadanti** tam tam sikkhākoṭṭhāsam. **Etthāti** etasmim “pātimokkhasaṃvarasaṃvuto”ti pāṭhe. **Saṅkhepoti** saṅkhepavaṇṇanā. **Vitthāro visuddhimagge** (visuddhi. I.14) **vutto**, tasmā so tattha, taṃsaṃvaṇṇanāya (visuddhi. ṭī. I.14) ca vuttanayena veditabbo.

**Ācāragocaraggahaṇenevāti** “ācāragocarasaṃpanno”ti vacaneneva. Tenāha “**kusale kāyakammavacīkamme gahitepi**”ti. Adhikavacanam aññamattham bodhetīti katvā **tassa** ājīvapārisuddhisīlassa **uppattidvāradassanattam...pe... kusalenāti vuttam**, sabbaso anesanappahānena anavajjenāti attho. Yasmā “katame ca thapatī kusalā sīlā kusalam

kāyakammaṃ kusalaṃ vacīkamma”nti (ma. ni. 2.265) sīlassa kusalakāyavacībhāvaṃ dassetvā “ājīvaparissuddhampi kho ahaṃ thapati sīlassiṃ vadāmi”ti (ma. ni. 2.265) evaṃ pavattāya muṇḍikasuttadesanāya “kāyakammavacīkammaṃ samannāgato kusalena, parisuddhājīvo”ti ayaṃ desanā ekasaṅgahā aññadatthu saṃsandati sametīti dassento āha “**muṇḍikasuttavasena vā evaṃ vutta**”nti. **Sīlassiṃ vadāmi** “sīla”nti vadāmi, “sīlassiṃ antogadhaṃ pariyāpanna”nti vadāmi vā attho. **Pariyādānathanti** pariggahatthaṃ.

**Tividhena silenāti** cūlasīlaṃ majjhimasīlaṃ mahāsīlanti evaṃ tividhena sīlena. **Manacchatthesu indriyesu**, na kāyapañcomesu. Yathālābhayathābalayathāsārūppakāravasena **tividhena santosena**.

### Cūlamajjhimamahāsīlavaṇṇanā

**194-211.** “Sīlassiṃ”nti idaṃ niddhāraṇe bhummanti āha “**ekaṃ sīlaṃ hotīti attho**”ti. **Ayameva atthoti** paccattavacanattho eva. **Brahmajāletī** brahmajālavaṇṇanāyaṃ (dī. ni. aṭṭha. 1.7).

**212.** Attānuvādaparānuvādadaṇḍabhayādīni **asaṃvaramūlakāni**. **Sīlassāsaṃvaratoti** sīlassa asaṃvaraṇato, sīlassaṃvarābhāvatoti attho. **Bhaveyyāti** uppajjeyya. **Yathāvidhānavihitenāti** yathāvidhānasampādītena. Avippaṭṭisārādinimittam uppannacetāsikasukhasamuṭṭhānehi paṇṭitarūpehi phutṭhasarīrassa ulāraṃ kāyikaṃ sukhaṃ bhavati āha “**avippaṭṭisāra...pe... paṭisaṃvedetī**”ti.

### Indriyasamvarakathāvaṇṇanā

**213.** Viseso kammatthāpekkhatāya sāmāññassa na tehi paricattoti āha “**cakkhu-saddo katthaci buddhacakkhumhi vattati**”ti. Vijjamānameva hi abhidheyye visesatthaṃ visesantarānivattanavasena visesasaddo vibhāveti, na avijjamānaṃ. Sesapadesupi eseva nayo. Aññehi asādhāraṇaṃ buddhānaṃyeva cakkhudassananti **buddhacakkhu**, āsayānusayaññānaṃ, indriyaparopariyattaññānaṃ. Samantato sabbaso dassanaṭṭhena **samantacakkhu**, sabbaññutaññānaṃ. **Ariyamaggattayapaññāti** heṭṭhime ariyamaggattaye paññā. **Idhāti** “cakkhunā rūpa”nti imasmiṃ pāṭhe. **Ayaṃ** cakkhu-saddo **pasāda...pe... vattati** nissayavohāre nissitassa vattabato yathā. “Mañcā ukkuṭṭhiṃ karontī”ti. **Asammissanti** kilesadukkheṇa avomissaṃ. Tenāha “**parisuddha**”nti. Sati hi suvisuddhe indriyasamvare, padhānabhūtapāpadhamavīgamena adhicitānuyogo hatthagato evaṃ hotīti āha “**adhicittasukhaṃ paṭisaṃvedetī**”ti.

### Satisampajaññakathāvaṇṇanā

**214.** Samantato, pakatṭhaṃ vā savisesaṃ jānātīti sampajāno, sampajānassa bhāvo sampajaññaṃ, tathāpavattaññaṃ. Tassa vibhānaṃ sampajaññabhājanīyaṃ, tasmim **sampajaññabhājanīyamhi**. Abhikkamaṃ **abhikkantanti** āha “**abhikkantaṃ vuccati gamana**”nti. Tathā paṭikkamaṃ **paṭikkantanti** āha “**paṭikkantaṃ nivattana**”nti. **Nivattananti** ca nivattimattaṃ. Nivattitvā pana gamanaṃ gamanameva. **Abhiharantoti** gamanavasena kāyaṃ upanento. Ṭhānaniṣajjasānesu yo gamanavidhuro kāyassa purato abhihāro, so **abhikkamo**, pacchato apaharaṇaṃ **paṭikkamoti** dassento “**ṭhānepī**”tiādimāha. **Āsanassāti** pīṭhakādiāsanassa. **Purimaāṅgābhimukhoti** āṇanikādiapurimāvayavābhimukho. **Saṃsarantoti** saṃsappanto. **Paccāsaṃsarantoti** paṭisaṃsappanto. “**Eseva nayo**”ti iminā nipannasseva abhimukhasaṃsappanapaṭisaṃsappanāni nidasseti.

Sammā pajānaṃ sampajānaṃ, tena attanā kātabbakiccassa karaṇasīlo **sampajānakārīti** āha “**sampajaññena sabbakiccakārī**”ti. Sampajānasaddassa sampajaññapariyāyatā pubbe vuttā eva. **Sampajaññaṃ karotevāti** abhikkantādiṣu asaṃmohaṃ uppādeti eva. Sampajaññaṃ vā kāro etassa atthīti **sampajānakārī**. Dhammato vaḍḍhisāṅkhātena saha atthena vattatīti sātthakaṃ, abhikkantādi. Sātthakassa sampajānaṃ **sātthakasampajaññaṃ**. Sappāyassa attano hitassa sampajānaṃ **sappāyasampajaññaṃ**. Abhikkamādiṣu bhikkhācāragocare, aññatthāpi ca pavattesu avijahite kammatṭhānasāṅkhāte gocare sampajaññaṃ **gocarasampajaññaṃ**. Abhikkamādiṣu asaṃmuyhanameva sampajaññaṃ **asaṃmohasampajaññaṃ**. **Pariggahetvāti** tūletvā tīretvā paṭisaṅkhāyāti, attho. Saṅghadassaneneva uposathapavāraṇādiatthaṃ gamanaṃ saṅgahitaṃ. **Asubhadassanādīti ādi**-saddena kaṣiṇaparikkamādīnaṃ saṅgaho daṭṭhabbo. Saṅkhepato vuttamatthaṃ vivarituṃ “**ceṭiyaṃ vā bodhiṃ vā disvāpi hī**”tiādi vuttaṃ. **Arahattaṃ pāpuṇātīti** ukkaṭṭhaniddeso eso. Samathavipassanuppādanampi hi bhikkhuno vaḍḍhiyeva. **Kecīti** abhayagirivāsino.

**Tasmim panāti** sātthakasampajaññavasena pariggahitaatthe. “Atthoti dhammato vaḍḍhī”ti yaṃ sātthakanti adhippetam, taṃ sappāyaṃ evāti siyā kassaci āsaṅkāti tannivattanatthaṃ “**ceṭiyadassanaṃ tāvā**”tiādi āradḍhaṃ. **Cittakammārūpakāni viyāti** cittakammakātā paṭimāyo viya, yantapayogena vā vicittakammā paṭimāyo viya. **Asamapekkhanaṃ** gehassita aññānupekkhāvasena ārammaṇassa ayoniso gahaṇaṃ. Yaṃ sandhāya vuttaṃ. “Cakkhunā rūpaṃ disvā uppajjati upekkhā bālassa mūlhasa puthujjanassā”tiādi (ma. ni. 3.308). Hatthiādisammaddena **jīvitantarāyo**. Visabhāgarūpadassanādinā **brahmacariyantarāyo**.

**Pabbajitadivasato paṭṭhāya** bhikkhūnaṃ anuvattanakathā āciṇṇā, anuvattanakathā pana tassā dutiyā nāma hotīti

āha “**dve kathā nāma na kathitapubbā**”ti. Evanti “sace panā”tiādikaṃ sabbampi vuttākāraṃ paccāmasati, na “purisassa mātuḡamāsubha”ntiādikaṃ vuccamānaṃ.

Yogakamassa pavattiṭṭhānatāya bhāvanāya ārammaṇaṃ “kammaṭṭhāna”nti vuccatīti āha “**kammaṭṭhānaṣaṅkhātāṃ gocara**”nti. **Uggahetvāti** yathā uggahanimittaṃ uppajjati, evaṃ uggahakosallassa sampādanavasena uggahetvā.

**Haratīti** kammaṭṭhānaṃ pavatteti, yāva piṇḍapātaṭṭhānaṃ anuyūñjatīti attho. **Na paccāharatīti** āhārūpayogato yāva divāṭṭhānupasaṅkamanā kammaṭṭhānaṃ na paṭineti. **Sarīraparikammanti** mukhadhovanādisarīrapaṭṭhānaṃ. **Dve tayo pallaṅketi** dve tayo nisajjāvāre dve tīṇi uñhāsanāni. Tenāha “**usumaṃ gāhāpento**”ti. **Kammaṭṭhānaṣisenevāti** kammaṭṭhānamukheneva kammaṭṭhānaṃ avijahanto eva, tena “pattopi acetano”tiādinā (dī. ni. aṭṭha. 1.214) vakkhamānaṃ kammaṭṭhānaṃ, yathāparihariyamānaṃ vā avijahitvāti dasseti. **Tathevāti** tikkhattumeva. Paribhogacetiyato sarīrakacetiyaṃ garutaranti katvā “**cetiyaṃ vanditvā**”ti pubbakālakiriyaṃ vasena vuttaṃ. Tathā hi aṭṭhakathāyaṃ “cetiyaṃ bādhayamānā bodhisākhā haritabbā”ti vuttā. Buddhaguṇānussaraṇavaseneva bodhiyaṃ paṇipātakaraṇanti āha “**buddhassa bhagavato sammukhā viya nipaccakāraṃ dassetvā**”ti. **Gāmasamīpeti** gāmassa upacāraṭṭhāne. **Janasaṅghatthanti** “mayi akathente etesaṃ ko kathessati”ti dhammānuggahena janasaṅghatthaṃ. **Tasmāti** yasmā “dhammakathā nāma kathetabbā evā”ti aṭṭhakathācariyā vadanti, yasmā ca dhammakathā kammaṭṭhānavinimuttā nāma natthi, tasmā. **Kammaṭṭhānaṣisenevāti** attanā parihariyamānaṃ kammaṭṭhānaṃ avijahanto tadanugunaṃyeva dhammakathaṃ kathetvā. **Anumodanaṃ vatvāti** etthāpi “kammaṭṭhānaṣisenevā”ti ānetvā sambandhitabbaṃ.

**Sampattaparicchedenevāti** “paricito aparicito”tiādi vibhāgaṃ akatvā sampattakoṭiyā eva, samāgamamattenevāti attho. **Bhayeti** paracakkādibhaye.

“**Kammajatejo**”ti gahaṇiṃ sandhāyāha. **Kammaṭṭhānaṃ vīthiṃ nārohati** khudāparissamena kilantakāyattā samādhānābhāvato. **Avasesaṭṭhāneti** yāguvā aggahitaṭṭhāne. **Poṅkhānupoṅkhanti** kammaṭṭhānupaṭṭhānaṃ avicchedadassanametāṃ, yathā poṅkhānupoṅkhaṃ pavattāya sarapaṭṭhāniyā anavicchedo, evametassapīti.

**Nikkhattadhuro** bhāvanānuyoge. Vattapaṭṭhāniyā apūraṇena **sabbavattāni bhinditvā**. “Kāmesu avītarāgo hoti, kāye avītarāgo, rūpe avītarāgo, yāvadaṭṭhaṃ udarāvadehakaṃ bhujjivā seyyasukhaṃ passasukhaṃ middhasukhaṃ anuyutto viharati, aññataraṃ devanikāyaṃ paṇidhāya brahmacariyaṃ carati”ti (dī. ni. 3.320; ma. ni. 1.186) evaṃ vuttapaṇḍicavidhacetokhilavinibandhacitto. **Caritvāti** pavattitvā.

**Gatapaccāgatikavattavasenevāti** bhāvanāsaṅghāya eva bhikkhāya gatapaccāgataṃ gamanapaccāgamaṃ etassa atthīti gatapaccāgatikaṃ, tadeva vattaṃ, tassa vasena. **Attakāmāti** attano hitasukhaṃ icchantā, dhammacchandavantoti attho. Dhammo hi hitaṃ tannimittakaṃ sukhaṃ. Atha vā viññānaṃ nibbisesattā, attabhāvapariyāpannattā ca attā nāma dhammo, taṃ kāmeti icchantīti **attakāmā**.

**Usabhaṃ** nāma vīsati yaṭṭhiyo. **Tāya saññāyāti** tāya pāsānasaññāya, ettakaṃ ṭhānaṃ āgatīti jānantīti adhippāyo. **Soyeva nayoti** “ayaṃ bhikkhū”tiādiko yo ṭhāne vutto, so eva nisajjāyapi nayo. Pacchato āgacchantānaṃ chinnabhatabhāvabhayenapi yonisomanasikāraṃ paribrūheti. **Maddantāti** dhaññakaraṇaṭṭhāne sālīsīsāni maddantā.

**Mahāpadhānaṃ pūjessāmīti** amhākaṃ atthāya lokanāthena chavassāni kataṃ dukkaracariyamevāhaṃ yathāsatti pūjessāmīti. Paṭṭhāniyā hi satthupūjā, na āmisapūjāti. “**Ṭhānacaṅkamevā**”ti adhiṭṭhātabbairiyāpathavasena vuttaṃ, na bhojanādikālesu avassaṃ kattabbanisajjāya paṭṭhānāvasena.

Vīthiṃ otarivā ito cito ca anoloketvā paṭṭhānāmeva vīthiyo sallakkhetabbāti āha “**vīthiyo sallakkhetvā**”ti. Yaṃ sandhāya vuccati “pāsādikena abhikkanteṇā”ti, taṃ dassetuṃ “tatha cā”tiādi vuttaṃ. “**Āhāre paṭṭhānāsaṅghānaṃ upaṭṭhāpetvā**”tiādisu yaṃ vattabbaṃ, taṃ parato āgamissati. **Aṭṭhaṅgasamannāgatanti** “yāvadeva imassa kāyassa ṭhītiyā”tiādinā (ma. ni. 1.23; a. ni. 6.58; mahāni. 206) vuttehi aṭṭhahi aṅgehi samannāgataṃ katvā. “**Neva davāyā**”tiādi paṭṭhānāvasena.

**Paccekaobodhiṃ sacchikaroti**, yadi upanissayasampanno hotīti sambandho. Evaṃ sabbattha ito paresupī. Tattha paccekaobodhiyā upanissayasampadā kappānaṃ dve asaṅkhyeyyāni, sataśahassaṇṇa tajaṅgāpūññaṇṇasambharaṇaṃ. Sāvakabodhiyā aggasāvakaṇaṃ asaṅkhyeyyaṃ, kappasatasahassaṇṇa, mahāsāvakaṇaṃ (theragā. aṭṭha. 2.1288) sataśahassaṇṇa tajaṅgāpūññaṇṇasambharaṇaṃ. Itaresaṃ atītāsu jātisū vivaṭṭasannissayavasena nibbattitaṃ nibbedhabhāgiyaṃ kusalaṃ. **Bāhiyo dārucīriyoti** bāhiyavisaye sañjātasamvaḍḍhatāya bāhiyo, dārucīrapariharaṇena dārucīriyoti ca samaññāto. So hi āyasmā “tasmātiha te, bāhiya, evaṃ sikkhitabbaṃ ‘diṭṭhe diṭṭhamattaṃ bhavissati, sute, mute, viññāte viññātamattaṃ bhavissati’ti, evaṃhi te bāhiya sikkhitabbaṃ. Yato kho te bāhiya diṭṭhe diṭṭhamattaṃ bhavissati, sute, mute, viññāte viññātamattaṃ bhavissati, tato tvam, bāhiya, na tena. Yato tvam, bāhiya, na tena, tato tvam, bāhiya, na tatha. Yato tvam, bāhiya, na tatha, tato tvam, bāhiya, nevidha na hurāṃ na ubhayamantarena. Esevanto

dukkhassā”ti (udā. 10) ettakāya desanāya arahattaṃ sacchākāsi. Evaṃ sārīputtattherādīnaṃ mahāpaññatādīdīpanāni suttapadāni viṭṭhārato vedītabbāni.

Tanti asammyuhanāṃ evanti idāni vuccamānamākāreṇeva vedītabbaṃ. “Attā abhikkamāṃ”ti iminā andhaputhujjanassa dīṭṭhigāhavasena abhikkame sammuyhanāṃ dasseti, “ahaṃ abhikkamāṃ”ti pana iminā mānagāhavasena. Tadubhayaṃ pana taṇhāya vinā na hotīti taṇhagāhavasenaṃ sammuyhanāṃ dassitameva hoti. “Tathā asammyuhanto”ti vatvā taṃ asammyuhanāṃ yena ghanavinibbhogena hoti, taṃ dassento “abhikkamāṃ”tiādimāha. Tattha yasmā vāyodhātuyā anugatā tejjodhātu uddharaṇassa paccayo. Uddharaṇagatikā hi tejjodhātūti. Uddharaṇe vāyodhātuyā tassā anugatabhāvo, tasmā imāsaṃ dvinnametta sāmattihiyato adhimattatā, itarāsaṅca omattatāti dassento “**ekekapāduddharaṇe...pe... balavatiyoti**” āha. Yasmā pana tejjodhātuyā anugatā vāyodhātu atiharaṇavītiharaṇānaṃ paccayo. Tiriyagatikāya hi vāyodhātuyā atiharaṇavītiharaṇesu sātisayo byāpāroti. Tejjodhātuyā tassā anugatabhāvo, tasmā imāsaṃ dvinnametta sāmattihiyato adhimattatā, itarāsaṅca omattatāti dassento “**tathā atiharaṇavītiharaṇesu**”ti āha. Satipi anugamakaanugantabbatāviseṣe tejjodhātuvāyodhātubhāvamattaṃ sandhāya **tathā**-saddaggaṇaṃ,. Tattha akkantaṭṭhānato pādassa ukkhipanaṃ **uddharaṇaṃ**. Thitaṭṭhānaṃ atikkamitvā purato haraṇaṃ **atiharaṇaṃ**, khāṇuādīpariharaṇatthaṃ, paṭiṭṭhitapādaghaṭṭanapariharaṇatthaṃ vā passena haraṇaṃ **vītiharaṇaṃ**. Yāva paṭiṭṭhitapādo, tāva āharaṇaṃ **atiharaṇaṃ**, tato paraṃ haraṇaṃ **vītiharaṇaṃ**ti ayaṃ vā etesaṃ viṣeso.

Yasmā pathavīdhātuyā anugatā āpodhātu vossajjanassa paccayo. Garutarasabhāvā hi āpodhātūti. Vossajjane pathavīdhātuyā tassā anugatabhāvo, tasmā tāsaṃ dvinnametta sāmattihiyato adhimattatā, itarāsaṅca omattatāti dassento āha “**vossajjane...pe... balavatiyo**”ti. Yasmā pana āpodhātuyā anugatā pathavīdhātu sannikkhepanassa paccayo, paṭiṭṭhābhāve viya paṭiṭṭhāpanepi tassā sātisayakiccattā āpodhātuyā tassā anugatabhāvo, tathā ghaṭṭanakiriyāya pathavīdhātuyā vasena sannirujjhanassa sijjhanato tatthāpi pathavīdhātuyā āpodhātuanugatabhāvo, tasmā vuttaṃ “**tathā sannikkhepanasannirujjhanesu**”ti.

Tatthāti tasmīṃ abhikkamane, tesu vā vuttesu uddaraṇādīsu koṭṭhāsesu. **Uddharaṇeti** uddharaṇakkhaṇe. **Rūpārūpadhammāti** uddharaṇākāreṇa pavattā rūpadhammā, taṃsamuttāpakā arūpadhammā ca. **Atiharaṇaṃ na pāpuṇanti** khaṇamattavāṭṭhānato. **Tattha tatthevāti** yattha yattha uppannā, tattha tattheva. Na hi dhammānaṃ desantarasaṅkamaṇaṃ atthi. “**Pabbaṃ pabba**”tiādi uddharaṇādīkoṭṭhāse sandhāya sabhāgasantativasena vuttanti vedītabbaṃ. Atiittaro hi rūpadhammānaṃpi pavattikkhaṇo, gamanassādīnaṃ, devaputtānaṃ heṭṭhupariyena paṭimukhaṃ dhāvantaṇaṃ sirasi pāde ca bandhakhuradhārā samāgamatopi sīghataro. Yathā tilānaṃ bhajjiyamānānaṃ paṭapaṭāyanena bhedo lakkhīyati, evaṃ saṅkhatadhammānaṃ uppādenāti dassanattaṃ “**paṭapaṭāyantā**”ti vuttaṃ. Uppannā hi ekantato bhijjantīti. “**Saddhiṃ rūpenā**”ti idaṃ tassa tassa cittassa nirodhena saddhiṃ nirujjhanakarūpadhammānaṃ vasena vuttaṃ, yaṃ tato sattarasamacittassa uppādakkhaṇe uppannaṃ. Aññāthā yadi rūpārūpadhammā samānakkhaṇā siyūṃ, “rūpaṃ garupariṇāmaṃ dandhanirodha”ntiādivacanehi virodho siyā, tathā “nāhaṃ bhikkhave aññaṃ ekadhammampi samanupassāmi, yaṃ evaṃ lahuparivattaṃ, yathayidaṃ citta”nti (a. ni. 1.48) evaṃ ādīpāliya. Cittacetasi kā hi sārammaṇasabhāvā yathābalaṃ attano ārammaṇapaccayabhūtamattaṃ vibhāvento eva uppajjantīti tesam taṃsabhāvanipphattiantaraṃ nirodho. Rūpadhammā pana anārammaṇā pakāsetabbā, evaṃ tesam pakāsetabbabhāvanipphatti soḷasahi cittehi hotīti taṅkhaṇāyukatā tesam icchitā, lahuviññāṇavisayasāṅgatimattappaccayatāya tiṇṇaṃ khandhānaṃ, viṣayaṅgatimattatāya ca viññāṇassa lahuparivattitā, dandhamahābhūtapaccayatāya rūpadhammānaṃ dandhaparivattitā. Nānādhātuyā yathābhūtaññaṃ kho pana tathāgatasseva, tena ca purejātapaccayo rūpadhammova vutto, pacchājātapaccayo ca tatthevāti rūpārūpadhammānaṃ samānakkhaṇatā na yujjateva. Tasmā vuttanayenevettha attho vedītabbo.

**Aññaṃ uppajjate cittaṃ, aññaṃ cittaṃ nirujjhatīti** yaṃ purimuppannaṃ cittaṃ, taṃ aññaṃ, taṃ pana nirujjhantaṃ aparassa anantarādīpaccayabhāveneva nirujjhatīti tathā laddhapaccayaṃ aññaṃ uppajjate cittaṃ. Yadi evaṃ tesam antaro labbheyyāti? Noti āha “**avīci manuppabandho**”ti, yathā vīci antaro na labbhati, “tadeveta”nti avisesavidū maññanti, evaṃ anu anu pabandho cittasantāno rūpasantāno ca **nadīsotova** nadiyaṃ udakappavāho viya **vattati**.

Abhimukhaṃ lokitaṃ ālokitanti āha “**purato pekkhana**”nti. Yasmā yaṃdisābhimukho gacchati, tiṭṭhati, nisīdati vā tadabhimukhaṃ pekkhanaṃ ālokitam, tasmā tadanugatavidisālokanam vilokitanti āha “**vilokitaṃ nāma anudisāpekkhana**”nti. Sammajjanaparibhaṇḍādīkaraṇe olokittassa, ullokaharaṇādīsu ullokitassa, pacchato āgacchantaparissayassa parivajjanādīsu apalokitassa siyā sambhavoti āha “**iminā vā mukhena sabbānīpi tāni gahitānevā**”ti.

**Kāyasakkhinti** kāyena sacchikatavantaṃ, paccakkhakarīnanti attho. So hi āyasmā vipassanākāle “yamevāhaṃ indriyesu aguttadvāraṇaṃ nissāya sāsane anabhiratīdivippakāraṃ patto, tameva suṭṭhu niggaḥessāmi”ti ussahajāto balavahirottappo, tattha ca katādhikāratā indriyasamvare ukkaṃsapāramippatto, teneva naṃ satthā “etadaggaṃ bhikkhave mama sāvakaṇaṃ bhikkhūnaṃ indriyesu guttadvāraṇaṃ, yadidaṃ nando”ti (a. ni. 1.235) etadagge ṭhapesi.

Sātthakatā ca sappāyatā ca vedītabbā ālokitavilokitassāti ānetvā sambandho. **Tasmāti** kammaṭṭhānavijahanasseva gocarasampajāññabhāvatoti vuttamevatthaṃ hetubhāvena paccāmasati. **Attano kammaṭṭhānavaseneva ālokanavilokanaṃ**



**kātabbam**, khandhādikammaṭṭhānā añño upāyo na gavesitabboti adhippāyo. Ālokitādisamaññāpi yasmā dhammamattasseva pavattiviseo, tasmā tassa yāthāvato pajānanam asammohasampajaññanti dassetuṃ “**abbhantare**”tiādi vuttam. **Cittakiriyavāyodhātuvipphāravasenā**ti kiriyamayacittasamuṭṭhānāya vāyodhātuyā calanākārappavattivasena. **Adho sīdatīti** adho gacchati. **Uddham laṅghetīti** laṅgham viya upari gacchati.

**Āngakiccaṃ sādhamānanti** padhānabhūtaṅgakiccaṃ nipphādentam hutvāti attho. “**Paṭhamajavanepi...pe... na hotī**”ti idaṃ pañcadvāravīthiyam “itthī puriso”ti rajjanādīnam abhāvam sandhāya vuttam. Tattha hi āvajjana voṭṭhabbapanānam ayoniso āvajjanavoṭṭhabbāvasena itṭhe itthirūpādīmhi lobhamattam, aniṭṭhe ca paṭiḅhamattam uppajjati, manodvāre pana “itthī puriso”ti rajjanādi hoti. Tassa pañcadvārajavanam mūlam, yathāvuttam vā sabbam bhavaṅgādi. Evaṃ manodvārajavanassa mūlavasena mūlapariññā vuttā. Āgantukatāvakālikatā pana pañcadvārajavanasseva apubbabhāvasena, ittarabhāvasena ca vuttā. “**Heṭṭhupariyavasena bhijjitvā patitesū**”ti heṭṭhimassa uparimassa ca aparāparam bhaṅgapattimāha.

**Tanti javanam**, tassa ayuttanti sambandho. **Āgantuko** abbhāgato.

Udayabbayaparcchinno tāvatako kālo etesanti **tāvakālikāni**.

**Etam** asammohasampajaññam. **Samavāyeti** sāmaggiam. **Tatthāti** pañcakkhandhavasena ālokanavilokane paññāyamāne tabbinimutto **ko eko āloketi, ko viloketi**.

“**Upanissayapaccayo**”ti idaṃ suttantanayena pariyāyato vuttam. **Sahajātapaccayoti** nidassanamattametam aññamaññasampayuttaatthiavigatādipaccayānampi labbhanato.

**Kāle** samañchitum yuttakāle **samañchantassa**. Tathā **pasārentassāti** etthāpi. **Maṇisappo** nāma ekā sappajātīti vadanti. **Laḷananti** kampanam, liḷākaraṇam vā.

**Uḅhapakatiko** pariḷāhabahulakāyo. Sīlavidūsanena ahitāvahattā **micchājīvavasena uppannam asappāyam**. “**Cīvarampi acetana**”ntiādinā cīvarassa viya kāyopi acetanoti kāyassa attasuññatāvibhāvanena “abbhantare”tiādinā vuttamevattham paridipento itaritarasantosassa kāraṇam dasseti, tenāha “**tasmā**”tiādi.

**Catupañcagaṅṅhikāhatoti** āhatacatupañcagaṅṅhiko, catupañcagaṅṅhikāhi vā āhato tathā.

**Aṭṭhavidhopi atthoti** aṭṭhavidhopi payoanaviseso mahāsivattheravādavasena “imassa kāyassa ṭhitiyā”tiādinā (ma. ni. 1.23, 422; ma. ni. 2.387; a. ni. 2.341; 8.9; dha. sa. 1355; vibha. 518; mahāni. 206) nayena vutto daṭṭhabbo. Imasmiṃ pakkhe “**neva davāyātiādinā** (ma. ni. 1.23, 422; ma. ni. 2.387; a. ni. 8.9; dha. sa. 1355; vibha. 518; mahāni. 206) **nayenā**”ti pana paṭikkhepaṅgadassanamukhena desanāya āgatattā vuttanti daṭṭhabbam.

Pathavisandhārakajalassa taṃsandhāravāyūnā viya paribhuttassa āhārassa vāyodhātuyāva āsaye avatṭhānanti āha “**vāyodhātuvaseva tiṭṭhati**”ti. **Atiharatīti** yāva mukhā abhiharatī. **Vītiharatīti** tato kucchiyam vīmissam karonto haratī. **Atiharatīti** vā mukhadvāram atikkāmento haratī. **Vītiharatīti** kucchigatam passato haratī, **parivatṭetīti** aparāparam cāretī. Ettha ca āhārassa dhāraṇaparivattanasañcuṇṇanavisosanāni pathavīdhātusahitā eva vāyodhātu karoti, na kevalāti tāni pathavīdhātuyāpi kiccabhāvena vuttāni. **Allattañca anupāletīti** yathā vāyodhātu ādīhi aññehi visosanam na hoti, tathā allattañca anupāleti. **Tejodhātūti** gahaṅṅsaṅkhātā tejodhātu. Sā hi antopaviṭṭham āhāram paripāceti. **Añjaso hotīti** āhārassa pavesanādīnam maggo hoti. **Ābhujatīti** pariyesanavasena, ajjhoharaṇajīṇṇajīṇṇatādipaṭisamvedanavasena ca āvajjeti, vijānātīti attho. Taṃtaṃvijānanassa paccayabhūtoeva hi payogo “sammāpayogo”ti vutto. Yena hi payogena pariyesanādi nipphajjati, so tabbisayavijānanampi nipphādeti nāma tadavinābhāvato. Atha vā **sammāpayogam** sammāpaṭipatti **manvāya** āgama **ābhujati** samannāharatī. Ābhogapubbako hi sabbopi viññābyāpāroti tathā vuttam.

**Gamanatoti** bhikkhācārasena gocaragāmam uddissa gamanato. **Pariyesanatoti** gocaragāme bhikkhattham āhiṅḅanato. **Paribhogatoti** āhārassa paribhuñjanato. **Āsayatoti** pittādiāsayato. Āsayati ettha ekajjham pavattamānopi kammaphalavavattitho hutvā mariyādavasena aññamaññam asaṅkarato sayati tiṭṭhati pavattatīti **āsayo**, āmāsayaṃ upari tiṭṭhanako pittādiko. Mariyādattho hi ayamākāro. **Nidhānanti** yathābhutto āhāro nicito hutvā tiṭṭhati etthāti nidhānam, āmāsayo. Tato **nidhānato**. **Aparipakkatoti** gahaṅṅsaṅkhātēna kammajatejena avipakkato. **Paripakkatoti** yathābhuttassa āhārassa vipakkabhāvato. **Phalatoti** nipphattito. **Nissandatoti** ito cito ca nissandanato. **Sammakkhanatoti** sabbaso makkhanato. Ayamettha saṅkhepo, vitthāro pana visuddhimaggasaṃvaṇṇanāya (visuddhi. ṭi. 1.294) gahetabbo.

**Sarīrato sedā muccantīti** vegasaṃdhāraṇena uppannapariḷāhato sarīrato sedā muccanti. **Aññe ca rogā** kaṇṇasūlabhagandarādayo. **Aṭṭhāneti** manussāmanussapariggahite ayuttaṭṭhāne khettadevāyatanādike. Kuddhā hi amanussā, manussāpi vā jīvitakkhayam pāpenti. Nissatṭhattā **neva attano**, kassaci anissajjitattā, jigucchanīyattā ca **na parassa**. **Udakatumbatoti** veluṇāḷiādiudakabhājanato. **Tanti** chaḍḍitaudakam.

**Addhānairiyāpathā** ciratarappavattikā dīghakālikā iriyāpathā. **Majjhimā** bhikkhācāraṇādivasena pavattā. **Cuṇṇiyairiyāpathā** vihāre, aññatthāpi ito cito ca parivattanādivasena pavattāti vadanti. “Gateti gamane”ti pubbe abhikkamaṭṭhikamaggahaṇena gamanenaṭṭhā purato pacchato ca kāyassa abhiharaṇaṃ vuttanti idha gamanameva gahitanti keci.

Yasmā mahāśivatheravāde anantare anantare iriyāpathe pavattarūpārūpadhammānaṃ tattha tattheva nirodhadassanavasena sampajānakāritā gahitāti taṃ sampajāññāvipassanācāravasena vedittabbaṃ. Tena vuttaṃ “**tayidaṃ mahāśivatherena vuttaṃ asammohadhuraṃ mahāsatipaṭṭhānasutte adhippeta**”nti. **Imasmiṃ pana sāmāññaphale sabbampi catubbidhaṃ sampajāññaṃ labbhati** yāvadeva sāmāññaphalavisesadassanaparattā imissā desanāya. “**Satisampayuttassevā**”ti idaṃ yathā sampajāññassa kiccato padhānatā gahitā, evaṃ satiyā pīti dassanattaṃ vuttaṃ, na satiyā sabbhāvamattadassanattaṃ. Na hi kadāci satirahitā nāppavatti atthi. “**Etassa hi padassa ayaṃ vitthāro**”ti iminā satiyā nāṇena samadhurataṃyeva vibhāveti. **Etāni padānīti** “abhikkante ṭṭhikkante sampajānakārī hoti”tiādīni padāni. **Vibhattānevāti** visuṃ katvā vibhattāniyeva, imināpi sampajāññassa viya satiyāpettha padhānatameva vibhāveti.

Majjhimabhāṇakā pana bhaṇanti – eko bhikkhu gacchanto aññaṃ cinto aññaṃ vitakkento gacchati, eko kammaṭṭhānaṃ avissajjtvā gacchati. Tathā eko tiṭṭhanto...pe... nisīdanto...pe... sayanto aññaṃ cinto aññaṃ vitakkento sayati, eko kammaṭṭhānaṃ avissajjtvā sayati, ettakena pana na pākaṭaṃ hotīti caṅkamanena dīpenti. Yo hi bhikkhu caṅkamaṃ otarivā ca caṅkamanakoṭiyā ṭṭho pariggaṇhāti “pācīnacaṅkamanakoṭiyā pavattā rūpārūpadhammā pacchimacaṅkamanakoṭiyā appatvā ettheva niruddhā, pacchimacaṅkamanakoṭiyā pavattāpi pācīnacaṅkamanakoṭiyā appatvā ettheva niruddhā, caṅkamanamajjhe pavattā ubho koṭiyā appatvā ettheva niruddhā, caṅkamaṇe pavattā rūpārūpadhammā ṭṭhānaṃ appatvā ettheva niruddhā, ṭṭhāne pavattā nisajjaṃ appatvā ettheva niruddhā, nisajjāya pavattā sayanaṃ appatvā ettheva niruddhā”ti evaṃ pariggaṇhanto pariggaṇhantoyeva bhavaṅgaṃ otarati. Uṭṭhahanto kammaṭṭhānaṃ gahetvā uṭṭhahati, ayaṃ bhikkhu gatādisu sampajānakārī nāma hotīti. Evampi na soṭṭe kammaṭṭhānaṃ avibhūtaṃ hoti, tasmā bhikkhu yāva sakkoti, tāva caṅkamitvā ṭṭhāvā nisīditvā sayamāno evaṃ pariggahetvā sayati “kāyo acetano, mañco acetano, kāyo na jānāti ‘ahaṃ mañce sayito’ti, mañco na jānāti ‘mayi kāyo sayito’ti, acetano kāyo acetane mañce sayito”ti evaṃ pariggaṇhanto eva cittaṃ bhavaṅge otāreti. Pabujjhanto kammaṭṭhānaṃ gahetvā pabujjhati, ayaṃ soṭṭe sampajānakārī nāma hoti. Kāyādikiriyānibbattanena tammayattā, āvajjanakiriyā samuṭṭhitattā ca javanaṃ sabbampi vā chadvārapavattaṃ kiriyamayapavattaṃ nāma. Tasmīṃ sati jāgaritaṃ nāma hotīti pariggaṇhanto jāgarite sampajānakārī nāma. Api ca rattindivaṃ cha koṭṭhāse katvā pañca koṭṭhāse jaggantopi jāgarite sampajānakārī nāma hoti. Vimuttāyatanaśisena dhammaṃ desentopi battiṃsatiracchānakathaṃ pahāya dasakathāvattunissitasappāyakathaṃ kathentopi bhāsīte sampajānakārī nāma. Aṭṭhatimsāya ārammaṇesu cittaruciyaṃ manasikāraṃ pavattentopi dutiyaṃ jhānaṃ samāpannopi tuṅhībhāve sampajānakārī nāma. Dutiyāñhi jhānaṃ vacīsaṅkhāravirahato visesato tuṅhībhāvo nāmāti. **Evanti** vuttappakārena, sattaṣuṭṭhi ṭṭhānesu catudhātī attho.

### Santosakathāvaṇṇanā

**215.** Yassa santosassa attani atthitāya bhikkhu “santuṭṭho”ti vuccati, taṃ dassento “**itarītarapaccayasantoseṇa samannāgato**”ti āha. Cīvarādi yattha katthaci paccaye santussanena samaṅgibhūtoti attho. Atha vā **itaraṃ** vuccati hīnaṃ paṇītato aññattā, tathā paṇītaṃ **itaraṃ** hīnato aññattā. Apekkhāsiddhā hi itaratāti. Iti yena dhammena hīnena vā paṇītena vā cīvarādipaccayena santussati, so tathā pavatto alobho **itarītarapaccayasantoso**, tena **samannāgato**. Yathālābhaṃ attano lābhānūrūpaṃ santoso **yathālābhasantoso**. Sesadvayepi eseva nayo. Labbhatīti vā lābho, yo yo lābho yathālābhaṃ, tena santoso **yathālābhasantoso**. **Balanti** kāyabalaṃ. **Sāruppanti** pakatidubbālādīnaṃ anucchavikatā.

Yathāladdhato aññassa apatthanā nāma siyā appicchatāyapi pavattīkāroṭi tato vinivattitameva santosassa sarūpaṃ dassento “**labhantopi na gaṇhātī**”ti āha. **Taṃ parivattetvāti** pakatidubbālādīnaṃ garucīvaraṃ na phāsūbhāvāvaṃ, sarīrakhedāvahaṇa hotīti payoanavasena, na atricchatādivasena taṃ parivattetvā. Lahukacīvaraparibhogo na santosavirodhīti āha “**lahukena yāpentopi santuṭṭhova hoti**”ti. Mahaggaṃ cīvaraṃ bahūni vā cīvarāni labhitvāpi tāni vissajjtvā tadāññassa gahaṇaṃ yathāsāruppanaye ṭṭhitattā na santosavirodhīti āha “**tesaṃ...pe... dhārentopi santuṭṭhova hoti**”ti. Evam sesapaccayepi yathābalayathāsāruppaniddesesu api-saddaggaṇe adhippāyo vedittabbo.

**Muttaharītakanti** gomuttaparibhāvitaṃ, pūtibhāvena vā chaḍḍitaṃ harītakam. **Buddhādīhi vaṇṇitanti** “pūtimuttahesajjaṃ nissāya pabbajjā”tiādīnā (mahāva. 73, 128) sammāsambuddhādīhi pasatthaṃ. Appicchatāsantuṭṭhīsu bhikkhū nīyojento **paramasantuṭṭhova hoti** paramena ukkaṃsagatena santosena samannāgatattā.

Kāyaṃ pariharanti posentīti **kāyaparihārikā**. Tathā **kucchiparihārikā** vedittabbā. Kucchiparihārikatā ca ajjhoharaṇena sarīrassa ṭṭhitiyā upakāratāvasena icchitāti bahiddhāva kāyassa upakāratāvasena kāyaparihārikatā daṭṭhabbā.

**Parikkhāramattāti** parikkhāraggaṇaṃ. **Tatraṭṭhakapaccattharaṇanti** attanā anadhiṭṭhahitvā tattheva tiṭṭhanakapaccattharaṇaṃ. Paccattharaṇādīnañcettaṃ navamādibhāvo yathāvuttapaṭipāṭiyā daṭṭhabbo, na tesam tathā patinīyatabhāvato. Kasmā? Tathā nadhāraṇato. Dupposabhāvena mahāgajā viyāti **mahāgajā**. Yadi itarepi appicchatādisabhāvā, kiṃ tesampi vasena ayaṃ desanā icchitāti? Noti āha “**bhagavā panā**”tiādi. Kāyaparihāro payoanamaṃ



ārammaṇapariggahūpāyo. **Parīti pariggahaṭṭho** “pariṇāyikā”tiādīsu viya. **Mukhanti niyyānaṭṭho** “suññatavimokkhamukha”ntiādīsu viya. Paṭipakkhato niggaṇaṇaṭṭho hi niyyānaṭṭho, tasmā pariggahitaniyyānanti sabbathā gahitāsammaṇṇaṃ paricattasammaṇṇaṃ **satim katvā**, paramaṇṇaṃ satinepakkaṇṇaṃ upaṭṭhapetvāti attho.

**217.** Abhijjhāyati gijjhāti abhikaṅkhati etāyāti **abhijjhā**, lobho. **Lujjanaṭṭhena** bhijjanaṭṭhena, khaṇe khaṇe bhijjanaṭṭhenaṭṭhi attho. **Vikkhambhanavasena** ettha **vikkhambhanaṃ** anuppādanaṃ appavattanaṃ, na paṭipakkhānaṃ suppahīnatā. **“Pahīnatā”**ti ca pahīnasadisataṃ sandhāya vuttaṃ jhānassa anadhigatattā. Tathāpi nayidaṃ cakkhuvīññāṇaṃ viya sabhāvato vigatābhijjhaṃ, atha kho bhāvanāvasena, tenāha **“na cakkhuvīññāṇasadenā”**ti. **Eseva nayoti** yathā imassa cittaṃ bhāvanāya paribhāvitattā vigatābhijjhatā, evaṃ abyāpannaṃ vigatathinamiddhaṃ anuddhataṃ nibbicikicchaṅcāti attho. **Purimapakatinti** parisuddhapaṇḍarasabhāvaṃ. “Yā cittaṃ akalyatā”tiādīna (dha. sa. 1162; vibha. 546) thinassa, “yā kāyassa akalyatā”tiādīna (dha. sa. 1163; vibha. 546) ca middhassa abhidhamme niddiṭṭhattā vuttaṃ **“thinam cittagelaṇṇam, middham cetasikagelaṇṇa”**nti. Satipi aññaṃaññaṃ avippayoge cittaṃkāyālahutādīnaṃ viya cittaṃcetasikānaṃ yathākammaṃ taṃ taṃ visesassa yā tesam akalyatādīnaṃ visesappaccayatā, ayamesaṃ sabhāvoti daṭṭhabbaṃ. **Ālokasaññī**ti ettha atisaṃyathavisiṭṭhaatthi atthāva bodhako ayamikāroti dassento āha **“rattimpi...pe... samannāgato”**ti. **Idam ubhayanti** satisampajāññaṃāha. **Atikkamitvā** vikkhambhanavasena pajahitvā. “Kathamida”nti pavattiyā kathaṅkathā, vicikicchā. Sā etassa atthīti kathaṅkathī, na kathaṅkathīti **akathaṅkathī**, nibbicikiccho. **Lakkhaṇādibhedatoti** ettha **ādi**-saddena paccayapahānapahāyākādīnaṃpi saṅgho daṭṭhabbo. Tepi hi bhedato vattabbāti.

**218.** Tesanti iṇavasena gahitadhaṇaṇaṃ. **Pariyantoti** dātābbaseso. **So balavapāmojjaṃ labhati** “iṇapalibodhato muttomhī”ti. **Somanassaṃ adhigacchati** “jīvikānimittam atthī”ti.

**219.** **Visabhāgavedanuppattiyāti** dukkhavedanuppattiyā. Dukkavedanā hi sukhavedanāya kusalavipākasantānassa virodhitāya visabhāgā. **Catuiriyāpatham chindantoti** catubbidhampi iriyāpathappavattiṃ pacchindanto. Byādhiko hi yathā ṭhānagamanesu asamatto, evaṃ nisajjādīsopi asamatto hoti. **Ābādhetī** piṭeti. Vātādīnaṃ vikāro visamāvattā byādhīti āha **“taṃsamutṭhānena dukkhena dukkhito”**ti. Dukkavedanāya pana byādhībhave mūlabyādhinā **ābādhiko** ādito bādhatīti katvā. Anubandhabyādhinā **dukkhito** aparāparaṃ sañjātadukkhito katvā. **Gilānoti** dhātusaṅkhaṇaṇaṃ parikkhīṇasaṅgāro. Appamattakaṃ vā balaṃ **balamattā**. **Tadubhayanti** pāmojjaṃ, somanassaṅca. Tattha **labhetha pāmojjaṃ** “rogato muttomhī”ti. **Adhigaccheyya somanassaṃ** “atthī me kāye bala”nti.

**220.** **Sesanti** “tassa hi ‘bandhanā muttomhī’ti āvajjayato tadubhayaṃ hoti. Tena vutta”nti evamādi. **Vuttanayenevāti** paṭhamadutiyaṇṇaṃ vuttanayeneva. **Sabbapadesūti** avasiṭṭhapadesu tatiyādīsū koṭṭhāsesu.

**221-222.** **Na attani adhīnoti** na attāyatto. **Parādhīnoti** parāyatto. Aparādhīnatāya bhujō viya attano kicce esitabboti **bhujisso**. Savasoti āha **“attano santako”**ti. Anudakatāya kaṃ pāṇiyam tārenti etthāti **kantāro**ti āha **“nirudakam dīghamagga”**nti.

**223.** **Tatrāti** tasmim dassane. **Ayanti** idāni vuccamānā **sadisatā**. Yena iṇādīnaṃ upamābhāvo, kāmacchandādīnaṅca upameyyabhāvo hoti, so nesaṃ upamopameyyasambandho sadisatāti daṭṭhabbaṃ. **Yo yamhi kāmacchandena rajjatīti** yo puggalo yamhi kāmarāgassa vatthubhūte puggale kāmacchandavasena ratto hoti. **Taṃ vatthum gaṇhātīti** taṃ taṇhāvattum “mameta”nti gaṇhāti.

**Upaddavethāti** upaddavaṃ karotha.

**Nakkhattassāti** mahassa. **Muttoti** bandhanato mutto.

**Vinaye apakataññunāti** vinayakkame akusalena. So hi kappiyākkappiyam yāthāvato na jānāti. Tenāha **“kismiñcivā”**tiādi.

**Gacchatipi**ti thokaṃ thokaṃ gacchatipi. Gacchanto pana tāya eva ussaṅkitaparisaṅkitatāya tattha tattha **tiṭṭhatipi**. Īdise kantāre gato “ko jānāti kiṃ bhavissatī”ti **nivattatipi**, tasmā **gataṭṭhānato agataṭṭhānameva bahutaraṃ hoti**. **Saddhāya gaṇhitum** saddheyyam vatthum “idameva”nti saddahitum **na sakkoti**. **Atthi natthīti** “atthi nu kho, natthi nu kho”ti. Araññaṃ pavittassa ādimhi eva sappaṇaṃ **āsappaṇaṃ**. Pari parito, uparūpari vā sappaṇaṃ **parisappaṇaṃ**. Ubhayenapi tattheva paribbhamanaṃ vadati. Tenāha **“apariyogāhana”**nti. **Chambhitattanti** araññaṇāññāya uppannaṃ chambhitabhāvaṃ, utrāsanti attho.

**224.** **Tatrāyaṃ sadisatāti** etthāpi vuttanayānusārena sadisatā veditabbā. Yadaggena hi kāmacchandādayo iṇādisadisā, tadaggena tesam pahānaṃ āṇāyādisadisam abhāvoti katvā. **Cha dhammeti** asubhanimittassa uggaho, asubhabhāvanānuyogo, indriyesu guttadvāratā, bhōjane mattaññitā, kalyāṇamittatā, sappāyakathāti ime cha dhamme. **Bhāvetvāti** brūhetvā. **Mahāsatiṭṭhāne** (dī. ni. 2.372-374) **vaṇṇayissāma** tatthassa anuppannānuppādanaṃ uppannapahānādivibhāvanavasena savisesam pāliya āgatattā. Esa nayo byāpādādippahānakabhāvepi.

**Paravatthumhīti** ārammaṇabhūte parasmim vatthusmim.

**Anatthakaroti** attano parassa ca anathāvaho. **Cha dhammeti** mettānimittassa uggaho, mettābhāvanānuyogo, kammassakatā, paṭisaṅkhānabahulatā, kalyāṇamittatā, sappāyakathāti ime cha dhamme. **Tatthevāti** mahāsatipaññāneyeva (dī. ni. 2.372-374). Cārittasīlaṃ uddissa paññāttasikkhāpadaṃ **ācārapaññatti**.

Bandhanāgāraṃ pavesitattā aladdhanakkhattānubhavo puriso “**nakkhattadivase bandhanāgāraṃ pavesito puriso**”ti vutto, nakkhattadivase eva vā tadanānubhavanatthaṃ tathā kato. **Mahāanattakaranti** diṭṭhadhammikādiatthahāpanamukhena mahato anatthassa kāraṃ. **Cha dhammeti** atibhojane nanimittaggāho, iriyāpathasamparivattanatā, ālokasaññāmanasikāro, abbhokāsavāso, kalyāṇamittatā, sappāyakathāti ime cha dhamme.

Uddhaccakukkuce **mahāanattakaranti** parāyattatāpādanato vuttanayena mahato anatthassa kārakanti. Attho **cha dhammeti** bahussutatā, paripucchakatā, vinaye pakataññūtā, vuḍḍhasevitā, kalyāṇamittatā, sappāyakathāti ime cha dhamme.

**Balavāti** paccatthikavidhamanasamatthēna balena balavā. **Sajjāvudhoti** sannaddhadhanuādiāvudho. Sūravīrasevakajanavasena **saparivāro**. **Tanti** yathāvuttaṃ purisaṃ. Balavantatāya, sajjāvudhatāya, saparivāratāya ca **corā dūratova disvā palāyeyuṃ**. **Anatthakārikāti** sammāpaṭipattiyā vibandhakarāṇato vuttanayena anattakārikā. **Cha dhammeti** bahussutatā, paripucchakatā, vinaye pakataññūtā, adhimokkhabahulatā, kalyāṇamittatā, sappāyakathāti ime cha dhamme. Yathā bāhusaccādīni uddhaccakukkucassa pahānāya saṃvattanti, evaṃ vicikicchāya pīti idhāpi bahussutatādayo gahitā. Kalyāṇamittatā sappāyakathā viya pañcannaṃ, tasmā tassa tassa anucchavikasevanatā veditabbā. Sammāpaṭipattiyā appaṭipattinimittatāmukhena vicikicchā micchāpaṭipattimeva paribrūhetīti tassā pahānaṃ duccharitavidhūnanūpāyoti āha “**duccaritakantāraṃ nittharivā**”tiādi.

**225. Pāmojjaṃ** nāma taruṇapīti, sā kathaṅcīpi tuṭṭhāvattatī āha “**pāmojjaṃ jāyatīti tuṭṭhākāro jāyati**”ti. **Tuṭṭhassāti** okkantikabhāvappattāya pītiyā vasena tuṭṭhassa. Attano savipphārikatāya, attasamuṭṭhānapanāṇitarūpuppattiyā ca **sakalasarīraṃ khobhayamānā** pharaṇalakkhaṇā **pīti jāyati**. Pītisahitaṃ pīti uttarapadalopena, kiṃ pana taṃ? Mano. Pīti mano etassāti pītimano, tassa **pītimanassa**. Tayidaṃ atthamattameva dassento “**pītisampayuttacittassā**”ti āha. **Kāyoti** idha arūpakalāpo adhippeto, na vedanādikkhandhattayamevāti āha “**nāmakāyo passambhatti**”ti, passaddhidvayassa pītivasenettha passambhanaṃ adhippettaṃ. **Vigatadarathoti** pahīnauddhaccādīkilesadaratho. Vuttapakārāya pubbhāgabhāvanāya vasena cetasikasukhaṃ paṭisaṃvedentoyeva taṃsamuṭṭhānapanāṇitarūpaphuṭṭhasarīratāya kāyikampi sukhaṃ vedetīti āha “**kāyikampi cetasikampi sukhaṃ vedayati**”ti. **Imināti** “sukhaṃ paṭisaṃvedeti”ti evaṃ vuttēna. Saṃkilesapakkhato nikkhantattā, paṭhamajjhānapakkhikattā ca **nekkhammasukhena**. **Sukhitassāti** sukhino.

### Paṭhamajjhānakathāvaṇṇanā

**226.** “Cittaṃ samādhīyati”ti etena upacārasavenapi appanāvasenapi cittassa samādhānaṃ kathitaṃ. Evaṃ sante “so vivicceva kāmehi”tiādikā desanā kimatthīyati āha “**so vivicceva kāmehi...pe... vutta**”nti. Tattha **uparivisesadassanattanti** paṭhamajjhānādiuparivattabbavisesadassanattāṃ. Na hi upacārasamādhisamadhigamena vinā paṭhamajjhānādiviseso samadhigantaṃ sakkā. Pāmojjuppādādīhi kāraṇaparamparā dutiyajjhānādisamadhigamepi icchitabbāva paṭipadāññānadassanavisuddhi viya dutiyamaggādisamadhigameti daṭṭhabbaṃ. **Tassa samādhinoti** “sukhino cittaṃ samādhīyati”ti evaṃ sādharmaṇavasena vutto yo appanālakkaṇo, tassa samādhino. **Pabhedadassanattanti** dutiyajjhānādivibhāgassa ceva abhiññādivibhāgassa ca pabhedadassanattāṃ. Karo vuccati pupphasambhavaṃ gabbhāsāya karīyatīti katvā, karato jāto kāyo karajakāyo, tadupasanissayo catusantatirūpasamudāyo. Kāmaṃ nāmakāyopi vivekajena pītisukhena tathāladhupakāro, “abhisandeti”tiādivacanato pana rūpakāyo idhādhippetoti āha “**imaṃ karajakāya**”nti. **Abhisandeti**ti abhisandanāṃ karoti. Taṃ pana jhānamayena pītisukhena karajakāyassa tintabhāvāpādanāṃ, sabbatthakameva lūkkhābhāvāpanayananti āha “**temeti**”tiādi, tayidaṃ abhisandanāṃ atthato yathāvuttapītisukhasamuṭṭhānehi paṇītarūpehi kāyassa pariṭṭhānaṃ daṭṭhabbaṃ. “**Parisandeti**”tiādisupi eseva nayo. Sabbaṃ etassa atthīti sabbavā, tassa **sabbāvato**. Avayavāyavisambandhe avayavini sāmivacananti avayavīvisayo **sabbasaddo**, tasmā vuttaṃ “**sabbakoṭṭhāsavato**”ti. **Aphuṭṭaṃ nāma na hoti** yattha yattha kammajarūpaṃ, tattha tattha cittaṃjarūpassa abhibhāpanato. Tenāha “**upādinnaṃkasantati**”tiādi.

**227. Chetoti** kusalo. Taṃ panassa kosallaṃ nhāniyacuṇṇānaṃ sannane piṇḍīkaṇe ca samatthāvasena veditabbanti āha “**paṭibalo**”tiādi. **Kaṃsa-saddo** “mahatīyā kaṃsapātiyā”tiādisu suvaṇṇe āgato.

“Kaṃso upahato yathā”tiādisu (dha. pa. 134) kittimalohe, katthaci paṇṇattimatte “upakaṃso nāma rājāpi mahākāṃsassa atrajo”tiādi, [jā. aṭṭha. 4.10 ghaṭapaṇḍitajātakavaṇṇanāyaṃ (atthato samānaṃ)] idha pana yattha katthaci loheti āha “**yena kenaci lohena katabhājane**”ti. **Snehānugatāti udakasinehena** anupavisanavasena gatā upagatā. **Snehaparetāti** udakasinehena parito gatā samantato phuṭṭhā, tato eva **santarabāhirā** phuṭṭhā sinehena, etena sabbaso udakena temitabhāvamāha. “**Na ca paggharaṇi**”ti etena tintassapi tassa ghanathaddhabhāvaṃ vadati. Tenāha “**na ca binduṃ bindu**”ntiādi.

### Dutiyajjhānakathāvaṇṇanā

229. Tāhi tāhi udakasirāhi ubbhijjatīti ubbhidaṃ, ubbhidaṃ udakaṃ etassāti **ubbhidodako. Ubbhinnaudakoti** nadīṭire khatakūpako viya ubbhijjanakaudako. **Uggacchanakaudakoti** dhārāvāsena utṭhahanaudako. Kasmā panettha ubbhidodakova rahado gahito, na itaroti āha “**heṭṭhā uggacchanaukadañhi**”tiādi. **Dhārānipātapubbūlakehī** dhārānipātehi udakapubbūlakehi ca, “pheṇapaṭalehi cā”ti vattabbaṃ. **Sannisinnamevāti** aparikkhobhatāya niccalameva, suppasannamevāti adhippāyo. **Sesanti** “abhisandeti”tiādikaṃ.

### Tatijajjhānakathāvaṇṇanā

231. **Uppalānīti** uppalagacchāni. **Setarattanīlesūti** uppalesu, setuppalarattuppalanīluppalesūti attho. **Yaṃ kiñci uppalaṃ uppalameva** sāmāññagahaṇato. **Satapattanti** ettha **sata**-saddo bahupariyāyo “satagghī”tiādīsu viya, tena anekasatapattassapi saṅgaho siddho hoti. Loke pana “rattaṃ padumaṃ, setaṃ puṇḍarīka”ntipi vuccati. Yāva aggā, yāva ca mūlā udakena abhisandanādisambhavadassanattaṃ **udakānuggataggahaṇaṃ**. Idha uppalādīni viya karajakāyo, udakaṃ viya tatiyajjhānasukhaṃ.

### Catutthajjhānakathāvaṇṇanā

233. Yasmā “parisuddhena cetasā”ti catutthajjhānacittamāha, tañca rāgādiupakkilesāpagamanato nirupakkilesaṃ nimmalaṃ, tasmā āha “**nirupakkilesaṭṭhena parisuddha**”nti. Yasmā pana pārisuddhiyā eva paccayavisesena pavattiviseso pariyodātā suvaṇṇassa nighaṃsanena pabhassaratā viya, tasmā āha “**pabhassaratṭhena pariyodātanti veditabba**”nti. **Idanti** odātavacanaṃ. **Utupharaṇatthanti** uṇhautuno pharaṇadassanattaṃ. **Utupharaṇaṃ na hoti** savisesanti adhippāyo, tenāha “**tañkhaṇa...pe... balavaṃ hoti**”ti. **Vatthaṃ viya karajakāyoti** yogino karajakāyo vatthaṃ viya daṭṭhabbo utupharaṇasadisena catutthajjhānasukhena pharitaḥabbatā. Purisassa sarīraṃ viya catutthajjhānaṃ daṭṭhabbaṃ utupharaṇatṭhāniyassa sukhassa nissayabhāvato, tenāha “**tasmā**”tiādi. Ettha ca “parisuddhena cetasā”ti ceto gahaṇena jhānasukhaṃ vuttanti daṭṭhabbaṃ, tenāha “**utupharaṇaṃ viya catutthajjhānasukha**”nti. Nanu ca catutthajjhāne sukhameva natthīti? Saccāṃ natthi sātakkhaṇasantasabhāvattā panettha upekkhā “sukha”nti adhippetā. Tena vuttaṃ **sammohavinodaniyaṃ** “upekkhā pana santattā, sukhamicceva bhāsītā”ti. (Vibha. aṭṭha. 232; visuddhi. 2.644; paṭi. ma. 105, mahāni. aṭṭha. 27)

**Na arūpajjhānalābhīti na veditabbo** avinābhāvato, tenāha “**na hī**”tiādi. Tattha **cuddasahākārehīti** kasiṇānulomato, kasiṇapaṭilomato, kasiṇānulomapaṭilomato, jhānānulomato, jhānapaṭilomato, jhānānulomapaṭilomato, jhānukkantikato, kasiṇukkantikato, jhānakasiṇukkantikato, aṅgasaṅkantito, ārammaṇasaṅkantito, aṅgārammaṇasaṅkantito, aṅgavavattānato, ārammaṇavavattānatoti imehi cuddasahākārehi. Satipi jhānesu āvajjanādivasībhāve ayaṃ vasībhāvo abhiññānibbattane ekantena icchitabboti dassento āha “**na hi...pe... hoti**”ti. Svāyaṃ nayo arūpasamāpattīhi vinā na ijhatīti tāyapettha avinābhāvo veditabbo. Yadi evaṃ kasmā pāliyaṃ na arūpajjhānāni āgatānīti? Visesato ca rūpāvacaracatutthajjhānapādakattā sabbābhiññānaṃ tadantogadhā katvā tāya desitā, na arūpāvacarajjhānaṃ idha anupayogato, tenāha “**arūpajjhānāni āharitvā kathetabbāni**”ti.

### Vipassanāññakathāvaṇṇanā

234. **Sesanti** “evaṃ samāhite citte”tiādīsu vattabbaṃ. Ñeyyaṃ jānātīti ñāṇaṃ, taṃ pana ñeyyaṃ paccakkhaṃ katvā passatīti dassanaṃ, ñāṇameva dassananti ñāṇadassanaṃ. Tayidaṃ ñāṇadassanapadaṃ sāsane aññattha ñāṇaviseso nirūḷhaṃ, taṃ sabbaṃ atthuddhārāvāsena dassento “**ñāṇadassananti maggaññāmpī vuccati**”tiādīmāha. Yasmā vipassanāññāṇaṃ tebhūmakasaṅkhāre aniccādito jānāti, bhaṅganupassanato paṭṭhāya paccakkhato ca te passatī tasmā āha “**idha pana...pe... ñāṇadassananti vutta**”nti.

**Abhinīharatīti** vuttanayena aṭṭhaṅgasamannāgate tasmīṃ citte vipassanākkamena jāte vipassanābhimukhaṃ peseti, tenāha “**vipassanā...pe... karoti**”ti. Tadabhimukhabhāvo eva hissa tanninnatādikaratā. **Vuttoyeva** brahmajāle. Odanakummāsehi upacīyatīti **odanakummāsūpacayo. Aniccadhammoti** pabhaṅgutāya addhuvāsabhāvo. **Duggandhavighātathāyāti** sarīre duggandhassa viyamāya. **Ucchādanadhammoti** ucchādetabbatāsabhāvo. Ucchādanena hi sarīre sedagūthapittasemhādidhātukkabhagaruḥbhāvaduggandhānaṃ apagamaṃ hoti. Mahāsambhānaṃ mallādīnaṃ bāhuvaddhānādīatthaṃ hotīti “**khuddakasambhānenā**”ti vuttaṃ. **Parimaddanadhammoti** parimadditabbatāsabhāvo. **Bhijjati ceva vikirati cāti** aniccatāvāsena bhijjati ca bhinnañca kiñci payojanaṃ asādhentaṃ vippakīṇaṃ hoti. **Rūpīti** attano paccayabhūtena utuāhāralakkaṇena rūpavāti ayamettha attho icchitoti āha “**chahi padehi samudayo kathito**”ti. Saṃsagge hi ayamīkāro. **Sanṭhānasampādanampi** tathārūparūpuppādaneneva hotīti ucchādanaparimaddanapadehipi samudayo kathitoti vuttaṃ. Evaṃ navahi yathārahaṃ kāye samudayavayadhammānupassitā dassitā. **Nissitañca** chaṭṭhavatthunissitattā vipassanāññāssa. **Paṭibaddhañca** tena vinā appavattanato, kāyasaññitānaṃ rūpadhammānaṃ ārammaṇakaraṇato ca.

235. Suṭṭhu bhāti obhāsātīti **subho**, pabhāsampattiyāpi maṇino bhaddatāti āha “**subhoti sundaro**”ti. Kuruvindajāti ādijātivisesopi maṇino ākaraparissuddhimūlako evāti āha “**parissuddhākarasamuṭṭhito**”ti dosanīharaṇavasena parikkammaṇipphattīti āha “**suṭṭhu kataparikkammo apanītapāsāṇasakkharo**”ti. Chaviyā saṅghabhāvenassa acchātā, na saṅghātassāti āha “**acchoti tanucchavī**”ti, tenāha “**vippasanno**”ti. **Dhovanavedhanādīhīti** catūsu pāsāṇesu dhovanena ceva kālakādiapaharaṇatthāya suttena āvunanatthāya ca vijjhanena. Tāpasasāhakarāṇādīnaṃ saṅgaho **ādi-saddena**. **Vaṇṇasampattinti** suttassa vaṇṇasampattim. **Maṇi viya karajakāyo** paccavekkhitabbato. **Āvutasuttaṃ viya vipassanāñāṇaṃ** anupavisitvā ṭhitattā. **Cakkhumā puriso viya vipassanālābhī bhikkhu** sammadeva dassanato. **Tadārammaṇānanti** rūpadhammārammaṇānaṃ. Phassapañcamakacittacetasiaggahaṇena gahitadhammāpi vipassanācittupādapariyāpannā evāti vedittabbam. Evañhi tesam vipassanāñāṇagatikattā “**āvutasuttaṃ viya vipassanāñāṇa**”nti vacanaṃ avirodhitam hoti. Kiṃ panete ñāṇassa āvi bhavanti, udāhu puggalassāti? Ñāṇassa. Tassa pana āvibhāvattā puggalassa āvibhūtā nāma honti. **Ñāṇassāti** ca paccavekkhañāñāṇassa.

Maggañāṇassa anantaram, tasmā lokiyābhiññānaṃ parato chaṭṭhābhiññāya purato vattabbam vipassanāñāṇaṃ. **Evaṃ santepīti** yadipāyaṃ ñāṇānupubbī, evaṃ santepi. **Etassa antarāvāro natthīti** pañcasu lokiyābhiññāsu kathitāsu ākaṅkheyyasuttādīsu (ma. ni. 1.65) viya chaṭṭhābhiññā kathetabbāti etassa anabhiññālakkaṇassa vipassanāñāṇassa tāsam antarāvāro na hoti. **Tasmā** tattha avasārahāvato **idheva** rūpāvacaracattatthajjhānānantameva **dassitam** vipassanāñāṇaṃ. **Yasmā cāti ca-saddo** samuccayatto, tena na kevalam tadeva, atha kho idampi kāraṇam vipassanāñāṇassa idheva dassaneti imamattham dīpeti. **Dibbena cakkhunā bheravampi rūpaṃ passatoti** ettha “iddhividhañāṇena bheravam rūpaṃ nimminivā cakkhunā passato”tipi vattabbam, evampi abhiññālābhino aparīññāvatatthukassa bhayaṃ santāso uppajjati. Uccāvālikavāsi mahānāgattherassa viya. **Pāṭiyekkam sandiṭṭhikam sāmāññaphalaṃ**. Tenāha bhagavā –

“Yato yato sammasati, khandhānaṃ udayabbayaṃ;  
Labhatī pītipāmojjam, amataṃ taṃ vijānata”ntiādi. (dha. pa. 374);

### Manomayiddhiññānakathāvaṇṇanā

236-7. **Manena nibbattitanti** abhiññāmanena nibbattitam. Hatthapādādi **aṅgehi ca** kapparaṇaṇṇuādi **paccaṅgehi ca**. **Saṅghānavasenāti** kamaladalādīsāsāṅghānamattavasena, na rūpābhigāhārahābhūtappasādiindriyavasena. **Sabbākārehi** vaṇṇasaṅghānaavayavavisesādisabbākārehi. **Tena** iddhimatā. **Sadisabhāvadassanattamevāti** saṅghānatopi vaṇṇatopi avayavavisesatopi sadisabhāvadassanattameva. **Sajātiyaṃ ṭhito**, na nāgiddhiyā aññajātirūpo.

### Iddhividhaññādikathāvaṇṇanā

239. **Suparikammakatamattikādayo viya iddhidhaññāṇaṃ** vikubbanakiriyāya nissayabhāvato.

241. **Sukhanti** akicchena, akasirenāti attho.

243. Mando uttānaseyyakadārakopi “daharo”ti vuccatīti tato visesanattham “**yuvā**”ti vuttam. Yuvāpi koci anicchanako amaṇḍanaajātikō hotīti tato visesanattham “**maṇḍanakajātikō**”tiādi vuttam, tenāha “**yuvāpīti**”ādi. Kālatilappamāṇā bindavo **kālatilakāni kālā** vā kammāsā, tilappamāṇā bindavo **tilakāni**. **Vaṅgam** nāma viyaṅgam. Yobbanapīlakādayo **mukhadūsipīlakā**. Mukhagato doso **mukhadoso**, lakkhaṇavacanañcetam mukhe adosassāpi pākāṭabhāvassa adhippetattā. Yathā vā mukhe doso, evam mukhe adosopi mukhadoso saralopena. Mukhadoso ca mukhadoso ca **mukhadosoti** ekasesanayenapettha attho daṭṭhabbo. Evañhi “paresam soḷasavidham cittaṃ pākāṭam hotī”ti vacanaṃ samatthitam hoti.

245. **Pubbenivāsaññāpamāyanti** pubbenivāsaññāṇassa dassitaupamāyaṃ. Taṃ divasaṃ katakiriyā nāma pākātikasattassapi yebhuyyena pākāṭā hotīti dassanattam **taṃdivasa**-ggahaṇam kataṃ. **Taṃdivasagatagāmataya**-ggahaṇeneva mahābhinihārehi aññesampi pubbenivāsaññālakkaṇaṃ tīsu bhavesu katakiriyā yebhuyyena pākāṭā hotīti dīpanti daṭṭhabbam.

247. **Aparāparam sañcaranteti** taṃtaṃkiccavasena ito cito ca sañcarante. Yathāvuttapāsādoviya **bhikkhuno karajakāyo daṭṭhabbo** tattha paṭiṭṭhitassa daṭṭhabbadassanasiddhito. Cakkhumato hi dibbacakkhusamadhigamo. Yathāha “maṃsacakkhussa uppādo, maggo dibbassa cakkhuno”ti (itīvu. 61). **Cakkhumā puriso viya ayameva dibbacakkhum patvā ṭhito bhikkhu** daṭṭhabbassa dassanato. **Geham pavisantā viya** etaṃ attabhāvageham okkamantā, upapajantāti attho. **Gehā nikkhamantā viya** etasmā attabhāvagehato pakkantā, cavantāti attho. Evaṃ vā ettha attho daṭṭhabbo. **Aparāparam sañcaranākasattāti** pana punappunaṃ saṃsāre paribbhamantā sattā. “**Tattha tattha nibbattasattā**”ti pana iminā tasmim bhave jātasamvaddhe satte vadati. Nanu cāyaṃ dibbacakkhuññānakathā, ettha kasmā “tīsu bhavesū”ti catuvokārabhavassāpi saṅgaho katoti āha “**idañcā**”tiādi. Tattha **idanti** “tīsu bhavesu nibbattasattāna”nti idaṃ vacanaṃ. **Desanāsukhatthamevāti** kevalam desanāsukhattham, na catuvokārabhave nibbattasattānaṃ dibbacakkhuno āvibhāvasabbhāvato. Na hi “ṭhapetvā arūpabhava”nti vā “dvīsu bhavesū”ti vā vuccamāne desanā sukhāvabodhā ca hotīti.

## Āsavakkhayañānakathāvaṇṇanā

**248. Vipassanāpādakanti** vipassanāya padaṭṭhānabhūtaṃ. Vipassanā ca tividhā vipassakapuggalabhedena. Mahābodhisattānañhi paccekabodhisattānañca vipassanā cintāmayañāsaṃvaddhitā sayambuññābhūta, itaresaṃ sutamayañāsaṃvaddhitā paropadesasambhūta nāma. Sā “ṭhapetvā nevasaññānāsaññāyatanaṃ avasesarūpārūpajjhānānaṃ aññatarato vuṭṭhāyā” tiadinā anekadhā, arūpamukhavasena catudhātuvavatthāne vuttānaṃ tesam tesam dhātupariggahamukhānañca aññataramukhavasena anekadhā ca visuddhimagge nānāyato vibhāvītā. Mahābodhisattānaṃ pana catuvīsatiakoṭṭisatasahassamukhena pabhedagamanato nānāyamaṃ sabbaññutañāsaṃnissayassa ariyamaggañāsa adhiṭṭhānabhūtaṃ pubbhāgañāsaṃgabbhaṃ gaṇhāpentamaṃ pariṇatamaṃ gacchantamaṃ paramagambhīraṃ saṃhasukhumataram anaññasādhāraṇamaṃ vipassanāñāsaṃ hoti, yaṃ aṭṭhakathāsu “mahāvajirañāsa”nti vuccati. Yassa ca pavattivibhāgena catuvīsatiakoṭṭisatasahassappabhedassa pādakabhāvena samāpajjyamānā catuvīsatiakoṭṭisatasahassasaṅkhyā devasikaṃ satthu vaḷaṅjanakasamāpattiyo vuccanti, svāyamaṃ buddhānaṃ vipassanācāro **paramatthamañjusaṃyamaṃ** visuddhimaggasaṃvaṇṇanāyamaṃ (visuddhi. ṭī. 1.216) uddesato dassito. Atthikehi tato gahetabbo, idha pana sāvakānaṃ vipassanā adhippetā.

**Āsavānaṃ khayañāyāti** āsavānaṃ khepanato samucchindanato āsavakkhaya, ariyamaggo, tattha ñānaṃ āsavānaṃ khayañānaṃ, tadatthamaṃ tenāha “**āsavānaṃ khayañānanibbattanatthāyā**”ti. Āsavā ettha khīyanti **āsavānaṃ khayō** nibbānaṃ. Khepeti pāpadhammeti **khayo**, maggo. So pana pāpakkhayo āsavakkhayaena vinā natthīti “khaye ñāna”nti ettha khayaggahaṇena āsavakkhaya vuttoti āha “**khaye ñāna**”ntiādi. Samitapāpo samaṇoti katvā āsavānaṃ khīṇatā samaṇo nāma hotīti āha “**āsavānaṃ khayā samaṇo hotīti ettha phala**”nti. Āsavavaḍḍhiyā saṅkhāre vaḍḍhento visaṅkhārato suvidūravīdūroti “ārā so āsavakkhaya”ti ettha āsavakkhayaṇaṃ visaṅkhārādhivacananti āha “**āsavakkhayaṇi ettha nibbānaṃ vutta**”nti. **Bhaṅgoti** āsavānaṃ khaṇanīrodho “āsavānaṃ khayō”ti vuttoti yojanā.

“**Idamaṃ dukkha**”nti dukkhassa ariyasaccassa tadā bhikkhuno paccakkhato gahitabhāvadassanaṃ. “**Ettakamaṃ dukkha**”nti tassa paricchijjaggaṇitabhāvadassanaṃ. “**Na ito bhīyō**”ti tassa anavasesetvā gahitabhāvadassanaṃ. Tenāha “**sabbampi dukkhasacca**”ntiādi. **Sarasalakkhaṇapaṭivedhenāti** sabhāvasaṅkhātassa lakkhaṇassa asammohato paṭivijjhanena, asammohapaṭivedhoti ca. Yathā tasmañ ñāṇe pavatte pacchā dukkhasaccassa sarūpādiparicchede sammoho na hoti, tathā pavatti, tenāha “**yathābhūtaṃ pajānāti**”ti. Dukkhaṃ samudeti etasmāti dukkhasamudayo, taṇhāti āha “**tassa ca**”tiādi. **Yamaṃ ṭhānaṃ patvāti** yamaṃ nibbānaṃ maggassa ārammaṇapaccayaṭṭhena kāraṇabhūtaṃ āgamma, “patvā”ti ca tadubhayavato puggalassa patti tadubhayassa patti viyāti katvā vuttaṃ. **Patvāti** vā pāpuṇanahetu. **Appavattīti** appavattinimittaṃ, te vā nappavattanti etthāti **appavatti**, nibbānaṃ. **Tassāti** dukkhanīrodhassa. **Sampāpakanti** sacchikaraṇavasena sammadeva pāpakaṃ.

**Kilesavasenāti** āvasaṅkhātakilēvasena. Yasmā āsavānaṃ dukkhasaccapariyāyo tappariyāpannattā, sesasaccānañca taṃsamudayādipariyāyo atthi, tasmā vuttaṃ “**pariyāyato**”ti. Dassento saccānti yojanā. Āsavānaṃyeva cettha gahaṇamaṃ “āsavānaṃ khayañāyā”ti āradhattā. Tathā hi “kāmāsavāpi cittaṃ vimuccatī”tiadinā (dī. ni. 1.248; ma. ni. 1.433; ma. ni. 3.19) āsavavimuttisīseneva sabbakilēsavimutti vuttā. “**Idamaṃ dukkhanti yathābhūtaṃ pajānāti**”tiadinā missakamaggo idha kathitoti “**saha vipassanāya koṭṭipattaṃ maggaṃ kathesī**”ti vuttaṃ. “**Jānato passato**”ti iminā pariññāsacchikiriyābhāvanābhīsamayā vuttā. “**Vimuccatī**”ti iminā pahānābhīsamayo vuttoti āha “**iminā maggakkhaṇamaṃ dassetī**”ti. “**Jānato passato**”ti vā hetuiddesoyamaṃ. Jānanahetu dassanahetu kāmāsavāpi cittaṃ vimuccatīti yojanā. Dhamañāñhi samānakālikānampi paccayappaccayuppannatā sahaṇātakotiṇi labbhatīti. Bhavāsavaggaṇena cettha bhavarāgassa viya bhavaditthiyāpi samavarodhoti ditthāsavassāpi saṅgaho daṭṭhabbo. **Khīṇā jātītiādihi** padehi. **Tassāti** paccavekkhañāñāsa. **Bhūminti** pavattitthānaṃ.

Yenādhīppāyena “katamā panassā”tiadinā codanā katā, taṃ vivaranto “**na tāvassā**”tiādimāha. Tattha **na tāvassa atīti jāti khīṇā** maggabhāvanāyāti adhippāyo. Tattha kāraṇamāha “**pubbeva khīṇatā**”ti. Na anāgatā assa jāti khīṇāti yojanā. **Na anāgatāti** ca anāgatabhāvasāmaññaṃ gahetvā lesena codeti, tenāha “**anāgate vāyāmābhāvato**”ti. Anāgataviseso panettha adhippeto, tassa ca khepane vāyāmopi labbhateva, tenāha “**yā pana maggassā**”tiādi. **Ekacatuṇṇavokārahavesūti** bhavattayaggaṇamaṃ vuttanayena anavasesato jātiyā khīṇabhāvadassanattaṃ. **Tanti** yathāvuttaṃ jātiṃ. **Soti** khīṇāsavo bhikkhu.

Brahmacariyavāso nāma ukkaṭṭhaniddesena maggabrahmacariyassa nibbattaṃ evāti āha “**parivuttha**”nti. Sammāditthiyā catūsu saccesu pariññādikiccasādhānavasena pavattamānāya sammāsankappādīnampi dukkhasacce pariññābhīsamayānugūṇā pavatti, itarasaccesu ca nesaṃ pahānābhīsamayādīpavatti pākāṭā eva, tena vuttaṃ “**catūsu saccesu catūhi maggehi pariññāpahānasacchikiriyābhāvanāvasenā**”ti. Dukkhanīrodhamaggesu pariññāsacchikiriyābhāvanā yāvadeva samudayappahānatthāyāti āha “**tena tena maggena pahātabbakesā pahīnā**”ti. **Itthattāyāti** ime pakārā itthaṃ, tabbhāvo itthattaṃ, tadatthanti vuttaṃ hoti. Te pana pakārā ariyamaggabyāpārābhūta pariññādayo idhādhīppetāti āha “**evamaṃ soḷasakiccabhāvāyā**”ti. Te hi maggaṃ paccavekkhato maggañubhāvena pākāṭā hutvā upaṭṭhahanti, pariññādisu ca pahānameva padhānaṃ tadatthattā itaresanti āha “**kilesakkhaya bhāvāyā vā**”ti. Pahānakilesapaccavekkhaṇavasena vā evamaṃ vuttaṃ. Dutiyavikappe **itthattāyāti** nissakke sampadānavacananti āha “**itthabhāvato**”ti. **Aparanti** anāgatamaṃ. **Ime pana** carimakatabhāvasaṅkhātā **pañcakkhandhā pariññātā tiṭṭhanti**, etena



tesaṃ appatiṭṭhatam dasseti. Apariññāmulikā hi patiṭṭhā. Yathāha “kabaḷikāre ce bhikkhave āhāre atthi rāgo atthi nandi atthi taṇhā, patiṭṭhitam tattha viññāṇam virūḷha”ntiādi. (Saṃ. ni. 2.64; kathā. 296; mahāni. 7) tenevāha “**chinnamūlakā rukkhā viyā**”tiādi.

**249. Pabbatamatthaketi** pabbatasikhare. Tañhi yebhuyyena saṅkhittam saṅkucitam hotti pāḷiyam “pabbatasāṅkhepe”ti vuttam. Pabbatapariyāpanno vā padeso **pabbatasāṅkhepo**. **Anāviloti** akālusiyō, sā cassa anāvilatā kaddamābhāvena hotti āha “**nikkaddamo**”ti. **Sippiyoti** suttio. **Sambukāti** saṅkhalikā. **Ṭhitāsūpi nisinnāsūpi** gāvīsu. **Vijjamānāsūti** labbhamānāsu, itarā ṭhitāpi nisinnāpi “carantī”ti vuccanti saḥcaraṇanayena. **Ṭiṭṭhantameva**, na pana kadācīpi carantam. **Dvayanti** sippisambukam, macchagumbanti idam ubhayam. **Ṭiṭṭhantanti vuttam** carantam pīti adhippāyo. “**Itarañca dvaya**”nti ca yathāvuttameva sippisambukādidvayam vadati. Tañhi caratīti. Kiṃ vā imāya saḥcariyāya, yathālābhaggaṇam panettha daṭṭhabbam. Sakkharakathalassa hi vasena ṭiṭṭhantanti. Sippisambukassa macchagumbassa ca vasena ṭiṭṭhantampi carantam pīti yojanā kātābbā.

**Tesaṃ** dasannam nāṇānam. **Tatthāti** tasmim ārammaṇavibhāge, tesu vā nāṇesu. Bhūmibhedato, kālabhedato, santānabhedato cāti **sattavidhārammaṇam vipassanāñāṇam**. “**Rūpāyatanaṃ mattamevā**”ti idam tassa nāṇassa abhinimmiyamāne manomaye kāye rūpāyatanaṃ evārabha pavattanato vuttam, na tattha gandhāyatam ādīnam abhāvato. Na hi rūpakalāpo gandhāyatam ādirahito atthi. Parinipphannaṃ nimmittarūpam, tenāha “**parittapaccuppānabhiddhārammaṇa**”nti. Asavakkhayañāṇam nibbānārammaṇameva samānam parittattikavasena appamānārammaṇam, ajjhāttattikavasena bahiddhārammaṇam, atīttattikavasena navattabbārammaṇaṇca hotti āha “**appamānabhiddhānavattabbārammaṇa**”nti. Kūṭo viya kūṭāgārassa bhagavato desanāya arahattam uttamaṅgabhūtantī āha “**arahattanikūṭena**”ti. **Desanam niṭṭhāpesīti** titthakaramataharavibhāvinim nānāvīdhakuhalanapanādīmicchājīvaiddhamsinim tividhasīlāṅkatam paramasallekhapaṭipattidīpanim jhānābhīññādiuttarimanussadhammavibhūsitam cuddasavidhamahāsāmaññaphalapaṭimaṇḍitam anaññāsādhāraṇam desanam niṭṭhāpesi.

#### Ajātasattuupāsakattapaṭivedanākathāvaṇṇanā

**250. Ādimajjhāpariyosānanti** ādiñca majjhañca pariyosānañca. **Sakkaccaṃ** sagāraṇam. **Āraddham** dhammasaṅgāhakehi.

**Abhikkantā** viḡatāti atthoti āha “**khaye dissati**”ti. Tathā hi “nikkhanto paṭhamo yāmo”ti upari vuttam. **Abhikkantataroti** ativiya kantataro manoramo, tādiso ca sundaro bhaddako nāma hotti āha “**sundare dissati**”ti. **Koti** devanāgayakkhagandhabbādīsu ko katamo. **Meti** mama. **Pādānti** pāde. **Iddhiyāti** imāya evarūpāya deviddhiyā. **Yasasāti** iminā edisena parivārena, pariḡanena ca. **Jalanti** vijjotamāno. **Abhikkantenāti** ativiya kantena kamañiyena abhirūpena. **Vaṇṇenāti** chavivaṇṇena sarīraṇaṇibhāya. **Sabbā obhāsayam disāti** dasapi disā pabhāsento cando viya, sūriyo viya ca ekobhāsam ekālokaṃ karontoti gāthāya attho. **Abhirūpeti** uḷārarupe sampannarupe.

“Coro coro, sappo sappo”tiādīsu **bhaye āmeditam**, “vijjha vijjha, pahara paharā”tiādīsu **kodhe**, “sādhu sādhu tiādīsu (ma. ni. 1.327; saṃ. ni. 2.127; 3.35; 5.1005) **pasamsāyam**, “gaccha gaccha, lunāhi lunāhi”tiādīsu **turite**, “āgaccha āgacchā”tiādīsu **kotūhale**, “buddho buddhoti cintento”tiādīsu (bu. vaṃ. 44) **acchare**, “abhikkamathāyasmanto abhikkamathāyasmanto”tiādīsu (dī. ni. 3.20; a. ni. 9.11) **hāse**, “kaḥam ekaputtaka kaḥam ekaputtakā”tiādīsu (saṃ. ni. 2.63) **soke**, “aho sukham aho sukha”ntiādīsu (udā. 20; dī. ni. 3.305; cūḷava. 332) **pasāde**. **Ca**-saddo avuttasamuccayatto, tena garahāsammānādīnam saṅgaho daṭṭhabbo. Tattha “pāpo pāpo”tiādīsu **garahāyam**, “abhirūpaka abhirūpakā”tiādīsu **asammāne** daṭṭhabbam.

Nayidam āmeditavasena dvikkhattam vuttam, atha kho atthadvayavasenāti dassento “**atha vā**”tiādīmāha “abhikkanta”nti vacanam apekkhitvā napuṃsakaliṅgavasena vuttam. Tam pana bhagavato vacanam dhammasa desanāti katvā tathā vuttam. Atthamattadassanam vā etam, tasmā atthavasenettha liṅgavibhattipariṇāmo veditabbo. Dutiyapadepi eseva nayo. **Dosanāsanatoti** rāgādīkilesavidhamanato. **Guṇādhigamanatoti** sīlādīguṇānam sampādanato. Ye guṇe desanā adhigameti, tesu padhānabhūtā dassetabbāti te padhānabhūte tāva dassetam “**saddhājanato paññājanato**”ti vuttam. Saddhāpamukhā hi lokiyā guṇā paññāpamukhā lokuttarā. Sīlādīthasampattiyā **sāthato**. Sabhāvaniruttisampattiyā **sabyañjanato**. Suviññeyyasaddapayogatāya **uttānapadato**. Saṅhasukhumabhāvena dubbhīññeyyatthāyā **gambhīratthato**. Siniddhamudumadhurasaddapayogatāya **kaṇṇasukhato**. Vipulavisuddhapemañiyatthāyā **hadayaṅgamato**. Mānātimānavidhamanena **anattukkaṃsanato**. Thambhasārambhanimmaddanena **aparavambhanato**. Hitādhippāyappavattiyā, paresam rāgapariḷāhādīvūpagamanena ca **karuṇāsīlato**. Kilesandhakāraavidhamanena **paññāvadātato**. Karavīkarutamañjutāya **āpātharamañiyato**. Pubbāparāvīruddhasuvisuddhatāya **vimaddakkhamato**. Āpātharamañiyatāya eva **suyyamānasukhato**. Vimaddakkhamatāya, hitajjhāsāyappavattiyā ca **vīmaṃsiyamānahitato**. **Evamādīhīti** ādi-saddena saṃsāracakkānivatānato saddhammacakkappavattanato, micchāvādavidhamāsanato sammāvādapatiṭṭhāpanato, akusalāmūlasamuddharaṇato kusalamūlasaṃpropanato, apāyadvārapidhānato saggamaggadvāravivaraṇato, pariyoṭṭhānavūpasamanato anusayasamugghātanatoti evamādīnam saṅgaho daṭṭhabbo.

**Adhomukhaṭṭhapitanti** kenaci adhomukhaṃ ṭhapitaṃ. **Heṭṭhāmukhajātanti** sabhāveneva heṭṭhāmukhaṃ jātaṃ. **Ugghāṭṭeyyāti** vivaṭṭaṃ kareyya. **Hatthe gahetvā** “puratthābhimukho, uttarābhimukho vā gacchā”tiādinī avatvā hatthe gahetvā nissandehaṃ katvā. “Esa maggo, evaṃ gacchā”ti dasseyya. **Kālapakkhacātuddasīti** kālapakkhe cātuddasī. **Nikkujjitaṃ** ādheyassa anādhārabhūtaṃ bhājanaṃ ādhārabhāvāpādanavasena **ukkujjeyya**. Aññāpassa abhimukhattā heṭṭhāmukhajātātāya **saddhammavimukhaṃ** adhomukhaṭṭhapitātāya **asaddhamme patitanti** evaṃ padadvayaṃ yathārahaṃ yojettabbaṃ, na yathāsankhyaṃ. Kāmaṃ kāmacchandādayo paṭicchādakā nīvaraṇabhāvato, micchādīṭṭhi pana savisesaṃ paṭicchādikā satte micchābhīnivesanavasenāti āha “**micchādīṭṭhigahanapaṭicchanna**”nti. Tenāha bhagavā “micchādīṭṭhiparamāhaṃ bhikkhave vajjaṃ vadāmi”ti. Sabbo apāyagāmi maggo **kummaggo** kucchito maggoti katvā. Sammādīṭṭhiādīnaṃ ujupaṭipakkhatāya micchādīṭṭhiādāyo aṭṭha micchattadhammā micchāmaggā. Teneva hi tadubhayapaṭipakkhatā sandhāya “**saggamokkhamaggaṃ āvikarontenā**”ti vuttaṃ. Sappiādisanissayo padīpo na tathā ujjaḷo, yathā telasannissayoti **telapajjota**-ggahaṇaṃ. **Etehi pariyāyehīti** etehi nikkujjitukkujjanapaṭicchannavivaraṇādiupamopamitabbappakārehi, etehi vā yathāvuttehi nānāvidhakuhanalapanādīmicchājīvavīdhamanādivibhāvanapariyāyehi. Tenāha “**anekapariyāyena dhammo pakāsīto**”ti.

**Pasannakāranti** pasannehi kātabbaṃ sakkāraṃ. **Saraṇanti** paṭisaraṇaṃ, tenāha “**parāyaṇa**”nti. Parāyaṇabhāvo ca anathanisedhanena, atthasampaṭipādanena ca hotīti āha “**aghassa tātā, hitassa ca vidhātā**”ti. **Aghassāti** dukkhatoti vadanti, pāpatoti pana attho yutto, nissakke cetamaṃ sāmivacamaṃ. Ettha ca nāyaṃ **gamu**-saddo nī-saddādayo viya dvikammaṃ, tasmā yathā “ajaṃ gāmaṃ netī”ti vuccati, evaṃ “bhagavantaṃ saraṇaṃ gacchāmi”ti vuttaṃ na sakkā, “saraṇanti gacchāmi”ti pana vattabbaṃ. Iti-saddo cettha luttaniddiṭṭho. Tassa cāyamattho. Gamaṇāca tadadhippāyena bhajanaṃ jānanaṃ vāti dassento “**iminā adhippāyēnā**”tiādimāha. Tattha “**bhajāmi**”tiādisu purimassa purimassa pacchimaṃ pacchimaṃ atthavacanaṃ, **bhajanaṃ** vā saraṇādhippāyena upasaṅkamaṇaṃ, **sevanaṃ** santikāvacaratā, **payirupāsanaṃ** vattapaṭivattakaraṇena upaṭṭhānanti evaṃ sabbathāpi anaññasaraṇatamaṃyeva dīpeti. “**Gacchāmi**”ti padassa bujjhāmi ayamattho kathaṃ labbhatīti āha “**yesaṇhi**”tiādi.

“**Adhigatamagge sacchikatanirodhe**”ti padadvayenāpi phalaṭṭhā eva dassitā, na maggaṭṭhāti te dassento “**yathānusiṭṭhaṃ paṭipajjamāne cā**”tiādimāha. Nanu ca kalyāṇaputhujjanopi “yathānusiṭṭhaṃ paṭipajjati”ti vuccatīti? Kiñcāpi vuccati, nīpariyāyena pana maggaṭṭhā eva tathā vattabbā, na itaro niyāmokkamanābhāvato. Tathā hi te eva vuttā “**apāyesu apatamāne dhāretī**”ti. Sammattaniyāmokkamanena hi apāyavinimuttasambhavo. **Akkhāyati** ettha **iti**-saddo ādiattho, pakārattho vā, tena “yāvata bhikkhave dhammā saṅkhatā vā asaṅkhatā vā, virāgo tesamaṃ aggaṃ akkhāyati”ti (itivu. 90; a. ni. 4.34) suttapadaṃ saṅgaṇhāti, “**vitthāro**”ti vā iminā. Ettha ca **ariyamaggo** niyyānikatāya, **nibbānaṃ** tassa tadatthasiddhihetutūyāti ubhayameva nīpariyāyena “dhammo”ti vutto. Nibbānañhi ārammaṇapaccayabhūtaṃ labhivā ariyamagassa tadatthasiddhi. Tathāpi yasmā ariyaphalānaṃ “tāya saddhāya avūpasantāyā”tiādi vacanato maggena samuccinnānaṃ kilesānaṃ paṭipassaddhippahanakiccatāya, niyyānānugūṇatāya, niyyānapariyosānatāya ca, pariyaṭṭidhammassa pana “niyyānadhammassa samadhigamanahetutūyā”ti iminā pariyāyena vuttanayena dhammabhāvo labbhati eva. Svāyamattho pāṭhārūḷho evāti dassento “**na kevala**”ntiādimāha.

“Kāmarāgo bhavarāgo”ti evamādi bhedo sabbopi rāgo virajjati etenāti **rāgavirāgoti maggo kathito**. Ejāsāṅkhātāya taṇhāya, antonijjhānalakkhaṇassa sokassa ca taduppattiyamaṃ sabbaso parikkhīṇattā **anejaṃ asokanti phalaṃ kathitaṃ**. **Appaṭikūlanti** avirodhadīpanato kenaci aviruddhaṃ, iṭṭhaṃ paṇītaṃ vā attho. Paṇṇarūpena pavattitattā, pakatṭhagūṇavibhāvanato vā **paguṇaṃ**. Yathāha “vihimsasaññī paguṇaṃ na bhāsiṃ, dhammaṃ paṇītaṃ manujesu brahme”ti. (Ma. ni. 1.283; ma. ni. 2.339; mahāva. 9) sabbadhammakhandhā kathitāti yojanā.

**Dīṭṭhisīlasaṅghātenāti** “yāyaṃ dīṭṭhi ariyā niyyānikā niyyāti takkarassa sammā dukkhakkhayāya, tathārūpāya dīṭṭhiyā dīṭṭhisāmaññagato viharatī”ti (dī. ni. 3.324; ma. ni. 4.92; 3.54) evaṃ vuttāya dīṭṭhiyā, “yāni tāni sīlāni akhaṇḍāni acchiddāni asabalāni akammāsāni bhujissāni viññūppasatthāni aparamaṭṭhāni samādhisaṃvattanikāni, tathārūpehi sīlehi sīlasāmaññagato viharatī”ti (dī. ni. 3.323; ma. ni. 1.492; 3.54; a. ni. 6.11; pari. 274) evaṃ vuttānaṃ sīlānaṃ saṃhatabhāvena, dīṭṭhisīlasāmaññātenāti attho. **Samhatoti** ghaṭṭo, sametoti attho. Ariyapuggalā hi yattha katthaci dūre ṭhitāpi attano guṇasāmaggiyā saṃhatā eva. **Aṭṭha ca puggaladhammasā teti** te purisayugavasena cattāropi puggalavasena aṭṭheva ariyadhammassa paccakkhadassāvīṭāya dhammasā. Tṇi vatthūni “saraṇa”nti gamanena, tikkhattuṃ gamanena ca **tṇi saraṇagamanāni**. **Paṭivedesīti** attano hadayaṭṭaṃ vācāya pavedesi.

### Saraṇagamanakathāvaṇṇanā

Saraṇagamanassa visayappabhedaphalasaṃkilesabhedānaṃ viya kattu ca vibhāvanā tattha kosallāya hotīti “**saraṇagamanesu kosallatthaṃ saraṇaṃ...pe... veditabbo**”ti vuttaṃ tena vinā saraṇagamanasseva asambhavato. Kasmā panettha vodānaṃ na gahitaṃ, nanu vodānavibhāvanāpi tattha kosallāvahāti? Saccametamaṃ, taṃ pana saṃkilesaggahaṇeneva atthato dīpitaṃ hotīti na gahitaṃ. Yāni hi nesamaṃ saṃkilesakāraṇāni aññānādinī, tesamaṃ sabbena sabbamaṃ anuppannānaṃ anuppādanena, uppannānaṃca pahānena vodānaṃ hotīti. Hiṃsatthassa sara-saddassa vasenetamaṃ padaṃ daṭṭhabbanti “hiṃsatīti saraṇa”nti vatvā taṃ pana hiṃsanaṃ kesamaṃ kathaṃ kassa vāti codanaṃ sodhento “**saraṇatāna**”ntiādimāha. Tattha **bhayanti** vaṭṭabhayaṃ. **Santāsanti** cittutrāsaṃ teneva cetasi kadukkhassa gahitattā.

**Dukkanti** kāyikadukkhaṃ. **Duggatiparikilesanti** duggatipariyāpannaṃ sabbampi dukkhaṃ, tayidaṃ sabbam parato phalakatthāyaṃ āvibhavissati. **Etanti** “saraṇa”nti padaṃ.

Evaṃ avisesato saraṇa-saddassa atthaṃ dassetvā idāni visesato dassetuṃ “**atha vā**”tiādi vuttaṃ. **Hite pavattanena**ti “sammaṇasīlā bhikkhave viharathā”tiādinā (ma. ni. 1.64, 69) atthe niyojanena. **Ahitā ca nivattanena**ti. “Pāṇātipātassa kho pāpako vipāko, pāpakaṃ abhisamparāya”ntiādinā ādinavadassanādikumhena anattatho nivattanena. **Bhayaṃ hiṃsatīti** hitāhitesu appavattipavattihetukaṃ byasanaṃ appavattikaraṇena vināseti. Bhavakantārā uttāraṇena maggasaṅkhāto dhammo, itaro assāsādānena sattānaṃ bhayaṃ hiṃsatīti yojanā. **Kārānanti** dānavasena pūjāvasena ca upanītānaṃ sakkārānaṃ. Vipulaphalapaṭilābhakaraṇena sattānaṃ bhayaṃ hiṃsatīti yojanā, anuttaradakkhiṇeyyabhāvatoti adhippāyo. **Imināpi pariyaenāti** imināpi vibhajitvā vuttena kāraṇena.

“Sammāsambuddho bhagavā, svākkhāto dhammo, suppaṭipanno saṅgho”ti evaṃ pavatto tattha ratanattaye pasādo tappasādo, tadeva ratanattayaṃ garu etassāti taggaru tabbhāvo taggarutā, tappasādo ca taggarutā ca tappasādataggarutā, tāhi **tappasādataggarutāhi**. Vidhūtaditthivicikicchāsammohaassaddhiyāditāya **vihatakiḷeso**. Tadeva ratanattayaṃ parāyaṇaṃ parāgati tānaṃ leṇanti evaṃ pavattiyā **tapparāyaṇatākārappavatto cittuppādo saraṇagamaṇaṃ** saraṇaṃ gacchati etenāti. **Taṃsamaṅgīti** tena yathāvuttacittuppādena samannāgato. **Evaṃ upetīti** bhajati sevati payirupāsati, evaṃ vā jānāti bujjhatīti evamattho veditabbo. Ettha ca **pasāda**-ggahaṇena lokiyasaraṇagamaṇamāha. Tañhi pasādappadhānaṃ. **Garutāgahaṇena** lokuttaraṃ. Ariyā hi ratanattayaṃ guṇābhīññatāya pāsānacchattaṃ viya garuṃ katvā passanti. Tasmā tappasādena vikkhambhanavasena vigatakiḷeso, taggarutāya samucchedavasenaṃ yojetabbaṃ agāravakaraṇahetūnaṃ samucchindanato. Tapparāyaṇatā panettha taggatikatāti tāya catubbidhampi vakkhamānaṃ saraṇagamaṇaṃ gahitanti daṭṭhabbaṃ. Avisesena vā pasādagarutā jotitāti **pasādaggahaṇena** aveccappasādassa itarassa ca gahaṇaṃ, tathā **garutāgahaṇena**ti ubhayenāpi ubhayaṃ saraṇagamaṇaṃ yojetabbaṃ.

Maggakkhaṇe ijjhatīti yojanā. “**Nibbānārammaṇaṃ hutvā**”ti etena atthato catusaccādhigamo eva lokuttarasaraṇagamaṇanti dasseti. Tattha hi nibbānadhammo sacchikiriyābhisamayavasena, maggadhammo bhāvanābhisamayavasena paṭivijjhiyamānoyeva saraṇagamaṇatthaṃ sādheti. Buddhaguṇā pana sāvakagocarabhūtā pariññābhisamayavasena, tathā ariyasāṅhaguṇā, tenāha “**kiccato sakalepi ratanattaye ijjhati**”ti. Ijjhantaṅca saheva ijjhati, na lokiyaṃ viya patipāṭiyā asammohapaṭivedhena paṭividdhattāti adhippāyo. Ye pana vadanti “na saraṇagamaṇaṃ nibbānārammaṇaṃ hutvā pavattati. Maggassa adhigatattā pana adhigatameva hoti ekaccānaṃ tevijjādīnaṃ lokiyavijjādayo viyā”ti, tesam lokiyameva saraṇagamaṇaṃ siyā, na lokuttaraṃ, taṅca ayuttaṃ duvidhassāpi icchitabbatā.

**Tanti** lokiyaṃ saraṇagamaṇaṃ. **Saddhāpaṭilābho** “sammāsambuddho bhagavā”tiādinā. **Saddhāmūlikāti** yathāvuttasaddhāpubbaṅgamā sammādiṭṭhiti buddhasubbuddhataṃ, dhammasudhammataṃ, saṅghasuppaṭipattiṅca lokiyāvabodhavaseneva sammā nāyena dassanato. “**Saddhāmūlikā sammādiṭṭhi**”ti etena saddhūpanissayā yathāvuttalakkaṇā paññā lokiyasaraṇagamaṇanti dasseti, tenāha “**diṭṭhijukammaṃ vuccati**”ti. Diṭṭhi eva attano paccayehi uju karīyatīti katvā diṭṭhi vā uju karīyati etenāti **diṭṭhijukammaṃ**, tathā pavatto cittuppādo. Evaṅca katvā “tapparāyaṇatākārappavatto cittuppādo”ti idaṃ vacanaṃ samatthitaṃ hoti. Saddhāpubbaṅgamasammādiṭṭhiggahaṇaṃ pana cittuppādassa tappadhānatāyāti daṭṭhabbaṃ. “**Saddhāpaṭilābho**”ti iminā mātādīhi ussāhitadārakādīnaṃ viya nānavippayuttaṃ saraṇagamaṇaṃ dasseti, “**sammādiṭṭhi**”ti iminā nānasampayuttaṃ saraṇagamaṇaṃ. **Tayidaṃ** lokiyaṃ saraṇagamaṇaṃ. Attā sanniyāṭiyati appīyati pariccajīyati etenāti **attasanniyāṭanaṃ**, yathāvuttaṃ diṭṭhijukammaṃ. Taṃ ratanattayaṃ parāyaṇaṃ paṭisaraṇaṃ etassāti tapparāyaṇo, puggalo, cittuppādo vā. Tassa bhāvo **tapparāyaṇatā**, yathāvuttaṃ diṭṭhijukammameva. “Saraṇa”nti adhippāyena sissabhāvaṃ antevāsikabhāvaṃ upagacchati etenāti **sissabhāvūpagamaṇaṃ**. Saraṇagamaṇadhīppāyeneva paṇipatati etenāti **paṇipāto**. Sabbattha yathāvuttadiṭṭhijukammavaseneva attho veditabbo.

**Attapariccajananti** saṃsāradukkhanittharaṇatthaṃ attano attabhāvassa pariccajanaṃ. Eseva nayo sesesupi. **Buddhādīnaṃ yevāti** avadhāraṇaṃ attasanniyātanādīsupi tattha tattha vattabbaṃ. Evañhi tadaññanivattanaṃ kataṃ hoti.

Evaṃ attasanniyātanādīni ekena pakārena dassetvā idāni aparehipi pakārehi dassetuṃ “**apicā**”tiādi āradhamaṃ, tena pariyaṇantarehipi attasanniyātanādi katameva hoti atthassa abhinnattāti dasseti. **Ājavakādīnanti ādi**-saddena sātāgīrahemavatādīnaṃ saṅgaho daṭṭhabbo. Nanu cete ājavakādayo maggeneva āgatasaraṇagamaṇā, kathaṃ tesam tapparāyaṇatāsaraṇagamaṇaṃ vuttanti? Maggenāgatasaraṇagamaṇehipi. “So ahaṃ vicarissāmi...pe... sudhammataṃ” (saṃ. ni. 1.246; su. ni. 194) “te mayaṃ vicarissāma, gāma gāmaṃ nagā nagaṃ...pe... sudhammata”nti, (su. ni. 182) tehi tapparāyaṇatākārassa paveditattā tathā vuttaṃ.

**So panesa nāti...pe... vasesanti** ettha nātivaseṇa, bhayavasena, ācariyavasena, dakkhiṇeyyavasenaṃ paccekamaṃ yojetabbaṃ. Tattha **nātivasesanti** nātibhāvavasena. Evaṃ sesesupi. **Dakkhiṇeyyapaṇipātenāti** dakkhiṇeyyatāhetukena paṇipātena. **Itarehīti** nātibhāvādivasappavattehi tīhi paṇipātehi. “Itarehī”tiādinā saṅkhepato vuttamatthaṃ vitthāro dassetuṃ “**tasmā**”tiādi vuttaṃ. **Vandatīti** paṇipātassa lakkhaṇavacanaṃ. **Evarūpanti** diṭṭhadhammikaṃ sandhāya vadati. Samparāyikañhi niyyānikaṃ vā anusāsaṇiṃ paccāsisaṇto dakkhiṇeyyapaṇipātameva karotīti adhippāyo.

**Saraṇagamanappabhedoti** saraṇagamanavibhāgo.

Ariyamaggo eva lokuttaraṃ saraṇagamananti “**cattāri sāmāññaphalāni vipākaphala**”nti vuttaṃ. **Sabbadukkhakkhayoti** sakalassa vaṭṭadukkhassa anuppādanīrodho. **Etanti** “cattāri ariyasaccāni, sammappaññāya passatī”ti evaṃ vuttaṃ ariyasaccassa dassanaṃ.

**Niccādito anupagamanādivasenāti** “nicca”nti aggahaṇādivasena. **Aṭṭhānanti** hetupaṭikkhepo. **Anavakāsoti** paccayaṭikkhepo. Ubhayenāpi kāraṇameva paṭikkhipati. **Yanti** yena kāraṇena. **Diṭṭhisampannoti** maggadīṭṭhiyā samannāgato sotāpanno. **Kaṅci saṅkhāranti** catubhūmakeṣu saṅkhatasaṅkhāreṣu ekasaṅkhārampi. **Niccato upagaccheyyāti** “nicco”ti gaṇheyya. “**Sukhato upagaccheyyā**”ti. “Ekantasukhī attā hoti arogo paraṃ maraṇā”ti (dī. ni. 1.76) evaṃ attadiṭṭhivasena sukhato gāhaṃ sandhāyetaṃ vuttaṃ. Diṭṭhivippayuttacittena pana ariyasāvako pariṭāhāvūpasamanatthaṃ mattahatthiparittāsīto viya cakkhabrāhmaṇo ukkārabhūmiṃ **kaṅci saṅkhāraṃ sukhato upagacchati**. Attavāre kasiṇādīpaññattisaṅgahatthaṃ “saṅkhāra”nti avatvā “**kaṅci dhamma**”nti vuttaṃ. Imesupi vāreṣu catubhūmakavaseneva paricchedo veditabbo, tebhūmakavaseneva vā. Yaṃ yañhi puthujjano gāhavasena gaṇhāti, tato tato ariyasāvako gāhaṃ viniveṭheti.

“**Mātara**”ntiādīsu janikā **mātā**, janako **pitā**, manussabhūto khīṇāsavo **arahāti** adhippeto. Kiṃ pana ariyasāvako aññaṃ jīvīta voropeyyāti? Etampi aṭṭhānaṃ, puthujjanabhāvassa pana mahāsāvajjabhāvadassanattthaṃ, ariyasāvakassa ca phaladassanattthaṃ evaṃ vuttaṃ. **Duṭṭhacittoti** vadhakaccittena paduṭṭhacitto. **Lohitaṃ uppādeyyāti** jīvamānakasariṇe khuddakamakkhikāya pivanamattampi lohitaṃ uppādeyya. **Saṅghaṃ bhindeyyāti** samānasamvāsakaṃ samānasīmāyaṃ ṭhitaṃ saṅghaṃ. “Kamma, uddeṣena, voharanta, anussāvanena, salākaggāhenā”ti (pari. 458) evaṃ vuttehi pañcahi kāraṇehi bhindeyya. **Aññaṃ satthāranti** aññaṃ titthakaraṃ “ayaṃ me satthā”ti evaṃ gaṇheyya, netaṃ ṭhānaṃ vijjatīti attho. **Na te gamissanti apāyabhūminti** te buddhaṃ saraṇaṃ gatā taṃnimittaṃ apāyaṃ na gamissanti, devakāyaṃ pana paripūressantīti attho.

**Dasahi ṭhānehīti** dasahi kāraṇehi. **Adhigaṇhantīti** abhibhavanti. **Velāmasuttādivasenāpīti** ettha karīsassa catutthabhāgappamāṇānaṃ caturāsītisahassasaṅkhyānaṃ suvaṇṇapātīrūpiyapātikaṃsapātīnaṃ yathākkamaṃ rūpiyasuvaṇṇahiraññapūrānaṃ, sabbālaṅkārapaṭimaṇḍitānaṃ caturāsītīyā hatthisahassānaṃ, caturāsītīyā assasahassānaṃ, caturāsītīyā rathasahassānaṃ, caturāsītīyā dhenusahassānaṃ, caturāsītīyā kaññāsahassānaṃ, caturāsītīyā pallaṅkasahassānaṃ, caturāsītīyā vatthakoṭīyahassānaṃ, aparimāṇassa ca khajjabhojjādibhedassa āhārassa pariccajanavasena sattamāsādhikāni sattaṃvaccharāni niraṇṭaraṃ pavattavelāmamahādānato ekassa sotāpannassa dinnadānaṃ mahapphalataraṃ, tato sataṃ sotāpannānaṃ dinnadānato ekassa sakadāgāmino, tato ekassa anāgāmino, tato ekassa arahato, tato ekassa paccekabuddhassa, tato sammāsambuddhassa, tato buddhappamukkhassa saṅghassa dinnadānaṃ mahapphalataraṃ, tato cātuddisasaṅghaṃ uddissa vihārakaraṇaṃ, tato saraṇagamaṇaṃ mahapphalataraṃ imamattthaṃ pakāsentassa velāmasuttassa (a. ni. 9.20) vasena. Vuttañhetva “yaṃ gahapati velāmo brāhmaṇo dānaṃ adāsi mahādānaṃ, yo cekaṃ diṭṭhisampannaṃ bhojeyya, idaṃ tato mahapphalatara”ntiādī (a. ni. 9.20). **Velāmasuttādīti ādisaddena** aggappasādasuttādīnaṃ (a. ni. 4.34; itivu. 90) saṅgho daṭṭhabbo.

**Aññaṇaṃ** vatthuttayassa guṇānaṃ ajānaṃ, tattha sammoho. “Buddho nu kho, na nu kho”tiādīnaṃ vicikicchā **samsayo**. **Micchāññaṇaṃ** tassa guṇānaṃ aguṇabhāvaparikkappanena viparītaggāho. **Ādi**-saddena anādarāgāravādīnaṃ saṅgho. **Na mahājutikanti** na ujjalaṃ, aparisuddhaṃ apariyodātanti attho. **Na mahāvipphāranti** anulāraṃ. **Sāvajjoti** taṇhādīṭṭhādivasena sadoso, lokiyasaraṇagamaṇaṃ sikkhāsamādānaṃ viya aggahitakālaparicchedaṃ jīvitapariyantameva hoti, tasmā tassa khandhabhedena bhedoti āha “**anavajjo kālakiriyāyā**”ti. Soti anavajjo saraṇagamaṇabhedo. Satipi anavajjatte iṭṭhaphalopi na hotīti āha “**aphalo**”ti. Kasmā? **Avipākattā**. Na hi taṃ akusalanti.

**Ko upāsakoti** sarūpapucchā, kiṃlakkhaṇo upāsakoti vuttaṃ hoti. **Kasmāti** hetupucchā, tena kena pavattinimittena upāsaka-saddo tasmīṃ puggale nirūḷhoti dasseti, tenāha “**kasmā upāsakoti vuccati**”ti. Saddassa abhidheyye pavattinimittaṃ tadattassa tabbhāvakāraṇaṃ. **Kimassa silanti** kīdisaṃ assa upāsakassa sīlaṃ, kittakena sīlenāyaṃ sīlasampanno nāma hotīti attho. **Ko ājivoti** ko assa sammāājivo, so pana micchājīvassa parivajjanena hotīti sopi vibhajjati. **Kā vipattīti** kā assa sīlassa, ājīvassa vā vipattī. Anantarassa hi vidhi vā paṭisedho vā. **Sampattīti** etthāpi eseṃ nayo.

**Yo kocīti** khattiyādīsu yo kocī, tena saraṇagamaṇaṃ evaṃ kāraṇaṃ, na jāti ādivisesoti dasseti.

**Upāsanaṇoti** teneva saraṇagamaṇena, tattha ca sakkaccakiriyāya ādara gāravabahuṃnādiyogena payirupāsanaṇo.

**Veramaṇiyoti** veraṃ vuccati pāṇātipātādīdussīlyā, tassa maṇanaṇo hananaṇo vināsaṇato veramaṇiyo, pañca viratiyo viratipadhānattā tassa sīlassa, tenevāha “**paṭivirato hotīti**”ti.

**Micchāvaṇijjāti** na sammāvaṇijjā ayuttavaṇijjā asārūppavaṇijjā. **Pahāyāti** akaraṇeneva pajahitvā. **Dhammenāti** dhammato anapetena, tena aññaṃpi adhammikaṃ jīvikaṃ paṭikkhipati. **Samenāti** avisamena, tena kāyavisaṃ ādiduccaritaṃ

vajjetvā kāyasamādinā sucaritena jīvikam dasseti. **Satthavaṇijjāti** āvudhabhaṇḍam katvā vā kāretvā vā yathākataṃ vā paṭilabhivā tassa vikkayo. **Sattavaṇijjāti** manussavikkayo. **Maṃsavaṇijjāti** sūnakārādayo viya migasūkarādike posetvā maṃsaṃ sampādetvā vikkayo. **Majjjavaṇijjāti** yaṃ kiñci majjaṃ yojetvā tassa vikkayo. **Visavaṇijjāti** viṣaṃ yojetvā vā viṣaṃ gaḥetvā vā tassa vikkayo. Tatha satthavaṇijjā paroparodhanimittatāya akaraṇīyā vuttā sattavaṇijjā abhujissabhāvakaraṇato, maṃsavaṇijjā vadhaḥetuto, majjjavaṇijjā pamādatṭhānato.

**Tassevāti** pañcaveramaṇilakkhaṇassa **silassa ceva** pañcamicchāvaṇijjālakkhaṇassa **ājivassa ca**. **Vipattīti** bhedo, pakopo ca. **Yāyāti** yāya paṭipattiyā. **Caṇḍāloti** upāsakacaṇḍālo. **Malanti** upāsakamalaṃ. **Paṭikitṭhoti** upāsakanihīno. Buddhādīsu kammakammaphalesu ca saddhāvīpariyāyo assaddhiyaṃ micchādhimokkha, yathāvuttena assaddhiyena samannāgato **assaddho**. Yathāvuttasīlavipattīājīvavipattivasena **dussīlo**. “Iminā diṭṭhādīnā idaṃ nāma maṅgalaṃ hotī”ti evaṃ bālaṇaparikkappitakotūhalasaṅkhātena diṭṭhasutamutamaṅgalena samannāgato **kotūhalamaṅgaliko**. **Maṅgalaṃ paccetīti** diṭṭhamaṅgalādibhedam maṅgalameva pattiyāyati. **No kammanti** kammassakataṃ no pattiyāyati. **Ito ca bahiddhāti** ito sabbaññubuddhasāsānato bahiddhā bahirakasamaye. **Dakkhiṇeyyaṃ pariyesatīti** duppaṭipannaṃ dakkhiṇārahasaññī gavesati. **Pubbakāraṃ karotīti** dānamānaṃ ādikaṃ kusalakiriyaṃ paṭhamataraṃ karoti. Ettha ca dakkhiṇeyyapariyesanapubbakāre ekaṃ katvā pañca dhammā veditabbā.

Vipattiyaṃ vuttavīpariyāyena **sampatti** veditabbā. Ayaṃ pana viṣeso – catunnampi parisānaṃ ratijjananaṭṭhena upāsakova ratanaṃ **upāsakaratanam**. Guṇasobhākkittisaddasugandhatāya upāsakova padumaṃ **upāsakapadumaṃ**. Tathā **upāsakapuṇḍarīkam**.

**Ādimhīti**ādiatthe. **Koṭiyanti** pariyantakoṭiyaṃ. **Vihāraggenāti** ovarakakoṭṭhāsena, “imasmim gabbhe vasantānamidaṃ nāma panasaphalaṃ pāpuṇāti”tiādīnā taṃ taṃvasanaṭṭhānakoṭṭhāsenaṭi attho. Ajjatagganti vā ajjadagganti vā ajja icceva attho.

“Pānehi upeta”nti iminā tassa saraṇagamanassa āpāṇakoṭikataṃ dassento “yāva me jīvitaṃ pavattatī”tiādīni vatvā puna jīvitenāpi taṃ vatthutayaṃ paṭipūjento “saraṇagamaṃ rakkhāmi”ti uppannaṃ tassa rañño adhippāyaṃ vibhāvento “**ahañhī**”tiādīmāha. **Pānehi upetanti** hi yāva me pāṇā dharanti, tāva saraṇaṃ upetaṃ, upento ca na vācāmattena, na ekavāraṃ cittuppādamattena, atha kho pāṇānaṃ pariccajanavasena yāvajīvaṃ upetanti evamettha attho veditabbo.

Accayaṇaṃ sādhumariyādaṃ madditvā vītikkamaṇaṃ **accayoti** āha “**aparādho**”ti. Acceti atikkamati etenāti vā **accayo**, vītikkamassa pavattanako akusaladhammo. So eva aparajjhāti etenāti **aparādho**. So hi aparajjhantaṃ purisaṃ abhibhavitvā pavattati, tenāha “**atikkamma abhibhavitvā pavatto**”ti. **Caratīti** ācarati karoti. **Dhammenevāti** dhammato anapetena payogena. **Paṭiggaṇhātūti** adhivāsanaṃ sampatichchatūti atthoti āha “**khamatū**”ti.

**251.** Sadevakena lokena “saraṇa”nti araṇīyato **ariyo**, tathāgatoti āha “**ariyassa vinaye buddhassa bhagavato sāsaṇa**”ti. **Puggaladhīṭṭhānaṃ karontoti** kāmaṃ “vuddhi hesā”ti dhammādhīṭṭhānavasena vākyam āraddhaṃ, tathāpi desanaṃ pana puggaladhīṭṭhānaṃ karonto saṃvaraṃ āpajjati āhāti yojanā.

**253.** Imasmimyeva attabhāve nippajjanakānaṃ attano kusalamūlānaṃ khaṇaṇena **khato**, tesamyeva upahanaṇena **upahato**. Ubhayaṇāpi tassa kammāparādhameva vadati. Paṭiṭṭhāti sammattaniyāṃmokkamaṇaṃ etāyāti paṭiṭṭhā, tassa upanissayasampadā. Sā kiriyāparādhena bhinnā vināsītā etenāti **bhinnapaṭiṭṭho**, tenāha “**tathā**”tiādi. **Dhammesu cakkhūti** catusaccadhammesu tesam dassanaṭṭhena cakkhu. **Aññesu ṭhānesūti** aññesu suttapadesu. **Muccissatīti** saṭṭhi vassasahassāni paccitvā lohakumbhī narakato muccissati.

Yadi anantare attabhāve narake paccati, imaṃ pana suttaṃ sutvā rañño ko ānisaṃso laddhoti āha “**mahānisamso**”tiādi. So pana ānisaṃso niddālābhasīsena vutto tadā kāyikacetasikadukkhāpagamo, tiṇṇaṃ ratanānaṃ mahāsakkārakiriya, sātisayo pothuṇjanikasaddhāpaṭilābhoti evampakāro diṭṭhadhammiko, samparāyiko pana aparāparesupi bhavesu aparimāṇo yevāti veditabbo.

Etthāha – yadi rañño kammantarāyābhāve tasmimyeva āsane dhammacakkhu upajjissati, kathaṃ anāgate paccekabuddho hutvā parinibbāyissati. Atha paccekabuddho hutvā parinibbāyissati, kathaṃ tadā dhammacakkhuṃ upajjissati, nanu ime sāvakaḥhippaccekabodhipanissayā bhinnanissayāti? Nāyaṃ virodho ito parato evassa paccekabodhisambhāraṇaṃ sambharaṇīyato. Sāvakaḥbodhiyā bujjanakasattāpi hi asati tassā samavāye kālantare paccekabodhiyā bujjhissanti katābhinihārasambhavato. Apare pana bhaṇanti “paccekabodhiyā yevāyaṃ katābhinihāro. Katābhinihārāpi hi tattha niyatim appattā tassa nāṇassa paripākaṃ anupagattā satthu sammukhībhāve sāvakaḥbodhiṃ pāpuṇissanti bhagavā ‘sacāyaṃ bhikkhave rājā’tiādīmāha. Mahābodhisattānameva ca ānantariyaparimutti, na itarabodhisattānaṃ. Tathā hi paccekabodhiyaṃ niyato samāno devadatto cirakālasambhūtena lokanāthe āghātena garutarāni ānantariyāni pasavi, tasmā kammantarāyenaṃ idāni asamavetadassanābhisaṃmayo rājā paccekabodhinīyāmena anāgate paccekabuddho hutvā parinibbāyissati”ti diṭṭhabbaṃ.

Sāmaññaphalasuttavaṇṇanāya līnatthappakāsanā.

### 3. Ambaṭṭhasuttavaṇṇanā

#### Addhānagamanavaṇṇanā

**254. Apubbapadavaṇṇanā**ti atthasamvaṇṇanāvasena heṭṭhā aggahitatāya apubbassa padassa vaṇṇanā atthavibhajanā. “Hitvā punappunāgatamattha”nti (dī. ni. aṭṭha. I.ganthārambhakathā) hi vuttam. **Janapadinoti** janapadavanto, janapadassa vā issarā **rājakumārā gottavasena kosalā nāma**. Yadi eko janapado, katham bahuvacananti āha “**rūḷhisaddenā**”ti. Akkharacintakā hi īdisesu thānesu yutte viya īdisaliṅgavacanāni icchanti, ayamettha rūḷhi yathā aññatthapi “kurūsu viharati, aṅgesu viharati”ti ca. Tabbisesanepi **janapada**-sadde jāti-sadde ekavacanameva. **Porāṇā panāti pana**-saddo visesatthajotano, tena puthuatthavisayatāya evañcetam puthuvacananti vakkhamānavisesam joteti. Bahuppabhedo hi so padeso tiyojanasataparimānatāya. **Naṅgalānipi chaḍḍetvāti** kammappahānavasena naṅgalānipi pahāya, nidassanamattañcetam. Na kevalam kassakā eva, atha kho aññepi manussā attano attano kiccaṃ pahāya tattha sannipatimsu. “**So padeso**”ti padesasāmaññato vuttam, vacanavipallāsena vā, te padesāti attho. **Kosalāti vuccati** kusalā eva kosalāti katvā.

**Cārikanti** caraṇam, caraṇam vā cāro, so eva cārikā. Tayidaṃ maggagamanam idhādhippetam, na cuṇṇikagamanamattanti āha “**addhānagamanam gacchanto**”ti. Tam vibhāgena dassetuṃ “**cārikā ca nāmesā**”tiādi vuttam. Tattha **dūrepi**ti nātidūrepi. **Sahasā gamananti** sīghagamanam. Mahākassapaccuggamanādim ekadesena vatvā vanavāsītissasāmaṇerassa vatthuṃ vitthāretvā janapadacārikam kathetuṃ “**bhagavā hī**”tiādi āradham. Ākāsagāmīhi eva saddhim gantukāmo “**chajabhiññanam ārocehi**”ti āha.

Saṅghakammavasena sījhamānāpi upasampadā satthu āṇavaseneva sījhanato “**buddhadāyajjam te dassāmi**”ti vuttanti vadanti. Apare pana aparipuṇṇavāsativassasseva tassa upasampadam anujānanto “**dassāmi**”ti avocāti vadanti. **Upasampādetvāti** dhammasenāpatinā upajjhāyena upasampādetvā.

Navayojanasatikampi thānam majjhimadesapariyāpannameva, tato param nādhippetam turitacārikāvasena agamanato. **Samantāti** gatagataṭṭhānassa catūsu passesu samantato. **Aññenapi kāraṇenāti** bhikkhūnam samathavipassanātaruṇabhāvato aññenapi **majjhimaṇḍale** veneyyānam ṇānapariyāpakādikāraṇena majjhimaṇḍalam **osarati**. “**Sattahi vā**”tiādi “ekamāsam vā”tiādinā vuttānukkamena yojetabbam.

**Sarīraphāsukatthāyāti** ekasmiṃyeva thāne nibaddhavāsavasena ussannadhātukassa sarīrassa vicaraṇena phāsukatthāya. **Aṭṭhuppattikālābhikañkhanatthāyāti** **aggikkhandhopamasutta** (a. ni. 7.72) **maghadevajātakādi** (jā. I.1.9) desanānam viya dhammadesanāya aṭṭhuppattikālam ākañkhamānena. Surāpānasikkhāpadapaññāpane (pāci. 328) viya **sikkhāpadapaññāpanatthāya**. **Bodhaneyyasatte** aṅgulimālādike (ma. ni. 2.347) **bodhanatthāya**. Kañci, katipaye vā puggale uddissa cārikā **nibaddhacārikā**. Tadaññā **anibaddhacārikā**.

**Dasasahassi lokadhātuyāti** jātikhettabhūte dasasahassacakkavāḷe. Tattha hi satte paripakkindriye passituṃ buddhaññam abhinīharitvā thito bhagavā ṇāṇajālam pattharati vuccati. **Sabbaññutaññāṇajālassa anto pavīṭṭhoti** tassa ṇāṇassa gocarabhāvaṃ upagato. Bhagavā kira mahākaraṇāsamāpattiṃ samāpajjitvā tato vuṭṭhāya “ye sattā bhabbā paripākāññā ajja mayā vinetabbā, te mayham ṇāṇassa upaṭṭhahantū”ti cittaṃ adhiṭṭhāya samannāharati. Tassa saha samannāhārā eko vā dve vā bahū vā tadā vinayūpagā veneyyā ṇāṇassa āpāthamāgacchanti ayamettha buddhānubhāvo. Evampi āpāthamāgatānam pana nesam upanissayaṃ pubbacariyaṃ pubbahetuṃ sampati vattamānañca paṭipattiṃ oloketi, tenāha “**atha bhagavā**”tiādi. **Vādapaṭivādam katvāti** “evaṃ nu te ambaṭṭhā”tiādinā mayā vuttavacanassa “ye ca kho te bho gotama muṇḍakā samaṇakā”tiādinā paṭivacanam katvā tikkhattuṃ ibbhavādanipātanavasena **nānappakāram asambhivākyam** sādhusabhāvāya vācāya vattuṃ ayuttavacanam **vakkhati**. **Nibbisevananti** vigatatudanam, mānadabbavasena apagatapariphandananti attho.

**Avasaritabbanti** upagantabbam. **Ichhānaṅgaleti** idaṃ tadā bhagavato gocaragāmanidassanam samīpatthe bhumanti katvā. “**Ichhānaṅgalavanasaṇḍe**”ti nivāsanaṭṭhānadassanam adhikaraṇe bhumanti. Tadubhayaṃ vivaranto “**icchānaṅgalam upanissāyā**”tiādimāha. Dhammarājassa bhagavato sabbaso adhammaniggaṇhanaparā paṭipatti, sā ca sīlasamādhipaññāvasenāti tam dassetuṃ “**sīlakhandhāvāra**”ntiādi vuttam. **Yathābhirucitenāti** dibbavihārādīsu yena yena attano abhirucitena vihārena.

#### Pokkharasātivatthuvaṇṇanā

**255. Manteti** irubbedādimantasatthe. Pokkhare kamale sayamāno nisīdīti **pokkharasāti**. Sāti vuccati samasañṭhānam, pokkhare sañṭhānavayave jātoti “**pokkharasāti**”tipi vuccati. **Setapokkharasadisoti** setapadumavaṇṇo. **Suvaṭṭitāti** vaṭṭabhāvassa yuttaṭṭhāne suṭṭhu vaṭṭulā. Kāḷavaṅgatīlakādīnam abhāvena **suparisuddhā**.

Imassa brāhmaṇassa kīdiso pubbayogo, yena naṃ bhagavā anuggaṇhituṃ taṃ thānaṃ upagatoti āha “**ayaṃ panā**”tiādi. **Padumagabbhe nibbatti** tenāyaṃ saṃsedajo jāto. **Na pupphatī** na vikasati. **Rajatabimbakanti** rūpiyamayaṃ rūpakam.

**Ajjhāvasatī** ettha **adhi**-saddo issariyatthadīpano, āsaddo mariyādatthoti dassento “**abhibhavivā**”tiādimāha. Tehi yuttatā hi **ukkaṭṭhanti** upayogavacanam, tenāha “**upasaggavasena**”tiādi. **Yāya mariyādāyati yāya avatthāya**. **Nagarassa vatthunti** “ayaṃ khaṇo, sumuhuttaṃ mā atikkamī”ti rattivibhāyanam anurakkhantā rattiyam ukkā thapetvā ukkāsu jalamāṇasu nagarassa vatthum aggahesum, tasmā ukkāsu thitāti **ukkaṭṭhā**, ukkāsu vijjotayantīsu thitā patitthitāti mūlavibhujādipakkhepena saddasiddhi veditabbā, niruttinayena vā ukkāsu thitāsu thitā āsīti **ukkaṭṭhā**. Apare pana bhaṇanti “bhūmibhāgasampattiyā, upakaraṇasampattiyā, manussasampattiyā ca taṃ nagaram ukkaṭṭhagunayogato **ukkaṭṭhāti** nāmaṃ labhi”ti. **Tassāti** “ukkaṭṭha”nti upayogavasena vuttapadassa. **Anupayogattāti** visesanabhāvena anupayuttatā. **Sesapadesūti** “sattussada”ntīdīpadesu. Yathāvidhi hi anupayogo purimasmiṃ. **Tatthāti** “upasaggavasena”tiādinā vuttavidhāne. “**Saddasatthato pariyesitabba**”nti etena saddalakkhaṇānugato vāyam saddappayogoti dasseti. Upaanuadhiātievaṃpubbake vasanakiriyāthāne upayogavacanameva pāpuṇātīti saddavidū icchanti.

Ussadatā nāmettha bahulatāti, taṃ bahulataṃ dassetuṃ “**bahujana**”ntiādi vuttaṃ. Gahetvā posetabbam **posāvaniyam**. **Āvijjhivāti** parikkhipivā.

Raṇṇā viya bhuñjitabbanti vā **rājabhoggaṃ**. **Raṇṇo dāyabhūtaṃ** kulaparamparāya yogyabhāvena rājato laddhadāyabhūtam. Tenāha “**dāyajjanti attho**”ti. Rājanīhārena paribhuñjitabbato uddham paribhogalābhassa seṭṭhadeyyatā nāma natthīti āha “**chattam ussāpetvā rājasāṅkhepena bhuñjitabba**”nti. “**Sabbaṃ chejjabhejja**”nti sarīradaṇḍadhadanaḍḍādī bhedam sabbaṃ daṇḍamāha. **Nadītitthapabbatādīsūti** nadītitthapabbatapādagāmadvāraaṭṭavimukhādīsū. “Rājadāya”nti imināva raṇṇo dinnabhāve siddhe “**raṇṇā pasenadinā kosalena dinna**”nti vacanam kimatthiyanti āha “**dāyakarājadīpanattha**”ntiādi. **Nissaṭṭhapariccattanti** muttacāgavasena pariccattam katvā. Evañhi taṃ seṭṭhadeyyam uttamadeyyam jātam.

**Upalabhīti** savanavasena upalabhīti imamattham dassento “**sotadvāra...pe... aññāsī**”ti āha. Avadhāraṇaphalattā sabbampi vākyam antogadhāvadhāraṇanti āha “**padapūraṇamate nipāto**”ti. “**Avadhāraṇatthe**”ti pana iminā iṭṭhatovadhāraṇattham **kho**-saddaggaṇanti dasseti. “**Assosī**”ti padaṃ kho-sadde gahite tena phullitamaṇḍitam viya hontam pūritam nāma hoti, tena ca purimacchimapadāni siliṭṭhāni honti, na tasmim aggahiteti āha “**padapūraṇena byañjanasiliṭṭhatāmattamevā**”ti. **Matta**-saddo visesanivattiattho, tenassa anattantaratīpanatā dassitā hoti, **eva**-saddena pana byañjanasiliṭṭhatāya ekantikatā.

**Samitapāpattāti** accantaṃ anavasesato savāsanam samitapāpattā. Evañhi bāhirakavirāgasekkhāsekkhapāpasamanato bhagavato pāpasamanam visesitam hoti, tenāha **vuttañhetanti**tiādi. Anekattatā nipātānam idha anussavattho adhippetoti āha “**khalūti anussavatthe nipāto**”ti. **Ālapanamattanti** piyālāpavacanamattham. Piyasamudāhāro hete “bho”ti vā “āvuso”ti vā “devānam piyā”ti vā. **Gottavasenāti** ettha gaṃ tāyatīti gottam. Gotamoti hi pavattamānam vacanam, buddhiṇca tāyati ekaṃsīkavisayatāya rakkhatīti gottam. Yathā hi buddhi ārammaṇabhūtena atthena vinā na vattati, evaṃ abhidhānam abhidheyyabhūtena, tasmā so gottasāṅkhāto attho tāni tāyati rakkhatīti vuccati. Ko pana soti? Aññakulaparamparāsādhāraṇam tassa kulassa ādipurisasamudāgataṃ taṃkulapariyāpannasādhāraṇam sāmāññarūpanti daṭṭhabbam. Ettha ca “**samaṇo**”ti iminā sarikkhakajanehi bhagavato bahumatabhāvo dassito samitapāpatākittanato. “**Gotamo**”ti iminā lokiyajanehi uḷarakulasambhūtatīdīpanato.

**Uccākulaparidīpanam** udīditavipulakhattiyakulavibhāvanato. Sabbakhattiyānañhi ādibhūtamahāsammatamahārājato paṭṭhāya asambhinnaṃ uḷaratamaṃ sakyaṛājakulam. **Kenaci pārijuññenāti** nītipārijuññabhogapārijuññādinā kenaci pārijuññena pārihāniyā. **Anabhibhūto** anajjhotthato. Tathā hi tassa kulassa na kiñci pārijuññam lokanāthassa abhijātiyam, atha kho vaḍḍhiyeva. Abhinikkhamane ca tatopi samiddhatamabhāvo loke pākāto paññāto. Iti “**sakyakulā pabbajito**”ti idaṃ vacanam bhagavato saddhāpabbajitabhāvadīpanam vuttaṃ mahantaṃ nītiparivaṭṭam, mahantañca bhogakkhandham pahāya pabbajitabhāvasiddhito. **Sundaranti** bhaddakam. Bhaddakatā ca passantassa hitasukhāvahabhāvena veditabbāti āha **atthāvaham sukhāvahanti**. Tattha **atthāvahanti** diṭṭhadhammikasamparāyikaparamatthasamhitāhītavaham. **Sukhāvahanti** yathāvuttatividhasukhāvaham. **Tathārūpānanti** tādisānam. Yādisehi pana guṇehi bhagavā samannāgato, tehi catuppanmāṇikassa lokassa sabbathāpi accantāya saddhāya pasādanīyo tesam yathābhūtasabhāvattāti dassento **yathārūpotīdīmāha**. Tattha **yathābhūtam...pe... arahatanti** iminā dhammappamāṇānam, lūkhappamāṇānañca sattānam bhagavato pasādāvahataṃ dasseti. Taṃ dassaneneva ca itaresampi atthato pasādāvahatā dassitā hotīti daṭṭhabbam tadavinābhāvato. **Dassanamattampi sādhu hotīti** ettha kosiyasakuṇavattum (ma. ni. aṭṭha. 1.144; khu. pā. aṭṭha. 10) kathetabbam.

### Ambaṭṭhamāṇavakathāvaṇṇanā

256. **Mante parivatteti** vede sajjhāyati, pariyāpuṇātīti attho. **Mante dhāretīti** yathāadhīte mante asammutṭhe katvā

hadaye t̥hapeti oṭṭhapahatakaraṇavasena, na atthavibhāvanavasena.

**Sanighaṇḍukeṭubhānanti** ettha vacanīyavācakabhāvena atthaṃ saddaṇca nikhaḍati bhindati vibhajja dassetīti nikaṇḍu, sā eva idha kha-kāraṇa gha-kāraṇa katvā ‘‘nighaṇḍū’’ti vutto. Kiṭayati gameti ñāpeti kiriyādivibhāgaṃ, taṃ vā anavaṣesapariyādānato gamento pūretīti keṭubhaṃ. **Vevacanappakāsakanti** pariyaṣasaddadīpakaṃ, ekekassa atthassa anekapariyaṣavacanavibhāvakanti attho. Nidassanamattañcetaṃ anekesampi atthānaṃ ekasaddavacanīyatāvibhāvanavasenaṃ tassa ganthassa pavattatā. Vacībhedādilakkhaṇā kiriyā kappīyati etenāti **kiriyākappo**, so pana vanṇapadasambandhapadattādivibhāgato bahuvikappoti āha ‘‘**kiriyākappavikappo**’’ti. Idaṇca mūlakiriyākappaganthaṃ sandhāya vuttaṃ. So hi satasahassaparimāṇo nayacariyādīpakaraṇaṃ. T̥hānakaraṇādivibhāgato, nibbanavibhāgato ca akkharā pabhedīyanti etehīti **akkharappabhedā**, sikkhāniruttiyo. **Etesanti** vedānaṃ.

Te eva vede padaso kāyattīti **padako**. Taṃ taṃ saddaṃ tadatthaṇca byākaroti byācikkhati etenāti **byākaraṇaṃ**, saddasatthaṃ. Āyatim hitaṃ tena loko na yatati na itthāti **lokāyataṃ**. Tañhi ganthaṃ nissāya sattā puññakiriyāya cittampi na uppādentī.

Vayatīti **vayo**, ādimajjhapariyosānesu katthaci aparikilamanto avitthāyanto te ganthe sandhāreti pūretīti attho. Dve paṭisedhā pakatim gamentīti dassento ‘‘avayo na hotī’’ti vatvā tattha avayaṃ dassetuṃ ‘‘**avayo nāma...pe... na sakkotī**’’ti vuttaṃ. ‘‘**Anuññāto**’’ti padassa kammaśāhanavasena, ‘‘paṭiññāto’’ti pana padassa kattusāhanavasena attho veditabboti dassento ‘‘**ācariyenā**’’tiādimāha. Ācariyaparamparābhatam **ācariyakam**. **Garūti** bhāriyaṃ attānaṃ tato mocetvā gamaṇaṃ dukkaraṃ hoti. **Anatthopi uppajjati** nindābyārosaupārambhādi.

257. ‘‘Abbhuggato’’ti ettha abhisaddayogena **itthambhūtākhyānatthavaseneva upayogavacanam**.

258. **Lakkhaṇānīti** lakkhaṇadīpanāni mantapadāni. **Antaradhāyantīti** na kevalam lakkhaṇamantāniyeva, atha kho aññānīpi brāhmaṇānaṃ ñāṇabalābhāvena anukkamena antaradhāyanti. Tathā hi vadanti ‘‘ekasataṃ addhariyaṃ sākāḥ saḥsavattako sāmā’’tiādi. **Paṇidhi ...pe... mahatoti** ettha paṇidhimahato samādānamahatoti ādinā paccekam mahanta-saddo yojetabbo. Paṇidhimahantatādi cassa buddhavaṃsacariyāpiṭakavaṇṇanādivasena veditabbo. **Niṭṭhāti** nipphattiyo. **Bhavabhedeti** bhavavisesa. Ito ca etto ca byāpetvā t̥hitatā **visaṭṭabhāvo**.

**Jātisāmaññatoti** lakkhaṇajātīyā lakkhaṇabhāvamattena samānabhāvato. Yathā hi buddhānaṃ lakkhaṇāni suvisadāni, supariyattāni, paripuññāni ca hontī, na evam cakkavattīnaṃ, tenāha ‘‘**na teheva buddho hotī**’’ti. Abhirūpatā, dīghāyukatā, appātānkātā, brāhmaṇādīnaṃ piyamaṇāpatāti imehi **catūhi** acchariyasabhāvehi. Dānaṃ, piyavacanaṃ, atthacariyā, samānattatāti imehi **catūhi saṅgahavattūhi**. **Raṇjanatoti** pīṭijanaṇato. Cakkaṃ cakkaratanaṃ vatteti pavattetīti **cakkavattī**. Sampatticakkehi sayam vattati, tehi ca paraṃ sattanikāyaṃ vatteti pavattetīti **cakkavattī**. Parahitāvaho iriyāpathacakkānaṃ vatto vattanaṃ etassa, etthāti vā **cakkavattī**. Appaṭihataṃ vā āṇāsaṅkhātaṃ cakkaṃ vattetīti **cakkavattī**. Khattiyamaṇḍalādīsaññitaṃ cakkaṃ samūhaṃ attano vase vattetīti **cakkavattī** cakkavattivattasaṅkhātaṃ dhammaṃ carati, cakkavattivattasaṅkhāto dhammo etasim atthīti vā **dhammiko**. Dhammato anapetattā dhammo raṇjanat̥thena rājāti **dhammarājā**. ‘‘Rājā hoti cakkavattī’’ti vuttatā ‘‘**cāturato**’’ti padaṃ catudīpissarataṃ vibhāvetīti āha ‘‘**catusamuddaantāyā**’’tiādi. Tattha ‘‘catuddīpavibhūsitāyā’’ti avatvā ‘‘catubbidhā’’ti **vidhaggahaṇaṃ** taṃtaṃparittadīpanampi saṅgahatthanti daṭṭhabbaṃ. **Kopādīti ādi**-saddena kāmamohamānamadādike saṅganhāti. **Vijitāvīti** vijitavā. Kenaci akampiyat̥thena janapade thāvāriyappatto, daḥhabhattibhāvato vā, janapado thāvāriyaṃ patto etthāti **janapadatthāvāriyappatto**.

Cittīkatabhāvādīnāpi (khu. pā. aṭṭha. 3; dī. ni. aṭṭha. 2.33; su. ni. aṭṭha. 1.226; mahāni. aṭṭha. 50) cakkassa ratanaṭṭho veditabbo. Esa nayo sesesupi. Ratinimittatāya vā cittīkatādībhāvassa ratijanaṇat̥thena ekasaṅgahatāya viṣuṃ aggahaṇaṃ. Imehi pana ratanehi rājā cakkavattī yaṃ yamatthaṃ paccanubhoti, taṃ taṃ dassetuṃ ‘‘**imesu panā**’’tiādi vuttaṃ. **Ajitaṃ jināti** mahesakkhatāsaṃvattaniyakammanissandabhāvato. **Vijite yathāsukhaṃ anuvicarati** hatthiratanam assaratanaṇca abhiruhitvā tesam ānubhāvena antopātarāseyeva samuddapariyantaṃ pathaviṃ anusamyāyitvā rājadhānimeva paccāgamanato. **Pariṇāyakaratanena vijitamanurakkhati** tena tattha tattha kātabbakiccassa saṃvidhānato. **Avasesehīti** maṇiratanaṇitthiratanagahapatiratanehi. Tattha maṇiratanaṇa yojanappamāṇe padese andhakāraṃ vidhamitvā ālokadassanādīnā sukhamanubhavati, itthiratanena atikkantamānusakarūpasampattidassanādivasena, gahapatiratanena icchiticchitamaṇikanakarajatādīdhanapaṭilābhavasena.

**Ussāhasattiyogo** tena kenaci appaṭihatañācakkabhāvasiddhito **pacchimenāti** pariṇāyakaratanena. Tañhi sabbarājācicesu kusalam avirajjanayogaṃ, tenāha ‘‘**mantasattiyogo**’’ti. Hatthiassaratanānaṃ mahānubhāvātāya kosasampattiyāpi pabhāvasampattisiddhito ‘‘**hatthi...pe... yogo**’’ti vuttaṃ. (Koso hi nāma sati ussāhasampattiyam duggaṃ tejaṃ kusumoraṃ parakkamaṃ pabbatomukhaṃ amosapaharaṇaṃ) tividhasattiyogaphalam paripuññaṃ hotīti sambandho. **Sesehīti** sesehi pañcahi ratanehi.

**Adosakusalamūlajanitakammānubhāvenāti** adosasaṅkhātena kusalamūlena saḥajātādīpaccayavasena



uppāditakamassa ānubhāvena **sampajjanti** sommataratanajātikattā. **Majjhimāni** mañiitthigahapatiratanāni. **Alobha...pe... kammānubhāvena** sampajjanti **ulārassa dhanassa**, ulāradhanapaṭilābhakāraṇassa ca pariccāgasampadāhetukattā. **Pacchimanti** pariṇāyakaratanam. Tañhi **amoha...pe... kammānubhāvena sampajjati** mahāpaññeneva cakkavattirājakicassa pariṇetabbattā. **Upadeso** nāma savisesam sattannaṃ ratanānaṃ vicāraṇavasena pavatto kathābandho.

Saraṇato paṭipakkhavidhamanato **sūrā**, tenāha “**abhīrukajātikā**”ti. Asure vijinitvā tṭhitattā vīro, sakko devānaṃ indo. Tassa aṅgaṃ devaputto senāngabhāvato vuttaṃ “**vīraṅgarūpāti devaputtasadisakāyā**”ti. “**Eke**”ti sārāsamāsācariyamāha. **Sabhāvoti** sabhāvabhūto attho. **Vīrakāraṇanti** vīrabhāvakāraṇam. **Vīriyamayasārīrā viyāti** saviggahavīriyasadisā, saviggahaṃ ce vīriyaṃ siyā taṃsadisāti attho. Nanu rañño cakkavattissa paṭisenā nāma natthi, ya’massa puttā pamaddeyyuṃ, atha kasmā parasenappamaddanāti vuttanti codanaṃ sandhāyāha **sacetiādi**, tena parasenā hotu vā mā vā te pana evaṃ mahānubhāvāti dasseti. **Dhammenāti** katupacitena attano puññadhammena. Tena hi sañcoditā pathaviyaṃ sabbarājāno paccuggantvā “svāgatam te mahārājā”ti ādim vātvā attano rajjaṃ rañño cakkavattissa niyyānti, tena vuttaṃ “so imaṃ...pe... ajjhāvasati”ti. **Aṭṭhakathāyaṃ** pana tassa yathāvuttassa dhammassa cirataraṃ vipaccitūṃ paccayabhūtaṃ cakkavattivattasamudāgataṃ payogasampattisaṅkhātāṃ dhammaṃ dassetuṃ “**pāno na hantabbotiādinā pañcasiladhammena**”ti vuttaṃ. Evañhi “adaṇḍena asatthenā”ti idaṃ vacanaṃ suṭṭhutaṃ samatthitaṃ hotīti. Yasmā rāgādayo pāpadhammā uppajjamānā sattasantānaṃ chādetvā pariyanandhitvā tīṭṭhanti kusalappavattim nivārenti, tasmā te “chadanā, chadā”ti ca vuttā. **Vivaṭevāti** vīgametvā. **Pūjārahātā vuttā** “arahaṭī araha”nti. **Tassā** pūjārahātāya. **Yasmā sammāsambuddho**, tasmā arahanti. **Buddhattahetubhūtā vivaṭṭacchadatā vuttā** savāsanasabbakilesappahānapubbakattā buddhabhāvassa.

**Arahaṃ vaṭṭābhāvenāti** phalena hetuanumānadassanaṃ. **Sammāsambuddho chadanābhāvenāti** hetunā phalānumānadassanaṃ. **Hetudvayaṃ vuttaṃ** “vivaṭṭo vicchado cā”ti. **Dutiyaṃ vesārajjenāti** “khīṇāsavassa te paṭijānato”tiādinā vuttena vesārajjena. **Purimasiddhīti** purimassa padassa atthasiddhīti attho. **Paṭhamenāti** “sammāsambuddhassa te paṭijānato”tiādinā (ma. ni. 1.150; a. ni. 4.8) vuttena vesārajjena. **Dutiyaṃ siddhīti** dutiyassa padassa atthasiddhi, buddhatthasiddhīti attho. **Tatiyacatutthehīti** “ye kho pana te antarāyikā dhammā”tiādinā, (ma. ni. 1.150; a. ni. 4.8) “yassa kho pana te atthāyā”tiādinā (ma. ni. 1.150; a. ni. 4.8) ca vuttehi tatiyacatutthehi vesārajjehi. **Tatiyaṃ siddhīti** vivaṭṭacchadanatāsiddhi yāthāvato antarāyikanīyānikadhammāpadesena hi satthu vivaṭṭacchadanabhāvo loke pākāto ahoṣi. **Purimaṃ dhammacakkhūti** purimapaḍaṃ bhagavato dhammacakkhūṃ **sādhēti** kilesārīnaṃ, saṃsāracakkassa ca arānaṃ hatabhāvādīpanato. **Dutiyaṃ paḍaṃ buddhacakkhūṃ sādhēti** sammāsambuddhasseva taṃsabbhāvato. **Tatiyaṃ paḍaṃ samantacakkhūṃ sādhēti** savāsanasabbakilesappahānadīpanato. “Sammāsambuddho”ti hi vatvā “vivaṭṭacchado”ti vacanaṃ buddhabhāvavahameva sabbakilesappahānaṃ vibhāveti. “**Sūrabhāva**”nti lakkhaṇavibhāvane visadaññaṭaṃ.

**259. Evaṃ bhoti** ettha evanti vacanasampañcchane nipāto. Vacanasampañcchanañcetta “tathā mayaṃ taṃ bhavantaṃ gotamaṃ vedissāma, tvam mantānaṃ paṭiggahetā”ti ca evaṃ pavattassa pokkharasātino vacanassa sampañcchahoti āha. “**Sopi tāyā**”tiādi. Tattha **tāyāti** tāya yathāvuttāya samuttejanāya. **Ayānabhūminti** yānassa abhūmiṃ. **Divāpadhānikāti** divāpadhānānuyuñjanakā.

**260.** Yadipi pubbe ambaṭṭhakulaṃ appaṇṇātaṃ, tadā pana paññāyatīti āha “**tadā kirā**”tiādi. **Aturitoti** avegāyanto.

**261. Yathā khamanīyādīni pucchantoti** yathā bhagavā “kacci vo māṇavā khamanīyaṃ, kacci yāpanīya”ntiādinā khamanīyādīni pucchanto tehi māṇavehi saddhiṃ paṭhamam pavattamoda ahoṣi pubbabhāsītāya tadanukaraṇena evaṃ tepi māṇavā bhagavatā saddhiṃ samappavattamodā ahesunti yojanā. Taṃ pana samappavattamodataṃ upamāya dassetuṃ “**sītodakaṃ viyā**”tiādi vuttaṃ. Tattha **sammoditanti** saṃsanditaṃ. **Ekībhāvanti** sammodanakiriyāya samānataṃ. **Khamanīyanti** “idaṃ catucakkaṃ navadvāraṃ sarīrayantaṃ dukkhabahulatāya sabhāvato dussahaṃ kacci khamitūṃ sakkūṇeyya”nti pucchanti, **yāpanīyanti** āhārādīpaccayapaṭibaddhavuttikaṃ cirappabandhasaṅkhātāya yāpanāya kacci yāpetūṃ sakkūṇeyyaṃ. Sīsarogādiābādhābhāvena **kacci appābādhaṃ**, dukkhajīvīkābhāvena **kacci appātākaṃ**, taṃtaṃkiccarāṇe uṭṭhānasukhatāya **kacci lahuṭṭhānaṃ**, tadanurūpabalayogato **kacci balaṃ**, sukhavihārasabbhāvena **kacci phāsuvihāro** atthīti sabbattha kacci-saddaṃ yojetvā attho veditabbo. Balappattā pīti **pītiyeva**. Taruṇapīti **pāmojjaṃ**. Sammodanaṃ janeti karofīti sammodanikaṃ tadeva **sammodanīyaṃ**. Sammoditabbato **sammodanīyanti** idaṃ pana atthaṃ dassetuṃ vuttaṃ “**sammoditūṃ yuttabhāvato**”ti. Saritabbabhāvato anussaritabbabhāvato “saraṇīya”nti vattabbe “**sāraṇīya**”nti dīghaṃ katvā vuttaṃ. “**Suyamānasukhato**”ti āpāthamadhuratamāha, “**anussariyamānasukhato**”ti vimaddaramaṇīyatam. “**Byañjanaparisuddhatāyā**”ti sabhāvaniruttibhāvena tassā kathāya vacanacāturiyamāha, “**atthaparisuddhatāyā**”ti atthassa nirupakkilesataṃ. **Anekehi pariyañeyhīti** anekehi kāraṇehi.

**Apasādessāmīti** maṅkuṃ karissāmī. **Kaṇṭhe olambetvāti** ubhosu khandhesu sāṭakaṃ āsajjetvā kaṇṭhe olambitvā. **Dussakaṇṇam gahetvāti** nivatthasāṭakassa dasākoṭiṃ ekena hatthena gahetvā. **Caṅkamaṃ abhiruhitvāti** caṅkamitūṃ ārabhitvā. **Dhātusamatāti** rasādīdhātūnaṃ samāvatthata, arogatāti attho. **Anācārabhāvāsāraṇīyanti** anācārabhāvena saraṇīyaṃ. “Anācāro vatāya”nti saritabbakaṃ.

**262. “Bhavaggaṃ gahetukāmo viyā”**tiādi asakkuṇeyyattā dukkaraṃ kiccaṃ ārabhatīti dassetuṃ vuttaṃ. Asakkuṇeyyañhetamā sadevakenāpi lokena, yadidaṃ bhagavato apasādanam, tenāha “**aṭṭhāne vāyamati**”ti. Ayam bālo “mayi kiñci akathente mayā saddhiṃ kathetumpi na visahati”ti mānameva paggaṇhissati, kathente pana kathāpasāṅgenassa jātigotte vibhāvite mānaniggaho bhavissati bhagavā “evaṃ nu te”tiādimāha. Tena vuttaṃ “atha kho bhagavā”tiādi. Ācārasamācārasikkhāpanena ācariyā, tesamā pana ācariyānaṃ pakatṭhā ācariyāti pācariyā yathā papitāmahoti, tenāha “**ācariyehi ca tesamā pācariyehi cā**”ti.

### Paṭhamaibbhavādavaṇṇanā

**263. Tisu iriyāpathesūti** ṭhānagamananisaṃjāsū. **Kathāpaḷāsanti** kathāvasena yugaggāhaṃ. Sayānena ācariyena saddhiṃ sayānassa kathā nāma ācāro na hoti, taṃ itarehi sadisaṃ katvā kathanam idha kathāpaḷāso.

Tassa pana yaṃ anācārabhāvavibhāvanam sathhārā ambaṭṭhena saddhiṃ kathentena kataṃ, taṃ saṅgītanārullaṃ paramparābhatanti upari pāliyā sambandhabhāvena dassento “**tato kirā**”tiādimāha. **Muṇḍakā samaṇakāti** ca garahāyam ka-saddo, tenāha “**hiḷento**”ti. Ibhasa payogo ibho uttarapadalopena, taṃ ibhamā arahantīti **ibbhā**. Kiṃ vuttaṃ hoti? Yathā ibho hatthivāhanabhūto parassa vasena vattati, na attano, evaṃ etepi brāhmaṇānaṃ sussusakā suddā parassa vasena vattanti, na attano, tasmā ibhasadisapayogatāya ibbhāti. Te pana kuṭumbikatāya gharavāsino gharassāmikā hontīti āha “**gahapatikā**”ti. **Kaṇhāti** kaṇhajātikā. Dijā eva hi suddhajātikā, na itareti tassa adhippāyo, tenāha “**kālakā**”ti. **Mukhato nikkhantāti** brāhmaṇānaṃ pubbapurisā brahmuno mukhato nikkhantā, ayam tesamā paṭhamupattīti adhippāyo. Sesapadesupī eseva nayo. “**Samaṇā piṭṭhipādato**”ti idaṃ panassa “mukhato nikkhantā”tiādivacanato pi ativiya asamavekkhitavacanam catuvaṇṇapariyāpanasseva samaṇabhāvasambhavato. **Aniyamtvāti** avisesetvā, anuddesikabhāvenāti attho.

**Mānussayavasena kathetīti** mānussayam avassāya attānam ukkaṃsento, pare ca vambhento “muṇḍakā”ti ādiṃ katheti. **Jānāpemi**ti jātigottassa pamāṇam yāthāvato vibhāvanena pamāṇam jānāpemi. **Attho etassa atthīti atthikam** daṇḍikañāyena.

“**Yāyeva kho panatthāyā**”ti itthilingavasena vuttanti vadanti, taṃ parato “purisalingavasenevā”ti vakkhamānattā yuttaṃ. **Yāya atthāyāti** vā pullilingavaseneva tadatthe sampadānavacanam, yassa atthassa atthāyāti attho. **Assāti** ambaṭṭhassa dassetvāti sambandho. **Aññesanti** aññesaṃ sādhurūpanam. **Santikam āgatānanti** guruṭṭhāniyānam santikam upagatānam. **Vattanti** tehi caritabbaācāram. **Asikkhitoti** ācāram asikkhito. Tato eva **appassuto**. Bāhusaccañhi nāma yāvadeva upasamattam icchitabbam, tadabhāvato ambaṭṭho appassuto asikkhito “avusito”ti viññāyati, tenāha “**etassa hi**”tiādi.

**264.** Kodhavasacittatāya **asakamano**. **Mānanimmadanatthanti** mānassa nimmadanattham. **Uggiletvāti** sinehapānena kilinnaṃ ubbamaṃ katvā. **Gottena gottanti** tena vuttena purātanagottena idāni taṃ taṃ anavajjasaññitam gottam sāvajjato uṭṭhāpetvā uddharitvā. Sesapadesupī eseva nayo. Tatha **gottam** ādipurisavasena, **kulāpadoso**, tadanvaye uppannaabhiññātapurisavasena veditabbo yathā “ādico, maghadevo”ti. Gottamūlassa gārayhatāya amānavatthubhāvapavedanato “**mānaddhajam mūle chetvā**”ti vuttaṃ. **Ghaṭṭentoti** omasanto.

Yasmiṃ mānussayakodhussayā aññamaññūpatthaddhā, so “caṇḍo”ti vuccatīti āha “**caṇḍāti mānanissitakodhayuttā**”ti. **Kharāti** cittaena, vācāya ca kakkhaḷā. **Lahukāti** taruṇā. **Bhassāti** “sāhasikā”ti keci vadanti, “sārambhakā”ti apare. **Samānāti** hontā, bhavamānāti atthoti āha “**santāti purimapasasveva vevacana**”nti. **Na sakkaronṭīti** sakkāram na karonti. **Apacitikammanti** paṇipātakamma **nānulomanti** attano jātiyā na anucchavikanti attho.

### Dutiyaibbhavādavaṇṇanā

**265.** Kāmaṃ sakyarājakule yo sabbesam buddhataro samattho ca, so eva abhisekam labhati, ekacco pana abhisitto samāno “idaṃ rajjam nāma bahukiccaṃ bahubyāpāra”nti tato nibbija rajjam vayasā anantarassa niyyātetī, kadāci sopi aññassāti tādise sandhāyāha “**sakyāti abhisittarājāno**”ti. **Kulavaṃsam jānantīti** kaṇhāyanato paṭṭhāya paramparāgatam anussavavasena jānanti. Kulābhīmānino hi yebhuyyena paresam uccāvacam kulam tathā tathā udāharanti, attano ca kulavaṃsam jānanti, evam ambaṭṭhōpi. Tathā hi so parato bhagavatā pucchito vajirapaṇibhayena yāthāvato kathesi.

### Tatiyaibbhavādavaṇṇanā

**266. Khettaledḍḍunanti** khetta kasanavasena naṅgalena uṭṭhāpitaledḍḍunam. “Laṭukikā” icceva paññātā **khuddakasakuṇikā laṭukikopamaṇṇanāyam** “cātakasakuṇikā”ti (ma. ni. aṭṭha. 3.150) vuttā. **Kodhavasena laggitanti** upanayhitum, āghātam bandhitanti attho. “**Amhe haṃsakoṇcamorasame karotī**”ti iminā “na taṃ koci haṃso vā”tiādivacanam saṅgītim anārullaṃ tadā bhagavatā vuttamevāti dasseti. “Evaṃ nu te”tiādivacanam, “avusitavāyevā”tiādivacanañca mānavasena samaṇena gotamena vuttanti maññatīti adhippāyenaṃha “**nimmāno dāni jātoti maññamāno**”ti.

### Dāsiputtavādavaṇṇanā

**267. Nimmādefīti** a-kāraṣṣa ā-kāraṣṣa katvā niddesoti āha “**nimmādefī**”ti. Kāmaṃ gottaṃ nāmetaṃ pitito laddhabbaṃ, na mātito na hi brāhmaṇānaṃ sagottāya āvāhavivāho icchito, gottanāmaṃ pana yasmā jātisiddhaṃ, na kittimaṃ, jāti ca ubhayasambandhinī, tasmā “**mātāpettikanti mātāpitūnaṃ santaka**”nti vuttaṃ. **Nāmagottanti** gottanāmaṃ, na kittimanāmaṃ, na guṇanāmaṃ vā. Tattha “kaṇhāyano”ti nirulhā yā nāmapaṇṇatti, taṃ sandhāyāha “**paṇṇattivasena nāmanti**. Taṃ pana kaṇhāsito paṭṭhāya tasmim kulaparamparāvasena āgataṃ, na etasmimyeva nirulhaṃ, tena vuttaṃ “**paveṇivasena gotta**”nti. **Gotta**-padassa pana attho heṭṭhā vuttoyeva. **Anussaratoti** ettha na kevalaṃ anussaraṇaṃ adhippettaṃ, atha kho kulasuddhivīmaṃsanavasenāti āha “**kulakoṭṭim sodhentassā**”ti. **Ayyaputtāti** ayyikaputtāti āha “**sāmino puttā**”ti. Disā okkāraṇānto antojātā dāsīti āha “**gharadāsīyā putto**”ti. Ettha ca yasmā ambaṭṭho jātiṃ nissāya mānathaddho, na cassa yāthāvato jātiyā avibhāvītāya mānaniggaho hoti, mānaniggāhe ca kate aparabhāge ratanattaye pasāḍissati, na “dāsī”ti vācā pharusavācā nāma hoti cittassa saṃhābhāvato. **Abhayasutta**ñcetta (ma. ni. 2.83; a. ni. 4.184) nidassanaṃ. Keci ca sattā agginā viya lohādayo kakkhaḷāya vācāya mudubhāvaṃ gacchanti, tasmā bhagavā ambaṭṭhaṃ nibbisevanaṃ kātukāmo “**ayyaputtā sakyā bhavanti, dāsiputto tvamasi sakyāna**”nti avoca.

**Ṭhapentīti** pañṇapenti, tenāha “**okkāko**”tiādi. **Pabhā niccharati** dantānaṃ ativiya pabhassarabhāvato.

**Paṭhamakappikānanti** paṭhamakappassa ādikāle nibbattānaṃ. **Kira**-saddo anussavatthe, tena yo vuccamānāya rājaparamparāya kesañci matibhedo, taṃ ulliṅgeti. **Mahāsammataṣṣāti** “**ayaṃ no rājā**”ti mahājanena sammantivā ṭhapitattā “**mahāsammato**”ti evaṃ sammataṣṣa. Yaṃ sandhāya vadanti –

“**Ādiccakulasambhūto, suvisuddhaguṇākaro;**  
**Mahānubhāvo rājāsi, mahāsammatanāmako.**

**Yo cakkhubhūto lokassa, guṇaraṃsisamujjalo;**  
**Tamonudo virocitha, dutiyo viya bhānumā.**

**Ṭhapitā yena mariyādā, loke lokahitesinā;**  
**Vavatthitā sakkuṇanti, na vilāṅghayitum janā.**

**Yasassinā tejjassinā, lokasīmānurakkhakaṃ;**  
**Ādibhūtaṃ mahāvīraṃ, kathayanti ‘manū’ti ya’nti.**

Tassa ca puttapaṭṭaparamparaṃ sandhāya –

“**Tassa putto mahātejo, rojo nāma mahīpati;**  
**Tassa putto vararojo, pavaro rājamaṇḍale.**

**Tassāsi kalyāṇaguṇo, kalyāṇo nāma atrajo;**  
**Rājā tassāsi tanayo, varakalyāṇanāmako.**

**Tassa putto mahāvīro, mandhātā kāmabhoginā;**  
**Aggabhūto mahindena, aḍḍharajjena pūjito.**

**Tassa sūnu mahātejo, varamandhātunāmako;**  
**‘Uposatho’ti nāmena, tassa putto mahāyaso.**

**Varo nāma mahātejo, tassa putto mahāvaro;**  
**Tassāsi upavaroti, putto rājā mahābalo.**

**Tassa putto maghadevo, devatulyo mahīpati;**  
**Caturāsītisahassāni, tassa puttaramparā.**

**Tesaṃ pacchimako rājā, ‘okkāko’ iti vissuto;**  
**Mahāyaso mahātejo, akhuddo rājamaṇḍale”ti.**

Ādi **tesaṃ pacchatoti** tesaṃ maghadeva paramparabhūtānaṃ kaḷārajanakapariyosānānaṃ anekasatasahassānaṃ rājūnaṃ aparabhāge okkāko nāma rājā ahoṣi, tassa paramparābhūtānaṃ anekasatasahassānaṃ rājūnaṃ aparabhāge aparo okkāko nāma rājā ahoṣi, tassa paramparabhūtānaṃ anekasatasahassānaṃ rājūnaṃ aparabhāge punāparo okkāko nāma rājā ahoṣi, taṃ sandhāyāha “**tayo okkākavaṃsā ahesuṃ. Tesu tatiyaokkākassā**”tiādi.

**Sahasā varam adāsinti** puttadassanena somanassappatto sahasā avīmaṃsitvā tuṭṭhiyā vasena varam adāsim, “yaṃ icchasi, taṃ gaṇhā”ti. **Rajjam pariṇāmetum icchatīti** sā jantukumārassa mātā mama taṃ varadānaṃ antaraṃ katvā imaṃ rajjam pariṇāmetum icchatīti.

**Nappasaheyyāti** na pariyatto bhavēyya.

**Nikkhammāti** gharāvāsato, kāmehi ca nikkhamitvā. **Heṭṭhā cāti ca**-saddena “asītihatthe”ti idaṃ anukaḍḍhati. **Tehīti** migasūkarehi, maṇḍūkamūsikehi ca. **Teti** sīhabyagghādayo, sappabīḷārā ca.

**Avasesāhi** attano attano kaniṭṭhāhi.

**Vaḍḍhamānānanti** anādare sāmivacaṇaṃ. **Kuṭṭharogo** nāma sāsamasūrīrogā viya yebhuyyena saṅkamanasabhāvoti vuttaṃ “**ayaṃ rogo saṅkamatīti cintetvā**”ti.

**Migasūkarādīnanti ādi**-saddena vanacarasonāḍike saṅgaṇhāti.

Tasmiṃ nisinneti sambandho. Khattiyamāyārocanena **attano khattiyabhāvaṃ jānāpetvā**.

**Nagaraṃ māpehīti** sāhāraṃ nagaraṃ māpehīti adhippāyo.

**Kesaggahaṇanti** kesaveṇibandhanaṃ. **Dussaggahaṇanti** vatthassa nivāsanākāro.

**268. Attano upārambhamocanattāyāti** ācariyena ambaṭṭhena ca attano attano upari pāpetabbaupavādassa apanayanatthaṃ. **Asmiṃ vacaneti** “cattārome bho gotama vaṇṇā”tiādīnā attanā vutte, bhotā ca gotamena vutte “jātivāde”ti imasmiṃ yathādhikate vacane. Tattha pana yasmā vede vuttavidhināva tena paṭimantetabbaṃ hoti, tasmā vuttaṃ “**vedattayavacane**”ti, “**etasmīṃ vā dāsiputtavacane**”ti ca.

**270. Dhammo** nāma kāraṇaṃ “dhammapāṭisambhidā”tiādīsu (vibha. 718) viya, saha dhammenāti sahadhammo, sahadhammo eva **sahadhammikoti** āha “**sahetuko**”ti.

**271. Tasmā** tadā paṭiññātattā. **Tāsetvā pañhaṃ vissajjāpessāmīti āgato** yathā taṃ saccakasamāgame. “Bhagavā ceva passati ambaṭṭho cā”ti ettha itaresaṃ adassane kāraṇaṃ dassetuṃ “**yadi hī**”tiādī vuttaṃ. **Āvāhetvāti** mantabalena ānetvā. **Tassāti** ambaṭṭhassa. **Vādasaṅghaṭṭeti** vācāsaṅghaṭṭe.

**272. Tāṇanti gavesamānoti**, “ayameva samaṇo gotamo ito bhayato mama tāyako”ti bhagavantaṃyeva “tāna”nti pariyesanto upagacchanto. Sesapadadvayepi eseva nayo. **Tāyatīti** yathāupaṭṭhitabhayato pāleti, tenāha “**rakkhatī**”ti, etena tāṇa-saddassa kattusāḍhanatamāha. Yathupaṭṭhitena bhayena upadduto niliyati etthāti **leṇaṃ**, upalayaṇaṃ, etena leṇa-saddassa adhikaraṇasāḍhanatamāha. “**Sarati**”ti etena saraṇa-saddassa kattusāḍhanatamāha.

### Ambaṭṭhavaṃsakathāvaṇṇanā

**274. Gaṅgāya dakkhiṇatoti** gaṅgāya nadiyā dakkhiṇadisāya. **Āvudhaṃ na parivattatīti** saraṃ vāsattiādīṃ vā parassa upari khipitukāmassa hatthaṃ na parivattati, hatthe pana aparivattente kuto āvudhaparivattananti āha “**āvudhaṃ na parivattatī**”ti. So kira “kathaṃ nāmāhaṃ disāya dāsīyā kucchimhi nibbatto”ti taṃ hīnaṃ jātiṃ jigucchanto “handāhaṃ yathā tathā imaṃ jātiṃ sodhessāmī”ti niggaṭo, tenāha “**idāni me manorathaṃ pūressāmī**”tiādī. Vijjābalena rājānaṃ tāsetvā tassa dhītuyā laddhakālato paṭṭhāya myāyaṃ jātisodhitā bhavissatīti tassa adhippāyo. **Ambaṭṭhaṃ nāma vijjanti** sattānaṃ sarīre abbhāṅgaṃ ṭhapetīti ambaṭṭhāti evaṃ laddhanāmaṃ vijjaṃ, mantanti attho. Yato ambaṭṭhā etasmīṃ atthīti ambaṭṭhoti kaṇho isi paññāyittha, taṃbaṃsajātātāya ayaṃ māṇavo “ambaṭṭho”ti voharīyati.

Seṭṭhamante vedamanteti adhippāyo. Mantānubhāvena rañño bāhukkambhamattaṃ jātaṃ tena panassa bāhukkambhena rājā, “ko jānāti, kiṃ bhavissatī”ti bhīto ussāṅkī utrāso ahoṣi, tenāha “**bhayena vedhamāno aṭṭhāsī**”ti. **Sotthi bhaddanteti ādivacaṇaṃ avocum**. “Ayaṃ mahānubhāvo isi”ti maññamānā.

**Undriyissatīti** vipakiriyaṃ, tenāha “**bhijjissatī**”ti. Mante parivattitēti bāhukkambhakamantassa paṭipassambhakavijjāsāṅkhāte mante “**saro otaratū**”ti parivattite. Evarūpānañhi mantānaṃ ekamaṃsena paṭipassambhakavijjā hontiyeva yathā taṃ kusumārakavijjānaṃ. Attano dhīto apavādāmodocanattaṃ tassa bhujissakaraṇaṃ. Tassānurūpe issariye ṭhapanattaṃ **uḷāre ca naṃ ṭhāne ṭhapesi**.

### Khattiyasetṭhabhāvavaṇṇanā

275. Samassāsanatthamāha karuṇāyanto, na kulīnabhāvadassanattham, tenāha “**atha kho bhagavā**”tiādi. **Brāhmaṇesūti** brāhmaṇānaṃ samīpe, tato brāhmaṇehi laddhabbāṃ āsanādiṃ sandhāya “**brāhmaṇānaṃ antare**”ti vuttaṃ. Kevalaṃ saddhāya kātābbaṃ **saddham**, paralokagate sandhāya na tato kiñci apatthentena kātābbanti attho, tenāha “**matake uddissa katabhatte**”ti. **Maṅgalādibhatteti ādi**-saddena ussavadevatārādhanaṃ saṅgaṇhāti. **Yaññabhatteti** pāpasaññamādivasena katabhatte. **Pāhunakānanti** atithīnaṃ. **Khattiyabhāvaṃ appatto** ubhato sujātatābhāvato, tenāha “**aparissuddhoti attho**”ti.

276. **Itthiṃ karitvāti** ettha karaṇaṃ kiriyāsamaññavisayanti āha “**itthiṃ pariyesitvā**”ti. Brāhmaṇakaññaṃ itthiṃ khattiyakumārassa bhariyābhūtaṃ gahetvāpi khattiyāva seṭṭhā, hīnā brāhmaṇāti yojanā. **Purisena vā purisaṃ karitvāti** etthāpi eseva nayo. **Pakaraṇeti** rāgādivasena paduṭṭhe pakkhalite kāraṇe, tenāha “**dose**”ti. Bhassati niratthakabhāvena khipiyatīti **bhassaṃ**, chārikā.

277. **Janitasminti** kammakilesehi nibbatte. Jane etasminti vā **janetasmim**, manussesūti attho, tenāha “**gottapaṭisārino**”ti. **Samsanditvāti** ghaṭetvā, aviruddhaṃ katvāti attho.

Paṭhamabhāṇavāraṇṇanā niṭṭhitā.

### Vijjācaraṇakathāvaṇṇanā

278. **Idaṃ vaṭṭatīti** idaṃ ajjhenādi kattuṃ labbhati. **Jātivādavinibaddhāti** jātisannissitavāde vinibaddhā. Brāhmaṇasseva ajjhenajjhāpanayajanayājanādayoti evaṃ ye attukkaṃsanaparavambhanavasena pavattā, tato eva te **mānavādapaṭibaddhā** ca honti. Ye pana **āvāhavivāhavinibaddhā**, te eva sambandhattayavasena “**arahasi vā maṃ tvam, na vā maṃ tvam arahasi**”ti evaṃ pavattanakā.

**Yatthāti** yassaṃ vijjācaraṇasampattiyāṃ. **Laggissāmāti** ologgā antogadhā bhavissāmāti **cintayimha**. Paramatthato avijjācaraṇāniyeva “**vijjācaraṇāni**”ti gahetvā ṭhito paramatthato vijjācaraṇesu vibhajiyamānesu so tato dūrato apanīto nāma hotīti āha “**dūrameva avakkhipi**”ti. **Samudāgamato pabhūtīti**ādisamuṭṭhānato paṭṭhāya.

279. **Tividhaṃ silanti** khuddakādibhedhaṃ tividhaṃ silaṃ. **Silavasenevāti** silapariyāyeneva. **Kiñci kiñcīti** ahiṃsanādiyamaniyamalakkhaṇaṃ kiñci kiñci **silaṃ atthi**. **Tattha tattheva laggeyyāti** tasmim tasmimyeva brāhmaṇasamayasiddhe silamatte “**carāṇa**”nti laggeyya. **Aṭṭhapi samāpattiyō carāṇanti niyyātītā honti** rūpāvacaracatutthajjhānaniddeseneva arūpajjhānānampi niddiṭṭhabhāvāpattito niyyātītā nidassitā.

### Catuapāyamukhakathāvaṇṇanā

280. **Asampāpuṇantoti** ārabhitvā sampattuṃ asakkonto. **Avisahamānoti** ārabhitumeva asakkonto. **Khārinti** parikkhāraṃ. Taṃ pana vibhajitvā dassetuṃ “**araṇi**”tiādi vuttaṃ. Tattha **araṇīti** aggidhamanakaṃ araṇīdvayaṃ. **Sujāti** dabbī. **Ādi**-saddena tidaṇḍatighaṭikādiṃ saṅgaṇhāti **khāribharitanti** khārīhi puṇṇaṃ. Nanu upasampannassa bhikkhuno sāsānikopi yo koci upasampanno atthato paricārakova, kiṃ aṅgaṃ pana bāhirakapabbajiteti tattha visesaṃ dassetuṃ “**kāmañcā**”tiādi vuttaṃ. **Vuttanayenāti** “**kappiyakaraṇa...pe... vattakaraṇavasena**”ti evaṃ vuttana nayena. **Paricāraḷo hoti** upasampannabhāvassa viṣiṭṭhabhāvato. “**Navakoṭisahasāni**”tiādinā (visuddhi. 1.20; paṭi. ma. aṭṭha. 37) vuttappabhedānaṃ anekasahasānaṃ saṃvaravinayānaṃ samādiyitvā vattanena uparibhūtā aggabhūtā sampadāti hi “**upasampadā**”ti vuccatīti. **Guṇādhikopīti** guṇehi ukkaṭṭhopi. **Ayaṃ panāti** vuttalakkaṇo tāpaso.

Tāpasā nāma kammavādikiriyāvādino, na sāsānassa paṭānībhūtā, yato nesam pabbajitum āgatānaṃ titthiyaparivāsena vināva pabbajjā anuññātāti katvā “**kasmā panā**”ti codanaṃ samuṭṭhapeti codako. Ācariyo “**yasmā**”tiādinā codanaṃ pariharati. “**Osakkissati**”ti saṅkhepato vuttamattham vivarituṃ “**imasmīhi**”tiādi vuttaṃ. **Khuradhārūpamanti** khuradhārānaṃ matthakeneva akkamitvā gamanūpamaṃ. **Aññeti** aññe bhikkhū. **Aggisālanti** aggihuttasālam. **Nānādārūhīti** palāsadaṇḍādinānāvidhasamidhādārūhi.

**Idanti** “**catudvāraṃ āgāraṃ katvā**”tiādinā vuttaṃ. **Assāti** assa catutthassa puggalassa. **Paṭipattimukhanti** kohaññapaṭipattiyā mukhamattaṃ. So hi nānāvidhena kohaññena lokaṃ vimhāpento tattha acchati, tenāha “**iminā hi mukhena so evaṃ paṭipajjati**”ti.

Khalādīsu manussānaṃ santike upatiṭṭhitvā vīhimuggatīlamāsādīni bhikkhācariyāniyāmena saṅkaḍḍhitvā uñchanaṃ uñchā, sā eva cariyā vutti etesanti **uñchācariyā**. Aggipakkena jīvantīti aggipakkikā, na aggipakkikā **anaggipakkikā**. Uñchācariyā hi khalesu gantvā khalaggaṃ nāma manussehi diyyamānaṃ dhaññaṃ gaṇhanti, taṃ ime na gaṇhantīti anaggipakkikā nāma jātā. **Asāmapākāti** asayaṃpācakā. Asmamuttinā mutṭhipāsānena vattantīti **asmamuttikā**. Dantena uppāṭitaṃ vakkalaṃ rukkhattaco dantavakkalaṃ, tena vattantīti **dantavakkalikā**. Pavattaṃ rukkhadīto pātitaṃ phalaṃ bhujantīti **pavattaphalabhōjino**. Jīṇṇapakatāya paṇḍubhūtaṃ palāsam, taṃsadsaṅca paṇḍupalāsam, tena vattantīti

**paṇḍupalāsikā**, sayampatitapupphaphalapattabhojino.

Idāni te aṭṭhavidhepi sarūpato dassetuṃ “**tatthā**”tiādi vuttaṃ. **Saṅkaḍḍhitvāti** bhikkhācariyāvasena laddhadhaññaṃ ekajjhaṃ katvā.

**Pariyeṭṭhi nāma dukkhā**ti paresaṃ gehato gehaṃ gantvā pariyeṭṭhi nāma dīnavuttibhāvena dukkhā. Pāsāṇassa pariggaho dukkho pabbajitassāti vā danteheva uppāṭetvā khādanti.

**Imāhi catūhiyevāti** “khārividhaṃ ādāyā”tiādina vuttāhi catūhi eva tāpasapabbajjhāti.

**282.** Apāye vināse niyutto **āpāyiko**. Tabbhāvaṃ paripūretuṃ asakkonto tena aparipuṇṇo **aparipūramāno**, karaṇe cetam paccattavacanaṃ, tenāha “**āpāyikenāpi aparipūramānenā**”ti.

### **Pubbakaisibhāvānuvogaṇṇanā**

**283.** Dīyatīti datti, dattiyeva **dattikanti** āha “**dinnaka**”nti. Yadi brāhmaṇassa sammukhībhāvo rañño na dātabbo, kasmāssa upasaṅkamaṇaṃ na paṭikkhattanti āha “**yasmā panā**”tiādi. **Khettavijjāyāti** nītisatthe. **Payātanti** saddhaṃ, sassatikaṃ vā, tenāha “**abhiharitvā dinna**”nti. Kasmā bhagavā “rañño pasenadissa kosalassa dattikaṃ bhujjati”tiādina brāhmaṇassa mammavacanaṃ avocāti tattha kāraṇaṃ dassetuṃ “**idaṃ pana kāraṇa**”ntiādi vuttaṃ.

**284.** **Rathūpatthareti** rathassa upari attharitamadesa. **Pākaṭamantananti** pakāsabhūtaṃ mantanaṃ. Tañhi suddādīhi nāyatīti na rahassamantanaṃ. **Bhaṇatīti** api nu bhaṇāti.

**285.** **Pavattāro**ti pāvacaṇabhāvena vattāro, yasmā te tesam mantānaṃ pavattakā, tasmā āha “**pavattayitāro**”ti. Sudde bahi katvā raho bhāsitaḍḍhena mantā eva, taṃtaṃtaḍḍhapaṭipattihetutāya padanti **mantapadaṃ**, anupanītasādhāraṇatāya vā rahassabhāvena vattabbaṃ hitakiriyāya adhigamupāyaṃ. **Sajjhāyitanti** gāyanavasena sajjhāyitaṃ, taṃ pana udattānudattādīnaṃ sarānaṃ sampādanavaseneva icchitanti āha “**sarasampattivasenā**”ti. **Aññesaṃ vuttanti** pāvacaṇabhāvena aññesaṃ vuttaṃ. **Samupabyūlhanti** saṅgahetvā uparūpari saññūlhaṃ. **Rāsikatanti** iruvedayajurvedasāmedādivasena, tatthāpi paccekaṃ mantabrahmādivasena, ajjhāyānuvākādivasena ca rāsikataṃ.

**Tesanti** mantānaṃ kattūnaṃ. **Dibbena cakkhunā oloketvāti** dibbacakkhuparibhaṇḍena yathākammūpagaññaṇena sattānaṃ kammassakatādiṃ paccakkhato dassanaṭṭhena dibbacakkhusadisena pubbenivāsāññaṇena atītakappe brāhmaṇānaṃ mantajjenavidhiṇca oloketvā. **Pāvacaṇena saha saṃsanditvāti** kassapasammāsambuddhassa yaṃ vacanaṃ vaṭṭasannissitaṃ, tena saha aviruddhaṃ katvā. Na hi tesam vivatṭasannissito attho paccakkho hoti. **Aparāpare panāti** aṭṭhakādīhi aparā pare pacchimā okkākarājakālādīsu uppannā. **Pakkhipitvāti** aṭṭhakādīhi ganthitamantapadesu kilesasannissitapadānaṃ tattha tattha pade pakkhipanaṃ katvā. **Viruddhe akamsūti** brāhmaṇadhammikassuttādīsu āgatanayena saṃkilesikatthadīpanato paccanīkabhūte akamsu. **Idhāti** “tyāhaṃ mante adhīyāmi”ti etasmim ṭhāne. **Paṭiññaṃ aggahetvāti** “taṃ kiṃ maññasī”ti evaṃ paṭiññaṃ aggahetvāva.

**286.** **Nirāmagandhāti** kilesāsucivasena vissagandharahitā. **Anitthigandhāti** itthīnaṃ gandhamattassapi avisahanena itthigandharahitā. Ettha ca “**nirāmagandhā**”ti etena tesam porāṇānaṃ brāhmaṇānaṃ vikkhambhitakilesataṃ dasseti, “**anitthigandhā brahmacārino**”ti etena ekavīhāritaṃ, “**rajojalladhārā**”ti etena maṇḍanavibhūsanānuvogaḍḍhāvaṃ, “**araññāyatane pabbatapādesu vasimsū**”ti etena manussūpacāraṃ pahāya vivittavāsaṃ, “**vanamūlaphalāhārā vasimsū**”ti etena sālīmaṃsodanādīpanīṭhārapaṭikkhepaṃ, “**yadā**”tiādina yānavāhanapaṭikkhepaṃ, “**sabbadisāsū**”tiādina rakkhāvaraṇapaṭikkhepaṃ, evaṇca vadanto micchāpaṭipadāpakkhikaṃ sēcariyassa ambaṭṭhassa vuttim upādāya sammāpaṭipadāpakkhikāpi tesam brāhmaṇānaṃ vutti ariyavināye sammāpaṭipattim upādāya micchāpaṭipadāyeva. Kutassa sallekhaṇapaṭipattiyuttatāti. “Evaṃ sute”tiādina bhagavā ambaṭṭhaṃ santajjento niggaṇhātīti dasseti.

**Veṭhakehīti** veṭhakaṇṭhakāhi. **Samantānagaranti** nagarassa samantato. **Katasudhākammaṃ** pākārassa adhobhāge ṭhānaṃ vuccatīti adhippāyo.

### **Dvelakkhaṇadassanaṇṇanā**

**287.** **Na sakkotisāṅkucite** iriyāpathe anavasesato tesam dubbibhāvanato. **Gavesīti** nāṇena pariyesanamakāsi. **Samānayīti** nāṇena saṅkalento sammā ānaya samāhari. “**Kaṅkhatī**”ti padassa ākaṅkhatīti ayamattthoti āha “**aho vata passeyyanti patthanaṃ uppādetī**”ti. **Kicchatīti** kilamati. “**Kaṅkhatī**”ti padassa pubbe āsisanatthataṃ vatvā idāniṃsa saṃsayatthataṃ eva vikappantaravasena dassento “**kaṅkhāya vā dubbalā vimati vuttā**”ti āha. **Tīhi dhammehīti** tippakārehi saṃsayadhammehi. **Kālusiyabhāvoti** appasannatāya hetubhūto āvilabhāvo.

Yasmā bhagavato kosohitaṃ sabbabuddhānaṃ āveṇikaṃ aññehi asādhāraṇaṃ vatthaguyhaṃ suvisuddhakañcanaṃaṃḍalasannikāsaṃ, attano saṅghānasannivesasundaratāya ājāneyyagandhahatthino varaṅgaparamacārubhāvaṃ, vikaṣamānatapaniyāravindasamujjalakesarāvattavilāsaṃ, sañjhāpabhānurañjitalavanantarābhilakkhitasampuṇṇacandaṃaṃḍalasobhañca attano siriya abhibhuyya virājati, yaṃ bāhirabbhantaramalehi anupakkiliṭṭhatāya, cirakālaṃ suparicita brahmacariyādhikāratāya, susaṅghitasāṅghānasampattiyā ca, kopīnampi santāṃ akopīnameva, tasmā vuttaṃ “**bhagavato hī**”tiādi. **Pahūtabhāvanti** puthulabhāvaṃ. Ettheva hi tassa saṃsayo, tanumudusukumāratādīsu panassa guṇesu vicāraṇā eva nāhosi.

**288. Hirikaraṇokāsanti** hiriyitabbaṭṭhānaṃ. **Chāyanti** paṭibimbaṃ. Kathaṃ kīdisanti āha “**iddhiyā**”tiādi. **Chāyārūpakamattanti** bhagavato paṭibimbarūpaṃ. Tañca kho buddhasantānato vinimuttatā rūpakamattaṃ bhagavato sarīraṇasāṅghānāvayavaṃ iddhimayaṃ bimbakamattaṃ. Taṃ pana rūpakamattaṃ dassento bhagavā yathā attano buddharūpaṃ na dissati, tathā katvā dasseti. **Ninnetvāti** nīharitvā. **Kallosīti** pucchāvissajjane kusalo cheko asi. **Tathākaraṇenāti** kathinasūciṃ viya karaṇena. **Etthāti** pahūtajivhāya. **Mudubhāvo pakāsito** amuduno ghanasukhumabhāvāpādanatthaṃ asakkuṇeyyattā **dīghabhāvo, tanubhāvo** cāti daṭṭhabbaṃ.

**291. “Atthacarakenā”**ti iminā byatirekamukhena anattacarakatāmyeva vibhāveti. **Na aññatrāti** na aññasmiṃ sugatīyanti attho. **Upanetvā upanetvāti** taṃ taṃ dosaṃ upanetvā upanetvā, tenāha “**suṭṭhudāsādibhāvaṃ āropetvā**”ti. **Pātesīti** pavatṭanavasena pātesī.

### Pokkharasātibuddhūpasāṅkamanavaṇṇanā

**293-6. Āgamā nūti** āgato nu. **Khoti** nipātamattaṃ. **Idhāti** ettha, tumhākaṃ santikanti attho. **Adhivāsetūti** sādīyatu, taṃ pana sādīyanaṃ manasā sampaṭiggaho hotīti āha “**sampaṭicchatū**”ti.

**297. Yāvadatthanti** yāva attho, tāva bhojanena tadā katanti attho. **Oñittanti** āmisāpanayanena sucikatāṃ, tenāha “**hatthe ca pattañca dhovivā**”ti.

**298. Anupubbim kathanti** anupubbaṃ kathetabbakathaṃ, tenāha “**anupaṭipāṭikatha**”nti. Kā pana sā? Dānādikathāti āha “**dānānantaraṃ sila**”ntiādi. Tena dānakathā tāva pacurajanesupi pavattiyā sabbasādhāraṇatā, sukarattā, sīle paṭiṭṭhānassa upāyabhāvato ca ādito kathetabbā. Pariccāgasiḷo hi puggalo pariggahitavattūsu nissāṅgabhāvato sukheveva sīlāni samādiyati, tattha ca suppaṭiṭṭhito hoti. Sīlena dāyakaṭṭhāgāhakaṃsuddhito parānuggahaṃ vatvā parapīḷānivattivacanato, kiriyadhammaṃ vatvā akiriyadhammavacanato, bhogasampattihetuṃ vatvā bhavasampattihetuvacanato ca **dānakathānantaraṃ silakathā** kathetabbā, tañce dānasīlaṃ vaṭṭanissitaṃ, ayaṃ bhavasampatti tassa phalanti dassanatthaṃ imehi ca dānasīlamayehi paṇītapāṇītatārādibhedabhinnehi puññakiriyavatthūhi etā cātumahārājikādīsu paṇītapāṇītatārādibhedabhinne aparimeyyā dibbabhogasampattiyo laddhabbāti dassanatthaṃ tadanantaraṃ saggakathā. Svāyaṃ saggio rāgādīhi upakkiliṭṭho, sabbathānupakkiliṭṭho ariyamaggoti dassanatthaṃ **saggānantaraṃ maggo** kathetabbo. Maggañca kathentena tadadhigamupāyasandassanatthaṃ saggapariyāpannāpi, pageva itare sabbepi kāmā nāma bahvādīnavā aniccā addhuvā vipariṇāmadhammāti **kāmānaṃ ādīnavo**, hīnā gammā pothujjanikā anariyā anattasaññitāti tesāṃ **okāro** lāmakabhāvo, sabbepi bhavā kilesānaṃ vatthubhūtāti **tattha saṃkilesa**, sabbasaṃkilesavippamuttaṃ nibbānanti **nekkhamme ānisamso** ca kathetabboti ayamattho bodhitoti veditabbo. **Maggoti** cettha **iti**-saddena ādiatthadīpanato “**kāmānaṃ ādīnavo**”ti evamādīnaṃ saṅgahoti evamayaṃ atthavaṇṇanā katāti veditabbā. “Tassa uppattiākaradassanattha”nti kasmā vuttaṃ, nanu maggañānaṃ asaṅkhatadhammārammaṇaṃ, na saṅkhatadhammārammaṇanti codanaṃ sandhāyāha “**tañhī**”tiādi. Tattha **paṭivijjhantanti** asammohapaṭivedhavasena paṭivijjhantaṃ, tenāha “**kiccavasena**”ti.

### Pokkharasātiupāsakattapaṭivedanā kathāvaṇṇanā

**299.** Ettha ca “**diṭṭhadhammo**”tiādi pāḷiyaṃ dassanaṃ nāma nīṇadassanato aññampi atthi, tannivattanatthaṃ “**pattadhammo**”ti vuttaṃ. Patti ca nīṇasampattito aññampi vijjatīti tato visesadassanatthaṃ “**viditadhammo**”ti vuttaṃ. Sā pana sē viditadhammatā ekadesatopi hotīti nippadesato viditabhāvaṃ dassetuṃ “**pariyogāḷhadhammo**”ti vuttaṃ. Tenassa saccābhisaṃbodhamāyeva dīpeti. Maggañānañhi ekābhisaṃmayavasena pariñīḍadikkiccamā sādheṇaṃ nippadesena catusaccadhammaṃ samantato ogāḷhaṃ nāma hoti, tenāha “**diṭṭho ariyasaccadhammo etenāti diṭṭhadhammo**”ti. **Tiṇṇā vicikicchāti** sappaṭibhayakantārasadisā soḷasavatthukā, aṭṭhavatthukā ca tiṇṇā vitīṇṇā vicikicchā. **Vigatā kathaṅkathāti** pavattīādīsu. “**Evam nu kho, na nu kho**”ti evaṃ pavattikā vigatā samucchinnā kathaṅkathā. **Vesārajappattoti** sārājajakarānaṃ pāpadhammānaṃ pahīnattā, tappaṭipakkhesu ca sīlādiguṇesu suppaṭiṭṭhitattā vesārajjaṃ visāradabhāvaṃ veyyattiyāṃ patto adhigato. Sāyaṃ vesārajjappatti suppaṭiṭṭhitabhāvoti katvā āha “**satthusāsane**”ti. Attanā paccakkhato diṭṭhattā adhigatattā na paraṃ pacceti, na tassa paro paccetabbo atthīti **aparappaccayo**. Yaṃ panettha vattabbaṃ avuttaṃ, taṃ parato āgamissati. Sesāṃ suviññeyyameva.

Ambaṭṭhasuttavaṇṇanāya līnatthappakāsana.

## 4. Soṇadaṇḍasuttavaṇṇanā

300. Sundarabhāvena sātīsayāni āṅgāni etesaṃ atthīti āṅgā, rājakumārāti āha “**āṅgā nāma āṅgapāsādikatāyā**”tiādi. **Idhāpi adhippetā**, na ambaṭṭhasutte eva. **Āgantum na dassantīti** āgamane ādinavaṃ dassetvā paṭikkhipanavasena āgantum na dassanti, nānujānissantīti adhippāyo. Nīlāsokakaṇikārakoviḷārakundarājarukkhehi sammisatāyā taṃ campakavanaṃ “**nīlādipaṅcavaṇṇakusumapaṭimaṇḍita**”nti daṭṭhabbam. Na campakarukkhānaṃyeva nīlādipaṅcakusumatāyāti vadanti. “**Bhagavā kusumagandhasugandhe campakavane viharatī**”ti iminā na māpanakāle eva tasmim nagare campakarukkhā ussannā, atha kho aparabhāge pīti dasseti. Māpanakāle hi campakānaṃ ussannatāyā sā nagarī “**campā**”ti nāmaṃ labhi. **Issarattāti** adhipatibhāvato. Senā etassa atthīti seniko, seniko eva **seniyo**, atthitā cettha bahubhāvavisiṭṭhāti vuttam “**mahatiyā senāya samannāgatattā**”ti.

301-2. **Samhatāti** sannipatitā, “saṅghino”ti vattabbe “**saṅghī**”ti puthutthe ekavacanaṃ brāhmaṇagahapatikānaṃ adhippetattā, tenāha “**etesa**”nti. Rājarājaññādinam bhaṇḍadharā purisā khatā, nesam tāyanato **khattā**. So hi yehi yattha pesito, tattha tesam dosaṃ pariharanto yuttapattavasena pucchitamatthaṃ katheti, tenāha “**pucchitapaṅhe byākaraṇasamattho**”ti. Kulāpadesādinā mahatī mattā etassāti **mahāmatto**.

### Soṇadaṇḍagunaḥkathāvaṇṇanā

303. Visiṭṭhaṃ rajjam virajjam, virajjameva verajjam yathā “**vekatam vesaya**”nti, nānāvidham verajjam **nānāverajjam**, tattha jātīādinā sabbam vuttanayeneva veditabbam. **Uttamabrāhmaṇoti** abhijanasampattiyā vittasampattiyā vijjāsampattiyā uggatataro, uḷāro vā brāhmaṇo. **Asannipātoti** lābhamaccharena nippīḷitatāyā asannipāto viya bhavissati.

“**Āṅgeti gameti** ñāpetīti **āṅgam**, hetūti āha “**imināpi kāraṇenā**”ti. “**Ubhato sujāto**”ti ettake vutte yehi kehici dvīhi bhāgehi sujātātā viññāyeyya. Sujāta-saddo ca “**sujāto cārudassano**”tiādīsu (theragā. 818) ārohasampattipariyāyoti jātivaseneva sujātataṃ vibhāvetum “**mātito ca pitito cā**”ti vuttam. Anorasaputtavasenaṃpi loke mātupitusamaññā dissati, idha panassa orasaputtavaseneva icchitāti dassetum “**samsuddhagahaṇiko**”ti vuttam. Gabbham gaṇhāti dhāretīti **gahaṇī**, gabbhāsayaśaṇṇito mātukucchippadeso. Yathābhuttassa āhārassa vipācanavasena gaṇhanato achāḍḍanato **gahaṇī**, kammajatejodhātu.

Pitā ca mātā ca pitaro, pitūnaṃ pitaro pitāmahā, tesam yugo dvando **pitāmahayugo**, tasmā, yāva sattamā pitāmahayugā pitāmahadvandāti evamettha attho daṭṭhabbo. Evañhi pitāmahaggahaṇeneva mātāmahopi gahitoti. So atthakathāyaṃ visum na uddhaṭo. Yuga-saddo cettha ekasesanayena daṭṭhabbo “**yugo ca yugo ca yugā**”ti. Evañhi tattha tattha dvandam gahitameva hoti, tenāha “**tato uddham sabbepi pubbapurisā pitāmahaggahaṇeneva gahitā**”ti. Purisaggahaṇācetta ukkaṭṭhaniddesavasena katanti daṭṭhabbam. Evañhi “**mātito**”ti pālīvacanaṃ samatthitaṃ hoti. **Akkhittoti** appattakhepo. **Anavakkhittoti** saddhathālipākādīsu na avakkhitto na chaḍḍito. **Jātivādenāti** hetumhi karaṇavacananti dassetum “**kena kāraṇenā**”tiādi vuttam. Ettha ca “**ubhato...pe... pitāmahayugā**”ti etena brāhmaṇassa yonidosābhāvo dassito saṃsuddhagahaṇikabhāvakkittanato, “**akkhitto**”ti iminā kiriyāparādhābhāvo. Kiriyāparādhena hi sattā khepaṃ pāpuṇanti. “**Anupakkuṭṭho**”ti iminā ayuttasamsaggābhāvo. Ayuttasamsaggampi hi paṭicca sattā akkosam labhanti.

**Issaroti** ādhipateyyasamvattaniyakammabaleṇa ṭsanasīlo, sā panassa issaratā vibhavasampattipaccayā pākāṭā jātāti aḍḍhatāpariyāyabhāveneva vadanto “**aḍḍhoti issaro**”ti āha. Mahantaṃ dhanam assa bhūmigatañceva vehāsaṭṭhañcāti **mahaddhano**. **Tassāti** tassa tassa. **Vadanti** “**anvayato**, byatirekato ca anupasaṅkamanakāraṇam kittemā”ti.

**Adhikarūpoti** visiṭṭharūpo uttamasarīro. Dassanaṃ arahatīti **dassanīyo**, tenāha “**dassanayoggo**”ti. Pasādam āvahaṭīti **pāsādiko**, tenāha “**cittappasādajananato**”ti. **Vaṇṇassāti** vaṇṇadhātuyā. **Sarīranti** sannivesavisiṭṭhaṃ karacaraṇagīvāsīsādiavayasamudāyaṃ, so ca saṅghānamukhena gayhatīti “**paramāya vaṇṇapokkharatāyāti...pe... sampattiyā cā**”ti vuttam. Sabbavaṇṇesu suvaṇṇavaṇṇova uttamoti vuttam “**seṭṭhena suvaṇṇavaṇṇena samannāgato**”ti. Tathā hi buddhā, cakkavattino ca suvaṇṇavaṇṇāva honti. **Brahmavacchāsīti** uttamasarīrābho, suvaṇṇābho icceva attho. Imameva hi atthaṃ sandhāya “**mahābrahmuno sarīrasadiseneva sarīrena samannāgato**”ti vuttam, na brahmujugattataṃ. **Akhuddāvākāso dassanāyāti** ārohapariñāhasampattiyā, avayavapāripūriyā ca dassanāya okāso na khuddako, tenāha “**sabbānevā**”tiādi.

Yamaniyamalakkhaṇam **sīlamassa atthīti sīlavā**. Tam panassa rattaññutāyā **vuddham vaḍḍhitam atthīti vuddhasīlī**. Tena ca sabbadā sammāyogato **vuddhasīlena samannāgato**. **Sabbametam pañcasīlamattameva sandhāya vadanti** tato paraṃ sīlassa tattha abhāvato, tesañca ajānanato.

Ṭhānakaraṇasampattiyā, sikkhāsampattiyā ca katthacipi anūnatāya parimaṇḍalapadāni byañjanāni akkharāni etissāti **parimaṇḍalapadabyañjanā**. Atha vā pajjati attho etenāti padaṃ, nāmādi. Yathādhīppetamatthaṃ byañjetīti byañjanaṃ, vākyaṃ. Tesam paripuṇṇatāya **parimaṇḍalapadabyañjanā**. Atthañāpane sādhanatāya vācāva karaṇanti **vākkaraṇam**,



udāhāraghoso. **Guṇaparipuṇṇabhāvena** tassa brāhmaṇassa, tena vā bhāsitaabbaatthassa. **Pūre** puṇṇabhāve. **Pūreti** ca purimasmim atthe ādhāre bhummaṃ, dutiyasmim visaye. “**Sukhumālattanēnā**”ti iminā tassā vācāya mudusaṇhabhāvamāha. **Apalibuddhāya** pittasemhādīhi. **Sandiṭṭhaṃ** sabbaṃ dassetvā viya ekadesaṃ kathanam. **Vilambitaṃ** saṅhikaṃ cirāyitvā kathanam. “Sandiddhāvilambitādī”ti vā pāṭho. Tattha **sandiddhaṃ** sandehajanakam. **Ādi-**saddena dukkhalitānukaḍḍhitādiṃ saṅgaṇhāti. “**Ādimajjhāpariyosānaṃ pākaṭaṃ katvā**”ti iminā tassā vācāya atthapāripūriṃ vadanti.

“**Jiṇṇo**”tiādīni padāni suviññeyyāni, heṭṭhā vuttatthāni ca. Dutiyānaye pana **jiṇṇoti** nāyaṃ jiṇṇatā vayomattena, atha kho kulaparivattena purānatāti āha “**jiṇṇoti porāṇo**”tiādī, tena tassa brāhmaṇassa kulavasena uditoditabhāvamāha. Jātivuddhiyā “vayoanuppatto”ti vakkhamānattā, guṇavuddhiyā tato sātisayattā ca “**vuddhoti sīlācārādiguṇavuddhiyā yutto**”ti āha. Tathā jātimahallakatāya vakkhamānattā “**mahallako**”ti padena vibhavamahattatā yojitā. **Maggapaṭipannoti** brāhmaṇānaṃ paṭipattivīthiṃ upagato taṃ avokkamma caraṇato. **Antimavayanti** pacchimavayaṃ.

### Buddhaguṇakathāvaṇṇanā

**304.** Tādisehi mahānubhāvehi saddhiṃ yugaggāhavasēnapi dahanam na mādisānaṃ anucchavikam, kuto pana ukkaṃsananti idaṃ brāhmaṇassa na yuttarūpanti dassento āha “**na kho pana metaṃ yutta**”ntiādī. **Sadisāti** ekadesena sadisā. Na hi buddhānaṃ guṇehi sabbathā sadisā kecipi guṇā aññesu labbhanti. **Itareti** attano guṇehi asadisaguṇe. **Idanti** idaṃ atthajātam. **Gopadakanti** gāviyā pade ṭhitauḍakam.

**Saṭṭhikulāsatasahassanti** saṭṭhisahassādhikam kulāsatasahassam **kulapariyāyenāti** suddhodanamahārājassa kulānukkamena **āgataṃ**. **Tesupīti** tesupi catūsu nidhīsu. **Gahitagahitanti** gahitaṃ gahitaṃ ṭhānaṃ pūratīyeva dhanena paṭipākatikameva hoti. **Aparimāṇoyevāti** “ettako eso”ti kenaci paricchinditum asakkuṇeyyatāya aparicchinnō eva.

**Tatthāti** mañcake. **Sihaseyyam kappesīti** yathā rāhu asurindo āyāmato, vitthārato ubbedhato ca bhagavato rūpakāyassa paricchedaṃ gahetum na sakkoti, tathā rūpaṃ iddhābhisaṅkhāraṃ abhisāṅkharonto sihaseyyam kappesi.

Kīlesehi ārakattā parisuddhatthēna **ariyanti** āha “**ariyam uttamaṃ parisuddha**”nti. **Anavajjattāna kusalam**, na sukhavipākaṭṭhena. Katthaci **caturāsītipāṇasahassāni**, katthaci **aparimāṇāpi devamanussā** yasmā catuvīsatiyā ṭhānesu asaṅkhyeyyā aparimeyyā devamanussā **maggaphalāmataṃ** pivimsu, koṭīsatāsahassādiaparimāṇēnapi bahū eva, **tasmā** anuttarācārasikkhāpanavasena bhagavā **bahūnaṃ ācariyo**. Teti kāmāragato aññe bhagavato pahīnakīlese. **Keḷānāti** keḷāyanā dhanāyanā.

**Apāpapurekkhāroti** apāpe pure karoti, na vā pāpaṃ purato karotītipi apāpapurekkhāroti imamattham dassetum “**apāpe navalokuttaradhamme**”tiādī vuttam. Tattha **apāpeti** pāpapaṭipakkhe, pāparahite ca. Brahmani seṭṭhe buddhe bhagavati bhavā tassa dhammadesanāvasena ariyāya jātiyā jātattā, brahmuno vā bhagavato hitā garukaraṇādīnā, yathānusiṭṭhapaṭipattiyā ca, brahmaṃ vā seṭṭham ariyamaggaṃ jānātīti **brahmaññā**, ariyasāvakaṅkhātā pajā, tenāha “**sāriputtā**”tiādī. Pakatībrāhmaṇajātivāsēnapi “brahmaññāya pajāyā”ti padassa attho vedittabboti dassetum “**apicā**”tiādī vuttam.

**Tiroraṭṭhā tirojanapadāti** ettha rajjam **raṭṭham**, rājanti rājāno etenāti, tadekadesabhūtā padesā pana **janapado**, janā pajjanti ettha sukhajīvikaṃ pāpuṇantīti. Pucchāya vā dosaṃ sallakkhetvāti sambandho. **Asamatthanti** attano asamattatam. **Bhagavā vissajjeti** tesam upanissayasampattim, ñānaparipākam, cittācāraṇa nīatvāti adhippāyo.

“**Ehi svāgatavādī**”ti iminā sukhāsambhāsapubbakam piyavāditaṃ dasseti, “**sakhilo**”ti iminā saṅhavācatam, “**sammodako**”ti iminā paṭisandhārakusalatam, “**abhākuṭiko**”ti iminā sabbattheva vippasannamukhatam, “**uttānamukho**”ti iminā sukhālapatam, “**pubbabhāsī**”ti iminā dhammānuggahassa okāsakaraṇato hitajjhāsayaṭam bhagavato vibhāveti.

**Yattha kirāti kira**-saddo arucisūcanattho, tena bhagavatā adhivuttthapadeso na devatānubhāvena manussānaṃ anupaddavatā, atha kho buddhānubhāvenāti dasseti. Tenāha “**apicā**”tiādī.

**Anusāsītabboti** vineyyajanasamūho gayhatīti nibbattitaṃ ariyasaṅghameva dassetum “**sayaṃ vā**”tiādī vuttam, anantarassa vidhī paṭisedho vāti katvā. “**Tādisovā**”ti iminā “sayaṃ vā”tiādīnā vuttavikappo eva paccāmatṭhoti. “Purimapadasseva vā”ti vikappantaraggahaṇam. **Bahūnaṃ tīthakarānanti** pūraṇādīnaṃ anekesaṃ tīthakarānaṃ, niddhāraṇe cetam sāmivacanam. **Kāraṇēnāti** appicchasantuṭṭhatādisamāropanalakkhaṇena kāraṇena. **Āgantukā navakāti** abhinavā āgantukā abbhāgatā. **Pariyāpuṇāmīti** paricchinditum jānāmi sakkomi, tenāha “**jānāmi**”ti. “**Kappampi ce aññamabhāsamāno**”ti abhūtaparikkappanavacanametam tathā bhāsamānassa abhāvato.

**305.** Alaṃ-saddo arahattopi hoti “**alameva nibbinditu**”ntiādīsu (saṃ. ni. 1.124) viyāti āha “**alamevāti yuttamevā**”ti.

Puṭena netvā asitabbato paribhuñjitabbato **puṭosaṃ vuccati pātheyyaṃ. Puṭaṃsena** purisena.

### Soṇadaṇḍaparivittakkavaṇṇanā

307. **Ubhatopakkhikā**ti micchādīṭṭhisammādīṭṭhīnaṃ vasena ubhayapakkhikā. **Kerāṭikā**ti saṭhā.

### Brāhmaṇapaññattivaṇṇanā

309. **Vighātanti** cittadukkhaṃ.

311-3. **Sujanti** homadabbiṃ **paggaṇhantesūti** juhanatthaṃ gaṇhanakesu, irubbijjesūti attho. **Paṭhamo vāti** tattha sannipatitesu yajanakiriyāyaṃ sabbapadhāno vā. **Dutiyo vāti** tadanantaro vā. “**Suja**”nti karaṇe etaṃ upayogavacananti āha “**sujāyā**”ti. Aggihuttapamukhatāya yaññassa yaññe diyyamānaṃ sujāmukhena dīyatīti āha “**sujāya diyyamāna**”nti. **Porāṇāti** aṭṭhakathācariyā. **Visesatoti** vijjācaraṇavisesato, na brāhmaṇehi icchitavijjācaraṇamattato. **Uttamabrāhmaṇassāti** anuttaradakkhiṇeyyatāya ukkaṭṭhabrāhmaṇassa. **Brāhmaṇasamayanti** brāhmaṇasiddhantaṃ. **Mā bhindi** mā vināsesi.

316. **Samasamoti** samoyeva hutvā samo. Hīnopamavasenapi samatā vuccatīti taṃ nivattento “**ṭhapetvā ekadesasamatta**”ntiādīmāha. **Kulakoṭiparidīpananti** kulaādīparidīpanaṃ **athāpi siyāti** athāpi tumhākaṃ evaṃ parivittakko siyā. **Brāhmaṇabhāvaṃ sādheti** vaṇṇo. **Mantaṭṭisupi** eseva nayo. **Silameva sādhesati** brāhmaṇabhāvaṃ. Kasmāti ce? Āha “**tasmīñhissā**”tiādi. **Sammohamattaṃ vaṇṇādayoti** vaṇṇamantaṭṭisūti hi brāhmaṇabhāvassa aṅganti sammohamattametaṃ asamavekkhitābhimānabhāvato.

### Sīlapaññākathāvaṇṇanā

317. **Kathito brāhmaṇena pañhoti** “sīlavā ca hotī”tiādīnā dvinnameva aṅgānaṃ vasena yathāpucchito pañho yathāvato vissajjito **etthāti** etasmīṃ yathāvissajjite atthe. **Tassāti** soṇadaṇḍassa. **Sīlaparisuddhāti** sīlasampattiyā sabbaso suddhā anupakkilīṭṭhā. **Kuto dussile paññā** asamāhitattā tassa. **Jaḷe eḷamūge kuto sīlanti** jaḷe eḷamūge duppaññe kuto sīlaṃ sīlavibhāgassa, sīlaparisodhanūpāyassa ca ajānato. Pakatṭhaṃ ukkaṭṭhaṃ ṇāṇaṃ paññāṇanti, pakatikam ṇāṇaṃ nivattetuṃ “paññāṇa”nti vuttanti tayidaṃ pakārehi jānato **paññāvāti** āha “**paññāṇanti paññā yevā**”ti.

**Sīlenadhotāti** samādhīpadatṭhānena sīlena sakalasaṃkilesamalavisuddhiyā dhotā visuddhā, tenāha “**kathaṃ panā**”tiādi. Tattha **dhovattīti** sujijhati. **Mahāsaṭṭhivassatthero viyāti** saṭṭhivassamahāthero viya. **Vedanāpariggahamattampīti** ettha **vedanāpariggaho** nāma yathāuppannaṃ vedanaṃ sabhāvarasato upadhāretvā “ayaṃ vedanā phassaṃ paṭicca, so phasso anicco dukkho vipariṇāmadhammo”ti lakkhaṇattayaṃ āropetvā pavattitavipassanā. Evaṃ vipassantena “sukhena sakkā sā vedanā adhvāsetuṃ “vedanā eva vediyatī”ti. **Vedanaṃ vikkhambhetvāti** yathāuppannaṃ dukkhaṃ vedanaṃ ananuvattitvā vipassanaṃ ārabhitvā vīthiṃ paṭipannāya vipassanāya taṃ vinodetvā. **Saṃsumārapatitenāti** kumbhīlena viya bhūmiyaṃ urena nipajjanena. **Paññāya sīlaṃ dhovitvāti** akhaṇḍādībhāvāpādanena sīlaṃ ādimajjhāpariyosānesu paññāya suvisodhitam katvā.

318. “**Kasmā āhā**”ti uparidesanāya kāraṇaṃ pucchati. **Lajjā** nāma “sīlassa jātiyā ca guṇadosapakāsanena samaṇena gotamena pucchitapañhaṃ vissajjesī”ti parisāya paññātata. **Ettakaparamāti** ettakaukkamsakoṭikā pañca sīlāni, vedattayavibhāvanaṃ paññaṇca lakkhaṇādīto niddhāretvā jānanaṃ natthi, kevalaṃ tattha vacīparamā mayanti dassetīti āha “**sīlapaññāṇanti vacanameva paramaṃ amhāka**”nti. “**Ayaṃ pana viseso**”ti idaṃ niyyātanāpekkhaṃ sīlaniddese, tenāha “**sīlamicceva niyyātita**”nti. Sāmaññaphale pana “sāmaññaphala” micceva niyyātitaṃ, paññāniddese pana jhānapaññaṃ adhiṭṭhānaṃ katvā vipassanāpaññāvaseneva paññāniyyātanam kataṃ, tenāha “**paṭhamajjhānādīni**”ti.

### Soṇadaṇḍaupāsakattapaṭivedanākathāvaṇṇanā

321-2. **Nattāti** puttaputto. Agāraṃ nāma natthi, na cāyaṃ bhagavati agāravena “ahañceva kho panā”tiādīmāha, atha kho attalābhāparihānibhayaena. Ayañhi yathā tathā attano mahājanassa sambhāvanaṃ uppādetvā kohaññena pare vimhāpetvā lābhuppādaṃ nijjigisanto vicarati, tasmā tathā avoca, tenāha “**iminā kirā**”tiādi.

**Taṅkhaṇānurūpāyāti** yādisi tadā tassa ajjhāsayaṃpavatti, tadanurūpāyāti attho. Tassa tadā tādisassa vivaṭṭasannissitassa ṇāṇassa paripākassa abhāvato kevalaṃ abbhudayanissito eva attho dassitoti āha “**diṭṭhadhammikasamparāyikamatthaṃ sandassetvā**”ti, paccakkhato vibhāvetvāti attho. **Kusale dhammeti** tebhūmake kusale dhamme, “catubhūmake”tipi vattum vaṭṭatiyeva, tenevāha “āyatim nibbānatthāya vāsānābhāgiyā vā”ti. **Tatthāti** kusalahamme yathā samādapite. Nanti brāhmaṇaṃ **samuttejetvāti** sammadeva uparūpari nisānetvā puññakiriyāya tikkhavisadabhāvaṃ āpādetvā. Taṃ pana atthato tattha ussāhajānaṃ hotīti āha “**saussāhaṃ katvā**”ti. Evaṃ puññakiriyāya saussāhatā, evarūpaṃ guṇasamaṅgītā ca niyamato diṭṭhadhammikā atthasampādanīti evaṃ **saussāhatāya, aññehi ca** tasmīṃ **vijjāmanagūṇehi sampahaṃsetvā** sammadeva haṭṭhatuṭṭhabhāvaṃ āpādetvā.

Yadi bhagavā dhammaratanavassam vassi, atha kasmā so visesaṃ nādhigacchatīti āha “**brāhmaṇo panā**”tiādi. Yadi evaṃ kasmā bhagavā tassa tathā dhammaratanavassam vassīti āha “**kevalamassā**”tiādi. Na hi bhagavato niratthakā desanā hotīti.

Soṇadaṇḍasuttavaṇṇanāya līnatthappakāsānā.

## 5. Kūṭadantasuttavaṇṇanā

**323. Purimasuttadvayeti** ambaṭṭhasonadaṇḍasuttadvaye. **Vuttanayamevā**ti yaṃ tattha āgatasadisam idhāgataṃ taṃ atthavaṇṇanato vuttanayameva, tattha vuttanayeneva vedītabbanti attho. “Taruṇo ambarukkho ambalaṭṭhikā”ti (dī. ni. aṭṭha. 1.2) brahmajālasuttavaṇṇanāyaṃ vuttanti āha “**ambalaṭṭhikā brahmajāle vuttasadisāvā**”ti.

Yaññāvātaṃ sampādetvā mahāyaññaṃ uddissa saviññānakāni, aviññānakāni ca yaññūpakaṇaṇi upaṭṭhapitānīti vuttaṃ pāḷiyaṃ “mahāyañño upakkhaṭo”ti, taṃ upakkharaṇaṃ tesam tathāsajjananti āha “**upakkhaṭo sajjito**”ti. **Vacchatarasatānī**ti yuvabhāvappattāni balavavacchasatāni, te pana vacchā eva honti, na dammā balibaddā cāti āha “**vacchasatānī**”ti. **Eteti** usabhādayo urabbhāpariyosānā. **Anekesanti** anekajātikānaṃ. Saṅkhyāvasena anekatā sattasataggahaṇeneva paricchinnā. **Migapakkhīnanti** mahimsarurupasadakuruṅgakaṇṇamigānaṇceva morakapīṇjaratittirakapotādipakkhīnaṇca.

**328.** Yaññasaṅkhātassa puññassa yo saṃkilesa, tassa nivāraṇato nisedhanato **vidhā** vuccanti vippaṭisāravīnodanā. Tato eva tā taṃ puññābhisaṇḍaṃ avicchindītvā ṭhapentīti “**ṭhapanā**”ti vuttā. Tāsam pana yaññassa ādimajjhāpariyosānavasena tīsu kālesu pavattiyā yañño tiṭṭhapanoti āha “**tiṭṭhapananti attho**”ti. Parikkharonti abhisankharontīti **parikkhārā**, parivārāti vuttaṃ. “**Soḷasaparikkhāranti soḷasaparivāra**”nti.

### Mahāvijitarājayaññakathāvaṇṇanā

**336. Pubbacaritanti** attano purimajātisambhūtaṃ bodhisambhārahūtaṃ puññacariyaṃ. Tathā hissa anugāminova nidhissa thāvaro nidhi nidassito. Adḍhatā nāma vibhavasampannatā, sā taṃ taṃ upādāyupādāya vuccatīti āha “**yo koci attano santakena vibhavana adḍho hoti**”ti. Tathā mahaddhanatāpīti taṃ ukkaṃsagataṃ dassetuṃ “**mahatā aparimāṇasaṅkhyena dhanena samannāgato**”ti vuttaṃ. Bhuñjītabbato paribhuñjītabbato visesato kāmā **bhogo** nāmāti āha “**pañcakāmaguṇavasena**”ti. **Piṇḍapiṇḍavasena**ti bhājanālaṅkāradivibhāgaṃ ahutvā kevalaṃ khaṇḍakhaṇḍavasena.

**Māsakādīti ādi**-saddena thālakādīṃ saṅgaṇhāti. **Bhājanādīti ādi**-saddena vatthaseyyāvasathādiṃ saṅgaṇhāti. Suvaṇṇarajatamaṇimuttāveḷuriyavajirapavāḷāni “**sattaratanānī**”ti vadanti. Sālivīhiādi **pubbaṇṇaṃ** purakkhatamassaphalanti katvā. Tabbipariyāyato muggamāsādi **aparaṇṇaṃ. Devasikaṃ...pe... vasena**ti divase divase paribhuñjītabbadātābbavaḍḍhetabbādividhinā parivattanakadhadhaññavasena.

Koṭṭhaṃ vuccati dhaññassa āṭhapanatṭhānaṃ, koṭṭhabhūtaṃ agāraṃ **koṭṭhāgāraṃ** tenāha “**dhaññena...pe... gāro cā**”ti. Evaṃ sārāgabbhaṃ “koso”ti, dhaññassa āṭhapanatṭhānaṇca “koṭṭhāgāra”nti dassetvā idāni tato aññathā taṃ dassetuṃ “**atha vā**”tiādi vuttaṃ. Tattha yathā asino tikkhabhāvaparīhārato paricchado “koso”ti vuccati, evaṃ rañño tikkhabhāvaparīhāraṇatā caturaṅginī senā “koso”ti āha “**catubbidho koso hatthī assā rathā patti**”ti. “**Vatthakoṭṭhāgāraggaṇe**na sabbassāpi bhaṇḍatṭhapanatṭhānaṇca gahitattā tividhaṃ koṭṭhāgāranti vuttaṃ. “**Idaṃ evaṃ bahu**”ntiādi rājā tamatthaṃ jānantova bhaṇḍāgārikena kathāpetvā parisāya nissaddabhāvāpādanatthaṇca āha evaṃ me pakatikkhobho na bhavissatīti.

**337-8. Brāhmaṇo cintesi** janapadassa anupaddavatthaṇceva yaññassa ca cirānupavattanatthaṇca, tenāha “**ayaṃ rājā**”tiādi.

Sattānaṃ hitassa sukhassa ca vidūsanato ahitassa dukkhassa ca āvahanato corā eva kaṇṭakā, tehi **corakaṇṭakehi**. Yathā gāmvāsīnaṃ ghātā gāmaghātā, evaṃ panthikānaṃ duhanā vibādhanā **panthaduhanā. Adhammakārī**ti dhammato apetassa ayuttassa karaṇasīlo, attano vijīte janapadādīnaṃ tato anathato tāyanena khattīyo yo khattadhammo, tassa vā akaraṇasīloti attho. Dassavo eva khīlasadisattā **dassukhīlam**. Yathā hi khetto khīlam kasanādīnaṃ sukhappavattīṃ, mūlasantānena sassassa buddhiṇca vibandhati, evaṃ dassavo rajje rājāṇāya sukhappavattīṃ, mūlavīruḷhiyā janapadānaṃ paribuddhiṇca vibandhati. Tena vuttaṃ “dassavo eva khīlasadisattā dassukhīla”nti. **Vadha**-saddo hiṃsanatthopi hotīti vuttaṃ “**māraṇena vā koṭṭānena vā**”ti. **Addubandhanādīnā**ti ādi-saddena rajjubandhanasaṅkhalikabandhanādīṃ saṅgaṇhāti. **Jānīyā**ti dhanajānīyā, tenāha “**sataṃ gaṇhathā**”tiādi. **Pañcasikhamaṇḍakaraṇanti** kākapakkhakarānaṃ. **Gomayasiñcananti** sīse chakaṇodakāvasecanam. **Kudaṇḍakabandhananti** gaddulabandhanam. **Evaṃādīnīti ādi**-saddena khuramaṇḍaṃ karitvā bhasmapuṭapothanādīṃ saṅgaṇhāti. **Ūhanissāmīti** uddharissāmī, apanessāmīti attho. **Ussahantīti** pubbe tattha kataparicayatāya ussāhaṃ kātuṃ sakkontī. **Anuppadetūti** anu anu padetu, tenāha “**dinne appahonte**”tiādi. Sakkhikaraṇapaṇṇāropanāni vaḍḍhiyā saha vā vinā vā puna gahetukāmassa, idha pana taṃ natthīti āha “**sakkhīṃ**

**akatvā**”tiādi, tenāha “**mūlacchejjavasenā**”ti. Pakārato bhaṇḍāni ābharati sambharati paricayati etenāti **pābhatam**, bhaṇḍamūlam.

Divase divase dātabbabbhattam **devasikabbhattam**. “Anumāsaṃ, anuposatha”ntiādinā dātabbamaṃ vetanaṃ **māsikādiparibbayaṃ**. Tassa tassa kulānurūpena kammānurūpena sūrabhāvānurūpenāti paccekamaṃ anurūpa-saddo yojetabbo. Senāpaccādi **ṭhānantaram**. Sakakammapasutattā, anupaddavattā ca **dhanadhaññānaṃ rāsiko** rāsikārabhūto. **Khemena ṭhitāti** anupaddavena pavattā, tenāha “**abhayā**”ti, kutocipi bhayarahitāti attho.

#### Catuparikkhāraṇṇā

339. Tasmim tasmim kicce anuyanti anuvattantīti anuyantā, anuyantā eva **ānuyantā** yathā “anubhāvo eva ānubhāvo”ti. **Assāti** rañño. **Teti** ānuyantakhattiyādayo. **Attamanā na bhavissanti** “amhe ettha bahi karotī”ti. Nibandhavipulāgamo gāmo **nigamo**, vivaḍḍhitamahāyo mahāgāmoti attho. **Janapada**-saddo heṭṭhā vuttattho eva. Channaṃ pakatīnaṃ vasena rañño hitasukhābhībuddhi, tadekadesā ca ānuyantādayoti vuttaṃ “**yaṃ tumhākaṃ anujānanaṃ mama bhaveyya dīgharattaṃ hitāya sukhāya**”ti.

Amā saha bhavanti kiccesūti **amaccā**, rajjakiccavosāsanakā. Te pana rañño piyā, sahapavattanakā ca hontīti āha “**piyasahāyaka**”ti. Rañño parisati bhavāti **pārisajjā**, te pana keti āha “**sesā āṇattikarā**”ti, yathāvuttaānuyantakhattiyādī hi avasesā rañño āṇakarāti attho. Satipi deyyadhamme ānubhāvasampattiya, parivārasampattiya ca abhāve tādisaṃ dātuṃ na sakkā, vuḍḍhakāle ca tādīsānampi rājūnaṃ tadubhayaṃ hāyatevāti āha “**mahallakakāle...pe... na sakkā**”ti. **Anumatiyāti** anujānana, **pakkhāti** sapakkhā yaññassa aṅgabhūta. Parikkharontīti **parikkhārā**, sambhārā. Ime tassa yaññassa aṅgabhūta parivārā viya hontīti āha “**parivārā bhavanti**”ti.

#### Aṭṭhparikkhāraṇṇā

340. **Yasasāti** ānubhāvena, tenāha “**āṇāṭhapanasamatthatāyā**”ti. **Saddahatīti** “dātā dānassa phalaṃ paccanubhotī”ti pattiyāyati. Dāne sūroti **dānasūro** deyyadhamme īsakampi saṅgaṃ akatvā muttacāgo. Svāyamattho kammassakataññāssa tikkhavisadabhāvena veditabbo, tenāha “**na saddhāmattakenevā**”tiādi. Yassa hi kammassakatā paccakkhato viya upaṭṭhāti, so evaṃ vutto. **Yaṃ dānaṃ detīti** yaṃ deyyadhammaṃ parassa deti. **Tassa pati hutvāti** tabbisayaṃ lobhaṃ suṭṭhu abhībhavanto tassa adhipatī hutvā deti anadhībhanīyattā. “Na dāso, na sahāyo”ti vatvā tadubhayaṃ anvayato, byatirekato ca dassetuṃ “**yo hi**”tiādi vuttaṃ. **Dāso hutvā deti** taṇhāya dānassa dāsabyataṃ upagattā. **Sahāyo hutvā deti** tassa piyabhāvānissajjanato. **Sāmī hutvā deti** tattha taṇhādāsabyato attānaṃ mocetvā abhībhuyya pavattanato. Sāniparibhogasadisā hetassāyaṃ pavattatīti.

**Samitapāpā samaṇā, bāhitapāpā brāhmaṇā** ukkaṭṭhaniddesena, pabbajjāmatasamaṇā jātimattabrāhmaṇā pana **kapaṇādiggahaṇevettha gahitāti** adhippāyo. **Duggatāti** dukkarajīvikaṃ upagatā kasiravuttikā, tenāha “**daliddamanussā**”ti. **Addhikāti** addhānamaggagāmino. **Vaññibakāti** dāyakanāṃ guṇakittanavasena, kammaphalakittanamukhena ca yācanakā seyyathāpi naggacariyādayo, tenāha “**iṭṭhaṃ dīna**”ntiādi. “**Pasatamatta**”nti vīhitaṇḍulādivasena vuttaṃ, “**sarāvamatta**”nti yāgubhattādivasena. Opānaṃ vuccati ogāhetvā pātābato naditaḷakādīnaṃ sabbasādhāraṇatitthaṃ opānaṃ viya bhūtoti **opānabhūto**, tenāha “**udapānabhūto**”tiādi. **Sutameva sutajātanti jāta-**saddassa anathantaravācakatamāha yathā “kosajāta”nti.

Atītiādiatthacintanasamatthatā nāmassa rañño anumānavasena, itikattabbatāvasena ca veditabbā, na buddhānaṃ viya tattha paccakkhadassitāyāti dassetuṃ “**atīte**”tiādi vuttaṃ. Aḍḍhatādayo tāva yaññassa parikkhārā hontu tehi vinā tassa asijjhanato, sujātātā surūpatā pana kathanti āha “**etehi kirā**”tiādi. Ettha ca keci “yathā aḍḍhatādayo yaññassa ekaṃsato aṅgāni, na evamabhijātātā, abhirūpatā cāti dassetuṃ **kirasaddaggahaṇa**”nti vadanti “ayaṃ dujjāto”tiādi vacanassa anekantikataṃ maññamānā, tayidaṃ asāraṃ, sabbasādhāraṇavasena hesa yaññārambho tattha siyā kesañci tathāparivittakoti tassāpi avakāsābhāvādivasanaṃ tathā vuttattā. **Kira**-saddo pana tadā brāhmaṇena cintitākārasūcanattho daṭṭhabbo. **Evamādīnīti ādi**-saddena “ayaṃ virūpo daliddo appesakkho assaddho appassuto anattaññū na medhāvī”ti etesaṃ saṅgaho daṭṭhabbo.

#### Catuparikkhārādivaṇṇā

341. “**Sujaṃ paggaṇhantāna**”nti purohitassa sayameva kaṭacchuggahaṇajotanena evaṃ sahatthā, sakkaccañca dāne yuttatā icchitabbāti dasseti. **Evaṃ dujjātassāti** etthāpi heṭṭhā vuttanayeneva attho veditabbo.

342. **Tiṇṇam ṭhānānanti** dānassa ādimajjhāpariyosānabhūtasu tīsu bhūmīsū, avatthāsūti attho. **Calantīti** kampanti purimākārena na tiṭṭhanti. **Karaṇattheti** tatiyāvibhattiatthe. Kattari hetam sānivacanam karaṇīyasaddāpekkhāya. “Paccānutāpo na kattabbo”ti vatvā tassa akaraṇūpāyaṃ dassetuṃ “**pubbacetanā pana acalā patiṭṭhapetabbā**”ti vuttaṃ. Tattha **acalāti** dalhā kenaci asaṃhārā. **Patiṭṭhapetabbāti** supatiṭṭhitā kātābba. Evaṃ karaṇena hi yathā tam dānaṃ sampati

yathādhippāyaṃ nippajjati, evaṃ āyatimpi vipulaphalatāyāti āha “**evañhi dānaṃ mahapphalaṃ hotīti dasseti**”ti, vippaṭṭisārena anupakkilīṭṭhabhāvato. **Muñcacetanā**ti pariccāgacetaṇā. Tassa nicalabhāvo nāma muttacāgatā pubbābhisaṅkhāravasena ulārabhāvo, samanussaraṇacetanāya pana nicalabhāvo “aho mayā dānaṃ dinnam sādhu suṭṭhū”ti tassa sakkaccaṃ paccavekkhaṇāvasena vedītabbo. **Tathā akarontassā**ti muñcacetaṇaṃ, tathā paccāsamanussaraṇacetanaṇca vuttanayena nicalaṃ akarontassa vippaṭṭisāraṃ uppādentassa. Khettaṃviseṣe pariccāgassa katattā laddhesupi **ulāresu bhogesu cittaṃ nāpi namati**. Yathā kathanti āha “**mahāroruvaṃ upapannassa seṭṭhigahapatino viyā**”ti.

So kira tagarasikhim paccekabuddhaṃ attano gehadvāre piṇḍāya ṭhitam disvā “imassa samaṇassa piṇḍapātaṃ dehi”ti bhariyaṃ ānāpetvā rājupaṭṭhānatthaṃ pakkāmi. Seṭṭhibhariyā sappaññajātikā, sā cintesi “mayā ettakena kālena imassa dethā”ti vacanamattaṃ pissa na sutapubbaṃ, ayaṇca maññe ahoṣi paccekasambuddho, yathā tathā adatvā paṇītaṃ piṇḍapātaṃ dassāmi”ti upagantvā paccekasambuddhaṃ pañcapaṭṭiṭṭhena vanditvā pattaṃ ādāya antonivesane paññattāsane nisīdāpetvā parisuddhehi sālitaṇḍulehi bhattaṃ sampādetvā tadanurūpaṃ khādanīyaṃ, byañjanaṃ, sūpeyyaṇca abhisāṅkharitvā bahi gandhehi alaṅkaritvā paccekasambuddhassa hatthesu paṭiṭṭhapetvā vandī. Paccekabuddho “aññesampi paccekabuddhānaṃ saṅghaṃ karissāmi”ti aparibhuñjitvāva anumodanaṃ katvā pakkāmi. Sopi kho seṭṭhi rājupaṭṭhānaṃ katvā āgacchanto paccekabuddhaṃ disvā ahaṃ “tumahākaṃ piṇḍapātaṃ dethā”ti vatvā pakkanto, api vo laddho piṇḍapātoti. Āma seṭṭhi laddhoti. “Passāma”ti gīvaṃ ukkhipitvā olokesi. Athassa piṇḍapātagandho utṭhahitvā nāsapuṭaṃ pūresi. So “mahā vata me dhanabyayo jāto”ti cittaṃ sandhāretuṃ asakkonto pacchā vippaṭṭisārī ahoṣi. Vippaṭṭisārassa pana uppānākāro “varameta”ntiādīnā (saṃ. ni. 1.131) pālīyaṃ āgatoyeva. Bhātu paṇāyaṃ ekaṃ puttakaṃ sāpateyyakāraṇā jīvitā voropesi, tena mahāroruvaṃ upapano. Piṇḍapātaḍānena panesa sattakkhattuṃ saggatim saggam lokaṃ upapano, sattakkhattumeva ca seṭṭhikule nibbato, na cāssa ulāresu bhogesu cittaṃ namī, tena vuttaṃ “nāpi ulāresu bhogesu cittaṃ namati”ti.

**343.** Ākaroti attano anurūpatāya samariyādaṃ saparicchedaṃ phalaṃ nibbattetīti **ākāro**, kāraṇanti āha “**dasahi ākārehīti dasahi kāraṇehī**”ti. **Paṭiggāhakato vā**ti balavataro hutvā uppajjamāno paṭiggāhakatova uppajjati, itaro pana deyyadhammato, parivārajanatopi uppajjeyyeva. **Uppajjitum yuttanti** uppajjanārahaṃ. **Tesamyeva** paṇātipātīnaṃ. Yajanaṃ nāmettha dānaṃ adhippetam, na aggijuhananti āha “**yajataṃ bhavanti detu bhava**”nti. **Vissajjati**ti muttacāgavasena vissajjatu. **Abbhantaranti** ajjhattam, sakasantāneti attho.

**344.** Heṭṭhā soḷasa parikkhārā vuttā yaññassa te vatthuṃ katvā, idha pana sandassanādivasena anumodanāya āradhattā vuttaṃ “**soḷasahi ākārehī**”ti. **Dassetvā** attano desanānubhāvena paccakkhato viya phalaṃ dassetvā, anekavāraṃ pana kathanato ca āmedītavacanaṃ. **Tamatthanti** yathāvuttaṃ dānaphalavasena kammaphalasambandhaṃ. **Samādāpetvā**ti sutamattameva akatvā yathā rājā tamatthaṃ sammadeva ādiyati citte karonto suggahitaṃ katvā gaṇhāti, tathā sakkaccaṃ ādāpetvā. Āmedītakāraṇaṃ heṭṭhā vuttameva.

“**Vippaṭṭisāravīnanenā**”ti idaṃ nidassanamattaṃ lobhadosaṃmohaissāmacchariyamānādayopi hi dānacittassa upakkilesā, tesam vinodanānapi taṃ samuttejitaṃ nāma hoti tikkhavisadabhāvappattito. Āsannatarabhāvato vā vippaṭṭisārassa tabbinodanameva gahitaṃ, pavattitepi hi dāne tassa sambhavato. Yathāvato vijjamānehi guṇehi tuṭṭhapahaṭṭhabhāvāpādanam sampahaṃsananti āha “**sundaraṃ te...pe... thutiṃ katvā kathesi**”ti. **Dhammatoti** saccato. Saccañhi dhammato anāpetattā dhammaṃ, upasamacariyābhāvato samaṃ, yuttabhāvena kāraṇanti ca vuccatīti.

**345.** Tasmim yaññe rukkhatīnacchedopi nāma nāhoṣi, kuto paṇavadhōti paṇavadhābhāvasseva dalhīkaraṇatthaṃ sabbaso viparītāgāhāvīdūsitaṇcassa dassetuṃ pālīyaṃ “neva gāvo haññimsū”ti ādiṃ vatvāpi “na rukkhaṃ chijjimsū”tiādi vuttaṃ, tenāha “**kiṃ pana gāvo**”tiādi. **Barīhisatthāyāti** paricchedanatthāya. **Vanamālāsāṅkhepenāti** vanapupphehi ganthitamālāniyāmena. **Bhūmiyaṃ vā pattharantīti** vedibhūmim parikkhipantā tathā pantharanti. **Antogehadāsādayoti** antojātadhanakkītakaramarānītasayaṃdāsā. **Pubbamevāti** bhaticaraṇato pageva. **Gahetvā karontīti** divase divase gahetvā karonti. **Tajjitāti** gajjitā. **Piyasamudācārenevāti** iṭṭhavacānena. **Phāṇitena cevāti** ettha ca-saddo avuttasamuccayatto, tena paṇītaṇṭīnaṃ nānappakāraṇaṃ khādanīyabhojanīyādīnaṇciva vatthamālāgandhāvilēpanayānaseyyādīnaṇca saṅgho daṭṭhabbo, tenāha “**paṇītehi sappitelādisammissevā**”tiādi.

**346.** Saṃ nāma dhanam, tassa patīti sapatī, dhanavā. Diṭṭhadhammikasamparāyīkahitāvahattā tassa hitanti **sāpateyyam**, tadeva dhanam. Tenāha “**pahūtaṃ sāpateyyam ādāyāti bahum dhanam gahetvā**”ti. **Gāmahāgenāti** saṅkittanavasena gāme vā gahetabbabhāgena.

**347.** “**Yāgum pivivā**”ti yāgusīsenā pātārāsabhojanamāha. **Puratthimena yaññavāṭassāti** rañño dānasālāya nātidūre puratthimadisābhāgeti attho, yato tathā pātārāsaṃ bhūñjitvā akilantarūpāyeva sāyanhe sālāṃ pāpuṇanti “**dakkhiṇena yaññavāṭassā**”ti ādisupi eseva nayo.

**348.** **Parihārenāti** bhagavantaṃ garuṃ katvā agāravaparihārena.

### Niccadānaanukulayaññaṅgaṇā

**349. Uṭṭhāya samuṭṭhāyāti** dāne uṭṭhānavīriyaṃ sakkaccaṃ katvā. **Appasambhārataroti** ativiya parittasambhāro. Samārabhīyati yañño etehīti samārambhā, sambhārasambharaṇavasena pavattasattapīlā. **Appaṭṭhataroti** pana ativiya appakiccoti attho. Vipākasaññītaṃ atisayena mahantaṃ sadisaphalaṃ etassāti **mahapphalataro**. Udayasaññītaṃ atisayena mahantaṃ nissandādiphalaṃ etassāti **mahānisamsataro**. **Dhuvadānānīti** dhuvāni thirāni acchinnāni katvā dātabbādānāni. **Anukulayaññānīti** anukulaṃ kulānukkamaṃ upādāya dātabbādānāni, tenāha “**amhāka**”ntiādi. **Nibaddhadānānīti** nibandhetvā niyametvā paveṇīvasena pavattitadānāni.

Hatthidantena pavattitā **dantamayasalākā**, yattha dāyakānaṃ nāmaṃ aṅkanti. **Raṇṇoti** setavāhanarañño.

**Ādīnīti ādi**-saddena “seno viya maṃsapesiṃ kasmā okkhanditvā gaṇhāsī”ti evamādīnaṃ saṅgaho. Pubbacetanāmuñcacetanāparacetanāsampattiyā dāyakassa vasena tīṇi aṅgāni, vītarāgatāvītadosatāvītamohatāpaṭipattiyā dakkhiṇeyyassa vasena tīṇīti evaṃ **chalaṅgasamannāgatāya dakkhiṇāya**. Aparāparaṃ uppajjanakacetanāvasena mahānadi viya, mahogho viya ca ito cito ca abhisanditvā okkhanditvā pavattiyā puññameva **puññābhisando**.

**350. Kiccariyosānaṃ natthi** divase divase dāyakassa byāpārāpajjanato, tenāha “**ekenā**”tiādi. **Kiccariyosānaṃ atthi** yathāraddhassa āvāsassa katipayenāpi kālena parisamāpetabbato, tenāha “**paṇṇasāla**”ntiādi. **Suttantapariyāyēnāti** suttantapālinayena. (Ma. ni. 1.12, 13; a. ni. 2.58) **nava ānisamsāti** sītapāṭighātādayo paṭisallānārāmapariyosānā nava udayā. Appamattatāya cete vuttā.

Yasmā āvāsaṃ dentena nāma sabbampi paccayajātaṃ dinnameva hoti. Dve tayo gāme piṇḍāya caritvā kiñci aladdhā āgatassapi chāyūdakasampannaṃ āramaṃ pavisitvā nhāyitvā patissaye muhuttaṃ nipajjitvā uṭṭhāya nisinnassa kāye balaṃ āharitvā pakkhittaṃ viya hoti. Bahi vicarantassa ca kāye vaṇṇadhātu vātātapehi kilamati, patissayaṃ pavisitvā dvāraṃ pidhāya muhuttaṃ nipannassa visabhāgasantati vūpasammaṃti, sabhāgasantati patiṭṭhāti, vaṇṇadhātu āharitvā pakkhittā viya hoti. Bahi vicarantassa ca pāde kaṇṭako vijjhati, khāṇu paharati, sarīsapādiparissayā ceva corabhayañca uppajjati, patissayaṃ pavisitvā dvāraṃ pidhāya nipannassa sabbe te parissayā na honti, sajjhāyantassa dhammapītisukhaṃ, kammaṭṭhānaṃ manasi karontassa upasamasukhañca uppajjati bahiddhā vikkhepābhāvato. Bahi vicarantassa ca kāye sedā muccanti, akkhīni phandanti, senāsaṃ pavisanakkhaṇe mañcapīṭhādīni na paññāyanti, muhuttaṃ nisinnassa pana akkhīnaṃ pasādo āharitvā pakkhitto viya hoti, dvāravātapānāmañcapīṭhādīni paññāyanti. Etasmiñca āvāse vasantaṃ disvā manussā catūhi paccayehi sakkaccaṃ upaṭṭhahanti. Tena vuttaṃ “āvāsaṃ dentena nāma sabbampi paccayajātaṃ dinnameva hotī”ti, tasmā ete yathāvuttā sabbepi ānisamsā veditabbā. Tena vuttaṃ “appamattatāya cete vuttā”ti.

**Sītanti** ajjhataṃ dhātukkabhavasena vā bahiddhā utuvipariṇāmasena vā uppajjanakasītaṃ. **Uḥanti** aggisantāpaṃ, tassa vanaḍāhādīsu (vanadāhādīsu vā sāratta. ṭī. cūlavagga 3.295) sambhavo veditabbo. **Paṭihantīti** paṭibāhati, yathā tadubhayavasena kāyacittānaṃ bādhaṃ na hoti, evaṃ karoti. Sītuḥabbhāhate hi sarīre vikkhittacitto bhikkhu yoniso padahitūṃ na sakkoti. **Vālamigānīti** sīhabyagghādicaṇḍamige. Guttasenāsanañhi āraññakampi pavisitvā dvāraṃ pidhāya nisinnassa te parissayā na hontīti. **Sarīsapeti** ye keci sarante gacchante dīghajātike sappādike. **Makaseti** nidassanamattametaṃ, ḍaṃsādīnampi etesveva (etaneva sāratta. ṭī. cūlavagga 3.295) saṅgaho daṭṭhabbo. **Sisireti** sisirakālavasena, sattāhavaddalikādivasena ca upanne sisirasamphasse. **Vuṭṭhiyoti** yadā tadā uppānā vassavuṭṭhiyo paṭihanatīti yojanā.

**Vātāpo ghoroti** rukkhagacchādīnaṃ ummulabhañjanādivasena pavattiyā ghorō sarajaarajādibhedo vāto ceva gimhaparilāhasamayesu uppattiyā ghorō sūriyātaṃ ca. **Paṭihaññatīti** paṭibāhiyati. **Leṇatthanti** nānārammaṇato cittaṃ nivattetvā paṭisallānārāmatthaṃ. **Sukhatthanti** vuttaparissayābhāvena phāsuvihāratthaṃ. **Jhāyitunti** aṭṭhatimsāya ārammaṇesu yattha katthaci cittaṃ upanibandhitvā upanijjhāyitūṃ. **Vipassitunti** aniccādito saṅkhāre sammasitūṃ.

**Vihāreti** patissaye. **Kārayeti** kāraṇeyya. **Rammeti** manorame nivāsasukhe. **Vāsayettha bahussuteti** kāretvā pana ettha vihāresu bahussute silavante kalyāṇadhamme nivāseyya, te nivāsento pana tesam bahussutānaṃ yathā paccayehi kilamatho na hoti, evaṃ **annañca pānañca vatthasenañānāni ca dadeyya ujubhūtesu** ajjhāsayasampannesu kammakammaphalānaṃ, ratanattayaguṇānañca saddahanena **vippasannena cetasā**.

Idāni gahaṭṭhapabbajitānaṃ aññamaññūpakāritaṃ dassetuṃ “**te tassā**”ti gāthamāha. Tattha **teti** bahussutā. **Tassāti** upāsakassa. **Dhammaṃ desentīti** sakalavattadukkhapanūdanaṃ saddhammaṃ desenti. **Yaṃ so dhammaṃ idhaññāyāti** so upāsako yaṃ saddhammaṃ imasmiṃ sāsane sammāpaṭipajjanena jānitvā aggamaggādhigamena **anāsavo** hutvā **parinibbāti** ekādasaggivūpasamena sīti bhavati.

Sītapāṭighātādayo vipassanāvasānā terasa, annādilābho, dhammassavanaṃ, dhammāvabodho, parinibbānanti evaṃ **sattarasa**.

**351. Attano santakāti** attaniyā. **Duppariccajanam** lobham niggaṇhitum asakkontassa. Saṅghassa vā gaṇassa vā santiketī yojanā. **Tatthāti** yathāgahite saraṇe. **Natthi punappunam kattabbatā** viññūjātikassāti adhippāyo. **“Jivitapariccāgamayam puñña”**nti “sace tvam na yathāgahitam saraṇam bhindissati, evāham tam māremī”ti yadipi koci tiṅhena satthena jivitā voroṇe, tathāpi “nevāham buddham na buddhoti, dhammam na dhammoti, saṅgham na saṅghoti vadāmī”ti dalhataram katvā gahitasaraṇassa vasena vuttam.

**352.** Saraṇam upagatena kāyavācācettehi sakkaccam vatthuttayapūjā kātabbā, tattha ca saṃkilesa parihaṇitabbo, sikkhāpadāni pana samādānamattam, sampattavattuto viramaṇamattañcāti saraṇagamanato sīlassa appaṭṭhataratā, appasamārambhataratā ca veditabbā. Sabbesam sattānam jīvitadānādina daṇḍanidhānato, sakalalokiyalokuttaragaṇādhiṭṭhānato cassa mahapphalamahānisamsataratā daṭṭhabbā.

Vakkhamānanayena ca verahetutāya veram vuccati pāṇātipātādipāpadhammo, tam maṇati “mayi idha ṭhitāya katham āgacchasi”ti tajjentī viya nīharatīti **veramaṇī**, tato vā pāpadhammato viramati etāyati “viramaṇī”ti vattabbe niruttinayena ikārassa ekāram katvā **“veramaṇī”**ti vuttā. Asamādinnaṣīlassa sampattato yathāupaṭṭhitavītikkamitabbavattuto virati **sampattavirati**. Samādānavasena uppanā virati **samādānavirati**. Setu vuccati ariyamaggo, tappariyāpannā hutvā pāpadhammānam samucchadavasena ghātanavirati **setughātavirati**. Idāni tisso viratiyo sarūpato dassetuṃ **“tatthā”**tiādi vuttam. **Pariharatīti** avītikkamavasena parivajjeti. **Na hanāmīti** ettha **iti**-saddo ādiattho, tena “adinnaṃ nādiyāmī”ti evam ādinaṃ saṅgaho, **vā**-saddena vā, tenāha **“sikkhāpadāni gaṇhantassā”**ti.

**Maggasampayuttāti** sammāditṭhiyādimaggasampayuttā. Idāni tāsam viratīnam ārammaṇato vibhāgam dassetuṃ **“tatthā”**tiādi vuttam. **Purimā dveti** sampattasamādānaviratiyo. **Pacchimāti** setughātavirati. **Sabbānīpi bhinnāni honti** ekajjham samādinnaṭṭā. **Tadeva bhijjati** visuṃ visuṃ samādinnaṭṭā. Gahaṭṭhavasena cetam vuttam. **Bhedo nāma natthi** paṭipakkhasamucchindanena akuppasabhāvattā, tenāha **“bhavantarepi”**ti. **Yonisiddhanti** manussatiracchānānam uddham tiriyaeva dīghatā viya jātisiddhanti attho. Bodhisatte kucchigate bodhisattamātusīlam viya dhammatāya sabhāveneva siddham **dhammatāsiddham**, maggadhammatāya vā ariyamaggānubhāvena siddham **dhammatāsiddham**. **Diṭṭhiujukaraṇam nāma bhāriyam** dukkham, tasmā saraṇagamanam sikkhāpadasamādānato mahāṭṭhatarameva, na appaṭṭhataranti adhippāyo. **Yathā tathā vā gaṇhantassāpīti** ādaragāraṇam akatvā samādiyantassāpi. **Sādhukam gaṇhantassāpīti** sakkaccam sīlāni samādiyantassāpi, na diguṇam, tiguṇam vā ussāho karaṇīyo.

Abhayadānatāya sīlassa dānabhāvo, anavasesam vā sattanikāyam dayati tena rakkhatīti **dānam**, sīlam. “Aggāni”ti nātattā **aggaññāni**. Cīrarattatāya nātattā **rattaññāni**. “Ariyānam sādhuṇam vaṃsāni”ti nātattā **vaṃsaññāni**. **“Porāṇāni”**tiādisu purimānam etāni **porāṇāni**. Sabbaso kenācīpi pakārena sādhuhi na kiṇṇāni na khittāni na chaḍḍitānīti **asañkiṇṇāni**. Ayañca nayo nesam yathā atīte, evam etarahi, anāgate cāti āha **“asañkiṇṇapubbāni na sañkiyanti na sañkiyissanti”**ti. Tato eva **appapikuṭṭhāni** na paṭikkhittāni. Na hi kadācīpi viññū samaṇabrahmaṇā hiṃsādīpāpadhammam anujānanti. **Aparimāṇānam sattānam abhayam detīti** sabbesu bhūtesu nihitadaṇḍattā sakalassāpi sattanikāyassa bhayābhāvaṃ deti. Na hi ariyasāvakato kassaci bhayaṃ hoti. **Averanti** verābhāvaṃ. **Abyāpajjhanti** niddukkhatam.

Nanu ca pañcasīlam sabbakālikam, na ca ekantato vimuttāyatanaṃ, saraṇagamanam pana buddhuppādahetukam, ekantavimuttāyatanañca, tattha katham saraṇāagamanato pañcasīlassa mahapphalatāti āha **“kiñcāpi”**tiādi. **Jeṭṭhakanti** uttamam. **“Saraṇagamaneyeva paṭiṭṭhāyā”**ti iminā tassa sīlassa saraṇagamanena abhisākhataṃmāha.

**353. Idisamevāti** evam saṃkilesam paṭipakkhameva hutvā. **Heṭṭhā vutthehi guṇehīti** ettha heṭṭhā vuttaṅgā nāma saraṇagamanam, sīlasampadā, indriyesu guttadvāratāti evam ādayo. Paṭhamajjhānam nibbattento na kilamāṭīti yojanā. **Tānīti** paṭhamajjhānādīni. **“Paṭhamajjhāna”**nti ukkaṭṭhaniddeso ayanti āha **“ekam kappā”**nti, ekam mahākappanti attho. Hīnam pana paṭhamajjhānam, majjhimañca asaṅkhyeyyakappassa tatiyam bhāgam, upaḍḍhakappañca **āyūṃ deti**. **“Dutiyaṃ aṭṭhakappe”**ti ādisupi iminā nayena attho veditabbo, mahākappavaseneva ca gahetabbam. Yasmā vā paṇṭītanīyevettha jhānāni adhippetāni mahapphalatarabhāvadassanaparattā desanāya, tasmā **“paṭhamajjhānam ekam kappā”**ntiādi vuttam. **Tadevāti** catutthajjhānameva. Yadi evam katham āruppatāti āha **“ākāsānañcāyatanādī”**tiādi.

Sammādeva nīccasaññādiṭṭhāpakkhavidhamanavasena pavattamānā pubbhāgiye eva bodhipakkhiyadhamme sammānentī vipassanā vipassakassa anappakam pītisomanassam samāvahatīti āha **“vipassanā...pe... abhāvā”**ti. Tenāha bhagavā –

“Yato yato sammasati, khandhānam udayabbayam;  
Labhatī pītipāmojjam, amataṃ tam vijānata”nti. (dha. pa. 374);

Yasmā ayaṃ desanā iminā anukkamena imāni nāṇāni nibbattentassa vasena pavattitā, tasmā **“vipassanāñāṇe paṭiṭṭhāyā nibbattento”**ti heṭṭhimam heṭṭhimam uparimassa uparimassa paṭiṭṭhābhūtam katvā vuttam. Samānarūpanimmānam nāma manomayiddhiyā aññehi asādhāraṇakiccanti āha **“attano...pe... mahapphalā”**ti. **Vikubbanadassanasamatthāyāti** hatthiassādivividharūpakaraṇam vikubbanam, tassa dassanasamatthabhāvena.

**Ichiticchitaṭṭhānaṃ** nāma purimajātīsu icchiticchito khandhappadeso. **Samāpentoti** pariyosāpento.

### **Kūṭadantaupāsakattapaṭivedanākathāvaṇṇanā**

**354-8. Sabbe te pāṇayoti** “satta ca usabhasatānī”tiadinā vutte sabbe pāṇino. **Ākulabhāvoti** bhagavato santike dhammassa sutattā pāṇīsu anuddayaṃ upaṭṭhapetvā ṭhitassa “kathañhi nāma mayā tāva bahū pāṇino māraṇaṭṭhāya bandhāpitā”ti citte paribhāyikulabhāvo **udapādi**. **Sutvāti** “bandhanato mocitā”ti sutvā. Kāmacchandavigamena kallacittatā arogacittatā, byāpādavigamena mettāvasena muducittatā akathinacittatā, uddhaccakukkucappahānena vikkhepavigamanato vinīvaraṇacittatā tehi na pihitacittatā, thinamiddhavigamena udaggacittatā saṃpaggaṇhanavasena alīnacittatā, vicikicchāvigamena sammāpaṭipattiyā adhimuttatāya pasannacittatā ca hotīti āha “**kallacittantiādi anupubbikathānubhāvena vikkhambhitanīvaraṇataṃ sandhāya vutta**”nti. Yaṃ panettha atthato avibhattaṃ, taṃ suviññeyyameva.

Kūṭadantasuttavaṇṇanāya līnatthappakāsana.

## **6. Mahālisuttavaṇṇanā**

### **Brāhmaṇadūtavattuvaṇṇanā**

**359. Punappunaṃ visālībhāvūpagamanatoti** pubbe kira puttadhītuvasena dve dve hutvā soḷasakkhattuṃ jātānaṃ licchavīrājakumārānaṃ saporivārānaṃ anukkameneva vaḍḍhantānaṃ nivāsanaṭṭhānārāmuyyānapokkharāṇādināṃ paṭiṭṭhānassa appahonakatāya nagaraṃ tikkhattuṃ gāvutantarena gāvutantarena parikkhipiṃsu, tenassa punappunaṃ visālībhāvaṃ gatattā “vesālī” tveva nāmaṃ jātaṃ, tena vuttaṃ “**punappunaṃ visālībhāvūpagamanato vesālīti laddhanāmake nagare**”ti. **Sayaṃjātanti** sayameva jātaṃ aropimaṃ. **Mahantabhāvenvāti** rukkhaḡacchānaṃ, ṭhitokāsassa ca mahantabhāvena, tenāha “**himavantena saddhiṃ ekābaddhaṃ hutvā**”ti. **Kūṭāgārasālāsānkhepenāti** haṃsavattakacchannena kūṭāgārasālāniyāmena. Kosalesu jātā, bhavā vā, taṃ vā raṭṭhaṃ nivāso etesanti **kosalakā**. Evaṃ **māgadhakā** veditabbā. Yassa akaraṇe puggalo mahājāniyo hoti, taṃ karaṇaṃ arahatīti karaṇīyaṃ tena **karaṇīyena**, tenāha “**avassaṃ kattabbakammenā**”ti. **Taṃ kiccanti vuccati** sati samavāye kātabbato.

**360.** Yā buddhānaṃ uppajjanārāhā nānattasaññā, tāsaṃ vasena **nānārammaṇācārato**. Sambhavantasseva paṭisedho. **Paṭikkammāti** nivattitvā tathā cittaṃ anuppādetvā. **Sallīnoti** jhānasamāpattiyā ekattārammaṇaṃ allīno.

### **Oṭṭhaddhalicchavīvatthuvaṇṇanā**

**361. Addhoṭṭhatāyāti** tassa kira uttaroṭṭhaṃ appakatāya tiriyaṃ phāletvā apanītaddhaṃ viya khāyati cattāro dante, dve ca dāṭhā na chādeti, tena naṃ “**oṭṭhaddho**”ti voharanti. Ayaṃ kira upāsako saddho pasanno dāyako dānapati buddhamāmaḡo dhammamāmaḡo saṅghamāmaḡo, tenāha **purebhantiādi**.

**362. Sāsane yuttapayuttoti** bhāvanaṃ anuyutto. Sabbattha sīhasamānavuttinopi bhagavato pariśāya mahante sati tadajjhāsayanurūpaṃ pavattiyamānāya dhammadesanāya vireso hotīti āha “**mahantena ussāhena dhammaṃ desessati**”ti.

“**Vissāsiko**”ti vatvā tamassa vissāsikabhāvaṃ vibhāvetuṃ “**ayañhi**”tiādi vuttaṃ. Therassa khīṇā savassasato ālasiyabhāvo “**appahīno**”ti na vattabbo, vāsanalesamā pana upādāyāha “**īsakaṃ appahīno viya hoti**”ti. Na hi sāvakanāṃ savāsanaṃ kilesā pahīyanti.

**363.** Vineyyajanānurodhena buddhānaṃ pāṭihāriyavijambhanaṃ hotīti vuttaṃ “**atha kho bhagavā**”tiādi, tenevāha “**samsūcitanikkhamano**”ti. Gandhakuṭīto nikkhamanavelāyañhi chabbaṇṇā buddharasmiyo āveḷāveḷāyamaḷāyamaḷā hutvā savisesā pabbhassarā vinicchariṃsu.

**364. Tato paranti** “hiyyo”ti vuttadivasato anantaraṃ paraṃ **purimataraṃ** atisayena purimattā. Iti imesu dvīsu vavattḡhito yathākkamaṃ purimapurimatarabhāvo. Evaṃ santepi yadetha “**purimatara**”nti vuttaṃ, tato pabhuti yaṃ yaṃ oraṃ, taṃ taṃ purimaṃ, yaṃ yaṃ paraṃ, taṃ taṃ purimataraṃ, orapārabhāvassa viya purimapurimatarabhāvassa ca apekkhāsiddhito, tenāha “**tato paṭṭhāyā**”tiādi. **Mūladivasato paṭṭhāyāti**ādidivasato paṭṭhāya. **Agganti** paṭṭhamaṃ. Taṃ panettha parā atītā koṭi hotīti āha “**parakoṭiṃ katvā**”ti. **Yaṃ**-saddayogena cāyaṃ “**viharāmi**”ti vattamānappayogo, attho pana atitakālavaseneva veditabbo, tenāha “**viḡāsinti vuttaṃ hoti**”ti. Paṭṭhamavikappe “**viharāmi**”ti padassa “**yadagge**”ti iminā ujukaṃ sambandho dassito, dutiyavikappe pana “**tīṇi vassāni**”ti imināpi.

**Piyajātikanīti** iṭṭhasabhāvāni. **Sātajātikanīti** madhurasabhāvāni. Madhuraṃ viyāti hi “**madhura**”nti vuccati manoramaṃ yaṃ kiñci. **Kāmūpasāñhitāni** ārammaṇaṃ karontena kāmena upasaṃhitāni, kāmanīyānīti attho, tenāha “**kāmāssādayuttāni**”ti, kāmāssādassa yuttāni yogyānīti attho. **Sarīrasaṅṭhāneti** sarīrabimbe, ādhāre cetamā bhummaṃ.



Tasmā **saddenāti** taṃ nissāya tato uppannaena saddenāti attho. **Madhurenāti** iṭṭhena. **Ettāvatāti** dibbasotaññaṇassa parikammākathanamattena. “Attanā ñātampi na katheti, kimassa sāsane adhiṭṭhānenā”ti kujjhanto **āghātaṃ bandhitvā** saha kujjhaneneva jhānābhīññāhi parihāyi. **Cintesīti** “kasmā nu kho mayhaṃ taṃ parikammaṃ na kathesi”ti parivittakkento ayoniso ummujjanavasena cintesi. **Anukkamenāti** pāthikasutte āgatanayena taṃ taṃ ayuttameva cinto, bhāsanto, karonto ca anukkamena. Bhagavati baddhāghātāyā sāsane patiṭṭhaṃ alabhanto **gihibhāvaṃ patvā**.

### Ekamsabhāvitasamādhivaṇṇanā

**366-371. Ekamsāyāti** tadattheyeva catutthī, tasmā ekamsatthanti attho. **Aṃsa**-saddo cettha koṭṭhāsapariyāyo, so ca adhikārato dibbarūpadassanadibbasaddassavanavasena vedittabboti āha “**ekakoṭṭhāsāyā**”tiādi. **Anudisāyāti** puratthimadakkhiṇādibhedāya catubbidhāya anudisāya. **Ubhayakoṭṭhāsāyāti** dibbarūpadassanattāyā, dibbasaddassavanattāyā ca. **Bhāvīti** yathā dibbacakkuññaṇaṃ, dibbasotaññaṇaṃca samadhigataṃ hoti, evaṃ bhāvito. Tayidaṃ viṣuṃ viṣuṃ parikammakaraṇena ijjhantīsu vattabbaṃ natthi, ekajjhaṃ ijjhantīsupi kameneva kiccāsiddhi ekajjhaṃ kiccāsiddhiyā asambhavato. Pāliyaṃpi ekassa ubhayasamatthattāsandassanattāyāyeva “dibbānaṃca rūpānaṃ dassanāya, dibbānaṃca saddānaṃ savanāyā”ti vuttaṃ, na ekajjhaṃ kiccāsiddhisambhavato. “**Ekamsabhāvito samādhīhetū**”ti iminā sunakkhatto dibbacakkuññaṇāya eva parikammassa katattā vijjāmānampi dibbasaddaṃ nāssossīti dasseti. **Apaṇṇakanti** aviraṇṇanakaṃ, anavaṇṇanti vā attho.

**372.** “Samādhī eva” bhāvetabbaṭṭhena **samādhībhāvanā**. “Dibbasotaññaṇaṃ seṭṭha”nti maññaṃānenāpi mahālinā dibbacakkuññaṇampi tena saha gahetvā “etāsaṃ nūna bhante”tiādinā pucchīti “**ubhayamsabhāvītaṃ samādhīnanti attho**”ti vuttaṃ. **Bāhirā etā samādhībhāvanā** aniyānikattā. Tā hi ito bāhirakānampi ijjhanti. **Na ajjhātikā** bhagavato sāmukkaṃsīkabhāvena appavedittā. **Yadattanti** yesaṃ attāyā. **Teti** te ariyaphaladhamme. Te hi sacchikātabbāti.

### Caturiyaphalavaṇṇanā

**373. Tasmāti** vaṭṭadukkhe saṃyojanato. “**Maggasotaṃ āpanno**”ti phalaṭṭhassa vasena vuttaṃ. Maggaṭṭho hi maggasotaṃ āpajjati. Tenevāha “soṭāpanne”ti, “soṭāpattīphalāsacchikiriyāya paṭīpanne”ti (ma. ni. 3.379) ca. **Apatanadhammoti** anuppajjana- (ma. ni. 3.379) sabhāvo. **Dhammaniyāmenāti** maggadhammaniyāmena. Heṭṭhimantato sattamabhavato upari anuppajjanadhammatāyā vā niyato. **Paraṃ ayaṇaṃ** parāgati.

Tanuttaṃ nāma pavattiyā mandatā, viralatā cāti āha “**tanuttā**”tiādi. **Heṭṭhābhāgiyānanti** heṭṭhābhāgassa kāmabhavassapaccayabhāvena hitānaṃ. **Opapātikoti** upapātikoti upapattane sādhuṃkāriti katvā. Vimuccatīti vimutti, cittameva vimutti **cetovimuttīti** āha “**sabbakilesa...pe... adhivacana**”nti. Cittasīsenā cettha samādhī gahito “cittaṃ paññaṇa bhāvaya”nti. Ādīsu (saṃ. ni. 1.23; peṭako. 22; mi. pa. 2.9) viya. **Paññāvīvimuttīti** etthāpi eseva nayo, tenāha “**paññāva paññāvīvimuttī**”ti. **Sāmanti** attanāva, aparappaccayenāti attho. **Abhiññāti** ya-kāralopena niddesoti āha “**abhijānitvā**”ti.

### Ariyaatṭhaṅgikamaggavaṇṇanā

**374-5.** Ariyasāvako nibbānaṃ, ariyaphalaṇca paṭīpajjati etāyāti paṭīpadā, sā ca tassa pubbhāgo evāti idha “**pubbhāgapaṭīpadāyā**”ti ariyamaggamāha. “Atṭha aṅgāni assā”ti aññaṇapadattasamāsaṃ akatvā atṭhaṅgāni assa santīti **atṭhaṅgikoti** padasiddhi daṭṭhabbā.

Sammā aviparītaṃ yāthāvato catunnaṃ ariyasaccānaṃ paccakkhato dassanasabhāvā **sammā dassanalakkhaṇā**. Sammadeva nibbānārammaṇe cittassa abhīropanasabhāvo **sammā abhīropanalakkhaṇo**. Caturaṅgasamannāgatā vācā janaṃ saṅgaṇhātīti tabbipakkhāvīrasabhāvā sammāvācā bhedaṃkamicchāvācāpahānena janaṃ sampayutte ca paṇḍitaṇṇanācāvattīti hōtīti **sammā paṇḍitaṇṇalakkhaṇā**. Yathā cīvarakammādiko kammanto ekaṃ kātābbaṃ samuṭṭhāpeti, taṃ taṃ kiriyānippādako vā cetanāsāṅkhāto kammanto hatthapādācālanādikaṃ kiriyāṃ samuṭṭhāpeti, evaṃ sāvajjakattabakiriyāsamuṭṭhāpakamicchākamantappahānena sammākammanto niravajjasamuṭṭhāpanakiccavā hoti, sampayutte ca samuṭṭhāpentō eva pavattatīti **sammā samuṭṭhāpanalakkhaṇo sammākammanto**. Kāyavācānaṃ, khandhasantānaṃ ca saṃkilesabhūtamicchājīvappahānena **sammā vodāpanalakkhaṇo sammājīvo**. Kosajjapakkhato patitūṃ adattvā sampayuttadhammānaṃ paggaṇhanasabhāvoti **sammā paggāhalakkhaṇo sammāvāyāmo**. Sammadeva upaṭṭhānasabhāvāti **sammā upaṭṭhānalakkhaṇā sammāsati**. Vikkhepaviddhamānaṃ sammadeva cittassa samādāhanasabhāvoti **sammā samādhānalakkhaṇo sammāsamādhī**.

**Attano paccanīkakilesā** ditṭhekattā avijjādayo. **Passatīti** pakāseti kiccapaṭivedhena paṭīvijjhati, tenāha “**tappaṭicchādaka...pe... asammohato**”ti. Teneva hi sammāditṭhisāṅkhātena aṅgena tatta paccavekkhaṇā pavattatīti **tathevāti** attano paccanīkakilesehi saddhīnti attho.

**Kiccato**ti pubbhāgehi dukkhādiññaṇehi kātābbaṃ kiccassa idha sātīsaṃ nippattito imasseva vā ñāṇassa dukkhādiṇṇakāsanakiccato. **Cattāri nāmāni labhati** catūsu saccesu kātābbaṃkiccānippattito. **Tīṇi nāmāni labhati**

kāmasaṅkappāpippahānakiccanipphattito. **Sikkhāpadavibhaṅge** (vibha. 703) “viraticetanā, sabbe sampayuttadhammā ca sikkhāpadānī”ti vuccantīti tatha padhānānaṃ viraticetanānaṃ vasena “**viratiyopi honti cetanāyopi**”ti āha. Musāvādādīhi viramaṅkāle vā viratiyo, subhāsītādivācābhāsanādīkāle ca cetanāyo yojetabbā. **Maggakkhaṇe viratiyova** cetanānaṃ amaggaṅgattā ekassa ñāṇassa dukkhādīñāpatā viya, ekāya viratiyā musāvādādiviratiabhāvo viya ca ekāya cetanāya sammāvācādikiccattayasādhanasabhāvābhāvā sammāvācādhībhāvāsiddhito, taṃsiddhiyaṅca aṅgattayattāsiddhito ca. **Sammappadhānasatipaṭṭhānavasena**ti catusammappadhānacatusatipaṭṭhānavasena.

**Pubbabhāgepi maggakkhaṇepi sammāsamādhievāti.** Yadi samādhīupakārakānaṃ abhīniropanānumajjanasampiyyāyanabrūhanasantasukhānaṃ vitakkādīnaṃ vasena catūhi jhānehi sammāsamādhī vibhatto, tathāpi vāyāmo viya anuppannākusalānuppādanādicatuvāyāmakiccaṃ, sati viya ca asubhāsukhāniccānattesu kāyādīsu subhādisaññāpahānacatusatikiccaṃ eko samādhī catukkajjhānasamādhīkiccaṃ na sādhetīti pubbhāgepi paṭhamajjhānasamādhī paṭhamajjhānasamādhī eva maggakkhaṇepi, tathā pubbhāgepi catutthajjhānasamādhī catutthajjhānasamādhī eva maggakkhaṇepīti attho.

**Tasmāti paññāpajjotattā avijjandhakāraṃ vidhamitvā paññāsattattā kilesacore ghātento. Bahukārattāti** yvāyaṃ anādimati saṃsāre iminā kadācīpi asamugghāṭitapubbo kilesagaṇo tassa samugghāṭako ariyamaggo. Tatha cāyaṃ sammādiṭṭhi pariññābhīsamayādivasena pavattiyā pubbaṅgamā hotīti bahukārā, tasmā bahukārattā.

**Tassāti sammādiṭṭhiyā.** “Bahukāro”ti vatvā taṃ bahukāraṃ upamāya vibhāvetuṃ “yathā hī”tiādi vuttaṃ. “Ayaṃ” tambakāmsādīmayattā **kūṭo**. Ayaṃ samasārātāya mahāsārātāya **cheko**. **Evanti** yathā heraññikassa cakkhunā disvā kahāpaṇavibhāgajānane karaṇantaraṃ bahukāraṃ yadidaṃ hattho, evaṃ yogāvācarassa paññāya oloketvā dhammavibhāgajānane dhammantaraṃ bahukāraṃ yadidaṃ vitakko vitakketvā tadavabodhato, tasmā sammāsānkappo sammādiṭṭhiyā bahukāroti adhippāyo. Dutīyaupamāyaṃ **evanti** yathā tacchako parena parivattetvā parivattetvā dinnāṃ dabbasambhāraṃ vāsiyā tacchetvā gehakaraṇakamme upaneti, evaṃ yogāvācaro vitakkena lakkhaṇādīto vitakketvā dinnadhamme yāthāvato paricchinditvā pariññābhīsamayādikamme upanetiyo jojanā. Vacībhedassa upakārako vitakko sāvajjānavajjavacībhedanivattanapavattanakarāya sammāvācāyapi upakārako evāti “**svāya**”ntiādi vuttaṃ.

Vacībhedassa niyāmikā **vācā** kāyīkākiriyaṅniyāmakassa **kammantassa upakārikā. Tadubhayānantaranti** ducaritadvayapahāyakassa sucaritadvayapāriṇīhetubhūtaṃ sammāvācāsammākammantadvayassa anantaraṃ. **Idaṃ vīriyanti** catubbidhamṃ sammappadhānavīriyaṃ. Indriyasamatādayo samādhissa upakāradhammā. Tabbipariyāyato apakāradhammā veditabbā. **Gatīyoti** nipphattīyo, kiccādisabhāve vā. **Samannesitvāti** upadhāretvā.

### Dvepabbajitavattuvaṇṇanā

**376-7. “Kasmā āradhā”**nti anusandhikāraṇaṃ pucchitvā taṃ vibhāvetuṃ “**ayaṃ kirā**”tiādi vuttaṃ, tena ajjhāsayaṅanusandhivasena upari desanā pavattāti dasseti. **Tenāti** tathāladhikkattā. **Assāti** licchavīrañño. **Desanāyāti** saṅhasukhumāyaṃ suññatapaṭisāmyuttāyaṃ yathādesitadesanāyaṃ. **Nādhimuccatīti** na saddahati na pasīdati. **Tantidhammaṃ nāma kathentoti** yesaṃ atthāya dhammo kathīyati, tasmīṃ tesaṃ asatīpi maggapaṭivedhe kevalaṃ sāsane tantidhammaṃ katvā kathento. **Evarūpassāti** sammāsambuddhattā aviparītadhammadesanātāya evaṃpākāṭadhammakāyassa **sattu. Yuttaṃ nu kho etaṃ assāti** assa paṭhamajjhānādisamadhigamena samāhitacittassa kulaputtassa etaṃ “taṃ jīva”ntiādinā ucchedādigāhagahaṇaṃ api nu yuttanti pucchati. Laddhiyā pana jhānādhigamamattena na tāva vīvecitattā “**tehi yutta**”nti vuttaṃ **taṃ vādaṃ paṭikkhipitvāti** jhānalābhīnopi taṃ gahaṇaṃ “ayuttamevā”ti taṃ ucchedavādaṃ sassatavādaṃ vā paṭikkhipitvā. **Attamanā ahesunti** yasmā khīṇāsavo vīgatasammoho tiṇṇavicikiccho, “tasmā tassa tathā vattaṃ na yutta”nti uppannicchayatāya taṃ **mama vacanaṃ sutvā** attamanā ahesunti attho. **Sopi** licchavī rājā te viya sañjātanīcchayatā **attamano ahoṣi**. Yaṃ panettha atthato avibhattaṃ, taṃ suviññeyyameva.

Mahālisuttavaṇṇanāya līnatthappakāsanā.

## 7. Jāliyasuttavaṇṇanā

### Dvepabbajitavattuvaṇṇanā

**378.** “Ghositena seṭṭhinā kate ārāme”ti vatvā tatha koyaṃ ghoṣitaseṭṭhi nāma, kathañcānena ārāmo kārito, kathaṃ vā tatha bhagavā vīhāsīti taṃ sabbāṃ samudāgamato paṭṭhāya saṅkhepatova dassetuṃ “**pubbe kirā**”tiādi vuttaṃ. **Tatoti** allakappaṭṭhato. **Tadāti** tesaṃ taṃ gāmaṃ pavīṭṭhadivase. **Balavapāyāsanti** garutaraṃ bahupāyāsaṃ. **Asannihiteti** gehato bahi gate. **Bhussatīti** ravati. **Ghosakadevapputtotveva nāmaṃ ahoṣi** saraghosasampattiyā. **Veyyattiyenāti** paññāveyyattiyena. **Ghoṣitaseṭṭhi nāma jāto** tāya eva cassa sarasampattiyā ghoṣitanāmatā.

**Sarīrasantappanattanti** himavante phalamūlāhārātāya kilantasarīrā loṅambilasevanena tassa santappanattamṃ pīnanattamṃ. **Tasitāti** pipāsītā. **Kilantāti** pariṣantakāyā. Te kira taṃ vaṭarukkhaṃ patvā tassa sobhāsampattimṃ disvā

mahānubhāvā maññe ettha adhivatthā devatā, “sādhū vatāyaṃ devatā amhākaṃ addhānaparissamaṃ vinodeyyā”ti cintesum, tena vuttaṃ “**tattha adhivatthā...pe... nisīdīmsū**”ti. Soti anāthapiṇḍiko gahapati. **Bhatakānanti** bhatiyā veyyāvaccamaṃ karontānaṃ dāsapesakammakarānaṃ. **Pakatibhattavetananti** pakatiyā dātabbabbhattavetanamaṃ, tadā uposathikattā kammaṃ akarontānampi kammakaraṇadivasena dātabbabbhattavetanamevāti attho. **Kaṅcīti** kaṅcīpi bhatakamaṃ.

Upecca parassa vācāya ārambhanam bādhanam **upārambho**, dosadassanavasena ghaṭṭananti attho, tenāha “**upārambhādhīpāyena vādaṃ āropetukāmā hutvā**”ti. Vadanti nindanavasena kathenti etenāti hi vādo, doso. Taṃ āropetukāmā, patiṭṭhāpetukāmā hutvāti attho. “**Taṃ jīvaṃ taṃ sarīra**”nti, idha yaṃ vatthum jīvasaññītaṃ, tadeva sarīrasaññītanti “rūpaṃ attato samanupassati”ti vādaṃ gahetvā vadanti. Rūpaṅca attānaṅca advayaṃ katvā samanupassanavasena “satto”ti vā bhāhirakaparikkappaṃ attānaṃ sandhāya vadanti. **Bhijjati** nirudayavināsavasena vinassati. **Tena** jīvasarīraṇaṃ anaññattānujānanaṃ, sarīrasa ca bhedaḍassanaṃ. Na hettha yathā bhedavatā sarīrato anaññattā adīṭṭhopi jīvasa bhedo vutto, evaṃ adīṭṭhabhedato anaññattā sarīrassaṃpi abhedoti sakkā viññātuṃ tassa bhedassa paccakkhasiddhattā, bhūtopādāyarūpavinimuttassa ca sarīrasa abhāvatoṭi āha “**ucchedavādo hoti**”ti.

“**Aññaṃ jīvaṃ aññaṃ sarīra**”nti aññadeva vatthum jīvasaññītaṃ, aññaṃ vatthum sarīrasaññītanti “rūpavantaṃ attānaṃ samanupassati”tiādinayappavattaṃ vādaṃ gahetvā vadanti. Rūpe bhedassa dīṭṭhattā, attani ca tadabhāvato attā niccoti āpannamevāti āha “**tumhākaṃ...pe... āpajjati**”ti.

**379-380.** Tayidaṃ nesaṃ vañjhāsutassa dīgharassatāparikkappanasadisanti katvā ṭhapanīyoyaṃ pañhoti tattha rājanimīlanaṃ katvā sathā upari nesaṃ “tena hāvuso suṇāthā”tiādinā dhammaḍesanaṃ ārabhīti āha “**atha bhagavā**”tiādi. **Tassā yevāti** majjhīmāya paṭipadāya.

**Saddhāpabbajitassāti** saddhāya pabbajitassa “evamaṃ ito vaṭṭadukkhato nissarissāmi”ti evaṃ pabbajjaṃ upagatassa tadanurūpaṅca sīlaṃ pūretvā paṭhamajjhānena samāhitacittassa. **Etam vattunti** etaṃ kilesavaṭṭaparibuddhidīpanaṃ “taṃ jīvaṃ taṃ sarīra”ntiādikamaṃ dīṭṭhisamaṃkilesanissitaṃ vacanaṃ vattunti attho. **Nibbicikiccho na hotīti** dhammesu tiṇṇavicikiccho na hoti, tattha tattha āsappanaparissappanavasena pavattatīti attho.

**Etamevaṃ jānāmīti** yena so bhikkhu paṭhamaṃ jhānaṃ upasampajja viharati, etaṃ sasampayuttadhammaṃ cittanti evaṃ jānāmi. **No ca evaṃ vadāmīti** yathā dīṭṭhigatikā taṃ dhammajātaṃ sanissayaṃ abhedato gaṇhantā “taṃ jīvaṃ taṃ sarīra”nti vā tadubhayaṃ bhedato gaṇhantā “aññaṃ jīvaṃ aññaṃ sarīra”nti vā attano micchāgāhaṃ pavedenti, ahaṃ pana na evaṃ vadāmi tassa dhammassa supariññātattā, tenāha “**atha kho**”tiādi. Bāhirakā yebhuyyena kasiṇajjhānāni eva nibbattenti āha “**kasiṇaparikkammaṃ bhāvantessā**”ti. Yasmā bhāvanānubhāvena jhānādhiḡamo, bhāvanā ca pathavīkasiṇādisañjānanamukhena hotīti saññāsīsena niddisīyati, tasmā āha “**saññābalena uppanna**”nti. Tenāha – “pathavīkasiṇameko sañjānāti”tiādi. “**Na kallaṃ tasseta**”nti idaṃ yasmā bhagavatā tattha tattha “atha ca pañāhaṃ na vadāmī”ti vuttaṃ, tasmā na vattabbaṃ kiretaṃ kevalinā uttamapurisenāti adhippāyenāha, tena vuttaṃ “**maññaṃ mānā vadantī**”ti. Sesam sabbattha suviññeyyameva.

Jāliyasuttavaṇṇanāya līnatthappakāsānā.

## 8. Mahāsīhanādasuttavaṇṇanā

### Acelakassapavattahuvaṇṇanā

**381.** Yasmim raṭṭhe taṃ nagaraṃ, tassa raṭṭhassapi yasmim nagare tadā bhagavā vihāsi, tassa nagarassapi etadeva nāmaṃ, tasmā **uruññāyanti** uruññājanapade uruññāsānkhāte nagareti attho. **Ramaṇiyoti** manoharabhūmibhāgatāya chāyūdakasampattiyā, janavivittatāya ca manoramo. **Nāmanānti** gottanāmaṃ. Tapanam santapanam kāyassa khedanaṃ tapo, so etassa atthīti tapassī, taṃ **tapassim**. Yasmā tathābhūto tapanam nissito, tapo vā taṃ nissito, tasmā āha “**tapanissitaka**”nti. Lūkhaṃ vā pharusam sādhusammaṭācāravirahato napasādanīyaṃ ājīvati vattatīti lūkhaṃjīvī, taṃ **lūkhaṃjivim**. **Muttācārādīti ādi-saddena** parato pāliyaṃ (dī. ni. 1.397) āgatā hatthāpalekhanādayo saṅghatā. **Uppaṇḍetīti** uhasanavasena paribhāsati. **Upavadatīti** avaññāpubbakaṃ apavadati, tenāha “**hīleti vambhetī**”ti. **Dhammassa ca anudhammaṃti** ettha **dhammo** nāma hetu “hetumhi nānaṃ dhammapaṭisambhidā”tiādisu (vibha. 720) viyāti āha “**kāraṇassa anukāraṇa**”nti. **Kāraṇanti** cettha tathāpavattassa saddassa attho adhippeto tassa pavattihetubhāvato. Atthappayutto hi saddappayogo. Anukāraṇanti ca so eva parehi tathā vuccamāno. **Parehīti** “ye te”ti vuttasattehi parehi. **Vuttakāraṇenāti** yathā tehi vuttaṃ, tathā ce tumhehi na vuttaṃ, evaṃ sati tehi vuttakāraṇena sakāraṇo hutvā tumhākaṃ vādo vā tato paraṃ tassa anuvādo koci appamattakopi viññūhi garahitabbaṃ ṭhānaṃ kāraṇam nāgaccheyya, kimevaṃ nāgacchatīti yojanā. “**Idam vuttaṃ hoti**”tiādinā tamevattham saṅkhepato dasseti.

**382.** Idāni yaṃ vibhajjāvadaṃ sandhāya bhagavatā “na me te vuttavādino”ti saṅkhepato vatvā taṃ vibhajjivā dassetuṃ “idhāhaṃ kassapā”tiādi vuttaṃ, taṃ vibhāgena dassento “**idhekacco**”tiādimāha. Bhagavā hi niratthakaṃ anupasamasamvattanikaṃ kāyakilamathaṃ “attakilamathānuयोगo dukkho anariyo anatthasamhito”tiādinā (sam. ni. 3.1081;

mahāva. 13; paṭi. ma. 2.30) garahati. Sāthakaṃ pana upasamasamvattanikaṃ “āraññiko hoti, paṃsukūliko hoti”tiādinā vaṇṇeti. **Appapuññatāyāti** apuññatāya. **Tiṇi duccharitāni pūretvāti** micchādīṭṭhibhāvato kammaphalaṃ paṭikkhipanto “natthi dinna”ntiādinā (dī. ni. 1.171; ma. ni. 1.445; 2.94, 95, 225; 3.91, 115; saṃ. ni. 3.210; dha. sa. 1221; vibha. 938) micchādīṭṭhiṃ purakkhatvā tathā tathā tiṇi duccharitāni pūretvā. **Anesanavasenaṭi** kohaññe ṭhatvā asantaḡuṇasambhāvanicchāya micchājīvavasena. **Ime dve**ti “appapuñño puññavā”ti ca vutte duccharitakārino dve puggale sandhāya.

“**Ime dve sandhāyā**”ti ettha pana dutiyanaye “appapuñño, puññavā”ti ca vutte sucaritakārinoṭi ādinā yojetabbaṃ. Kammakiriyavādino hi ime dve puggalā. Iti paṭhamadutiyanayesu vuttanayeneva tatiyacatutthanayesu yojanā veditabba.

**Bāhirakācārayutto** titthiyācārayutto, na vimuttācāro. **Attānaṃ sukhētvāti** adhammikenā sukhena attānaṃ sukhētvā, tenāha “**duccaritāni pūretvā**”ti. “**Na dāni mayā sadiso atthī**”tiādinā tissannaṃ maññānaṃ vasena duccharitapūraṇamāha. **Micchādīṭṭhivasenaṭi** “natthi kāmesu doso”ti evaṃ pavattamicchādīṭṭhivasena. **Paribbājikāyāti** pabbajjaṃ upagatāya tāpasadārikāya. **Daharāyāti** taruṇāya. **Mudukāyāti** sukhumālāya. **Lomasāyāti** tanutambalomatāya appalomāya. **Kāmesūti** vatthukāmesu. **Pātabyatanti** paribhuñjītabbaṃ, **pātabyatanti** vā paribhuñjanakataṃ. **Āpajjantoti** upagacchanto. Paribhogattho hi ayaṃ **pā-saddo**, kattusādhano ca **tabba-saddo**, yathārucci paribhuñjantoti attho. Kilesakāropi hi assādiyamāno vatthukāmantogadhoyeva.

**Idanti** yathāvuttaṃ atthappabhedam vibhajjanaṃ. **Titthiyavasena āgataṃ** atthakathāyaṃ tathā vibhattatā. **Sāsanepīti** imasmiṃ sāsanepi.

**Arahattaṃ vā** attani asantaṃ “atthī”ti vippaṭijānitvā. Sāmantajappanaṃ, paccayaṭisevanaṃ, iriyāpathanissitanti imāni **tiṇi vā kuhanavatthūni**. **Tādiso vāti** dhutaṅga- (mi. pa. 4.2; visuddhi. 1.22) samādānavasena lūkhājīvī eva. **Dullabhasukho bhavissāmi** duggatīsu upapattiyāti adhippāyo.

**383. Asukaṭṭhānatoti** asukabhavato. **Āgatāti** nibbattanavasena idhāgatā. **Idāni gantabbaṭṭhānanti** āyatim nibbattanaṭṭhānaṃ. **Puna upapattinti** āyatim anantarabhavato tatiyaṃ upapattim, **puna upapattīti** punappunaṃ nibbatti. **Kena kāraṇenaṭi** yathābhūtaṃ ajānanto hi icchādosavasena yaṃ kiñci garaheyya, ahaṃ pana yathābhūtaṃ jānanto sabbam taṃ kena kāraṇena garahissāmi, taṃ kāraṇaṃ natthīti adhippāyo, tenāha “**garahitabbamevā**”tiādi. **Tamatthanti** garahitabbasseva garaṇaṃ, paṃsītabbassa ca paṃsānaṃ.

**Na koci “na sādhu”ti vadati** diṭṭhadhammikassa, samparāyikassa ca atthassa sādhanavaseneva pavattiyā bhaddakattā. **Pañcavidhaṃ veranti** pāṇātipātādīpañcavidhaṃ veraṃ. Tañhi pañcavidhassa sīlassa ṭaṭisattubhāvato, sattānaṃ verahetutāya ca “vera”nti vuccati. Tato eva **taṃ na koci “sādhu”ti vadati**, tathā diṭṭhadhammikādiṭṭhānaṃ asādhanato, sattānaṃ sādhubhāvassa ca dūsanato. **Na nirundhitabbanti** rūpaggahaṇe na nivāretabbaṃ. Dassanīyadassanatto hi cakkhupaṭilābhoto tesam adhippāyo. Yadaggena tesam pañcadvāre asaṃvaro sādhu, tadaggena tattha saṃvaro na sādhuṭi āha “**puna yaṃ te ekaccanti pañcadvāre saṃvara**”nti.

Atha vā **yaṃ te ekaccaṃ vadanti “sādhu”ti** te “eke samaṇabrāhmaṇā”ti vuttā titthiyā yaṃ attakilamathānuyogādiṃ “sādhu”ti vadanti, mayam taṃ na “sādhu”ti vadāma. **Yaṃ te ekaccaṃ vadanti “na sādhu”ti** yaṃ pana te anavajjapaccayaparibhogaṃ, sunivatthasupārupanādisammāṭipattiñca “na sādhu”ti vadanti, taṃ mayam “sādhu”ti vadāmāti evaṃ pettha attho veditabbo.

Evaṃ yaṃ paravādāmūlakaṃ catukkaṃ dassitaṃ, tadeva puna sakavādāmūlakaṃ katvā dassitanti pakāsento “**eva**”ntiādimāha. Yañhi kiñci kenaci samānaṃ, tenapi taṃ samānameva, tathā asamānaṃ pīti. **Samānāsamānatanti** samānāsamānatāmattaṃ. Anavasesato hi pahātabbānaṃ dhammānaṃ pahānaṃ sakavāde dissati, na paravāde. Tathā paripuṇṇameva ca upasampādetabbadhammānaṃ upasampādanaṃ sakavāde, na paravāde. Tena vuttaṃ “tyāha”ntiādi.

### Samanuyuñjāpanakathāvaṇṇanā

**385. Laddhiṃ pucchantoti** “kiṃ samaṇo gotamo saṃkilesadhamme anavasesam pahāya vattati, udāhu pare gaṇācariyā. Ettha tāva attano laddhiṃ vadā”ti laddhiṃ pucchanto. **Kāraṇaṃ pucchantoti** “samaṇo gotamo saṃkilesadhamme anavasesam pahāya vattati”ti vutte “kena kāraṇena evamatthaṃ gāhaya”ti kāraṇaṃ pucchanto. **Ubhayaṃ pucchantoti** “idaṃ nāmettha kāraṇa”nti kāraṇaṃ vatvā ṭaṭiññāte atthe sādhiyamāne anvayato, byatirekato ca kāraṇaṃ samatthetum sadisāsadisabhedam upamodāharaṇadvayaṃ pucchanto, **ubhayaṃ pucchanto** kāraṇassa ca tilakkhaṇasampattiyā yathāṭaṭiññāte atthe sādhiṭe sammadeva anupacchā bhāsanto nigamento **samanubhāsati nāma**. **Upasamharitvāti** upanētvā. “**Kiṃ te**”tiādi upasamharaṇākāradassanaṃ. **Dutiyaṭapade**ti “saṅghena vā saṅgha”nti imasmiṃ pade.

**Tamatthanti** taṃ pahātabbadhammānaṃ anavasesam pahāya vattanasāṅkhāṭaṇca samādātabbadhammānaṃ

anavasesaṃ samādāya vattanasaṅkhātāṇca atthaṃ. **Yojetvāti** akusalādipadehi yojetvā. Akosallasambhūtaṭṭhena **akusalā ceva** tatoyeva **akusalāti ca** saṅkhaṃ gatāti **saṅkhātā** tattha purimapadena ekantākusale vadati, dutiyapadena taṃsahagata, taṃpakkhiye ca, tenāha “**koṭṭhāsaṃ vā katvā ṭhapitā**”ti, akusalapakkhiyabhāvena vavatthāpitāti attho. Avajjaṭṭho dosaṭṭho gārayhapariyāyattāti āha “**sāvajjāti sadosā**”ti. **Ariyā** nāma niddosā, ime pana katthacipi niddosā na hontīti **niddosaṭṭhena ariyā bhavituṃ nālaṃ asamatthā**.

**386-392.** Yanti kārāṇe etaṃ paccattavacananti āha “**yena viññū**”ti. **Yaṃ vā panāti** “yaṃ pana kiñcī”ti asambhāvanavacanametanti āha “**yaṃ vā taṃ vā appamattaka**”nti. **Gaṇācariyā** pūraṇādayo. Satthupubbhavattā saṅghassa saṅghasampattiyāpi satthusampatti vibhāvīyatīti āha “**saṅghapasamsāyapi satthuyeva pasamsāsiddhito**”ti. Sā pana pasamsā pasādahetukāti pasādamukhena taṃ dassetuṃ “**pasādamānāpi hī**”tiādi vuttaṃ. Tattha **pi**-saddena yathā anvayato pasamsā samuccīyati, evaṃ satthuvipparipattiyā sāvakesu, sāvavipparipattiyā ca satthari appasādo samuccīyati daṭṭhabbaṃ. **Sarīrasampattinti** rūpasampattim, rūpakāyapāripūrinti attho. **Bhavanti vattāro** rūpappamāṇā, ghosadhammappamāṇā ca. Puna **bhavanti vattāro**ti dhammappamāṇavaseneva yojetabbam. Yā saṅghassa pasamsāti ānetvā sambandho.

Tattha yā buddhānaṃ, buddhasāvakanāmyeva ca pāsamsatā, aññesaṅca tadabhāvo jotito, taṃ viratippahānasamvaruddesavasena nīharitvā dassetuṃ “**ayamadhippāyo**”tiādi vuttaṃ. Tattha **setughātavirati** nāma ariyamaggavirati. **Vipassanāmattavasenāti** “anicca”nti vā “dukkha”nti vā vividhaṃ dassanamattavasena, na pana nāmarūpavavatthānapaccayapariggaṇhanapubbakaṃ lakkaṇattayaṃ āropetvā saṅkhārānaṃ sammāsāvasena. **Itarānīti** samucchedaṭṭhāpassaddhinissaraṇappahānāni. “**Sesa**”nti pañcasīlato añño sabbo sīlasamvaro, “khamo hotī”tiādinā (ma. ni. 1.24; 3.159; a. ni. 4.114) vutto suparisuddho khantisamvaro, “paññāyete pidhiyyare”ti (su. ni. 1041; cūḷani. 60) evaṃ vutto kilesānaṃ samucchedako maggañānasāṅkhāto nīṇasamvaro, manacchatṭhānaṃ indriyānaṃ pidahanavasena pavatto parisuddho indriyasamvaro, “anuppanānaṃ pāpakānaṃ akusalānaṃ dhammānaṃ anuppādāyā”tiādinā (dī. ni. 2.402; ma. ni. 1.135; saṃ. ni. 5.8; vibha. 205) vutto sammappadhānasāṅkhāto vīriyasamvaroti imaṃ samvarapañcakaṃ sandhāyāha. **Pañca kho panime pātimokkhuddesāti**tiādi sāsane sīlassa bahubhāvaṃ dassetvā tadekadese eva paresaṃ avatṭhānadassanatthaṃ yathāvuttasīlasamvarasseva puna gahaṇaṃ.

### Ariyaatṭhaṅgikamaggavaṇṇanā

**393.** **Sihanādanti** seṭṭhanādaṃ, abhītanādaṃ kenaci appaṭivattiyānādanti attho. “**Ayaṃ yathāvutto mama vādo aviparīto**, tassa aviparītabhāvo imaṃ maggaṃ paṭipajjitvā aparappaccayato jānitabbo”ti evaṃ **aviparītabhāvābodhanatthaṃ**. “**Atthi kassapā**”tiādisu yaṃ maggaṃ paṭipanno samaṇo gotamo vadanto yuttapattakāle, tathabhāvato bhūtaṃ, ekamsato hitāvihabhāvena atthaṃ, dhammato anapetattā dhammaṃ, vinayayogato paresaṃ vinayanato ca vinayaṃ vadatīti sāmaṃyeva atpaccakkhatova jānissati, so mayā sayaṃ abhiññā sacchikatvā pavedito sakalavattadukkhānissaraṇabhūto atthi kassapa maggo, tassa ca adhigamūpāyabhūtaṃ pubbabhāgaṭṭhāpadāti ayamettha yojanā. Tena “samaṇo gotamo ime dhamme”tiādinayappavatto vādo kenaci asaṃkampiyo yathābhūtasīhanādoti dasseti.

“Evametam yathābhūtaṃ sammappaññāya passatī”tiādisu (a. ni. 3.134) viya **maggañca paṭipadañca ekato katvā dassento**. “**Ayamevā**”ti vacanaṃ maggassa puthubhāvapaṭikkhepanatthaṃ, sabbaariyasādhāraṇabhāvāvadassanatthaṃ, sāsane pākāṭabhāvāvadassanatthaṃ. Tenāha “ekāyano ayaṃ bhikkhave maggo”ti, (dī. ni. 2.373; ma. ni. 1.106; saṃ. ni. 5.367, 384, 409) “eseva maggo natthañño dassanassa visuddhiyā”ti (dha. pa. 274),

“Ekāyanaṃ jātikhayantadassī,  
Maggam pajānāti hitānukampī;  
Etena maggena tarimsu pubbe,  
Tarissanti ye ca taranti ogha”nti. (saṃ. ni. 5.384, 409; mahāni. 191; cūḷani. 107, 121; netti. 170);

Sabbesu suttapadesesu abhidhammapadesesu ca ekovāyaṃ maggo pākāto paññāto āgato cāti.

### Tapopakkamakathāvaṇṇanā

**394.** Tapoyeva upakkamitabbato ārabhitabbato tapopakkamoti āha “**tapārambhā**”ti. Ārambhanañcetta karaṇamevāti āha “**tapokammānīti attho**”ti. **Samaṇakammasaṅkhātāti** samaṇehi kattabbakammasaññitā. **Niccoloti** nissatṭhacelo sabbena sabbam paṭikkhittacelo. Naggiyavatasamādānena **naggo**. “**Ṭhitakova uccāram karotī**”tiādi nidassanamattaṃ, vamtivā mukhavikkhālanādiācārassapi tena vissatṭhattā. **Jivhāya hatthaṃ apalikhati** apalihati udakena adhovanato. Dutiyavikappepi eseva nayo. “Ehi bhaddante”ti vutte upagamasāṅkhāto vidhi ehibhaddanto, taṃ caratīti ehibhaddantiko, tappaṭikkhepena **na ehibhaddantiko**. **Na karotī** samaṇena nāma parassa vacanakarena na bhavitabbanti adhippāyena. **Puretaranti** taṃ ṭhānaṃ attano upagamanato puretaraṃ. Taṃ kira so “bhikkhunā nāma yādicchakī eva bhikkhā gahetabbā”ti adhippāyena na gaṇhāti. **Uddissakataṃ** “mama nimittabhāvena bahū khuddakā pāṇā saṅghātaṃ āpādītā”ti na

gañhāti. **Nimantanam na sādīyati** “evaṃ tesam vacanam kataṃ bhavissatī”ti. Kumbhādīsupi so sattasaññīti āha “**kumbhikaḷopiyo**”tiādi.

**Kabaḷantarāyoti** kabaḷassa antarāyo **hotīti**. Gāmasabhāgādivasena saṅgama kittenti etissāti **saṅkitti**, tathā saṃhaṭataṇḍulādīsañcayo. **Manussāti** veyyāvaccakaramanussā.

**Surāpānamevāti** majjalakkhaṇappattāya surāya pānameva surāggahaṇena cettha merayampi saṅgahitaṃ. Ekāgārameva uñchatīti **ekāgāriko**. Ekālopaneva vattatīti **ekālopiko**. Dīyati etāyāti **datti**, dvattīālopaṃattagāhi khuddakaṃ bhikkhādānabhājanam, tenāha “**khuddakapātī**”ti. Abhuñjanavasena eko aho etassa atthīti ekāhiko, āhāro. Taṃ **ekāhikaṃ**, so pana atthato ekadivasalaṅghakoti āha “**ekadivasantarika**”nti. “**Dvīhika**”ntiādīsupi eseve nayo. Ekāhaṃ abhuñjitvā ekāhaṃ bhuñjanaṃ **ekāhavāro**, taṃ ekāhikameva atthato. Dvīhaṃ abhuñjitvā dvīhaṃ bhuñjanaṃ **dvīhavāro**. Sesadvayepi eseve nayo. Ukkaṭṭho pana pariyaḃhattabhojaniko dvīhaṃ abhuñjitvā ekāhameva bhuñjati. Sesadvayepi eseve nayo.

**395. Kuṇḍakanti** tanutaram taṇḍulasakalam.

**396.** Saṇehi saṇavākehi nibbattavatthāni **sāṇāni**. Missasāṇāni **masāṇāni**, na bhaṅgāni. **Erakatiṇādīnīti ādi**-saddena akkamakacikadalīvākādīnaṃ saṅgaho. Erakādīhi katāni hi chavāni lāmakāni dussānīti vattabbaṃ labhanti.

Micchāvāyāmasaseneva ukkuṭṭikavatānuyogoti āha “**ukkuṭṭikavīriyam anuyutto**”ti. Thaṇḍilanti vā samā pakatibhūmi vuccati “patthaṇḍile pāturahosī”tiādīsū (ma. ni. 4.10) viya, tasmā **thaṇḍilaseyyanti** anantarahitāya pakatibhūmiyaṃ seyyanti vuttaṃ hoti. **Laddham āsananti** nisīdituṃ yathā laddham āsanam. **Akopetvāti** aññattha anupagantvā, tenāha “**tattheva nisīdanasīlo**”ti. So hi taṃ acaḍḍento apariccajanto akopento nāma hoti. **Vikaṭanti gūtham vuccati** āsayavasena virūpaṃ jātanti katvā.

Ettha ca “acelako hotī”tiādīni vatapadāni yāva “na thusodakam pivatī”ti etāni ekavārāni. “Ekāgāriko vā”tiādīni nānāvārāni, nānākālikāni vā. Tathā “sākabhakkho vā”tiādīni, “sāṇānīpi dhāretī”tiādīni ca. Tathā hettha vā-saddaggahaṇam, pi-saddaggahaṇaṅca kataṃ. Pi-saddopi vikappattho eva daṭṭhabbo. Purimesu pana na kataṃ. Evañca katvā “acelako hotī”ti vatvā “sāṇānīpi dhāretī”tiādi vacanassa, “rajojalladhāro hotī”ti vatvā “udakorohanānuyogaṃ anuyutto”ti vacanassa ca avirodho siddho hoti. Atha vā kimettha avirodhacintāya. Ummattakapaccchisadiso hi titthiyavādo. Atha vā “acelako hotī”ti ārabhitvā tappasaṅgena sabbampi attakilamathānuyogaṃ dassentena “sāṇānīpi dhāretī”tiādi vuttanti daṭṭhabbam.

### Tapopakkamaniratthakathāvaṇṇanā

**397. Sīlasampadādīhi vināti** sīlasampadā, samādhisampadā, paññāsampadāti imāhi lokuttarāhi sampadāhi vinā na kadāci sāmāññaṃ vā brahmaññaṃ vā sambhavati, yasmā ca tadevaṃ, tasmā tesam tapopakkamānaṃ niratthakataṃ dassentoti yojanā. “**Dosaveravirahita**”nti idaṃ dosassa mettāya ujupaṭipakkhatāya vuttaṃ. **Dosa**-ggahaṇena vā sabbepi jhānapaṭipakkhā saṃkilesadhammā gahitā, **vera**-ggahaṇena paccatthikabhūtā sattā. Yadaggena hi dosarahitaṃ, tadaggena verarahitanti.

**398.** Pakaṭabhāvena kāyati gametīti **pakati**, lokasiddhavādo, tenāha “**pakati kho esāti pakatikathā esā**”ti. **Mattāyāti mattā**-saddo “mattā sukhapariccāgā”tiādīsū (dha. pa. 290) viya appattham antonītam katvā pamāṇavācakoti āha “**iminā pamāṇena evam parittakenā**”ti. Tena pana pamāṇena pahātabbo pakaraṇappatto paṭipattikkamoti āha “**paṭipattikkamenā**”ti. **Sabbatthāti** sabbavāresu.

**399. Aññathā vadathāti** yadi acelakabhāvādīnā sāmāññaṃ vā brahmaññaṃ vā abhaviṣsa, suvijānova samaṇo suvijāno brāhmaṇo. Yasmā pana tumhe ito aññathāva sāmāññaṃ brahmaññaṅca vadatha, tasmā dujjānova samaṇo dujjāno brāhmaṇo, tenāha “**idaṃ sandhāyāhā**”ti. **Tam pakativādam paṭikkhipitvāti** pubbe yaṃ pakatikaṃ sāmāññaṃ brahmaññaṅca hadaye ṭhapetvā tena “dukkara”ntiādi vuttaṃ, tameva sandhāya bhagavatāpi “pakati kho esā”tiādi vuttaṃ. Idha pana **tam pakativādam** pakatikasamaṇabrāhmaṇavisayaṃ katham paṭikkhipitvā paṭisaṃharitvā **sabhāvatova** paramatthatova samaṇassa brāhmaṇassa ca **dujjānabhāvam āvikaronto** pakāsento. **Tatrāpīti** samaṇabrāhmaṇavādepi **vuttanayeneva**.

### Sīlasamādhīpaññāsampadāvaṇṇanā

**400-1. Paṇḍitoti** hetusampattisiddhena paṇḍiccena samannāgato, **katham uggahesi** paripakkaññāntā ghaṭe paḍīpena viya abbhantare samujjalantena paññāveyyattiyena tattha tattha bhagavatā desitamattaṃ pariggaṇhanto tampi desanaṃ upadhāresi. **Tassa cāti** yo acelako hoti yāva udakorohanānuyogaṃ anuyutto viharati, tassa ca. **Tā sampattiyo pucchāmi**, yāhi samaṇo ca hotīti adhippāyo. **Sīlasampadāyāti iti**-saddo ādiattho, tena “cittasampadāya paññāsampadāyā”ti padadvayaṃ saṅgañhāti asekkhasīlādikhandhattayasaṅgahitañhi arahattaṃ, tenāha “**arahattaphalameva sandhāya vutta**”ntiādi. Tattha **idanti** idaṃ vacanam.

### Sīhanādakathāvaṇṇanā

**402.** Anaññasādhāraṇatāya, anaññasādhāraṇatthavisaṇṇatāya ca **anuttaram buddhasīhanādam nadanto**. Ativiya accantavisuddhatāya **paramavisuddham**. **Paramanti** ukkaṭṭham, tenāha “**uttama**”nti. **Silameva** lokiyasīlāntā. Yathā anaññasādhāraṇam bhagavato lokuttarasīlam savāsanam paṭipakkhavidhamsanato, evaṃ lokiyasīlampi tassa anucchavikabhāvena sambhūtāntā, samena samanti **samasamanti** ayamettha atthoti āha “**mama silasamena silena mayā sama**”nti. “**Yadidaṃ adhisīla**”nti lokiyam, lokuttarañcāti duvidhampi buddhasīlam ekajjham katvā vuttam. Tenāha “sīlepi”ti. **Iti imanti** evaṃ imaṃ sīlavisaṇṇam. Paṭhamam pavattatā **paṭhamam**.

**Tapatīti** santappati, vidhamatīti attho. **Jigucchatīti** hīleti lāmakato ṭhapeti. **Niddosattā ariyā** ārakā kilesehīti. Maggaphalasampayuttā vīriyasaṅkhātā tapojigucchāti ānetvā sambandho. **Paramā nāma** sabbukkaṭṭhabhāvato. Yathā yuvino bhāvo yobbanam, evaṃ jigucchino bhāvo **jeguccham**. Kilesānam samucchindanapaṭippassambhānāni **samucchedapaṭippassaddhivimuttiyo**. **Nissaraṇavimutti** nibbānam. Atha vā sammāvācādīnam adhisīlaggahaṇena, sammāvāyāmassa adhijegucchaggahaṇena, sammādiṭṭhiyā adhipaññaggahaṇena gahitattā aggahitaggahaṇena sammāsaṅkappasatisamādhayo maggaphalaparivāpannā **samucchedapaṭippassaddhivimuttiyo** daṭṭhabbā. **Nissaraṇavimutti** pana nibbānameva.

**403.** Yaṃ kiñci janavivittam ṭhānam idha “**suññāgāra**”nti adhippetam. Tattha nadantena vinā nādo natthīti āha “**ekatova nisīditvā**”ti. **Aṭṭhasu parisāsūti** khattiyaparīsā, brāhmaṇaparīsā, gahapatiparīsā, samaṇaparīsā, cātumahārājikaparīsā, tāvatiṃsaparīsā, māraparīsā, brahmaparīsāti imāsu aṭṭhasu parisāsu.

**Vesārajjanīti** visāradabhāvā nāṇappahānasampadānimittam kutoci asantassanabhāvā nibbhayabhāvāti attho. **Āsabham ṭhānanti** seṭṭham ṭhānam, uttamam ṭhānanti attho. **Āsabhā** vā pubbabuddhā, tesam ṭhānanti attho.

Apica usabhassa idanti āsabham, āsabham viyāti āsabham. Yathā hi nisabhasaṅkhāto usabho attano usabhabalena catūhi pādehi pathaviṃ uppīletvā acalaṭṭhānena tiṭṭhati, evaṃ tathāgatopi dasahi tathāgatabalehi samannāgato catūhi vesārajjapādehi aṭṭhaparīsāpathaviṃ uppīletvā sadevake loke kenaci paccatthikena akampiyo acalena ṭhānena tiṭṭhati. Evaṃ tiṭṭhamānova tam āsabham ṭhānam paṭijānāti upagacchati na paccakkhāti attani āropeti. Tena vuttam “āsabham ṭhānam paṭijānāti”ti.

**Sīhanādam nadatīti** yathā migarājā parissayānam sahanato, vanamahimsamattavāraṇādīnam hananato ca “sīho”ti vuccati, evaṃ tathāgato lokadhammānam sahanato, parappavādānam hananato ca “sīho”ti vuccati. Evaṃ vuttassa sīhassa nādam sīhanādam. Tattha yathā sīho sīhabalena samannāgato sabbattha visārado vīgatalomahaṃso sīhanādam nadati, evaṃ tathāgatasīhopi dasahi tathāgatabalehi samannāgato aṭṭhasu parisāsu visārado vīgatalomahaṃso “iti rūpa”ntiādīnā (saṃ. nī. 3.78; a. nī. 8.2) nayena nānāvīlāsasampannaṃ sīhanādam nadati.

**Pañham abhisānkaritvāti** nātum icchitamattam attano nāṇabalānurūpaṃ abhiracitvā **taṅkhaṇamyevāti** pucchitakkhaṇeyeva ṭhānuppattikapaṭibhānena **vissajjeti**. **Cittam paritoseyeva** ajjhāsāyānurūpaṃ vissajjanato. **Sotabbañcassa maññanti** aṭṭhakkhaṇavajjitena navamena khaṇena labbhamānattā. “Yaṃ no satthā bhāsati, tam no sossāmā”ti ādaragāravajātā **mahantena ussāhena sotabham** sampaṭicchitabham **maññanti**. **Suppasannā** pasādābhībuddhiyā vīgatupakkilesatāya **kallacittā muducittā honti**. **Pasannakāranti** pasanhehi kātabbasakkāram, dhammāmisapūjanti attho. Tattha āmisapūjam dassento “**paṇitāni**”tiādīmāha. Dhammapūjā pana “**tathattāyā**”ti iminā dassitā. **Tathābhāvāyāti** yathattāya yassa vaṭṭadukkhanissaraṇatthāya dhammo desito, tathābhāvāya, tenāha “**dhammānudhammapaṭipattipūraṇatthāyā**”ti. Sā ca dhammānudhammapaṭipatti yāya anupubbiyā paṭipajjitabbā, paṭipajjantānañca sati ajjhattikaṅgasamavāye ekaṃsīkā tassā pāripurīti tam anupubbiṃ dassetuṃ “**keci saraṇesu**”tiādi vuttam.

**Imasmim panokāse thatvāti** “paṭipannā ca ārādhenti”ti etasmim sīhanādakiccapāripurīdīpane pālipadese thatvā. **Samodhānetabbāti** saṅkalitabbā. **Eko sīhanādo** asādhāraṇo aññehi appaṭivattīyo seṭṭhanādo abhītanādoti katvā. Esa nayo sesesupī. **Purimānam dasannanti**ādito paṭṭhāya yāva “vimuttīyā mayham sadiso natthī”ti etesaṃ purimānam dasannaṃ sīhanādanam, niddhāraṇe cettha sāmivacanaṃ, tenāha “**ekekassā**”ti. “**Parisāsu ca nadatī**”ti **ādayo parivārā** “ekaccaṃ tapassim niraye nibbattam passāmi”ti sīhanādam nadanto bhagavā parisāyam nadati visārado nadati yāva “paṭipannā ārādhenti”ti atthayojanāya sambhavato. Tathā sesesupī navasu.

“Eva”ntiādi yathāvuttānam tesam saṅkaletvā dassanam. **Te dasāti** te “parisāsu ca nadatī”ti ādayo sīhanādā. **Purimānam dasannanti** yathāvuttānam purimānam dasannaṃ. **Parivārasenāti** paccekaṃ parivārasena yojijyamānā **sataṃ** sīhanādā. **Purimā ca dasāti** tathā ayojijyamānā purimā ca dasāti evaṃ **dasādhikam sīhanādasatam hoti**. **Evaṃ vādīnam vādanti** evaṃ pavattavādānam tiṭṭhiyānam vādam. **Paṭisedhetvāti** tathābhāvābhāvādasanena paṭikkhipitvā. Yaṃ bhagavā **udumbarikasutte** “idha nigrodha tapassī”tiādīnā (dī. nī. 3.33) upakkilesavibhāgam, pārisuddhivibhāgañca dassento sapaṇāsassa nigrodhassa paribbājakassa purato sīhanādam nadi, tam dassetuṃ “**idāni parisati naditapubbam**

sīhanādaṃ dassento”tiādi vuttaṃ.

### Titthiyaparivāsakathāvaṇṇanā

404. Idanti “rājagahe gijjhakūṭe pabbate viharantaṃ maṃ...pe... pañhaṃ pucchi”ti idaṃ vacanaṃ. Kāmaṃ yaḍā nigrodho pañhaṃ pucchi, bhagavā cassa vissajjesi, na tadā gijjhakūṭe pabbate viharati, rājagahasamīpe pana viharatīti katvā “rājagahe gijjhakūṭe pabbate viharantaṃ ma”nti vuttaṃ, gijjhakūṭe viharanañcassa tadā avicchinnanti, tenāha “yaṃ taṃ bhagavā”tiādi. Yogeti naye, dukkhanissaraṇūpāyetai attho.

405. Yaṃ parivāsaṃ sāmaṇerabhūmiyaṃ t̥hito parivasatīti yojanā. Yasmā sāmaṇerabhūmiyaṃ t̥hitena parivasitabbaṃ, na gihibhūtena, tasmā aparivasitvāyeva pabbajjaṃ labhati. Ākaṅkhati pabbajjaṃ, ākaṅkhati upasampadanti ettha pana pabbajjā-ggahaṇaṃ vacanasilīttatāvaseneva “dirattatirattaṃ sahaseyya”nti (pāci. 50) ettha dirattaggahaṇaṃ viya. Gāmapavesanādīnīti ādi-saddena vesiyāvidhavāthullakumāripanḍakabhikkhunigocaratā, sabrahmacārīnaṃ uccāvacesu kimkaraṇīyesu dakkhānalasādītā, uddesaparipucchādīsu tibbachandātā, yassa titthāyatanato idhāgato, tassa avaṇṇe, ratanattayassa ca vaṇṇe anattamanatā, tadubhayaṃ yathākkamaṃ vaṇṇe ca avaṇṇe ca attamanatātīti imesaṃ saṅgaho vedītabbo, tenāha “at̥ṭha vattāni pūrentenā”ti. Ghaṃsitvā koṭṭetvāti ajjhāsayaṃsa vīmaṃsanavasena suvaṇṇaṃ viya ghaṃsitvā koṭṭetvā.

Gaṇamajjhe nisīditvāti upasampadākammaṃsa gaṇappahonakānaṃ bhikkhūnaṃ majjhe saṅghatthero viya tassa anuggahattaṃ nisīditvā. Vūpakaṭṭhoti vivitto. Tādisassa silavisodhane appamādo avuttasiddhoti āha “kammaṭṭhāne satīṃ avijahanto”ti. Pesitacittoti nibbānaṃ pati pesitacitto taṃnīno tappoṇo tappabbhāro. Jātikulaputtāpi ācārasampannā eva arahattādhigamāya pabbajjāpekkhā hontīti tepi tehi ekasaṅgahe karonto āha “kulaputtāti ācārakulaputtā”ti, tenāha “sammadevāti hetunāva karaṇenevā”ti. “Otiṇṇomhi jātiyā”tiādinā nayena hi saṃvegapubbikaṃ yathānusiṭṭhaṃ pabbajjaṃ sandhāya idha “sammadevā”ti vuttaṃ. Hetunāti nīyena. Pāpuṇitvāti patvā adhigantvā. Sampādetvāti asekkhā silasamādhīpaññā nipphādetvā, paripūretvā vāti attho.

Niṭṭhāpetunti nigamanavasena pariyoṣāpetuṃ. “Brahmacariyapariyoṣānaṃ...pe... vihāsi”ti iminā eva hi arahattanikūṭena desanā pariyoṣāpitā. Taṃ pana nigamento “aṇṇataro kho panā...pe... ahoṣī”ti vuttaṃ dhammasaṅgāhakehi. Yaṃ panettha atthato na vibhattaṃ, taṃ suviññeyyameva.

Mahāsīhanādasuttavaṇṇanāya līnatthappakāsanā.

## 9. Poṭṭhapādasuttavaṇṇanā

### Poṭṭhapādaparibbājakavatthuvaṇṇanā

406. Sāvattīyanti samīpatthe bhummanti āha “sāvattīṃ upanissāyā”ti. Jetassa kumārassa vaneti jetena nāma rājakumārena ropite upavane. Nivāsaphāsutādinā pabbajitā āramanti etthāti ārāmo, vihāro. Phoṭo pādesu jātoti poṭṭhapādo. Vatthacchāyāchādanapabbajūpagatattā channaparibbājako. Brāhmaṇamahāsāloti mahāvibhavaṭāya mahāsāratāpatto brāhmaṇo. Samayanti sāmāññāniddeso, taṃ taṃ samayanti attho. Pavadantīti pakārato vadanti, attanā attanā uggahitanīyāmena yathā tathā samayaṃ vadantīti attho. “Pabhutayo”ti iminā todeyyajāṇusoṇisoṇadaṇḍādiḷe saṅgaṇhāti, paribbājakādayoti ādi-saddena channaparibbājakādiḷe. Tīndukācīramettha atthīti tīndukācīro, ārāmo. Tathā ekā sālā etthāti ekasālako, tasmīṃ tīndukācīre ekasālako.

Anekākārānavasesañeyyathavibhāvanato, aparāparuppattito ca bhagavato nīṇaṃ tattha patthaṭaṃ viya hotīti vuttaṃ “sabbaññūtaññānaṃ pattharivā”ti, yato tassa nīṇajālatā vuccati, veneyyānaṃ tadantogadhatā heṭṭhā vuttāyeva. Veneyyasattapariggaṇhanatthaṃ samannāhāre kate paṭṭhamaṃ nesaṃ veneyyabhāveneva upaṭṭhānaṃ hoti, atha saraṇagamaṇādivasena kiccanipphatti vīmaṃsīyattīti āha “kim nu kho bhavissatīti upaparikkhanto”ti. Nirodhanti saññānirodhaṃ. Nirodhā vuṭṭhānanti tato nirodhato vuṭṭhānaṃ saññūppattīṃ. Sabbabuddhānaṃ nīṇena saṃsanditvāti yathā te nirodhaṃ, nirodhato vuṭṭhānañca byākariṃsu, byākariṃsanti ca, tathā byākaraṇavasena saṃsanditvā. Hatthisāriputtoti hatthisārino putto. “Yugandharapabbataṃ parikkhipivā”ti idaṃ parikappavacanaṃ “tādisaṃ atthi ce, taṃ viyā”ti. Meghavaṇṇanti rattameghavaṇṇaṃ, sañjhāppabhānurañjītameghasaṅkāsanāti attho. Paccagghanti abhinavaṃ ādito tathāladhāvohārena, anaññaparibhogatāya, tathā vā satthu adhiṭṭhānena so patto sabbakālaṃ “paccagghaṃ” tveva vuccati, silādīvuttaratānalakkhaṇūpapattīyā vā so patto “paccaggha”nti vuccati.

407. Attano rucivasena saddhammaṭṭhītiḷhāsayaṃsa, na parena ussāhitoti adhippāyo. “Atippagabhāvameva disvā”ti idaṃ bhūtakathanaṃ na tāva bhikkhācāraṇelā sampattāti dassanattaṃ. Bhagavā hi tadā kālasseva vihāro nikkhanto “vāsānābhāgiyāya dhammasanāya poṭṭhapādaṃ anuggaṇhissāmī”ti. Yannūnāhanti aṇṇattha saṃsayaparidīpano, idha pana saṃsayaparidīpano viya. Kasmāti āha “buddhāna”ntiādi. Saṃsayo nāma natthi bodhimūle eva samugghāṭitattā. Parivittakapubbabhāgoti adhippetakiccassa pubbhāgaparivittakko eva. Buddhānaṃ labbhātīti



“karissāma, na karissāmā”tiādiko esa cittacāro buddhānaṃ labbhati sambhavati vicāraṇavasena pavattanato, na pana saṃsayavasena. **Tenāhāti** yena buddhānaṃ labbhati, tenevāha bhagavā “**yannūnāha**”nti. Parikkappane vāyaṃ nipāto. “Upasaṅkameyya”nti kiriyāpadena vuccamāno eva hi attho “yannūnā”ti nipātapadena jotiyati. Ahaṃ yannūna upasaṅkameyyanti yojanā. **Yadi panāti** idampi tena samānathanti āha “**yadi panāhanti attho**”ti.

**408.** Yathā unnatappāyo saddo unnādo, evaṃ vipulabhāvena uparūpari pavattopi unnādoti tadubhayaṃ ekajjhaṃ katvā **pāliyaṃ** “unnādiniyā”ti vatvā puna vibhāgena dassetuṃ “uccāsaddamahāsaddāyā”ti vuttanti tamatthaṃ vivaranto “**uccaṃ nadamānāyā**”tiādimāha. **Assāti** parisāya. **Uddhamgamanavasenāti** unnatabahulatāya uggantvā uggantvā pavattanavasena. **Disāsu patthaṭṭavasenāti** vipulabhāvena bhūtaparamparāya sabbadisāsu pattharaṇavasena. Idāni pariḅḅajakaparīsāya uccāsaddamahāsaddatāya kāraṇaṃ, tassa ca pavattiākāraṃ dassento “**tesaṅhī**”tiādimāha. **Kāmassādo** nāma kāmaṅṅassādo. Kāmaḅhavadigato assādo **bhavassādo**.

**409.** **Sanṭhapesī**ti saṃyamanavasena sammadeva ṭhapesi, sanṭhapanañcetta tiracchānakathāya aññamaññasmiṃ agāravassa jāhāpanavasena ācārassa sikkhāpanaṃ, yathāvuttadosassa nigūhanañca hotīti āha “**sikkhāpesi**”tiādi. **Appasaddanti** nissaddaṃ, uccāsaddamahāsaddābhāvanti adhippāyo. **Nappamajjantīti** na agāraṃ karonti.

**410.** **No āgate ānandoti** bhagavati āgate no amhākaṃ ānando pīti **hoti**. **Piyasamudācārāti** piyālāpā. “Paccuggamaṃ akāsi”ti vatvā na kevalamayameva, atha kho aññepi pabbajitā yebhuyyena bhagavato apacitīṃ karontevāti dassetuṃ “bhagavantañhī”tiādimā vā, tattha kāraṇamāha “**uccākulinatāyā**”ti, tena sāsane appasannāpi kulagāraṇena bhagavati apacitīṃ karonte vāti dasseti. **Etasmiṃ antare kā nāma kathāti** etasmiṃ yathāvuttaparicchedabbhantare kathā kā nāma. **Vippakatā** āradhā hutvā apariyosita. “Kā kathā vippakatā”ti vadanto atthato tassā pariyosāpanaṃ paṭijānāti nāma. “Kā kathā”ti ca avisesacodanāti yassā tassā sabbassāpi kathāya pariyosāpanaṃ paṭijñātañca hoti, tañca paresaṃ asabbaññūnaṃ avisayanti āha “**pariyantaṃ netvā demīti sabbaññupavāraṇaṃ pavāresi**”ti.

#### Abhisāññānirodhakathāvaṇṇanā

**411.** **Sukāraṇanti** sundaraṃ atthāvahaṃ hitāvahaṃ kāraṇaṃ. Nānātitthesu nānāladdhīsu niyuttāti nānātitthikā, te eva **nānātitthiyā** ka-kārassa ya-kāraṃ katvā. Kutūhalamettha atthīti kotūhalā, sā eva sālāti **kotūhalasālā**, tenāha “**kotūhaluppattiṭṭhānato**”ti. **Saññānirodheti** saññāsisenāyaṃ desanā, tasmā saññāsahagatā sabbepi dhammā saṅgayhanti, tattha pana cittaṃ padhānanti āha “**cittānirodhe**”ti. Accantanirodhassa pana tehi anadhippetattā, avisayattā ca “**khaṇikanirodhe**”ti āha. Kāmaṃ sopi tesāṃ avisayova, atthato pana nirodhakathā vuccamānā tattheva tiṭṭhatīti tathā vuttaṃ. **Kittighosoti** “aho buddhānubhāvo bhavantarapaṭicchannaṃ kāraṇaṃ evaṃ hatthāmalakaṃ viya paccakkhato dasseti, sāvake ca edise saṃvarasamādāne paṭiṭṭhāpeti”ti thutighoso yāva bhavaggā pattharati. **Paṭibhāgakiriyanti** paḷāsavasena paṭibhāgabhūtaṃ payogaṃ karonto. **Bhavantarasaṃmayanti** tatra tatra vuṭṭhanasamayaṃ abhūtaparikkappaṃ kiñci uppādiyaṃ vatthuṃ attano samayaṃ katvā. **Kiñcideva sikkhāpadanti** “elamūgena bhavitabbaṃ, ettakaṃ, velaṃ ekasmiṃyeva ṭhāne nisīditabba”nti evamādiḅkaṃ kiñcideva kāraṇaṃ sikkhākoṭṭhāsaṃ katvā **paññapenti**. **Nirodhakathanti** nirodhasamāpattikathaṃ.

**Tesūti** kotūhalasālāyaṃ sannipatitesu titthiyasamaṅṅabrāhmaṇesu. **Ekacceti** eke. **Purimoti** “ahetū appaccayā”ti evaṃvādī. Yvāyaṃ idha uppajjati yojanā. **Samāpattinti** asaññābhāvāvahaṃ samāpattiṃ. **Nirodheti** saññānirodhe. **Hetum apassantoti** yena hetunā asaññābhāve saññāya nirodho sabbaso anuppādo, yena ca tato cutassa idha pañcavokārabhave tassā uppādo, taṃ avisayatāya apassanto.

Nanti paṭhamavādiṃ. **Nisedhetvāti** “na kho nāmetaṃ bho evaṃ bhavissati”ti evaṃ paṭikkhipitvā. **Asaññikabhāvanti** muñchāpattiyā kiriyamayasaññāvasena vigatasaññibhāvaṃ. Vakkhati hi “visaññī hutvā”ti. Vikkhambhanavasena kilesānaṃ santāpanena **attantapo**. **Ghoratapotī** dukkaratāya bhīmatapo. **Parimāritindriyoti** nibbisevanabhāvāpādanena sabbaso milāpitacakkhādindriyo. **Bhaggoti** bhaññitakusalajjhāsayo. **Evamāhāti** “evaṃ saññā hi bho purisassa attā”tiādiākāreṇa saññānirodhamāha. Iminā nayena ito paresu dvīsu ṭhānesu yathārahaṃ yojanā veditabbā.

**Āthabbaṇapayoganti** āthabbaṇavedavihitāṃ āthabbaṇikānaṃ visaññibhāvāpādanapayogaṃ. **Āthabbaṇaṃ payojtvāti** āthabbaṇavede āgataaggijuhanapubbakaṃ mantajappanaṃ payojtvā sisacchinnatādīdassanena saññānirodhamāha. **Tassāti** yassa sisacchinnatādī dassitaṃ, tassa.

**Yakkhadāsīnanti** devadāsīnaṃ, yā “devatābhātiyotipi” vuccanti. **Madaniddanti** surāmadanimittakaṃ supanaṃ **devatūpahāranti** naccanagāyanādīnā devatānaṃ pūjaṃ. **Surāpātinti** pātipuṇṇaṃ suraṃ. **Divāti** atidivā ussūre.

**Elamūgakathā viyāti** imesaṃ paṇḍitamānīnaṃ kathā andhabālākathāsadisī. **Cattāro nirodheti** aññamaññāvidhure cattāro nirodhe **ete paññapenti**. Na ca aññamaññāviruddhanānāsabhāvena tena bhavitabbaṃ, atha kho ekasabhāvena, tenāha “**iminā cā**”tiādi. **Aññenevāti** imehi vuttākārato aññākāreṇa **bhavitabbaṃ**. “**Ayaṃ nirodho, ayaṃ nirodho**”ti āmedītavacanaṃ satthā attano desanāvīlāsena anekākāravokāraṃ nirodhaṃ vibhāvesatīti dassanattaṃ kataṃ **aho nūnāti**

ettha **ahoti** acchariye, **nūnāti** anussaraṇe nipāto. Tasmā aho nūna bhagavā anaññasādhāraṇadesanattā nirodhampi aho acchariyaṃ katvā katheyya maññeti adhippāyo. “**Aho nūna sugato**”ti etthāpi eseva nayo. Acchariyavibhāvanato eva cettha dvikkhattuṃ vacanaṃ, acchariyatthopi cettha **aho**-saddo. So yasmā anussaraṇamukheneva tena gahito, tasmā vuttaṃ “**aho nūnāti anussaraṇatthe**”ti. Kālapuggalādivibhāgena bahubhedattā **imesaṃ nirodhadhammānanti** bahuvacanaṃ, kusala-saddayogena sāmivacanaṃ bhūmatthe daṭṭhabbaṃ. **Ciṅṇavasitāyāti** nirodhasamāpattiyāṃ vasībhāvassa ciṅṇattā. **Sabhāvaṃ jānātīti** nirodhassa sabhāvaṃ yāthāvato jānāti.

### Ahetukasaññuppādanirodhakathāvaṇṇanā

**412. Gharamajjheveva pakkhalitāti** gharato bahi gantukāmā purisā maggaṃ anotaritvā gharājirena samatale vivaṅgaṇe eva pakkhalanaṃ pattā, evaṃ sampadamidanti attho. Asādhāraṇo **hetu**, sādharmaṇo **paccayoti** evamādi vibhāgena idha payojanaṃ natthi saññāya akāraṇabhāvapaṭikkhepattā codanāyāti vuttaṃ “**kāraṇasseva nāma**”nti.

Pāliyaṃ “uppajjantipi nirujjhantipi”ti vuttaṃ, tatha “sahetū sappaccayā saññā uppajjanti, uppannā pana nirujjhantiyeva, na tiṭṭhanti”ti dassanattāṃ “nirujjhanti”ti vacanaṃ, na nirodhassa sahetusappaccayabhāvadassanattāṃ. Uppādo hi sahetuko, na nirodho. Yadi hi nirodhopi sahetuko siyā, tassa nirodhenāpi bhavitabbaṃ aṅkurādīnaṃ viya, na ca tassa nirodho atthi. Tasmā vuttanayeneva pāliya attho veditabbo. Ayañca nayo khaṇanirodhavasena vutto. Yo pana yathāparicchinnaḥkalavasena sabbasova anuppādanirodho, so “sahetuko”ti veditabbo tathārūpāya paṭipattiyā vinā abhāvato. Tenāha bhagavā “sikkhā ekā saññā nirujjhanti”ti. (Dī. ni. 1.412) tato eva ca idhāpi vuttaṃ “saññāya sahetukaṃ uppādanirodhaṃ dīpetu”nti.

**Sikkhā ekāti** ettha **sikkhāti** karaṇe paccattavacanaṃ, eka-saddo aññāpariyāyo “ittheke abhivadanti sato vā pana sattassā”tiādīsu (dī. ni. 1.85 ādayo; ma. ni. 3.21) viya, na saṅkhyāvacīti āha “**sikkhā ekā saññā uppajjantīti sikkhāya ekaccā saññā jāyantīti**”ti. Sesapadesupi eseva nayo.

**413. Tatthāti** tassaṃ uparidesanāyaṃ. **Sammādiṭṭhisammāsaṅkappavasena pariyaṇānattā āgatāti** sabhāvato upakārato ca paññākkhandhe pariyaṇānattā saṅgahitattā **tatiyā** adhipaññāsikkhā sammādiṭṭhisammāsaṅkappavasena āgatā. Tathā hi vuttaṃ “yā cāvuso visākha sammādiṭṭhi, yo ca sammāsaṅkappo, ime dhammā paññākkhandhe saṅgahitā”ti (ma. ni. 1.462) kāmañcettha vuttanayena tissopi sikkhā āgatā eva, tathāpi adhicittasikkhāya eva abhisaññānirodho dassito, itarā tassa sambhārabhāvena ānītā.

**Pañcakāmaguṇikarāgoti** pañcakāmakotṭhāse ārabba uppajjanakarāgo. **Asamuppannakāmacāroti** vattamānuppannatāvasena asamuppanno yo koci kāmacāro yā kaci lobhuppatti. Purimo visayavasena niyamitattā kāmaguṇārammaṇova lobho daṭṭhabbo, itaro pana jhānanikantibhavarāgādippabhedo sabbopi lobhacāro kāmaṇaṭṭhena kāmesu pavattanato. Sabbepi hi tebhūmakā dhammā kāmañyaṭṭhena kāmāti. Ubhayesampi kāmasaññātināmatā saha karaṇāñāyenaṭi “kāmasaññā”ti paduddhāraṃ katvā tadubhayaṃ niddiṭṭhaṃ.

“**Tatthā**”tiādi asamuppannakāmacārato pañcakāmaguṇikarāgassa visesadassanaṃ. Kāmaṃ pañcakāmaguṇikarāgopi asamuppanno eva maggena samugghāṭiyati, tasmim̐ pana samugghāṭitepi na sabbo rāgo samugghāṭaṃ gacchati, tasmā pañcakāmaguṇikarāgaggahaṇena na itarassa sabbassa rāgassa gahaṇaṃ hotīti ubhayasādhāraṇena pariyaṇāyena ubhayaṃ saṅgahetvā dassetuṃ pāliyaṃ kāmasaññāggahaṇaṃ katanti tadubhayaṃ sarūpato visesato ca dassetvā sabbasaṅgāhikabhāvato “**asamuppannakāmacāro pana imasmim̐ ṭhāne vaṭṭati**”ti vuttaṃ.

**Sadisattāti** kāmasaññādivhāvena samānattā, etena pāliyaṃ “purimā”ti sadisakappanāvasena vuttanti dasseti. Anāgatā hi idha “nirujjhanti”ti vuttā anuppādassa adhippetattā, tenāha “**anuppannāva nuppajjati**”ti.

Nīvaraṇavivekato jātattā vivekajehi paṭhamajjhānapītisukhehi saha akkhātābbā, taṃkoṭṭhāsikā vāti **vivekajaṃ pītisukhasāṅkhātā**. Nānattasaññāpaṭighasaññāhi nipuṇatāya sukhumabhūtātāya **sukhumasaññā bhūtā** sukhumabhāvena, paramatthabhāvena aviparītasabhāvā. Jhānaṃ taṃsāmpayuttadhammānaṃ bhāvanāsiddhā saṅhasukhumatā nīvaraṇavikkhambhanavasena viññāyatīti āha “**kāmacchandādiolārikaṅgappahānavasena sukhumā**”ti. **Bhūtātāyāti** vijjamānatāya. **Sabbatthāti** sabbavāresu.

Samāpajjanādhīṭṭhānāni viya vuṭṭhānaṃ jhāne pariyaṇānampi hoti yathā taṃ dhammānaṃ bhaṅgakkhaṇo dhammesu, na āvajjanapaccavekkhaṇānti “**paṭhamajjhānaṃ samāpajjanto adhiṭṭhahanto vuṭṭhahanto ca sikkhāti**”ti vuttaṃ, na “āvajjanto paccavekkhanto”ti. Tanti paṭhamajjhānaṃ. **Tenāti** hetumhi karaṇavacanaṃ, tasmā paṭhamajjhānena hetubhūtenāti attho. Hetubhāvo cettha jhānassa yathāvuttasaññāya uppattiyā saha jātādipaccayabhāvo kāmasaññāya nirodhassa upanissayatāva, tañca kho suttantapariyaṇāyena. Tathā ceva saṃvaṇṇitaṃ “tathārūpāya paṭipattiyā vinā abhāvato”ti. **Etenupāyenāti** yvāyaṃ paṭhamajjhānatappaṭipakkhasaññāvasena “sikkhā ekā saññā uppajjati, sikkhā ekā saññā nirujjhanti”ti ettha attho vutto, etena nayena. **Sabbatthāti** sabbavāresu.

**414.** Yasmā panettha samāpattivāsena taṃtaṃsaññānaṃ uppādanīrodhe vuccamāne aṅgavasena so vuttoti āha “**yasmā panā**”tiādi. “**Aṅgato sammasana**”nti anupadadhammavipassanāya lakkhaṇavacanāṃ. Anupadadhammavipassanañhi karonto samāpattiṃ patvā aṅgato sammasanaṃ karoti, na ca saññā samāpattiyā kiñci aṅgaṃ hoti. Vuttañca “**idañca saññā saññāti evaṃ aṅgato sammasanaṃ uddhaṭṭa**”nti. **Aṅgototi** vā avayavatoti attho, anupadadhammatoti vuttaṃ hoti. **Tadevāti** ākiñcaññāyatanameva.

**Yato khoti** paccatte nissakkavacananti āha “**yo nāmā**”ti yathā “**ādimhī**”ti etasmiṃ atthe “**ādito**”ti vuccati itaravibhattitopi to-saddassa labbhanato. Sakasmiṃ attanā adhigate saññā sakasaññā, sā etassa atthīti **sakasaññī**, tenāha “**attano paṭhamajjhānasaññāya saññavā**”ti. **Sakasaññīti** cettha upari vuccamānanīrodhapādatāya sātisayāya jhānasaññāya atthibhāvajotako ī-kāro daṭṭhabbo, tenevāha “**anupubbena saññaggama phusati**”tiādi. Tasmā tattha tattha sakasaññītaggahaṇena tasmiṃ tasmiṃ jhāne sabbaso suciṇṇavasībhāvo dīpitoti veditabbaṃ.

**Lokiyānanti** niddhāraṇe sāmivacanāṃ, sāmīatthe eva vā. Yadaggena hi taṃ tesu seṭṭhaṃ, tadaggena tesampi seṭṭhanti. “**Lokiyāna**”nti viśesanaṃ lokuttarasamāpattihi tassa aseṭṭhabhāvato. “**Kiccakāraṇasamāpattina**”nti viśesanaṃ akiccakāraṇasamāpattito tassa aseṭṭhabhāvato. Akiccakāraṇatā cassā paṭusaññānikiccābhāvavacanato viññāyati. Yatheva hi tattha saññā, evaṃ phassādayo pīti. Yadaggena hi tattha saññābhāvesasukhumabhāvappattiyā pakativipassakānaṃ sammasitūṃ asakkupēyārūpena ṭhitā, tadaggena heṭṭhimasamāpattidhammā viya paṭukiccakaraṇasamatthāpi na hontīti. Svāyamattho paramatthamañjusāyaṃ **visuddhimaggasaṃvaṇṇanāyaṃ** āruppakathāyaṃ (visuddhi. ṭī. 1.286) savisesaṃ vutto, tasmā tattha vuttanāyena veditabba. Keci pana “yathā heṭṭhimā heṭṭhimā samāpattiyo uparimānaṃ uparimānaṃ adhiṭṭhānakiccaṃ sādheti, na evaṃ nevasaññānāsaññāyatanasamāpatti kassacipi adhiṭṭhānakiccaṃ sādheti, tasmā sā akiccakārikā, itarā kiccakārikā vuttā”ti vadanti, tadayuttaṃ tassāpi vipassanācittaparidamanādīnaṃ adhiṭṭhānakiccāsādhanaṃ. Tasmā purimoyeva attho yutto.

**Pakappeti**ti saṃvidahati. Jhānaṃ samāpajjanto hi jhānasukhaṃ attani saṃvidahati nāma. **Abhisankharoti**ti āyūhati, sampiṇḍeti attho. Sampiṇḍanatto hi samudayaṭṭho. Yasmā nikantivasena cetanākiccassa matthakappatti, tasmā phalūpacārena kāraṇaṃ dassento “**nikantiṃ kurumāno abhisankharoti nāmā**”ti vuttaṃ. **Imā** idāni me labbhamānā **ākiñcaññāyatanasaññā nirujjheyuṃ** taṃsamatikkameva uparijhānatthāya cetanābhisañkharaṇasambhavato. **Aññāti** ākiñcaññāyatanasaññāhi aññā. Tato thūlatarabhāvato **oḷārikā**. Kā pana tāti āha “**bhavaṅgasaññā**”ti. **Ākiñcaññāyatanato** vuṭṭhāya eva hi uparijhānatthāya cetanābhisañkharaṇāni bhavēyūṃ, vuṭṭhānañca bhavaṅgavasena hoti. Yāva ca upari jhānasamāpajjanaṃ, tāva antarantārā bhavaṅgappavattīti āha “**bhavaṅgasaññā uppajjeyu**”nti.

**Cetentovāti** nevasaññānāsaññāyatanajjhānaṃ ekaṃ dve cittavāre samāpajjanto eva. **Na ceteti** tathā heṭṭhimajjhānesu viya vā pubbābhogābhāvato pubbābhogavasena hi jhānaṃ pakappento idha “**ceteti**”ti vutto. Yasmā “**ahametaṃ jhānaṃ nibbattemi upasampādemi samāpajjām**”ti evaṃ abhisankharaṇaṃ tattha sālayasseva hoti, na anālayassa, tasmā ekaṃ cittakkhaṇīkampi jhānaṃ pavatento tattha appahīnanīkantikatāya **abhisankharonto evāti** attho. Yasmā panassa tathā heṭṭhimajjhānesu viya vā tattha pubbābhogo natthi, tasmā “**na abhisankharoti**”ti vuttaṃ. “**Imassa bhikkhuno**”tiādi vuttassevatthassa vivaraṇaṃ. “**Svāyamattho**”tiādinā tamevattham upamāya paṭipādeti.

**Pacchābhāgeti** pitugharassa pacchābhāge. **Tato** puttagarato. **Laddhaghamevāti** yato anena bhikkhā laddhā, tameva gharaṃ puttagehameva. **Āsanasālā viya ākiñcaññāyatanasamāpatti** tato pitugharaputtagaratthānīyanaṃ nevasaññānāsaññāyatananīrodhasamāpattinaṃ upagantabbato. **Pitugharaṃ amanasikarivāti** pavisitvā samatikkantampi pitugharaṃ na manasi katvā. Puttagharasseva ācikkhanaṃ viya ekaṃ dve cittavāre samāpajjitabbampi nevasaññānāsaññāyatanānaṃ na manasi katvā parato nīrodhasamāpattiattāya eva manasikāro. Evaṃ amanasikārasāmaññena, manasikārasāmaññena ca upamupameyyatā veditabbā ācikkhanenapi manasikārasseva jotitattā. Na hi manasikārena vinā ācikkhanaṃ sambhavati.

**Tā jhānasaññāti** tā ekaṃ dve cittavāre pavattā nevasaññānāsaññāyatanasaññā. **Nirujjhantīti** padeseneva nirujjhanti, pubbābhisañkhārasena pana upari anuppādo. Yathā ca jhānasaññānaṃ, evaṃ itarasaññānaṃ pīti āha “**aññā ca oḷārikā bhavaṅgasaññā nuppajjanti**”ti, yathāparicchinakālantī adhippāyo. **So evaṃ paṭipanno bhikkhūti** so evaṃ yathāvutte saññāge ṭhito arahatte, anāgāmi phale vā paṭiṭṭhito bhikkhu dvīhi phalehi samannāgamo, tiṇṇaṃ sañkhāraṇaṃ paṭipassaddhi, soḷasavidhā nīṇacariyā, navavidhā samādhicariyāti imesaṃ vasena nīrodhapaṭipādanapaṭipattiṃ paṭipanno. **Phusatīti** ettha **phusanaṃ** nāma vindanaṃ paṭiladdhīti āha “**vindati paṭilabbati**”ti. Atthato pana yathāparicchinakālaṃ cittacetasiṅkānaṃ sabbaso appavatti eva.

**Abhīti** upasaggamattaṃ nīratthakaṃ, tasmā “**saññā**” icceva attho. Nīrodhapaṇena anantarikaṃ katvā samāpattipade vattabbe tesam dvīnaṃ antare sampajānapadaṃ ṭhapitanti āha “**nīrodhapaṇena anantarikaṃ katvā vutta**”nti, tenāha “**anupaṭi...pe... attho**”ti. **Tatrāpīti** tasmiṃpi tathā padānupubbīṭhapanepi ayaṃ viśesattho yojanā. **Sampajānantassāti** taṃ taṃ samāpattiṃ samāpajjitvā vuṭṭhāya tattha tattha sañkhāraṇaṃ sammāsanaṃ vasena pajānantassa. **Anteti** yathāvuttāya nīrodhapaṭipattiyā pariyoṣāne. Dutiyavikappe **sampajānantassāti** sampajānakārinoti attho, tena nīrodhasamāpajjanakassa bhikkhuno ādito paṭṭhāya sabbapāṭihārikapaññāya saddhiṃ atthasādhikā paññā kiccato dassitā hoti, tenāha “**paṇḍitassa bhikkhuno**”ti.

**Sabbākārenāti** “samāpattiyā sarūpaviseso, samāpajjanako, samāpajjanassa thānaṃ, kāraṇaṃ, samāpajjanākāro”ti evamādi sabbappakārena. **Tatthāti** visuddhimagge. (Visuddhī. 2.867) **kathitatovāti** kathitaṭṭhānato eva **gahetabbā**, na idha taṃ vadāma punaruttibhāvato adhippāyo.

**Evam kho ahanti** ettha ākārattho **evam**-saddo uggahitākāradassananti katvā. **Evam poṭṭhapādāti** ettha pana sampaticchanattho, tenāha “**suuggahitaṃ tayāti anujānanto**”ti.

**415.** Saññā aggā etthāti **saññāggam**, ākiñcaññāyatanam. **Aṭṭhasu** samāpattīsipi **saññāggam atthi upalabbhatīti cintetvā**. “Puthū”ti pāliyaṃ liṅgavipallāsaṃ dassento āha “bahūnipī”ti. “**Yathā**”ti iminā pakāraviseso karaṇappakāro gahito, na pakārasāmaññanti āha “**yena yena kasiṇenā**”ti, **pathavīkasiṇena karaṇabhūtenā**”ti ca. Jhānaṃ tāva yutto karaṇabhāvo saññānirodhaphusanassa sādhakatamabhāvato, kathaṃ kasiṇānanti? Tesampi so yutto eva. Yadaggena hi jhānaṃ nirodhaphusanassa sādhakatamā bhāvo, tadaggena kasiṇānampi tadavinābhāvato. Anekakaraṇāpi kiriya hotiyeva yathā “assena yānena dīpikāya gacchati”ti.

**Ekavāranti** sakim. **Purimasaññānirodhanti** kāmasaññādipurimasaññāya nirodham, na nirodhasamāpattisaññitaṃ saññānirodham. **Ekaṃ saññāgganti** ekaṃ saññābhūtaṃ aggaṃ seṭṭhanti attho heṭṭhimsaññāya ukkaṭṭhabhāvato. Saññā ca sā aggañcāti saññāggam, na saññāsu agganti. **Dve vāreti** dvikkhattuṃ. **Sesakasiṇesūti** kasiṇānaṃyeva gahaṇaṃ nirodhakathāya adhihataṭṭhā. Tato eva cettha jhānaggahaṇena kasiṇājñānāni eva gahitānīti veditabbaṃ. “**Paṭhamajjhānena karaṇabhūtenā**”ti āramaṇaṃ anāmasitvā vadati yathā “yena yena kasiṇenā”ti ettha jhānaṃ anāmasitvā vuttam. “**Iti**”tiādinā vuttamevatthaṃ saṅgahetvā nigamanavasena vadati. **Sabbampīti** sabbaṃ ekavāraṃ samāpannājñānaṃ. **Saṅgahetvāti** sañjānanalakkhaṇena taṃsabhāvāvisesato ekajjhaṃ saṅgahetvā. **Aparāparanti** punappunam.

**416.** Jhānapadaṭṭhānaṃ vipassanaṃ vaḍḍhentassa puggalassa vasena saññāñānāni dassitāni paṭhamanaye. Dutiyanaye pana yasmā vipassanaṃ ussukkāpetvā maggena ghaṭentassa maggañānaṃ uppajjati, tasmā vipassanāmaggavasena saññāñānāni dassitāni. Yasmā pana paṭhamanayo lokiyatā oḷāriko, dutiyanayo missako tasmā tadubhayaṃ asambhāvetvā accantasukhumam subham thiraṃ nibbattitalokuttarameva dassetuṃ maggaphalavasena saññāñānāni dassitāni tatiyanaye. Tayopete nayā maggasodhanavasena dassitā.

“**Ayam panettha sāro**”ti vibhāvetuṃ tipītakamahāsivattheravādo ābhato. Nirodham pucchitvā tasmim kathite tadanantaram saññāñānuppattim pucchanto atthato nirodhato vuṭṭhānaṃ pucchati nāma, nirodhato ca vuṭṭhānaṃ arahattaphaluppattiyā vā siyā anāgāmiphalluppattiyā vā, tattha saññā padhānā, tadanantarañca paccavekkhaṇañānanti tadubhayaṃ niddhārento thero “**kiṃ ime bhikkhū bhaṇanti**”tiādimāha. Tattha “**kiṃ ime bhikkhū bhaṇanti**”ti tadā dīghanikāyatantiṃ parivattante imaṃ thānaṃ patvā yathāvuttena paṭipāṭiyā tayo naye kathente bhikkhū sandhāya vadati.

Yassa yathā maggavīthiyaṃ maggaphalañānesu uppannesu niyamato maggaphalapaccavekkhaṇañānāni honti, evam phalasaṃpattiyā phalapaccavekkhaṇañānanti āha “**pacchā paccavekkhaṇañāna**”nti. “**Idam arahattaphala**”nti idam paccavekkhaṇañānaṃ pavattiākāradassanaṃ. **Phalasaṃmādhisaññāpaccayāti** phalasaṃmādhisaṃgatasaññāpaccayā. **Kira**-saddo anussaraṇattho. Yathādhigatadhammānussaraṇapakkihiyā hi paccavekkhaṇā. Saṃmādhisīsenā cettha sabbaṃ arahattaphalaṃ gahitaṃ sahacaraṇaṇāyena, tasmim asati paccavekkhaṇāya asambhavo evāti āha “**idappaccayā**”ti.

### Saññāattakathāvaṇṇanā

**417.** Desanāya saṅghabhāvena sārāmbhamakkhissādimalavisodhanato sutamayañānaṃ nhāpitaṃ viya, sukhumabhāvena tanulepanavilittaṃ viya, tilakkhaṇabbhāhatatāya kuṇḍalādialaṅkāravibhūsitam viya ca hoti, tadanupasevato ñānaṃ ca tathābhāvo taṃsamaṅgino puggalassa tathābhāvāpatti, nirodhakathāya nivesanañcassa siriṣayanappavesanasadisanti āha “**saṅhasukhuma...pe... āropitopi**”ti. **Tatthāti** tassaṃ nirodhakathāyaṃ. **Sukham avindanto** mandabuddhitāya alabhanto. Malavidūsitatāya **gūthaṭṭhānasadisam**. **Attano laddhiṃ** attadiṭṭhiṃ. **Anumatim gahetvāti** anuññaṃ gahetvā “ediso me attā”ti anujānāpetvā, attano laddhiyaṃ paṭiṭṭhapetvāti attho. **Kaṃ panāti** oḷāriko, manomayo, arūpīti tiṇṇaṃ attavādānaṃ vasena tividhesu katamanti attho. **Pariharantoti** viddhamāsanato pariharanto, nigūhantoti adhippāyo. Yasmā catusantatirūpappabandham ekattavasena gahetvā rūpībhāvato “oḷāriko attā”ti pacceṭi attavādī, annapānopadhānatañcassa parikkappetvā “sassato”ti maññati, rūpībhāvato eva ca saññāya aññattaṃ ñāyāgatameva, yaṃ vedavādino “annamayo, pānamayo”ti ca dvidhā voharanti, tasmā paribbājako taṃ sandhāyā “**oḷārikaṃ kho**”ti āha.

Tattha yadi attā rūpī, na saññī, saññāya arūpabhāvattā, rūpadhammānañca asañjānanasabhāvattā, rūpī ca samāno yadi tava matena nicco, saññā aparāparaṃ pavattanato tattha tattha bhijjati bhedasabbhāvato aniccā, evampi “aññā saññā, añño attā”ti saññāya bhāvato acetanoti na kammaṃ kāraṇaṃ, phalassa ca na upabhuñjakoti āpannameva, tenāha “**oḷāriko ca hitē**”tiādi. **Paccāgacchati** paccāgacchantassa, jānatoti attho. “Aññā ca saññā uppajjanti, aññā ca saññā nirujjhanti”ti kasmā vuttam, nanu uppādapubbako nirodho, na ca uppannaṃ anirujjhakaṃ nāma atthīti codanaṃ sandhāyāha “**catunnañca khandhāna**”ntiādi.

**418-420. Manomayanti** jhānamaso vasena manomayaṃ. Yo hi bāhirapaccayanirapekkho, so manasāva nibbattoti manomayo. Rūpaloke nibbattasarīraṃ sandhāya vadati, yaṃ vedavādino ānandamayo, viññānamayoti ca dvidhā voharanti. **Tatrāpīti** “manomayo attā”ti imasmimpi pakkhe. **Dose dinneti** “aññāva saññā bhavissati”tiādinaṃ dose dinne. Idhāpi purimavāde vuttanayeneva dosadassanaṃ vedittabbaṃ. Ayaṃ pana viseso – yadi attā manomayo, sabbaṅgapaccangī, ahīndriyo ca bhavēya, evaṃ sati “rūpaṃ attā siyā, na ca saññī”ti pubbe viya vattabbaṃ. Tenāha – “manomayo ca hi te”tiādi. Kasmā panāyaṃ paribbājako paṭhamam oḷārikam attānaṃ paṭijānitvā taṃ laddhiṃ vissajjetvā puna manomayaṃ attānaṃ paṭijānāti, tañca vissajjetvā arūpim attānaṃ paṭijānāti? Kāmañcettha kāraṇam heṭṭhā vuttameva, tathāpi ime tiṭṭhiyā nāma anavaṭṭhitacittā thusarāsīmhi nikhātakhānuko viya cañcalāti dassetum “**yathā nāma ummattako**”tiādi vuttam. Tattha **saññāyāti** pakatisaññāya. **Uppādanirodham icchati** aparāparaṃ pavattāya saññāya udayavayadassanato. Tathāpi “saññā saññā”ti pavattasamaññaṃ “attā”ti gahetvā tassa ca avicchedaṃ parikkappento sassataṃ maññati, tenāha “**attānaṃ pana sassataṃ maññati**”ti.

**Tathevāti** yathā “rūpī attā”ti, “manomayo attā”ti ca vādadvaye saññāya attato aññatā, tathā cassa acetanāṭādidossappaṣaṅgo dunnivāro, tatheva imasmiṃ vāde doso. Tenāha “**tathevassa dosaṃ dassento**”ti. **Micchādasānenāti** attadiṭṭhisāṅkhātena micchābhīnivesena. **Abhibhūtattāti** anādikālabhāvitabhāvena ajjhotthattā nivāritāññācārattā. **Taṃ nānattaṃ ajānantoti** yena santatighanena, samūhaghanena ca vañcīto bālo pabandhavasena pavattamānaṃ dhammasamūhaṃ micchāgāhavasena “attā”ti, “nicco”ti ca abhinivissa voharati, taṃ ekattasaññitam ghanaggahaṇam vinibhujja yāthāvato jānaṃ ghanavinibbhogo, sabbena sabbaṃ tiṭṭhiyānaṃ so natthīti ayampi paribbājako tādisassa ñāṇassa paripākassa abhāvato vuccamānampi nāññāsi. Tena vuttam “**bhagavatā vuccamānampi taṃ nānattaṃ ajānanto**”ti. Saññā nāmāyaṃ nānārammaṇā nānākkhaṇe uppajjati, veti cāti **saññāya uppādanirodham passantopi saññāmayam** saññābhūtaṃ **attānaṃ** parikkappetvā yathāvuttaghanavinibbhogābhāvato **niccaveva** katvā **maññati** diṭṭhimaññāya. Tathābhūtassa ca tassa saṅhasukhumaparamagambhīradhammatā na ñāyatevāti vuttam “**dujjānaṃ kho**”tiādi.

Diṭṭhiādīsu “evameta”nti dassanaṃ abhinivisaṇaṃ **diṭṭhi**. Tassā eva pubbabhāgabhūtaṃ “evameta”nti nijjhānavasena khamanaṃ **khanti**. Tathā rocanaṃ **ruci**. “**Aññathā**”tiādi tesam diṭṭhiādīnaṃ vibhajitvā dassanaṃ. Tattha **aññathāti** yathā ariyavinaye antadvayaṃ anupaggamma majjhimā paṭipadāvasena dassanaṃ hoti, tato aññathāyeva. **Aññadevāti** yaṃ paramatthato vijjati khandhāyatanādi, tassa ca aniccādi, tato aññadeva paramatthato avijjamaṇaṃ attānaṃ sassatādi **te khamati ceva ruccati ca**. Āyuñjanaṃ anuyuñjanaṃ **āyogo**, tenāha “**yuttapayuttatā**”ti. **Paṭipattiyāti** paramattacintanādi paribbājaka paṭipattiyā. **Dujjānametaṃ** dhammataṃ tvam “ayaṃ paramattho, ayaṃ sammutī”ti imassa vibhāgassa dubbibhāgattā. “Yadi etaṃ dujjānaṃ, taṃ tāva tiṭṭhatu, imaṃ panatthaṃ bhagavantaṃ pucchissāmī”ti cintetvā yathā paṭipajji, taṃ dassetum “**atha paribbājako**”tiādi vuttam. **Añño vā saññatoti** saññāsabhāvato añño sabhāvo vā attā hotūti attho. **Assāti** attano.

Lokīyati dissati ettha puññapāpaṃ, tabbipāko cāti **loko**, attā. So hissa kārako, vedako cāti icchito. **Diṭṭhigatanti** “sassato attā ca loko cā”tiādi (dī. ni. 1.31; udā. 55) nayappavattaṃ diṭṭhigataṃ. Na hesa diṭṭhābhīniveso diṭṭhadhammikādiatthanissito tadasaṃvattanato. Yo hi tadāvaho, so taṃnissitoti vattabbaṃ labheyya yathā taṃ puññāññāsamabhāro. Eteneva tassa na dhammanissitatāpi saṃvaṇṇitā daṭṭhabbā. Ādibrahmacariyassāti ādibrahmacariyaṃ, tadeva **ādibrahmacariyakam** yathā “vinayo eva venayiko”ti, (pārā. aṭṭha. 21) tenāha “**sikkhattayasāṅkhātasā**”tiādi. Diṭṭhābhīnivesassa saṃsāraṇṇe nibbidāvīraṇānirodhupasamāsaṃvattanaṃ vaṭṭantogadhattā, tassa vaṭṭasambandhanato ca. Tathā abhiññāsambodhanibbānāsaṃvattanañca daṭṭhabbaṃ. **Abhijānanāyāti** ñātapariññāvasena abhijānanatthāya. **Sambujjanatthāyāti** tīraṇapahānapariññāvasena sambodhanatthāyāti vadanti. **Abhijānanāyāti** abhiññāpaññāvasena jānanāya, taṃ pana vaṭṭassa paccakkhakarāṇameva hotīti āha “**paccakkhakarīyā**”ti. **Sambujjanatthāyāti** pariññābhīsamayavasena paṭivedhāya.

Kāmaṃ tañhāpi dukkhasabhāvā, tassā pana samudayabhāvena visum gahitattā “**taṇhaṃ ṭhapetvā**”ti vuttam. **Pabhāvanato** uppādanato. Dukkhaṃ pabhāventīpi tañhā avijjāpaccayantarasaṅgā eva pabhāveti, na kevalāti āha “**sappaccayā**”ti. **Ubhinnaṃ appavattīti** ubhinnaṃ appavattinimittaṃ, nappavattanti ettha dukkhasamudayā etasmiṃ vā adhigateti appavatti. Dukkhanirodham nibbānaṃ gacchati adhigacchati, tadatthaṃ paṭipadā cāti **dukkhanirodhagāminīpaṭipadā**. **Maggapātubhāvoti** aggamaggasamuppādo. **Phalāsacchikiriyaṃ** asekkhaphalādhigamo. **Ākāraṇti** taṃ gamanaliṅgaṃ.

**421.** Samantato niggaṇhanavasena todanaṃ vijjhaṇaṃ **sannitodakam**, **vācāyāti** ca paccatte karaṇavacananti āha “**vacanapatodenā**”ti. **Sajjhabbharitanti** samantato bhusaṃ aritaṃ **akamsūti** satamattehi tuttakehi viya tiṃsasatamatthā paribbājaka vācāpatodanehi tudimsu **sabhāvato vijjamaṇanti** paramatthasabhāvato upalabbhamānaṃ, napakatiādi viya anupalabbhamānaṃ. **Tacchanti** saccaṃ. **Tathanti** aviparītaṃ **lokuttaradhammesūti** visaye bhūmmaṃ te dhamme visayaṃ katvā. **Ṭhitasabhāvanti** avatṭhitasabhāvaṃ, taduppādakanti attho. **Lokuttaradhammaniyāmatanti** lokuttaradhammasampāpaniyāmena niyataṃ, tenāha “**buddhānañhī**”tiādi. **Edisāti** “dhammaṭṭhitata”ntiādinaṃ vuttappakārā.

**Cittahatthisāriputtapaṭṭhapādavatthuvannaṇā**

**422. Sukhumesu atthantaresūti** khandhāyatanādīsu sukhumaññagocaresu dhammesu. **Kusaloti** pubbe buddhasāsane kataparicayatāya cheko **ahosi. Gihibhāve ānisaṃsakathāya kathitattā** sīlavantassa bhikkhuno tathā kathanena vibbhamane niyojitattā idāni sayampi sīlavā eva hutvā cha vāre (dha. pa. aṭṭha. 37; jā. aṭṭha. 1.1.69) vibbhami. Kammasarikkhakena hi phalena bhavitabbam. **Mahāsāvaka** **kathiteti** mahāsāvaka mahākoṭṭhikattherassa apasādanakathitanimittam. **Patiṭṭhātum asakkontoti** sāsane patiṭṭham laddhum asakkonto.

**423. Paññācakkhuno natthitāyāti** suvuttaduruttasamavisamadassanasamattapaññācakkhuno abhāvena. **Cakkhumāti** ettha yādisena cakkhunā puriso “cakkhumā”ti vutto, tam dassatum “**subhāsita**”tiādi vuttam. **Ekakoṭṭhāsāti** ekantikā, nibbānāvahabhāvena nicchitāti adhippāyo. **Thapitāti** vavattāpitā. **Na ekakoṭṭhāsā** na ekantikā, na nibbānāvahabhāvena nicchitā vaṭṭantogadhabhāvato adhippāyo.

### Ekamsikadhamvaṇṇanā

**425.** “Kasmā ārabhi”ti kāraṇam pucchitvā “**aniyyānikabhāvadassanatta**”nti payoṇam vissanajjitaṃ. Sati hi phalassiddhiyam hetusiddhoyeva hotīti. **Paññāpitanīṭṭhāyāti** paveditavimuttimaggassa, vaṭṭadukkhapariyosānam gacchati etāyāti “niṭṭhā”ti vimutti vuttā. Niṭṭhāmaggo hi idha uttarapadalopena “niṭṭhā”ti vutto. Tassa hi aniyyanikatā, niyyānikatā ca vuccati, na niṭṭhāya. Niyyānam vā niggamanam nissaraṇam, vaṭṭadukkhassa vupasamoti attho. Niyyānameva niyyānikam, na niyyānikam aniyyanikam, so eva bhāvo aniyyanikabhāvo, tassa dassanattanti yojetabbam. “**Eva**”nti “nibbānam nibbāna”nti vacanamattasāmaññaṃ gahetvā vadati, na pana paramattato tesam samaye nibbānapaññāpanassa labbhanato, tena vuttam “**sā ca na niyyānika**”tiādi. **Lokathūpikādivasenāti** ettha **ādi**-saddena “añño puriso, aññā pakati”ti pakatipurisantarāvabodho makkho, buddhiādiḡuṇavinimuttassa attano sakattani avatṭhānam makkho, kāyapavattigatijātibandhānam appamajjanavasena appavatto makkho, yaññehi jutena parena purisena salokatā makkho, samīpatā makkho, sahayogo makkhoti evamādīnam saṅgaho daṭṭhabbo. **Yathāpaññattāti** paññattappakārā **hutvā na niyyāti**, yenākārena “niṭṭhā pāpuṇīyati”ti tehi paveditā, tenākārena tassā appattabbato na niyyāti. **Paṇḍitehi paṭikkhittāti** “nāyam niṭṭhā paṭipadā vaṭṭassa anatikkamanato”ti buddhādīhi paṇḍitehi paṭikkhittā. **Nivattatīti** paṭikkhepassa kāraṇavacanam, tasmā tehi paññattā niṭṭhā paṭipadā na niyyāti, aññadattu taṃsamaṅginam puggalam saṃsāre eva pariḷbhamāpentī nivattati.

Padhānam jānaṇam nāma paccakkhato jānaṇam tassa pamāṇajēṭṭhabhāvato, itarassa saṃsayānubaddhattāti vuttam “**jānaṇam passa**”nti. Tenettha dassanena jānaṇam viseseti. Idaṃ vuttam hoti – tumhākaṃ ekantasukhe loka paccakkhato ñāṇadassanam atthīti. **Jānanti** vā tassa lokassa anumānavisayatam pucchati, **passanti** paccakkhato gocarataṃ. Ayañhettha attho – api tumhākaṃ loka paccakkhato ñāto, udāhu anumānatoti.

Yasmā loka paccakkhabhūto attho indriyagocarabhāvena pākaṭo, tasmā vuttam “**diṭṭhapubbāni**”tiādi. **Diṭṭhapubbānīti** diṭṭhavā, dassanabhūtena, tadanugatena ca ñāṇena gahitapubbānīti attho. Evañca katvā “**sarīrasaṅghānādīni**”ti vacanam samatthitam hoti. “**Appāṭihiraka ta**”nti anuāsikalopam katvā niddesoti āha “**appāṭihirakaṃ ta**”nti “appāṭihiraṃ kata”nti evamettha vaṇṇenti. Paṭipakkhaharaṇato paṭihāriyam, tadeva paṭihāriyam, uttaravirahitam vacanam. Paṭihāriyamevettha “pāṭihiraka”nti vā vuttam. Na paṭihirakaṃ appāṭihirakaṃ parehi vuccamānauttarehi sauttarattā, tenāha “**paṭiharaṇavirahita**”nti. Sauttaraññi vacanam tena uttarena paṭihāriyati ativiparivattiyati. Tato eva niyyānassa paṭiharaṇamaggassa abhāvato “**aniyyānika**”nti vattabbataṃ labhati.

**426. Vilāso līlā. Ākappo** kesabandhavatthaggaṇam ādiākāraviseso, vesasaṃvidhānam vā. **Ādi**-saddena bhāvādīnam saṅgaho daṭṭhabbo. “**Bhāvo**”ti ca cāturiyam veditabbam.

### Tayoattapaṭilābhavaṇṇanā

**428.** Āhito aham māno etthāti **attā**, attabhāvoti āha “**attapaṭilābhoti attabhāvapaṭilābho**”ti. **Kāma** **bhavaṃ dasseti** tassa itaradvayattabhāvato oḷārikattā. **Rūpa** **bhavaṃ dasseti** jhānāmanena nibbattam hutvā rūpībhāvena upalabbhanato. **Samkilesikā dhammā nāma dvādasa akusalacittuppādā** tadabhāve kassaci samkilesassāpi asambhavato. **Vodāniyā dhammā nāma samathavipassanā** tasmaṃ vasena sabbaso cittavodānassa sijjhanato.

**429.** Paṭipakkhadhammānam asamucchede pana na kadācīpi anavajjadhammānam pāripūrī, vepullam vā sambhavati, samucchede pana sati eva sambhavatīti **magga** **paññāphalapaññā**-ggahaṇam. Tā hi sakim paripunnā paripunnā eva aparihānadhammattā. **Taruṇapīṭīti** uppannamattā aladdhāsevanā dubbalā pīti. **Balavatuṭṭhīti** punappunam uppattiyā laddhāsevanā uparivisesādhigamassa paccayabhūtā thiratarā pīti. “**Yaṃ avocumhā**”tiādisu ayam saṅkhepattho – yaṃ vohāram “saṅkilesikavodāniyadhammānam pahānābhivuddhiniṭṭham paññāya pāripūrivepullabhūtā imasmimyeva attabhāve aparappaccayena ñāṇena paccakkhato sampādetvā viharissati”ti kathayimha. **Tattha** tasmim vihāre **tassa** mama ovādakarassa bhikkhuno **evaṃ** vuttappakārena viharāṇanimittam pamodappabhāvītā **pīti ca bhavissati**, tassā ca paccayabhūtā passaddhidvayam sammadeva upaṭṭhitā **sati ca** ukkaṃsagataṃ ñāṇaṇca tathābhūto ca so vihāro. Santapaṇītatāya atappako anaññasādhāraṇo sukhavihāroti vattabbataṃ arahatīti.

Paṭhamajjhāne paṭiladdhamatte hīnabhāvato pīti dubbalā pāmojjapakkhikā, suvibhāvite pana tasmim paguṇe sā paṇīṭā balavabhāvato paripuṇṇakiccā pīṭi vuttaṃ “**paṭhamajjhāne pāmojjādayo chapi dhammā labbhanti**”ti. “**Sukho vihāro**”ti iminā samādhi gahito. Sukhaṃ gahitanti apare, tesam matena santasukhatāya upekkhā catutthajjhāne “sukha”nti icchitā, tenāha “**tathā catutthe**”tiādi. **Pāmojjaṃ nivattati** dubbalapīṭisaṅkhātaṃ pāmojjaṃ chasu dhammesu nivattati hāyati. Vitakkavicārakkhobhavirahena dutiyajjhāne sabbadā pīti balavatī eva hoti, na paṭhamajjhāne viya kadāci dubbalā. **Suddhavipassanā pādakajjhānamevāti** upari maggaṃ akathetvā kevalaṃ vipassanāpādakajjhānaṃ **kathitaṃ. Catūhi maggehi saddhiṃ vipassanā kathitāti** vipassanāya pādakabhāvena jhānāni kathetvā tato paraṃ vipassanāpubbakā cattāropi maggā kathitāti attho. **Catutthajjhānikaphalasangāhāti kathitāti** paṭhamajjhānikādikā phalasangāhātiyo akathetvā catutthajjhānikā eva phalasangāhāti kathitā. **Pīṭivevacanameva katvāti** dvinnāṃ pīṭināṃ ekasmiṃ cittuppāde anuppajjanato pāmojjaṃ pīṭivevacanameva katvā. Pīṭisukhānaṃ apariccattatā, “**sukho ca vihāro**”ti sātisayassa sukhavīhārassa gahitattā ca **dutiyajjhānikaphalasangāhāti nāma kathitā**. Kāmaṃ paṭhamajjhānepi pīṭisukhāni labbhanti, tāni pana vitakkavicārakkhobhena na santapaṇīṭāni, santapaṇīṭāni ca idhādhippetāni.

**432-437. Vibhāvanattho** pakāsanattho sarūpato nirūpanattho, tenāha “**ayaṃ so**”tiādi. Nanti oḷārikaṃ attapaṭilābhaṃ. **Sappaṭiharaṇanti** parena coditavacanena sapaṭihāraṃ sauttaraṃ. **Tuccho**ti musā abhūto. **Svevāti** so eva attapaṭilābho. **Tasmim samaye hotīti** tasmim paccuppannasamaye vijjamaṇo hoti. **Attapaṭilābhotveva niyyātesī**, na naṃ sarūpato nīharitvā dassesī. **Rūpādayo cettha dhammāti** rūpavedanādayo eva ettha loke sabhāvadhammā. **Attapaṭilābhoti** pana te rūpādike pañcakkhandhe upādāya paññanti, tenāha “**nāmamattameva**”nti. **Nāmapaṇṇattivasenāti** nāmapaṇṇattivasenāti.

**438. Evaṇca pana vatvāti** “attapaṭilābhoti rūpādike upādāya paññattimatta”nti imamattaṃ “yasmim citta samaye”tiādinā vatvā. **Paṭipucchitvā vinayanatthanti** yathā pare puccheyyūṃ, tenākārena kālavibhāgato paṭipadāni pucchitvā tassa atthassa nīpanavasena vinayanatthaṃ. **Tasmim samaye sacco ahoṣīti** tasmim atītasamaye upādānassa vijjamaṇatāya saccabhūto vijjamaṇo viya vattabbo ahoṣi, na pana **anāgato** idāni **paccuppanno** vā **attapaṭilābho** tadupādānassa tadā avijjamaṇattā. **Ye te atīta dhammā** atītasamaye atītattapaṭilābhassa upādānabhūta rūpādayo. **Te etarahi natthi** niruddhattā. Tato eva **ahesuntī saṅkhyāṃ gatā**. **Tasmāti** tasmimyeva samaye labbhanato. **Sopi** tadupādāno **me attapaṭilābho tasmimyeva atītasamaye sacco** bhūto vijjamaṇo viya **ahosi**. **Anāgatapaccuppannānti** anāgatānañceva paccuppannānañca rūpadhammānaṃ upādānabhūtānaṃ **tadā** tasmim atītasamaye **abhāvā** tadupādāno **anāgato paccuppanno** ca attapaṭilābho **tasmim atītasamaye mogho** tuccho musā natthīti attho. **Nāmamattamevāti** samaññamattameva. **Attapaṭilābhaṃ paṭijānāti** paramatthato anupalabbhamānattā.

“**Eseva nayo**”ti iminā ye te anāgatā dhammā, te etarahi natthi, “bhavissanti”ti pana saṅkhyāṃ gamissanti, tasmā sopi me attapaṭilābho tasmimyeva samaye sacco bhavissati. Atītapaccuppannānaṃ pana dhammānaṃ tadā abhāvā tasmim samaye mogho atīto mogho paccuppanno. Ye ime paccuppannā dhammā, te etarahi atthi, tasmā yoyaṃ me attapaṭilābho, so idāni sacco. Atītānāgatānaṃ pana dhammānaṃ idāni abhāvā tasmim samaye mogho atīto mogho anāgatoti evaṃ atthato nāmamattameva attapaṭilābhaṃ paṭijānātīti imamattaṃ atidisati.

**439-443. Saṃsandituntī** samānetuṃ. **Yasmim samaye khīraṃ hotīti** yasmim kāle bhūtopādāyasaññitaṃ upādānavisesaṃ upādāya khīrapaññanti hoti. **Na tasmim...pe... gacchati** khīrapaññantiupādānassa dadhīdipaṇṇattiyā anupādānato. Paṇīyatavattukā hi ekā lokasamaññā, tenāha “**ye dhamme upādāyā**”tiādi. Tattha saṅkhyāti etāyāti **saṅkhā**, paññanti. Niddhāretvā vacanti vadanti etāyāti **nirutti**. Namanti etenāti **nāmaṃ**. Voharanti etenāti **vohāro**, paññantiyeva. **Esa nayo sabbatthāti** “yasmim samaye”tiādinā khīre vuttanayaṃ dadhīdīsu atidisati.

**Samanujānanamattakānīti** “idaṃ khīraṃ, idaṃ dadhī”tiādinā tādise bhūtopādāyarūpavisese loke paramparābhatāṃ paññattim appaṭikkhipitvā samanujānaṃ viya paccayavisesavisiṭṭhaṃ rūpādikhandhasamūhaṃ upādāya “oḷāriko attapaṭilābho”ti ca “manomayo attapaṭilābho”ti ca “arūpo attapaṭilābho”ti ca tathā tathā samanujānanamattakāni, na ca tabbinimutto upādānato añño koci attho atthīti attho. **Niruttimattakānīti** saddaniruttiyā gahaṇūpāyamattakāni. “Satto phassoti hi saddagahaṇuttarakālaṃ tadanuviddhapaṇṇattiggahaṇamukheneva tadatthāvabodho. **Vacanapathamattakānīti** tasseva vevacanaṃ. **Vohāramattakānīti** tathā tathā vohāramattakāni. **Nāmapaṇṇattimattakānīti** tasseva vevacanaṃ, taṃtaṃnāmapaññāpanamattakāni. **Sabbametanti** “attapaṭilābho”ti vā “satto”ti vā “poso”ti vā sabbametaṃ **vohāramattakaṃ** paramatthato anupalabbhanato, tenāha “**yasmā paramatthato satto nāma natthi**”tiādi.

Yadi evaṃ kasmā taṃ buddhehipi vuccatīti āha “**buddhānaṃ pana dve kathā**”tiādi. Sammutiyā vohārassa kathanāṃ **sammutikathā**. Paramatthassa sabhāvadhammassa kathanāṃ **paramatthakathā**. Aniccādikathāpi paramatthasannissitakathā paramatthakathāti katvā **paramatthakathā**. Paramatthadhammo hi “anico, dukkho, anattā”ti ca vuccati, na sammutidhammo. Kasmā panevaṃ duvidhā buddhānaṃ kathāpavattīti tattha kāraṇamāha “**tattha yo**”tiādinā. Yasmā paramatthakathāya saccasamapāvedho, ariyasaccakathā ca sikhāppattā desanā, tasmā vineyyapuggalavasena sammutikathāṃ kathentopi bhagavā paramatthakathāyeva kathetīti āha “**tassa bhagavā āditova...pe... kathetī**”ti, tenāha “**tathā**”tiādi, tenassa katthaci sammutikathāpubbikā paramatthakathā hoti puggalajjhāsāyavasena, katthaci paramatthakathāpubbikā sammutikathā. Iti vineyyadamanakusalassa satthu vineyyajjhāsāyavasena tathā tathā desanāpavattīti dasseti. Sabbattha pana bhagavā dhammatāṃ avijahanto eva sammutim anuvattati, sammutim

apariccajantoyeva dhammatam vibhāveti, na tattha abhinivesātīdhāvanāni. Vuttañhetam “janapadaniruttim nābhiniviseyya, samaññaṃ nātidhāveyyā”ti.

Paṭhamam sammutim katvā kathanam pana veneyyavasena yebhuyena buddhānam āciṇṇanti tam kāraṇena saddhim dassento “**pakatiyā panā**”tiādimāha. Nanu ca sammuti nāma paramatthato avijjamānattā abhūtā, tam katham buddhā kathenti āha “**sammutikatham kathentāpi**”tiādi. **Saccamevāti** tathameva. **Sabhāvamevāti** sammutibhāvena tamabhāvameva, tenāha “**amusāvā**”ti. Paramatthassa pana saccādibhāve vattabbameva natthi.

Imesam pana sammutiparamatthānam ko viseso? Yasmim bhinne, buddhiyā vā avayavavinibbhoge kate na tamasañña, so ghaṭapaṭāḍippabhedo sammuti, tabbipariyāyato paramattho. Na hi kakkhaḷaphusanādisabhāve ayam nayo labbhati. Evam santepi vuttanayena sammutipi saccasabhāvā evāti āha “**duve saccāni akkhāsi**”tiādi.

Idāni nesam saccasabhāvam kāraṇena dassento “**saṅketavacanam saccanti** gāthamāha. Tattha **saṅketavacanam saccam** viṣamvādanābhāvato. Tattha hetumāha “**lokasammutikāraṇa**”nti. Lokasiddhā hi sammuti saṅketavacanassa avisaṃvādanatāya kāraṇam. Paramo uttamo attho **paramattho**, dhammānam yathābhūtasabhāvo. Tassa **vacanam saccam** yāthāvato avisaṃvādanavasena ca pavattanato. Tattha kāraṇamāha “**dhammānam bhūtalakkhaṇa**”nti, sabhāvadhammānam yo bhūto aviparīto sabhāvo, tassa lakkhaṇam aṅgaṇam nāpananti katvā.

Yadi tathāgato paramatthasaccam sammadeva abhisambujjhivā ṭhītopi lokasamaññaṃ gahetvā vadati, ko ettha lokiyamahājanehi visesoti āha. “**Yāhi tathāgato voharati aparāmāsa**”ntiādi. Lokiyamahājano appahīnaparāmāsattā “etaṃ mamā”tiādinā parāmasanto voharati, tathāgato pana sabbaso pahīnaparāmāsattā aparāmasanto yasmā lokasamaññaṃ vinā lokiyo attho loke kenaci duviññeyyo, tasmā tāhi tam voharati. Tathā voharanto eva ca attano desanāvīlāsena veneyyasatte paramatthasacce paṭiṭṭhapeti. **Desanam vinivaṭṭetvāti** heṭṭhā pavattitakathāya vinivaṭṭetvā vivecetvā desanam “aparāmāsa”nti tanhāmānaparāmāsappahānakittanena **arahattanikūṭena niṭṭhāpesi**. Yam yaṃ panettha atthato na vibhātam, tam suviññeyyameva.

Poṭṭhapādasuttavaṇṇanāya līnatthappakāsānā.

## 10. Subhasuttavaṇṇanā

### Subhamāṇavakavattuvaṇṇanā

444. “**Aciraparinibbutē**”ti satthu parinibbutabhāvassa cirakālatāpaṭikkhepena āsannatā dassitā, kālaparicchedo na dassitoti tam paricchedato dassetuṃ “**parinibbānato uddham māsamatte kāle**”ti vuttaṃ. Tattha **matta**-ggahaṇena kālassa asampunṇatam joteti. Tudisaññito gāmo nivāso etassāti **todeyyo**. Tam panesa yasmā soṇadaṇḍo viya campam, kūṭadanto viya ca khānumatam ajjhāvasati, tasmā vuttaṃ “**tassa adhipatittā**”ti issarabhāvatoti attho. **Samāhāranti** sannicayam. **Paṇḍito gharamāvaseti** yasmā appatarappatarepi vayamāne bhogā khiyanti, appatarappatarepi sañciyamāne vaḍḍhanti, tasmā viññujātiko kiñci vayam akatvā āyameva uppādentō gharāvāsam anuṭṭheyyāti lobhādesitam paṭipattim upadisati.

**Adānameva sikkhāpetvā** lobhābhībhūtatāya **tasmimyeva ghare sunakho hutvā** nibbatti. Lobhavasikassa hi duggati paṭikañkhā. **Ativīya piyāyati** pubbaparicayena. **Piṇḍāya pāvīsi** subham māṇavam anuggaṇhitukāmo. **Niraye nibbattissasi** katokāsassa kammassa paṭibāhitum asakkuṇeyyabhāvato.

Brāhmaṇacāritṭassa bhāvitatam sandhāya, tathā pitaram ukkaṃsento ca “**brahmaloke nibbatto**”ti āha. **Tam pavattim pucchīti** sutametaṃ mayā “mayham pitā sunakho hutvā nibbatto”ti tumhehi vuttaṃ, kimidaṃ saccanti pucchi. **Tatheva vatvāti** yathā pubbe sunakhassa vuttaṃ, theva vatvā. **Avisaṃvādanatthanti** saccāpanattham “todeyyabrāhmaṇo sunakho hutvā nibbatto”ti attano vacanassa avisaṃvādanattham avisaṃvādabhāvassa dassanantthanti attho. **Sabbam dassesīti** buddhānubhāvena so sunakho tam sabbam netvā dassesi, na jātissaratāya. Bhagavantam disvā bhukkaraṇam pana purimajātisiddhavāsanāvasena. **Cuddasa pañhe pucchitvāti** “dissanti hi bho gotama manussā appāyukā, dissanti diḅhāyukā. Dissanti bavhābādā, dissanti appābādā. Dissanti dubbaṇṇā, dissanti vaṇṇavanto. Dissanti appesakkhā, dissanti mahesakkhā. Dissanti appabhogā, dissanti mahābhogā. Dissanti nīcakulīnā, dissanti uccākulīnā. Dissanti duppaññā, dissanti paññāvanto”ti (ma. ni. 3.289). Ime cuddasa pañhe pucchitvā, aṅgasubhatāya kiresa “**subho**”ti nāmaṃ labhi.

445. “**Ekā ca me kañkhā atthī**”ti iminā upari pucchiyamānassa pañhassa pageva tena abhisāṅkhatabhāvam dasseti. **Viṣabhāgavedanāti** dukkhavedanā. Sā hi kusalakammanibbatte attabhāve uppajjanakasukhavedanāpaṭipakkhabhāvato “viṣabhāgavedanā”ti. Kāyam gāḷhā hutvā bādhati piṭetīti “ābādho”ti ca vuccati. **Ekadese uppajjitvāti** sarīrassa ekadese utṭhitāpi **ayapaṭṭena ābandhitvā viya gaṇhāti** aparivattabhāvakaraṇato, etena balavarogo ābādho nāmāti dasseti. **Kicchajvitakaroti** asukhajvitāvaho, etena dubbalo appamattako rogo ātanōti dasseti. **Utṭhānanti** sayananisajjādito utṭhahanam, tena yathā tathā aparāparam sarīrassa parivattanam vadati. **Garukanti** bhāriyam kicchāsiddhikam. **Kāye balaṃ na hotīti** etthāpi “gilānassevā”ti padaṃ ānetvā sambandhitabbam. Heṭṭhā catūhi padehi apāsuvihārābhāvam pucchitvā



idāni phāsuvihārasabbhāvaṃ pucchati, tena saviseso phāsuvihāro pucchitoti daṭṭhabbo, asatipi atisayatthajotane sadde atisayatthassa labbhanato yathā “abhirūpāya deyyaṃ dātabba”nti.

**447. Kālañca samayañca upādāyāti.** Ettha **kālo** nāma upasañkamanassa yuttapattakālo. **Samayo** nāma tasseva paccayasāmaggī, atthato tajjaṃ sarīrabalañceva tappaccayaparissayābhāvo ca. **Upādānaṃ** nāma ñāṇena tesam gahaṇaṃ sallakkhaṇanti dassetuṃ “**kālañca**”tiādi vuttaṃ. **Pharissatīti** vaḍḍhissati.

**448. Cetiyaraṭṭheti** cetiratthe. Ya-kārena hi padaṃ vaḍḍhetvā vuttaṃ. Cetirattthato aññaṃ visumyavekaṃ raṭṭhanti ca vadanti. **Marāṇapaṭisaṃyuttanti** marāṇaṃ nāma tādisānaṃ roga vaseneva hotīti yena rogena taṃ jātaṃ, tassa sarūpapucchā, kāraṇapucchā, marāṇahetukacittasantāpapucchā, tassa ca santāpassa sabbalokasādhāraṇatā, tathā marāṇassa ca appatikāratīti evaṃ ādinā marāṇapaṭisaṃyuttaṃ sammodanīyaṃ kathaṃ kathesīti dassetuṃ “**bho ānanda**”tiādi vuttaṃ. **Na randhagavesī** māro viya, **na vīmaṃsanādhippāyo** uttaramāṇavo viyāti adhippāyo. **Yesu dhammesūti** vimokkhupāyesu niyyānadhammesu. **Dharantīti** tiṭṭhanti, pavattanīti attho.

**449.** Atthappayuttatāya saddapayogassa saddappabandhalakkhaṇāni tīṇi piṭakāni tadatthabhūtehi sīlādīhi dhammakhandhehi saṅgayantīti vuttaṃ “**tīṇi piṭakāni tīhi khandhehi saṅgahetvā**”ti. **Saṅkhittena kathitanti** “tiṇṇaṃ khandhāna”nti evaṃ gahaṇato sāmāññato cāti saṅkhepeneva kathitaṃ. “**Katamesaṃ tiṇṇa**”nti ayaṃ adiṭṭhajotanā pucchā, na kathetukamyatā pucchāti vuttaṃ “**vitthārato pucchissāmī ‘ti cintetvā ‘katamesaṃ tiṇṇa’nti āhā**”ti. Kathetukamyatābhāve paṇassa therassa vacanā siyā.

### Silakkhandhavaṇṇanā

**450-453. Silakkhandhassāti** ettha **iti**-saddo ādiattho, pakārattho vā, tena “ariyassa samādhikkhandhassa...pe... patiṭṭhāpesī”ti ayaṃ ettako pāṭho dassitoti daṭṭhabbaṃ tenāha “**tesu dassitesū**”ti, uddesavasenāti adhippāyo. **Bhagavatā vuttanayenevāti** sāmāññaphaladesanādīsū bhagavatā desitanayeneva, tenassa suttassa satthubhāsītabhāvaṃ jinavacanabhāvaṃ dasseti. **Sāsane na silameva sāroti** ariyamaggaṃ bhagavato sāsane yathā dassitaṃ sīlaṃ sāro eva na hoti sāravato mahato rukkhassa papaṭikaṭṭhāniyattā. Yadi evaṃ kasmā idha gahitanti āha “**kevalañhetam patiṭṭhāmatkamevā**”ti. Jhānādiuttarimanussadhamme adhigantukāmassa adhiṭṭhānamattaṃ tattha appatiṭṭhitassa tesam asambhavato. Atha vā **na silameva sāroti** kāmāñcetha sāsane “maggaṣīlaṃ, phalaṣīla”nti idaṃ lokuttarasīlāmpi sārāmeva, tathāpi na silakkhandho eva sāro atha kho samādhikkhandhopi paññākkhandhopi sāro evāti evamettha attho daṭṭhabbo. Purimo eva sāro, tenāha “**ito uttarī**”tiādi.

### Samādhikkhandhavaṇṇanā

**454.** Kasmā panettha thero samādhikkhandhaṃ puṭṭho indriyaṣaṃvarādike vissajjesi, nanu evaṃ sante aññaṃ puṭṭho aññaṃ byākaronto ambaṃ puṭṭho labujaṃ byākaronto viya hotīti īdisī codanā idha anokāsāti dassento “**kathañca māṇava bhikkhu...pe... samādhikkhandhaṃ dassetukāmo ārabhī**”ti āha, tenettha indriyaṣaṃvarādayopi samādhiupakāratam upādāya samādhikkhandhapakkhikāni uddiṭṭhānīti dasseti **rūpajjhānāneva āgatāni, na arūpajjhānāni** rūpāvacaracatutthajjhānadesanānantaram abhiññādesanāya avasaroti katvā. Rūpāvacaracatutthajjhānapādikā hi sapaṇibhaṇḍā chapi abhiññāyo. Lokiyā abhiññā pana sijjhamānā yasmā aṭṭhasu samāpattīsū cuddasavidhena cittaparidamanena vinā na ijjhanti, tasmā abhiññāsu desiyamānāsu arūpajjhānāni desitāneva honti nānantariyabhāvato, tenāha “**ānetvā pana dīpetabbāni**”ti. Vuttanayena desitāneva katvā saṃvaṇṇakehi pakāsetabbānīti attho. Aṭṭhakathāyaṃ pana “catutthajjhānaṃ upasampajja viharatī”ti imināva arūpajjhānāmpi saṅgahitanti dassetuṃ “**catutthajjhānena hī**”tiādi vuttaṃ. Catutthajjhānāni rūpavirāgabhāvanāvasena pavattaṃ “arūpajjhāna”nti vuccatīti.

**471-480. Na cittekkaggatāmatkamevāti** ettha heṭṭhā vuttanayānusārena attho veditabbo. Lokiyassa samādhikkhandhassa adhippetatā “**na citte...pe... atthī**”ti vuttaṃ. Ariya-saddo cettha suddhāriyāyo, na lokuttarāriyāyo. Tathā heṭṭhāpi lokiyābhiññāpaṭisaṃbhīdāhi vināva arahatte adhigate nattheva uttarimkāraṇīyanti sakkā vattum yadattham bhagavati brahmacariyaṃ vussati, tassa siddhattā. Idha pana lokiyābhiññāpi āgatā eva. Sesam suviññeyyameva.

Subhasuttavaṇṇanāya līnatthappakāsanā.

## 11. Kevaṭṭasuttavaṇṇanā

### Kevaṭṭagahapatiputtavattavaṇṇanā

**481. Pāvārikambavaneti** pāvārikasetṭhino ambabahule upavane. Taṃ kira so setṭhī bhagavato anucchavikaṃ gandhakuṭim, bhikkhusaṅghassa ca rattitṭhānadivāṭṭhānakuṭimaṇḍapādīni sampādetvā pakāraparikkhittaṃ dvārakoṭṭhakasampannaṃ katvā buddhappamukhassa saṅghassa niyyātesī, purimavohārena pana “pāvārikambavana”nti

vuccati, tasmim pāvārikambavane. **Kevaṭṭoti idaṃ tassa nāmaṃ** kevaṭṭehi saṃrakkhitatā, tesam vā santike saṃvaḍḍhitattāti keci. “Gahapatiṭṭassā”ti ettha kāmaṃ tadā so gahapatiṭṭhāne ṭhito, pitu panassa acirakālaṃkatatāya purimasamaññāya “gahapatiṭṭo” tveva voharīyati, tenāha “**gahapati mahāsālo**”ti. Mahāvibhavatāya mahāsāro, gahapati attho ra-kārassa la-kāraṃ katvā “mahāsālo sukhumālo aha”ntiādīsu (a. ni. 3.39) viya. **Saddhāsampannoti** pothujjanikāya saddhāya vasena saddhā samannāgato.

**Samiddhāti** sammadeva iddhā, iddhiyā vibhavasampattiyā vepullappattāti attho. “Ehi tvaṃ bhikkhu anvaddhamāsaṃ, anumāsaṃ, anusamvaccharaṃ vā manussānaṃ pasādāya iddhipāṭihāriyaṃ karohī”ti ekassa bhikkhuno āṇāpanaṃ tasmim ṭhāne tassa ṭhapanāṃ nāma hotīti āha “**ṭhānantare ṭhabetū**”ti. **Uttarimanussānaṃ dhammatoti** uttarimanussānaṃ buddhādīnaṃ adhiḡamadhammato. Niddhāraṇe cetam nissakkaṃ. Iddhipāṭihāriyañhi tato niddhāreti. **Manussadhammato uttarīti** pakatimanussadhammato upari. **Pajjalitapadīpoti** pajjalanto padīpo.

**482. Na dhamsemīti** guṇasampattito na cāvemi, tenāha “**sīlabheda**”ntiādi. **Vissāsaṃ vaḍḍhetvā** bhagavati attano vissatthabhāvaṃ brūhetvā vibhūtaṃ pākaṭaṃ katvā.

### Iddhipāṭihāriyavaṇṇanā

**483-4. Ādīnavanti** dosaṃ. **Gandhārīti cūlagandhārī**, mahāgandhārīti dve gandhārīvijjā. Tattha **cūlagandhārī** nāma tivassato oraṃ matānaṃ sattānaṃ upannaṭṭhānaṃ jānanavijjā. **Mahāgandhārī** tampi jānāti tato uttaripi iddhividhaññakappaṃ yebhuyyena iddhividhakiccaṃ sādheti. Tassā kira vijjāya sādako puggalo tādise desakāle mantāṃ parijappitvā bahudhāpi attānaṃ dasseti, hatthiādīniṃ dasseti, dassaniyopi hoti, agghambhampi karoti, jalathambhampi karoti, ākāsepi attānaṃ dasseti. Sabbaṃ indajālasadisam daṭṭhabbaṃ. **Aṭṭoti** dukkhito bādhitto, tenāha “**pīḷito**”ti.

### Ādesanāpāṭihāriyavaṇṇanā

**485. Kāmaṃ “cetasika”**nti padaṃ ye cetasi niyuttā cittena sampayuttā, tesam sādharāṇavacanāṃ, sādharāṇe pana gahite cittaviseso gahitova hoti, sāmāññajotānā ca visese avatiṭṭhatīti cetasikaggahaṇassa adhippāyaṃ vivaranto “**somanassadomanassaṃ adhippeta**”nti āha. Somanassaggahaṇe cettha tadekaṭṭhā rāgādayo, saddhādayo ca dassitā honti, domanassaggahaṇe dosādayo. Vitakkavicārā pana sarūpeneva dassitā. **Evaṃ tava manoti** iminā ākārena tava mano pavattoti attho. Kena pakārena pavattoti āha “**somanassito vā**”ntiādi. “**Evaṃ tava mano**”ti idaṃ pana somanassitatādīmattadassanaṃ, na pana yena yena somanassito vā domanassito vā, taṃ taṃ dassanaṃ. **Dutiyaṃti** “itthampi te mano”ti idaṃ. **Itipīti** ettha **īti**-saddo nidassanatto “atthīti kho, kaccāna, ayameko anto”ntiādīsu (saṃ. ni. 2.15; 3.90) viya, tenāha “**imañca imañca atthaṃ cintayamāna**”nti **pi**-saddo vuttatthasampiṇḍanatto. Parassa cintaṃ manati jānāti etenāti **cintāmaṇi**. Tassā kira vijjāya sādako puggalo tādise desakāle mantāṃ parijappitvā yassa cittaṃ jānitukāmo, tassa diṭṭhasutādivisesasañjānanamukhena cittācāraṃ anuminto kathetīti keci. Apare “vācaṃ niccharāpetvā tattha akkharasallakkhaṇavasenā”ti vadanti.

### Anusāsanīpāṭihāriyavaṇṇanā

**486. Pavattentāti** pavattanakā hutvā, pavattanavasenāti attho. “**Eva**”nti hi padaṃ yathānusiṭṭhāya anusāsanīyā vidhivasena, paṭisedhavasena ca pavattiākāraparāmasanaṃ, sā ca sammāvitakkānaṃ micchāvitakkānañca pavattiākāradassanavasena pavattati tattha ānisaṃsassa ādīnavassa ca vibhāvanatthaṃ. **Aniccaaññameva** na niccaaññanti attho. Paṭiyogīnivattanatthañhi **eva**-kāraggaṇaṃ. Idhāpi **evaṃ** saddaggahaṇassa attho, payojanañca vuttanayeneva vedītabbaṃ. **Idaṃ** gahaṇepi eseve nayo. **Pañcakāmaguṇikarāganti** nidassanamattaṃ daṭṭhabbaṃ, tadaññarāgassa, dosādīnañca pahānassa icchittatā, tappahānassa ca tadaññarāgādīkhepanassa upāyabhāvato tathā vuttaṃ duṭṭhalohitavimocanassa pubbaduṭṭhamasakhepanūpāyatā viya. **Lokuttaradhammamevāti** avadhāraṇaṃ paṭipakkhabhāvato sāvajjadhammanivattanaparaṃ daṭṭhabbaṃ tassādhiḡamūpāyānisamsabhūtānaṃ tadaññesaṃ anavajjadhammānaṃ nānantariyabhāvato. **Iddhividhaṃ iddhipāṭihāriyaṃ dasseti** iddhidassanena parasantāne pasādādīnaṃ paṭipakkhassa haraṇato. Iminā nayena sesapadadvayepi attho vedītabbo. **Satataṃ dhammadesanāti** sabbakālaṃ desetabbadhammadesanā.

**Iddhipāṭihāriyenāti** sahayoge karaṇavacanāṃ, iddhipāṭihāriyena saddhinti attho. **Ādesanāpāṭihāriyenāti** etthāpi eseve nayo. Dhammasenāpatissa āciṇṇanti yojanā. “**Cittācāraṃ ñatvā**”ti iminā ādesanāpāṭihāriyaṃ dasseti. “**Dhammaṃ desesi**”ti iminā anusāsanīpāṭihāriyaṃ “**buddhānaṃ satataṃ dhammadesanā**”ti anusāsanīpāṭihāriyassa tattha sātīsatāyā vuttaṃ. **Saupārambhāni** patirūpena upārambhitabbato. **Sadosāni** dosasamucchindanassa anupāyabhāvato. Sadosattā eva **addhānaṃ na tiṭṭhanti** cirakālaṭṭhāyīni na honti. **Addhānaṃ atīṭṭhanato na niyyantīti** phalena hetuno anumānaṃ. Anīyānikatāya hi tāni anaddhaniyāni. **Anusāsanīpāṭihāriyaṃ anupārambhaṃ** visuddhippabhāvato, visuddhinissayato ca. Tato eva **niddosaṃ**. Na hi tattha pubbāparavirodhādidosasambhavo. Niddosattā eva **addhānaṃ tiṭṭhati** paravādavātehi, kilesavātehi ca anupahantabbato. **Tasmāti** yathāvuttakāraṇato, tena saupārambhādīṃ, anupārambhādīṃ cāti ubhayaṃ ubhayattha yathākkamaṃ gārayhapāsaṃsabhāvānaṃ hetubhāvena paccāmasati.

### Bhūtanirodhesakavatthuvaṇṇanā

**487. Aniyyanikabhāvadassanattanti** yasmā mahābhūtapariyesako bhikkhu purimesu dvīsu pāṭihāriyesu vasippatto kusalopi samāno mahābhūtaṇaṃ aparisesanirodhasaṅkhātāṃ nibbānaṃ nāvabujjhi, tasmā tāni niyyānāvahatābhāvato aniyyanikānāti tesam aniyyanikabhāvadassanattam. Tatiyaṃ pana takkarassa ekantato niyyānāvahanti tasseva **niyyānikabhāvadassanattam**.

Evametissā desanāya mukhyapayojanaṃ dassetvā idāni anusaṅgikampi dassetuṃ “**apicā**”tiādi āraddham. **Mahābhūte pariyesantoti** aparisesaṃ nirujjhanavasena mahābhūte gavesanto, tesam anavasesanirodham vīmaṃsantoti attho. **Vicaritvāti** dhammatāya codiyamāno vicarivā. Dhammatāsiddham kiretaṃ, yadidaṃ tassa bhikkhuno tathā vicaraṇaṃ, yathā abhijātiyaṃ mahāpathavikampādi. **Mahantabhāvappakāsanaṭṭanti** sadevake loke anaññasādhāraṇassa buddhānaṃ mahantabhāvassa mahānubhāvātāya dīpanattam. **Idaṅca kāraṇanti** sabbesampi buddhānaṃ sāsane tdiso eko bhikkhu tadānubhāvappakāsano hotīti idampi kāraṇaṃ dassento.

**Katthāti** nimitte bhummaṃ, tasmā **katthāti** kismiṃ ṭhāne kāraṇabhūte. **Kim āgammāti** kim ārammaṇaṃ paccayabhūtaṃ adhigantvā, tenāha “**kim pattassā**”ti. **Teti** mahābhūtā. **Appavattivasenāti** anuppajjanavasena. **Sabbākārenāti** vacanattalakkhaṇādisamuṭṭhānakalāpacuṇṇanānattekattavinibbhogāvīnibbhoga-sabhāgavisabhāgaajjhātikabāhiraṅgahapaccayasamannāhārapaccayavibhāgākārato, sasambhārasaṅkhepasasambhāravibhattisalakkhāṇasaṅkhepasalakkhānavibhattiākārato cāti sabbena ākārena.

**488.** Dibbanti ettha pañcahi kāmagaṇehi samaṅgībhūtā hutvā vicaranti, kīlanti, jotanti cāti devo, devaloko. Taṃ yanti upagacchanti etenāti **devayāniyo**. **Vasaṃ vattentoti** ettha **vasavattanaṃ** nāma yathicchitaṭṭhānagamaṇaṃ. Cattāro mahārājāno etesaṃ issarāti **cātumahārājikā** yā devatā maggaphalalābhino tā tamattam ekadesena jāneyyūṃ buddhavisayo panāyaṃ pañhoti cintetvā “na jānāmā”ti āhaṃsu, tenāha “**buddhavisaye**”tiādi. Ajjhottharaṇaṃ nāmettha nippīlananti āha “**punappunaṃ pucchati**”ti. **Abhikkantatarāti** rūpasampattiyā ceva paññāpaṭibhānādiguṇehi ca amhe abhibhuyya paresaṃ kāmaṇiyatarā. **Pañitatarāti** ulāratarā, tenāha “**uttamatarā**”ti.

**491-3. Devayāniasadiso** iddhividhañāṇasseva adhippetattā. “**Devayāniyamaggoti vā ...pe... sabbametaṃ iddhividhañāṇasseva nāma**”nti idaṃ pāliyaṃ aṭṭhakathāsu ca tatha tatha āgataruḥhivasena vuttaṃ.

**494. Āgamanapubbabhāge nimittanti** brahmuno āgamanassa pubbabhāge uppajjananimittaṃ. **Pāturaḥosīti** āvi bhavi. **Pākaṭo aḥosīti** pakāso aḥosi.

**497. Padesenāti** ekadesena, upādinnaḥkavasena, sattasantānapariyāpannenāti attho. **Anupādinnaḥkepīti** anindriyabaddhepi. **Nippadesato** anavasesato. **Pucchāmūḥhassāti** pucchituṃ ajānantassa. **Pucchāya dosaṃ dassetvāti** tena katapucchāya pucchitākāre dosaṃ vibhāvetvā. Yasmā vissajjanaṃ nāma pucchānurūpaṃ pucchāsabhāgena vissajjetabbato, na ca tathāgatā virajjhivā katapucchānurūpaṃ vissajjenti, atthasabhāgatāya ca vissajjanassa pucchakā tadattam anavabujjhantā sammuyhanti, tasmā pucchāya sikkhāpanaṃ buddhāciṇṇaṃ, tenāha “**puccham sikkhāpetvā**”tiādi.

**498. Appatitthāti** appaccayā, sabbaso samucchinnakāraṇāti attho. **Upādinnaṃ yevāti** indriyabaddhameva. Yasmā ekadisābhimukhaṃ santānavasena saṅṭhite rūpappabandhe dīghasamaññā taṃ upādāya tato appake rassasamaññā tadubhayaṅca visesato rūpaggahaṇamukhena gayhati, tasmā āha “**dīghaṅca rassañcāti saṅṭhānavasena upādārūpaṃ vutta**”nti. Appaparimāṇe rūpasāṅghāte aṅusamaññā, taṃ upādāya tato mahati thūlasamaññā. Idampi dvayaṃ visesato rūpaggahaṇamukhena gayhati, tenāha “**imināpi**”tiādi. **Pi-saddena** cettha “saṅṭhānavasena upādārūpaṃ vutta”nti etthāpi vaṇṇamattameva kathitanti imamattham samuccinatīti vadanti. **Subhanti** sundaraṃ, iṭṭhanti attho. **Asubhanti** asundaraṃ, aniṭṭhanti vuttaṃ hoti. Tenevāha “**iṭṭhāniṭṭhārammaṇaṃ panevaṃ kathita**”nti. Dīghaṃ rassaṃ, aṇuṃ thūlaṃ, subhāsuhanti tīsu ṭhānesu upādārūpasseva gahaṇaṃ, bhūtarūpaṇaṃ visuṃ gahitattā. **Nāmaṃti** vedanādikkhandhacattukkaṃ tañhi ārammaṇābhimukhaṃ namanato, nāmakaraṇato ca “nāma”nti vuccati. Heṭṭhā “dīghaṃ rassa”ntiādinā vuttameva idha ruppanaṭṭhena “rūpa”nti gahitanti āha “**dīghādibhedam rūpañcā**”ti. **Dīghādīti** ca **ādi-saddena** āpādānaṅca saṅgaho daṭṭhabbo. Yasmā vā dīghādisamaññā na rūpāyatanavattukāva, atha kho bhūtarūpavattukāpi. Tathā hi saṅṭhānaṃ phusanaṃmukhenapi gayhati, tasmā dīgharassādiggahaṇena bhūtarūpampi gayhatevāti “dīghādibhedam rūpa”micceva vuttaṃ. **Kim āgammāti** kim adhigantvā kissa adhigamāhetu. “**Uparujjhati**”ti idaṃ anuppādanirodhaṃ sandhāya vuttaṃ, na khaṇanirodhanti āha “**asesametaṃ nappavattati**”ti.

**499. Viññātabbanti** visiṭṭhena ñātabbaṃ, ñāṇuttamena ariyamaggañāṇena paccakkhato jānitabbanti attho, tenāha “**nibbānassetam nāma**”nti. Nidissatīti nidassanaṃ, cakkhuvīññeyyaṃ. Na nidassanaṃ **anidassanaṃ**, acakkhuvīññeyyanti etamattham vadanti. Nidassanaṃ vā upamā, taṃ etassa natthīti **anidassanaṃ**. Na hi nibbānassa niccassa ekassa accantasantapaṇītasabhāvassa sadisaṃ nidassanaṃ kutoci labbhatīti. Yaṃ ahutvā sambhoti, hutvā paṭiveti taṃ saṅkhatam udayavayantehi saantaṃ, asaṅkhatassa pana nibbānassa niccassa te ubhopi antā na santi, tato eva navabhāvāpagamasāṅkhāto jarantopi tassa natthīti āha “**uppādanto...pe... ananta**”nti. “Titthassa nāma”nti vatvā tatha nibbanaṃ dassetuṃ

“**papanti etthāti papa**”nti vuttaṃ. Ettha hi papanti pānatitthaṃ. **Bha-kāro kato** niruttinayena. Visuddhaṭṭhena vā **sabbatopabhaṃ**, kenaci anupakkiliṭṭhatāya samantato pabhassaranti attho. Yena nibbānaṃ adhigataṃ, taṃ santatipariyāpanānaṃyeva idha anuppādanirodho adhippetoti vuttaṃ “**upādinnakadhammajātaṃ nirujjhati appavattaṃ hoti**”ti.

**Tatthāti** “viññāṇassa nirodhenā”ti yaṃ padaṃ vuttaṃ, tasmim. “**Viññāṇa**”nti viññāṇaṃ uddharati vibhattabbattā **etthetaṃ uparujjhati**ti etasmim nibbāne etaṃ nāmarūpaṃ carimakaviññāṇanirodhena anuppādasena nirujjhati anupādisesāya nibbānadhātuyā, tenāha “**vijjhātadīpasikhā viya apaṇṇattikabhāvaṃ yāti**”ti. “Carimakaviññāṇa”nti hi arahato cuticittaṃ adhippetam. “**Abhisankhāravīññāṇassāpi**”tiādināpi saupādisesanibbānamukhena anupādisesanibbānameva vadati nāmarūpassa anavasesato uparujjhanassa adhippetattā, tenāha “**anuppādasena uparujjhati**”ti. **Sotāpattimaggāñāṇenāti** kattari, karaṇe vā karaṇavacanaṃ. **Nirodhenāti** pana hetumhi. **Etthāti** etasmim nibbāne. Sesametta yaṃ atthato na vibhattaṃ, taṃ suviññeyyameva.

Kevaṭṭasuttavaṇṇanāya līnatthappakāsana.

## 12. Lohicasuttavaṇṇanā

### Lohiccabrāhmaṇavatthuvaṇṇanā

**501. Sālavatikāti** itthilingavasena **tassa gāmassa nāmaṃ**. Gāmaṇikābhāvenāti keci. Lohito nāma tassa kule pubbapuriso, tassa vasena **lohiccoti tassa brāhmaṇassa** gottato āgataṃ **nāmaṃ**.

**502.** “Dīṭṭhigata”nti laddhimattaṃ adhippetanti āha “**na pana ucchedasassatānaṃ aññatara**”nti. Na hi ucchedasassatagāhavinimutto koci dīṭṭhigāho atthi. “**Bhāsati yevā**”ti tassā laddhiyā loke pākāṭabhāvaṃ dasseti. Attato aññā paroti yathā anusāsakato anusāsitaḥ parō, evaṃ anusāsitaḥ parōti anusāsako paroti vuttaṃ “**paro parassāti paro yo**”tiādi. **Kim**-saddāpekkhāya cettha “**karissati**”ti anāgatakālavacanaṃ, anāgatepi vā tena tassa kātabbaṃ natthīti dassanattaṃ. **Kusalaṃ dhammanti** anavajjadhammaṃ nikkilesadhammaṃ vimokkhadhammanti attho. “**Paresaṃ dhammaṃ kathessāmī**”ti tehi attānaṃ parivārāpetvā vicaraṇaṃ kim atthiyaṃ āsayabuddhassāpi anurodhena vinā taṃ na hotīti tasmā **attanā paṭiladdhaṃ...pe... vihātābanti vadati**. Tenāha “evaṃ sampadamidaṃ pāpakaṃ lobhadhammaṃ vadāmī”ti.

**504.** Soti lohico brāhmaṇo.

**508. Kathāphāsukatthanti** kathāsukatthaṃ, sukhena kathaṃ kathetuñceva sotuñcāti attho. **Appeva nāma siyāti** ettha pītivasena āmedītaṃ daṭṭhabbaṃ. Tathā hi taṃ “**buddhagajjita**”nti vuccati. Bhagavā hi īdisesu ṭhānesu visesato pītisomanassajāto hoti. Tenāha “**ayaṃ kirettha adhippāyo**”tiādi.

### Lohiccabrāhmaṇānuyogavaṇṇanā

**509. Samudayaśāñjātīti** āyuppādo. Anupubbo kampī-saddo ākaṅkhanattho hotīti “**icchatīti attho**”ti vuttaṃ. Sātisayena vā hitena anukampako anuggaṇhanako **hitānukampī**. **Sampajjati** āsevanalābhena nippajjati balavatī hoti, avaggahāti attho, tenāha “**niyatā hoti**”ti. **Niraye nibbattati** micchādīṭṭhiko.

**510-11. Dutiyaṃ upapattinti** “nanu rājā pasenadī kosalo”tiādinā dutiyaṃ upapattiṃ sādhanayuttiṃ. Kāraṇāñhi bhagavā upamāmukhena dasseti. **Ye cimetī** ye ca ime kulaputtā dibbā gabbhā paripācentīti yojanā. **Asakkuṇantā** upanissayasampattiyā, nāṇaparipākassa vā abhāvena. Ye pana “paripaccanti”ti paṭhanti, tesam “dibbe gabbhe”ti vacanavipallāsena payojanaṃ natthi. Attho ca dutiyavikappe vuttanayena vedītabbo. Ahitānukampitā ca taṃsamaṅgisattavasena. Divi bhavāti **dibbā**. Gabbhenti paripaccanavasena santānaṃ pabandhentīti **gabbhā**. “**Channaṃ devalokāna**”nti nidassanavacanametam. Brahmālokassāpi hi dibbagabbhabhāvo labbhateva dibbavīhārahētukattā. Evañca katvā “bhāvanāṃ bhāvayamānā”ti idampi vacanaṃ samatthitaṃ hoti. Bhavanti ettha yathārucci sukhasamappitāti bhavā, vimānāni. Devabhāvāvahattā **dibbā**. Vuttanayeneva **gabbhā**. **Dānādayo** devalokasaṃvattaniyapuññavisesā. **Dibbā bhavāti** devalokapariyāpannā upapattibhavā. Tadāvaho hi kammabhavo pubbe gahito.

### Tayocodanārahavaṇṇanā

**513. Aniyamitenevāti** aniyameneva “**tvam evaṃdīṭṭhiko evaṃ sattānaṃ anattassa kāraḥ**”ti evaṃ anuddesikeneva. **Mānanti** “ahametaṃ jānāmi, ahametaṃ passāmī”ti evaṃ paṇḍitamānaṃ. **Bhinditvāti** vidhametvā, jahāpetvāti attho. **Tayo satthāreti** asampāditaattahito anovādakarasāvako, asampāditaattahito ovādakarasāvako, sampāditaattahito anovādakarasāvakoti ime tayo satthāre. Catuttho pana sammāsambuddho na codanāraho hotīti “tena pucchite eva kathessāmī”ti codanārahe tayo satthāre paṭhamam dassesi, pacchā catuttham satthāraṃ. Kāmañcetta catuttho satthā eko

adutiyo anaññasādhāraṇo, tathāpi so yesaṃ uttarimanussadhammānaṃ vasena “dhammamayo kāyo”ti vuccati, tesam samudāyabhūtopi te guṇāvayave satthuṭṭhāniye katvā dassento bhagavā “āyampi kho, lohicca, satthā”ti abhāsi.

**Aññāti** ya-kāralopena niddeso “sayam abhiññā”ti ādisu (dī. ni. 1.28, 37, 52; ma. ni. 1.284; 2.341; a. ni. 2.5; 10.11; mahāva. 11; dha. pa. 353; kathā. 405) viya. **Aññāyāti** ca tadatthiye sampadānavacananti āha “**ājānanatthāyā**”ti. Sāvakkattam paṭijānitvā thitattā ekadesenassa sāsanam karontīti āha “**nirantaram tassa sāsanam akatvā**”ti. **Ukkamitvā vattantīti** yathicchitam karontīti attho. **Paṭikkamantiyāti** anabhiritiyā agāravena apagacchantiyā, tenāha “**anicchantiyā**”tiādi. **Ekāyāti** ekāya itthiyā. **Eko iccheyyāti** eko puriso tāya anicchantiyā sampayogaṃ kāmeyya. Osakkanādimukhena itthipurisasambandhanidassanaṃ gehasitaapekkhāvasena tassa satthuno sāvakesu paṭipattīti dasseti. Ativiya virattabhāvato **daṭṭhumpi anicchamānaṃ. Lobhenāti** parivārasena uppajjanakalābhasakkāralobhena. **Tattha sampādehīti** tasmim paṭipattidhamme paṭiṭṭhitam katvā sampādehi. **Ujūṃ karohi** kāyavaṅkādivigamena.

**515. Evaṃ codanaṃ arahatīti** evaṃ vuttanayena sāvakesu apposukkabhāvāpādane niyojanavasena codanaṃ arahati, na paṭhamo viya “evarūpo tava lobhadhammo”tiādinā, na ca dutiyo viya “attānameva tāva tattha sampādehi”tiādinā. Kasmā? Sampāditaattahitāyā tatiyassa.

### Nacodanārahasatthuvaṇṇanā

**516.** “Na codanāraho”ti ettha yasmā codanārahatā nāma satthuvippaṭipattiyā vā sāvakavippaṭipattiyā vā ubhayavippaṭipattiyā vā, tayidaṃ sabbampi imasmim satthari natthi, tasmā na codanārahoti imamattham dassetuṃ “**ayañhi**”tiādi vuttaṃ.

**517. Mayā gahitāya diṭṭhiyāti** sabbaso anavajje sammāpaṭipanne paresam sammadeva sammāpaṭipattim dessente satthari abhūtadosāropanavasena micchāgahitāya nirayagāminiyā pāpadiṭṭhiyā. **Narakapapātanti** narakasaṅkhātāṃ mahāpapātāṃ. Papatanti tatthāti hi papāto. **Saggamaggathaleti** saggagāmmaggabhūte puññadhammathale. Sesam suviññeyyameva.

Lohiccasuttavaṇṇanāya līnatthappakāsānā.

## 13. Tevijjasuttavaṇṇanā

**518. Uttarenāti** ettha **ena**-saddo disāvācīsaddato pañcamāntato adūratho icchito, tasmā uttarena-saddena adūrathajotanaṃ dassento “**adūre uttarapasse**”ti āha. Akkharacintakā pana ena-saddayoge avadhivācini pade upayogavacanāṃ icchanti. Attho pana sāmivaseneva icchitoti idha sāmivacanavaseneva vuttaṃ.

**519. Kulacārittādīti ādi**-saddena mantajjhenābhirūpatādisampattim saṅganhāti. **Mantasajjhāyakaṇṇatthanti** āthabbaṇamantānaṃ sajjhāyakaṇṇattham, tenāha “**aññesaṃ bahūnaṃ pavesanaṃ nivāretvā**”ti.

### Maggāmaggakathāvaṇṇanā

**520. “Jaṅghacāra”**nti caṅkamato ito cito ca caraṇamāha. So hi jaṅghāsu kilamathavinodanatto cāroti tathā vutto. Tenāha “anucaṅkamantānaṃ anuvicarantāna”nti. **Tenāti** ubhosupi anucaṅkamanānuvicāraṇānaṃ labbhanato. Sahāyā hi te aññamañña sabhāgavuttikā. “Maggo”ti icchitaṭṭhānaṃ ujukaṃ maggati upagacchati etenāti maggo, ujumaggo. Tadañño amaggo, tasmim **magge ca amagge ca. Paṭipadanti** brahmalokagāmmaggassa pubbhāgapaṭipadaṃ.

Niyyātīti niyyāniyo, so eva “**niyyāniko**”ti vuttoti āha “**niyyāyanto**”ti. Yasmā niyyātapuggalavaseneva niyyānikabhāvo, tasmā “niyyāyanto”ti puggalassa yoniso paṭipajjanavasena niyyāyanto maggo “**niyyātī**”ti vutto. **Karotīti** attano santāne uppādeti. Uppādentoyeva hi tattha **paṭipajjati** nāma. Saha byeti vattatīti sahabyo, sahavattanako. Tassa bhāvo **sahabyatīti** āha “**sahabhāvāyā**”tiādi. Sahabhāvoti ca salokatā, samīpatā vā veditabbā, tenāha “**ekattāhane pātubhāvāyā**”ti. **Sakameva ācariyavādanti** attano ācariyena pokkharasātinaṃ kathitameva ācariyavādaṃ. **Thometvā paggaṇhitvā** “ayameva ujumaggo ayamañjasāyano”ti pasamsitvā ukkaṃsitvā. **Bhāradvājopi sakamevāti** bhāradvājopi māṇavo attano ācariyena tārukkhena kathitameva ācariyavādaṃ thometvā paggaṇhitvā vicaratīti yojanā. **Tena vuttanti** tena yathā tathā vā abhinivīṭṭhabhāvena vuttaṃ pāliyaṃ.

**521-2. Aniyānikā vāti** appāṭihāriyāva aññamaññassa vāde dosaṃ dassetvā aviparītatthadassanattham uttararahitā eva. Aññamaññassa vādassa ādito viruddhaggahaṇaṃ **viggaho**, sveva vivadanavasena aparāparaṃ uppanno **vivādōti** āha “**pubbuppattiko viggaho aparabhāge vivādō**”ti. **Duvidhopi eso** viggaho, vivādōti dvidhā vuttoti virodho. **Nānācariyānaṃ vādatoti** nānārucikānaṃ ācariyānaṃ vādabhāvato. **Nānāvādō** nānāvīdho vādōti katvā.

**523. Ekassāpīti** tumhesu dvīsu ekassāpi. **Ekasminti** sakavādaparavādesu ekasmimpi. **Samśayo natthīti** “maggo nu kho, na maggo nu kho”ti samśayo vicikicchā natthi. Añjasāyanabhāve pana samśayo. Tenāha “esa kirā”tiādi. Bhagavā pana yadi sabbattha maggasaññino, **evaṃ sati “kismiṃ vo viggaho”ti pucchati.**

**524.** “Icchitaṭṭhānaṃ ujukaṃ maggati upagacchati etenāti maggo, ujumaggo. Tadañño amaggo”ti vutto vāyamattho. **Sabbe teti** sabbepi te nānācariyehi vuttamaggā.

Ye pāḷiyam “addhariyā brāhmaṇā”tiādinā vuttā. Addharo nāma yaññaviseso, tadupayogibhāvato “addhariyā” tveva vuccanti yajūni, tāni sajjhāyantīti **addhariyā**, yajubbedino. Ye ca tittiriisinā kate mante sajjhāyanti, te **tittiriya**, yajubbedino eva. Yajubbedasākhā hesā, yadidaṃ tittiraṃ. Chando vuccati visesato sāmavedo, taṃ sarena kāyantīti **chandokā**, sāmavedino. **“Chandogā”**tipi paṭhanti, so evattho. Bahavo irayo etthāti bāvāri, irubbedo. Taṃ adhiyantīti **bāvāriyā**.

“Bahūni”ti etthāyaṃ upamāsamsandanā – yathā te nānāmaggā ekaṃsato tassa gāmassa vā nigamassa vā pavesāya honti, evaṃ brāhmaṇehi paññāpiyamānāpi nānāmaggā brahmalokūpagamanāya brahmunā sahabyatāya ekaṃseneva hontīti.

**527-529. Va-kāro āgamasandhimattanti** anattako va-kāro, tena vaṇṇāgamena padantarasandhimattaṃ katanti attho. **Andhapaveṇīti** andhapanti. **“Paññāsasatthi andhā”**ti idaṃ tassā andhapaveṇiyā mahato gacchagumbassa anuparigamanayogyatādasanaṃ. Evañhi te “suciraṃ velaṃ maggaṃ gacchāmā”ti evaṃ saññino honti. **Nāmakāmyevāti** atthābhāvato nāmamattaṃyeva, taṃ pana bhāsitaṃ tehi sārasaññitampi nāmamattatāya asārabhāvato nihīnamevāti āha **“lāmakāmyevā”**ti.

**530. Yatoti** bhummatthe nissakkavacanaṃ, sāmāññajotanaṃ ca visese avatiṭṭhatīti āha **“yasmim kāle”**ti. **Āyācantīti** patthenti. Uggamaṃ lokassa bahukārabhāvato tathā thomanāti. Ayaṃ kira brāhmaṇānaṃ laddhi “brāhmaṇānaṃ āyācanāya candimasūriyā gantvā loke obhāsaṃ karontī”ti.

**532. Idha pana kiṃ vattabbanti** imasmim pana appaccakkhabhūtassa brahmuno sahabyatāya maggadesane tevijjānaṃ kiṃ vattabbaṃ atthi, ye paccakkhabhūtānampi candimasūriyānaṃ sahabyatāya maggaṃ desetum na sakkontīti adhippāyo. **“Yatthā”**ti “idha panā”ti vuttamevatthaṃ paccāmasati.

#### Aciravatīnadīupamākathāvaṇṇanā

**542. Samabharitāti** sampuṇṇā. Tato eva **kākaṇṇāyā. Pārāti** paratiraṃ. **Apāranti** orimatiraṃ. **Ehīti** āgaccha.

**544. Pañcasīla...pe... veditabbā** yamaniyamādibrāhmaṇadhammānaṃ tadantogadhabhāvato. **Tabbiparītāti** pañcasīlādīviparītā pañca verādayo. “Punapī”ti vatvā **“aparampī”**ti vacanaṃ itarāyapi nadi upamāya saṅgaṇhanatthaṃ.

**546. Kāmayitabbaṭṭhenāti** kāmanīyabhāvena. **Bandhanaṭṭhenāti** teneva kāmetabbabhāvena sattānaṃ cittassa ābandhanabhāvena. Kāmañcāyaṃ **guṇa**-saddo atthantaresupi diṭṭhappayogo, tesam panettha asambhavato pārisesaññāyena bandhanaṭṭheya yuttoti dassetuṃ **“anujānāmī”**tiādinā atthuddhāro āradhdo, **esevāti** bandhanaṭṭho eva. Na hi rūpādīnaṃ kāmetabbabhāve vuccamāne paṭalaṭṭho yujjati tathā kāmetabbatāya anadhippetattā. Rāsaṭṭhaññisamsaṭṭhesupi eseva nayo tathāpi kāmetabbatāya anadhippetattā. Pārisesato pana bandhanaṭṭho gahito. Yadaggena hi nesam kāmetabbatā, tadaggena bandhanabhāvo cāti.

Koṭṭhāsaṭṭhopi tesu yujjateva cakkhuvīññeyyādikoṭṭhāsabhāvena nesam kāmetabbato. Koṭṭhāse ca guṇa-saddo dissati **“diguṇaṃ vaḍḍhetabba”**ntiādisu, sampadāṭṭhopi –

“Asañkhyeyyāni nāmāni, saguṇena mahesino;

Guṇena nāmamuddheyyaṃ, api nāmasahassato”ti. (dha. sa. aṭṭha. 1313; udā. aṭṭha. 53; paṭi. ma. aṭṭha. 76);

Ādisu sopi idha na yujjati anuddhaṭo.

**Cakkhuvīññeyyāti** cakkhuvīññāyena vijānitabbā, tena pana vijānanaṃ dassanamevāti āha **“passitabbā”**ti. “Sotaviññāyena sotabbā”ti evamādi **etenupāyenāti** atidisati. Gavesitampi **“iṭṭha”**nti vuccati, taṃ idha nādhippetanti āha **“pariyiṭṭhā vā hontu mā vā”**ti. **Iṭṭhārammaṇabhūtāti** sukhārammaṇabhūtā. **Kāmanīyāti** kāmetabbā. Iṭṭhabhāvena manaṃ appāyantīti **manāpā. Piyaṇātikāti** piyasabhāvā.

**Gedhenāti** lobhena abhibhūtā hutvā pañcakāmaguṇe paribhuñjantīti yojanā. **Mucchākāranti** mohanākāraṃ. **Adhiosannāti** adhiggayha ajjhosāya avasannā, tenāha **“ogāḷhā”**ti. **Pariniṭṭhānappattāti** gilivā pariniṭṭhāpanavasena pariniṭṭhānaṃ upagatā. **Ādinavanti** kāmaparibhoge sampati, āyatīfca dosaṃ **apassantā.** Ghāsacchādanādisambhoganimittasamkilesato nissaranti apagacchanti etenāti nissaraṇaṃ, yoniso paccavekkhitvā tesam

paribhogapañña. Tadabhāvato **anissaraṇapañña**ti imamattam dassento “**idametthā**”tiādimāha.

**548-9. Āvarantī**ti kusallappavattim āditova nivārentī. **Nivārentī**ti niravasesato vārayanti. **Onandhantī**ti ogāhantā viya chādentī. **Pariyonandhantī**ti sabbaso chādentī. **Āvaraṇādīnaṃ vasenā**ti āvaraṇādīatthānaṃ vasena. Te hi āsevanabalavatāya purimapurimehi pacchimacchimā dalhataratamādibhāvappattā vuttā.

### Samsandanakathāvaṇṇanā

**550.** Itthipariggahe sati purisassa pañcakāmaguṇapariggaho paripuṇṇo eva hotīti vuttam “**sapariggahoti itthipariggahena sapariggaho**”ti. “**Itthipariggahena apariggaho**”ti ca idaṃ tevijjabrahmaṇesu dissamānapariggahānaṃ duṭṭhullatamapariggahābhāvadassanaṃ. Evaṃbhūtaṃ tevijjānaṃ brāhmaṇānaṃ kā brahmunā samsandanā, brahmā pana sabbena sabbam apariggahoti. **Veracittena avero**, kuto etassa verappayogoti adhippāyo. **Cittagelaññasāṅkhātenā**ti cittuppādagelaññasāññitena, tenassa sabbarūpakāyagelaññabhāvo vutto hoti. **Byāpajjenā**ti dukkhena. **Uddhaccakukkucādīhī**ti ādi-saddena tadekaṭṭhā saṃkilesadhammā saṅgayhanti. Appaṭipattihetubhūṭāya vicikicchāya sati na kadāci cittaṃ purisassa vase vattati, paññāya pana siyā vasavattananti āha “**vicikicchāya abhāvato cittaṃ vase vatteti**”ti. **Cittagatikā**ti cittavasikā, tenāha **cittassa vase vattanti**”ti. **Na tādisoti** brāhmaṇā viya cittavasiko na hoti, atha kho vasībhūtajjhānābhīññatāya cittaṃ attano vase vatteti **vasavattī**.

**552. Brahmālokamaggeti** brahmālokaḡamimagge paṭipajjitabbe, paññapetabbe vā, tam paññapentāti adhippāyo. **Upagantvā**ti amaggameva “maggo”ti micchāpaṭipajjanena upagantvā, paṭijānitvā vā. **Pañkam otiṇṇā viyā**ti matthake ekaṅgulaṃ vā upaḍḍhaṅgulaṃ vā sukkhatāya “samatala”nti saññāya anekaporisaṃ mahāpañkam otiṇṇā viya. **Anuppavisantī**ti apāyamaggaṃ brahmālokamaggasaññāya ogāhayanti. Tato eva **samsīditvā visādam pāpuṇanti. Evanti** “samatala”ntiādinā vuttanayena. **Samsīditvā**ti nimmuḡitvā. **Sukkhatarāṇam maññe tarantī**ti sukkhanaditarāṇam taranti maññe. **Tasmā**ti yasmā tevijjā amaggameva “maggo”ti upagantvā samsīdanti, tasmā. **Yathā teti yathā** te “samatala”nti saññāya pañkam otiṇṇā. **Idheva cāti** imasmīṅca attabhāve. **Sukham vā sātā vā na labhanti**ti jhānasukham vā vipassanāsātā vā na labhanti, kuto maggasukham vā nibbānasātā vāti adhippāyo. **Maggadīpakanti** maggadīpakābhimatā. “**Iriṇa**”nti araññāniyā idaṃ adhivacananti āha “**agāmakaṃ mahārañña**”nti. Mīgaruruādinampi **anupabhogaruḡkhehi. Parivattitumpi na sakkā honti** mahākaṇṭakatāya. Nātinam byasanaṃ vināso **ñātibyasanaṃ**. Evaṃ **bhogasīlabyasanaṃ**ti veditabbāni. Rogo eva byasati vibādhatīti **rogabyasanaṃ**. Evaṃ **diṭṭhibyasanaṃ**ti daṭṭhabbam.

**554. Jātasamvaḍḍhoti** jāto hutvā samvaḍḍhito. **Na sabbaso paccakkhā honti** paricayābhāvato. **Ciranikkhantoti** nikkhanto hutvā cirakālo. **Dandhāyitattanti** vissajjane mandattam saṅkavutti, tam pana samsayavasena cirāyanaṃ nāma hotīti āha “**kañkhāvasena cirāyitatta**”nti. **Vitthāyitattanti** sārājittattam. Aṭṭhakathāyaṃ pana vitthāyittattam nāma chambhitattanti adhippāyena “**thaddhabhāvaggahaṇa**”nti vuttam.

**555.** U-iti upasaggayoge **lumpa**-saddo uddharaṇattho hotīti “**ullumpatū**”ti padassa **uddharatū**ti atthamāha. Upasaggavasena hi dhātu-saddā atthavisesavuttino honti yathā “uddharatū”ti.

### Brahmālokamaggadesanāvaṇṇanā

**556.** Yassa atisayena balaṃ atthi, so “**balavā**”ti vuttoti āha “**balasampanno**”ti. Saṅkham dhamayāti **sañkhadhamako**, tam dhamayitvā tato saddapavattako. **Appanāva vaṭṭati** paṭipakkhato sammadeva cetaso vimuttibhāvato.

**Pamāṇakataṃ kammaṃ nāma kāmāvacaraṃ** pamāṇakarānaṃ saṃkilesadhammānaṃ avikkhambhanaṃ. Tathā hi tam brahmavihārapubbabhāgabhūtaṃ pamāṇaṃ atikkamitvā odissakaanodissakadisāpharaṇavasena vaḍḍhetum na sakkā. Vuttavipariyāyato pana **appamāṇakataṃ kammaṃ nāma rūpārūpāvacaraṃ**, tenāha “**tañhi**”tiādi. Tattha arūpāvacare odissakānodissakavasena pharaṇaṃ na labbhati, tathā disāpharaṇaṃ.

Keci pana tam āgamanavasena labbhatīti vadanti, tadayuttam. Na hi brahmavihāranissando āruppaṃ, atha kho kasiṇanissando, tasmā yaṃ suvibhāvitaṃ vasībhāvaṃ pāpitaṃ āruppaṃ, tam “**appamāṇakata**”nti vuttanti daṭṭhabbam. Yaṃ vā sātisayaṃ brahmavihārabhāvanāya abhisāṅkhatena santānena nibbattitaṃ, yañca brahmavihārasamāpattito vuṭṭhāya samāpannaṃ arūpāvacarajjhānaṃ, tam iminā pariyaṇena pharaṇappamāṇavasena **appamāṇakatanti** vattum vaṭṭatīti apare. Vīmaṃsitvā gahetabbam.

**Rūpāvacarārūpāvacarakammeti** rūpāvacarakamme, arūpāvacarakamme ca sati. **Na ohīyati na tiṭṭhatī**ti katūpacitampi kāmāvacarakammaṃ yathādhigate mahaggatajjhāne aparihīne tam abhibhavitvā paṭibāhitvā sayam ohīyakaṃ hutvā paṭisandhiṃ dātum samatthabhāve na tiṭṭhati. **Laggitunti** āvaritum nisedhetum. **Ṭhātunti** paṭibalo hutvā ṭhātum. **Pharitvā**ti paṭipharitvā. **Pariyādiyitvā**ti tassa sāmattiyam khetvā. Kammaṃ pariyaḡiyaṇaṃ nāma tassa vipākuppādanaṃ nisedhetvā attano vipākuppādananti āha “**tassa vipākaṃ paṭibāhitvā**”tiādi. **Evaṃ mettādivihārī**ti evaṃ vuttānaṃ mettādīnaṃ brahmavihāraṇaṃ vasena mettādivihārī.

**559. Aggaññasutte...pe... alathhanti** aggaññasutte āgatanayena upasampadañceva arahattañca alaththum paṭilabhiṃsu. Sesam suviññeyyameva.

Tevijjasuttavaṇṇanāya līnatthappakāsānā.

Niṭṭhitā ca terasasuttapaṭimaṇḍitassa sīlakkhandhavaggassa atthavaṇṇanāya

Līnatthappakāsānāti.

Sīlakkhandhavaggaṭīkā niṭṭhitā.